






2 vols. in 1

E20

*The Collection  
of Consul Smith*



THE J. PAUL GETTY MUSEUM LIBRARY



GORI, ANTONIO FRANCISCO.

*Dactyliotheca Smithiana*. . . , Venetiis: Ex Typographio J. B. Pasqualii, 1767.

2 vols in 1. Folio [3]ff.; 3; xix; ccxcviii pp. [i]f. 97pp.; 100 engraved plates of gems (text of vol. 1 misbound after title page of vol. 2 and vice versa). With separate title pages for each volume and frontispiece engraved plate of King George III. Many plates inscribed G. Batta Brustolon and Z. B. Brustolon. Full calf, gilt ornamented spine with red morocco label (skillfully rebacked).

\$ 875.00

First Edition of a scarce work on engraved gems based upon the collection of Joseph Smith, Consul to Venice in the 18th century. This splendid book was produced in Venice at the expense of George III who purchased Smith's important collection. "Vol. I contains drawings of 100 gems, chiefly cinque-cento camei, beautifully engraved, each on a separate plate. . . Vol. II, Gori's "*Dissertatio Glyptographica*," [is] valuable for its notices of the modern artists." — C.W. King. *Antique Gems and Rings*, " v. 2.













GEORGIO TERTIO MAGNAE BRITANNIAE REGI  
CANADIANO  
INVICTO PIO FELICI PATRI PATRIAE  
VTROQUE ORBE VICTORIIS PERLUSTRATO  
MARITIMO IMPERIO ADERTO  
PUBLICA RE AUCTA  
HOSTIBUS BELLO EXARMATIS  
PACE DEVINCTIS  
TEMPLO IANI CLAUSO  
ANNO REPARATAE SALUTIS  
MDCCLXIII.



DACTYLIOTHECA  
SMITHIANA

---

Volumen Primum

GEMMARUM ECTYPA

*E T*

ANTONII FRANCISCI GORII

ENARRATIONES

COMPLECTENS



VENETIIS.  
MDCCCLXVII.

---

EX TYPOGRAPHIO J. B. PASQUALII.  
SUPERIORUM VENIA AC PRIVILEGIO.

NK  
5565  
G662








GEORGIO · III  
MAGNAE · BRITANNIAE · REGI  
TRIVMPHATORI · SEMPER · AVGVSTO  
POLITIORVM · ARTIVM · AMPLIFICATORI  
BONO · REIPVBLICAE · NATO  
GEMMAS · CENTVM  
MIRIFICO · OPERE · CVLTVQVE  
PRAESTANTISSIMAS  
OLIM A · JOSEPHO · SMITHIO · COLLECTAS  
DEINDE  
IN · REGIVM · LONDINENSE · CIMELIVM  
ADDVCTAS  
NVNC · TANDEM  
AERI · REDDITAS · APTOQVE · COMMENTARIO  
EXPLICATAS  
DICAT · CONSECRATQVE  
JOHANN · BAPTISTA · PASQVALIVS  
DEVOTVS · NOMINI · MAIESTATIQUE · EIVS






Digitized by the Internet Archive  
in 2011 with funding from  
Research Library, The Getty Research Institute



# TYPOGRAPHUS LECTORI

BENE AGERE.



QUAM in prioris voluminis Anteloquio spoponderam *Historiam Glyptographicam*, tibi jam in manus legendam lubens, volensque contrado. Tanta profecto ex artium omnium historia enascitur utilitas, ut qui varias illarum progressionēs, vicesque apprime calleat, is unus sit, qui iudicium de illis confidentissime ferre queat, valeatque internoscere, quibus potius temporibus, Graecis ne, an Romanis consignanda sint artificum Opera, quae sibi in oculos incurrun-  
t; nec quae sunt nuperi sigillariarii, pro antiquis, ac genuinis sibi obtrudi patiatur. Quumque hoc semper a natura hominibus insitum fuerit, ut sua quisque studia sequatur; hinc artifices omnes, plastae, statuarii, pictores, gemmarum insignitores, quotquot fuere, in fingendis, exprimendisque rerum imaginibus, ingenio, susceptaeque peculiari cuidam rationi indulserunt; quae nisi praecognoscantur, quid in artibus certi, comprehensivaeque haberi poterit? Monuimus alibi historiam hanc a cl. Marietto fuisse jam pro virili parte exaratam, atque etiam Franciscum Victorium symbolam contulisse lithographis insignioribus concelebrandis. Videbor ergo, ut in adagio

HIST. GLYPT.



est, eandem semper incudem ad fastidium usque retundere, dum Gorianam historiam legendam appor-rigo? Apage tam iniquum de hoc opere iudicium. Gorius siquidem quae ab aliis fusa, ac fortasse tumultuaria oratione scripta fuerant, in pauca contraxit, quodque est multo praestantius, dilucido ordine, & vel alphabetica serie, vel habita scholarum, temporumque ratione digessit. Dum lithographos memorat, eorum opera proxime adnotat, quae adhuc dum in Cimeliis adservantur, ut si cui volupe sit ea contemplari, cuiusque artificis ingenium, industriamque facilius, ac plenius cognoscere possit. Ita historia ipsius monumentis adhuc vigentibus communita, testataque est. Nam quum Achillis, Helenae, Polycratis Tyranni annuli recensentur, quibus delphin, monstrum marinum, & lyra insculpta perhibetur; id quidem artem Glyptographicam ab heroicis usque temporibus invaluisse ostendit, nihil vero de Gemmariorum peritia, aut rusticitate condocescit. Quare in texenda hujus artis historia, utilitatem cum voluptate conjungens, eam ab epocha multo certiore incohendam duxit. Quod si calamum aliquando liberius procurrere passus est, videturque eos commemorare, qui Gemmarii non sunt, sed affines artes factitarunt, indulgendum homini indefatigabili, quem jam torquebat incommoda valetudo, viresque pristinae lento morbo delassatae, paullatim in dies deferebant. Quod



si bono rei litterariae convaluisset, opus secundis curis auctum, emendatumque typis commisisset. Bibliothecam etiam Glyptographicam ex integro conscribere parabat, in qua multa, quae post editam a Marietto prodierunt, collectanea Gemmarum opuscula, commentaria in unum compaginata librum percensere in animo habebat. Sed haec omnia cum auctoris vita

*Abstulit atra dies, & funere mersit acerbo.*

Historiam ergo, qualis inter tot discrimina super-  
fuit, aequi, bonique consulas; habes enim si forte  
non omnibus suis numeris absolutissimam, illam cer-  
te & summo labore partam, & perspicuitate praecla-  
ram, & operis instituto accommodatam.

VIVAS. VALEAS. FLOREAS.







# LECTORI APXAIΟΦΙΛΩ

JOHANNES BAP. PASQUALIUS.

**Q**UOD olim a Suetonio memoriae proditum legimus, C. Julium Caesarem, etsi belli artibus, ipsaque Imperii administratione distentum, ita eruditae vetustatis studio, atque amore flagrasse, ut *gemmas, thoremata, signa, tabellas antiqui operis semper avidissime comparaverit* (1); hoc ipsum nostra aetate laudi vertendum est optimo Magnae Britanniae Regi GEORGIO III. CANADIANO, quem inter armorum strepitus, praeliorumque discrimina his ipsis studiis deditum cum multa patefaciant, tum quod insignem hanc veterum gemmarum supellectilem Gazae suae adjunxerit. Scilicet dum alter hic Caesar regni fines novis adquisitis provinciis amplificaret, dum imperium pelagi iteratis triumphis suis Britannis asfereret, dum hostes ab avitis Brunsvicensium sedibus propulsaret, & commercium, florentis Reipublicae basis, ac crepidinem constabiliret, suam de antiquis monumentis, doctisque operibus conquirendis cogitationem ex animo numquam deposuit, ut deinde pace terra, marique parata, cum mansuetioribus Musis libere ageret, mentemque his cimeliis tranquille depasceret. Oh beatam, fortunatamque Britanniam, quae GEORGIO auspice, ac fospitatore ad tantum splendorem evecta est, ut numquam antea felicior, ac

DACTYL.

(1) Cap. XLVII. Edit. Burmanni Amstelodami 1736.



beatior fuisse videatur ! Ille nempe postquam magna Anglorum ingenia ad liberales artes impensius excolendas omnimode excitavit, illustrium artificum opera, praesertimque excellentium pictorum graphides ex Italia accivit, ut praesto essent absoluta illa archetypa, in quae Angli intuerentur, & ex quibus exemplaria depromerent. Et ne quid splendidi suae pinacothecae deesset, eandem elegantissimis hisce Gemmis auro contra aestimandis, & longa aevitate venerandis cumulavit.

Gemmas porro ejusmodi sagaci, diuturnaue inquisitione, & pro ea, qua hisce in studiis pollet doctrina, collegerat JOSEPHUS SMITHIUS dudum jam apud Venetam Rempublicam Anglicae nationis Consul, negotiorumque publicorum procurator. Sane quum Smithium nomino, Virum clarissimum appello omnibus optimis artibus imbutum, cujus domus, ut illa Messenii apud Ciceronem, ob lectissimarum rerum copiam, ubertatemque, non tam ipsi, quam Urbi nostrae est ornamento. Quis enim est, nisi in literaria republica hospes sit, ac peregrinus, qui Smithii bibliothecam eximiis codicibus, membranis, librisque repertu difficillimis affatim refertam omnium sermone celebrari non audierit? Catalogus nostris ex typis prodiit, ab eruditis viris multa cum Smithii laude exceptus (2). Quis praedicari ignorat praecellentium pictorum tabulas, mirandasque graphides, nummos

(2) Anno 1755.



Graece, vel Latine loquentes, signa, anaglypha, & quicquid est veterum elegantiarum a Smithio incredibili impensa conquistum, atque comparatum? Quamquam vero ejusmodi gemmas, ut par erat, permagnificeret homo eruditissimus, nosceretque vix aliquid in eo genere elaboratius, aut absolutius reperiri posse; facile tamen a Smithio nostro impetravit celsissimus Rex, ut haec praeclara collectio in Angliam adnavigaret: nihil enim est, quod optimus civis patriae commodis se debere non persentiscat, nihil in quo Regi *Artium Restitutori* libenter non morigeretur. Ut plane incertum videatur, cui primas hac in re Angli debeant, num Regi suo, qui gemmas illas domesticis opibus addidit, an vero Smithio, qui postquam collegerat, in patriam adsportandas contradidit.

Itaque non privati hominis, sed Regii Cimeliarchii opes in publicum damus. Diu, multumque est, ex quo Principes rei literariae fautores lapillos ab experientissimis caelatoribus affabre excisos ingenti sumptu redimendos censuerunt, indeque aeneis tabulis redditos, & a viris ingenio, doctrinaque praestantibus illustratos evulgari fecerunt. Regia Palatina stirps prima fuisse videtur, quae doctis his lautitiis orbem literarium ditaverit; Thesaurus enim Electoralis a Laurentio Begero uberi satis commentario explicatus, ante caeteros id genus libros in lucem emissus est (3).

(3) Thesaurus Gemmarum, & Numismatum, quae in Electorali Cimeliarchio continentur. Heildelbergae 1685.



Sed Gallorum Reges, qui post FRANCISCUM I., a quo literae postliminio revocatae, mirumque in modum auctae, amplificataeque sunt, quid est, quod ad artes locupletandas, sive ad Gallici nominis gloriam nobilitandam Lutetias invehendum non curaverint? Teruntur doctorum manibus commentarii, quibus vir summus Petrus Mariettus (4) Regii Cimelii illius gemmas eleganter enucleateque illustravit, tantamque his studiis lucem affudit. Atque utinam illas quoque opere, & eruditione praestantissimas suscepisset explicandas, quae in Daëtyliotheca Aurelianensis Ducis (5) novimus adservari! Verum praecipuam in his rebus commendationem nemo audeat Italiae praeripere, quae nullo non tempore artium altrix, ingeniorumque parens exstitit, quaeque veterum monumentorum copia tanto antecelluit, quanto ad reliquas gentes ferme id totum transmisit, quo superbiunt transmontana Musea. Quid memorem Medicos Principes, a quibus literae Graecia extorres in clientelam susceptae? Nihil elegantius, aut praeclarius his gemmis, quas Antonius Franciscus Gorius in lucem extulit, sive in *Museo Florentino* (6), sive in prolegomenis ad *Inscriptiones Etruscae* (7), sive inter *Gemmas Astriferas* (8). Mediceos aemulati sunt Atestii, atque Farnesii Principes. Adhuc aetatem ferunt, & Mutinae visuntur lapilli versicolores, affabreque exsculpti ab Atestiis olim empti, ac

(4) Pierres gravées du Cabinet du Roi. à Paris 1750.

(5) Plures invenies in Actis Regiae Academiae, atque in Diariis literatis Gallorum.

(6) Florentiae 1731. 1732. (7) Florent. 1727. (8) Florent. 1750.



comparati. Farnesia autem Gens, quae cum Romae, tum Parmae magnificas suas aedes omni erudita supellectili ornare consuevit, gemmas quoque, easque, & numero, & artificio mirificas, atque lectissimas habuit; inter quas praedicatione dignissimae sunt, quas Cardinalis Odoardus, Fulvio Ursino proxeneta, domestico Museo adjecit. Harum omnium accuratam delineationem Parmae apud Matthaeum Aloysium Canonici S. J. Praesbyterum, eximium antiquitatis cultorem accepimus exstare; & quantum conjectura augurari licet, eae ipsae sunt, quas Dux Franciscus abs diligenti pictore penicillo reddi jusserat, publicique juris facere, si fata tulissent.

Nihil jam est, quod strenuissimus Angliae Rex, Galliae, Italiaeque Principibus invideat, postquam gemmarum Smithianarum thesaurum Londinum advehi fecit. Non sum equidem nescius, fuisse jam Anglos reconditoris eruditionis, atque doctrinae praeconio clarissimos, a quibus instructissimae, & copiosissimae Dactylothecae in insula illa constitutae. Celebrabuntur hoc nomine, donec antiquitatis studio suus stabit honos, magna nomina Comitis Arundelli, Ducis de Devonshire (9), Comitis de Toms (10), Johannis Kemp (11), Georgii Ogle (12). Sed qui his literariis cupidinis, atque studiis delectantur, facile intelligent, quan-

DACTYL.

(9) Delineaverat Gosmond, incidit Claudius du Bosch.

(10) XL. Tabulae circumferuntur; nec praepropera Possessoris mors plures vulgari passa est. (11) Monumenta Vetustatis Kempiana Londini 1720.

(12) Collection of Gems &c. Taken from the classics by George Ogle London 1741



topere Regia Daëtyliotheca caeteras omnes, quae illic sunt, hac nova accessione vincat, atque antecedit.

Sed ad Italos Principes, quorum munificentia, ac patrocínio haec studia propagata sunt, nostra iterum se referat oratio. Illorum sane exemplo tribuendum est, quod ad privatos homines sumptuosa gemmarum inquisitio dimanarit, eisdemque haec cogitatio injecta sit. Profecto quantum in his pretiosis monumentis insit praesidii, sive ad artes perficiendas, sive ad veteres auctores interpretandos, sive ad rerum praeteritarum historiam pernoscendam, primus inter Italos vidit Aeneas Vicus Parmensis, qui cum universum antiquitatis orbem esset complexus, tum primus *Cameos*, ut vocant, & carneolas delineavit, ac Philippo Thomafino vulgandas concessit (13). Postquam vero haec studia paulisper confirmari coeperunt, nullus fuit elegantiarum disciplinarum cultor, qui sibi ad ea non enitendum putaverit. Hinc visi sunt in palaestram prodire Fortunius Licetus (14), Leonardus Augustinus (15), Sanctes Bartoli (16), Marius Piccolomineus (17), Alexander Maffejus (18), & nostra aetate Antonius Borionus (19), itemque Antonius Zanettus (20), qui hoc genus antiquitatis potissimum excoluerunt, & ad tantam celsitudinem evexerunt. Quemadmodum autem

(13) Romae editae duobus ab hinc retro saeculis, forma, quam vocant in 4. sed absque anni nota. (14) Antiqua Schemata Gemmarum annularium. Patavii 1653.

(15) Romae 1657. 1669. Amstelodami 1685. (16) Romae 1702.

(17) A peritioribus Calchographis, qui Romae erant, aeri incisae habentur illius Gemmae. (18) Romae 1707. & tribus sequentibus. (19) Romae 1736. interprete Rodolphino Venuti. (20) Daëtyliotheca ipsius prodiit cum commentariis Gorii 1750.



artes omnes, scientiaeque in Italia natae, ex Italia ad tranfalpinos migrarunt, ita etiam Glyptologiae studium a nostris illi acceperunt. Testes cieo Abrahamum Gorlaeum (21), Jacobum de Wilde (22), Jacobum Bayerum (23), Guillelmum de Craffier (24), Michaellem Philippum de Gravelle (25), ipsumque totius antiquitatis decus, & columnen Comitum de Caylus (26), qui nobilissimos, eruditosque lapillos in hac nostra felici Europae parte e telluris gremio copiosius emergere, ac prodire senserunt, ita etiam a nostris apto commentario explicari consueffe, inficiari minime ausi sunt. Antequam vero gemmaria supellex in doctorum hominum aedes traducta literis juvandis, oblectandisque animis deputaretur, aliquo certe in pretio habebatur. Nam *Camei* Regum vestibus, coronis, calceis ad splendorem aptabantur; imo vero ecclesiasticis indumentis, ipsisque sacrarum Reliquiarum conditoriis ornandis, decorandisque inferebantur. Quare nullum est Sacrum, five Sceuphyllacium antiquitate venerandum, in quo non Mitrae, Lipsanothecae, Imagines gemmatae ostendantur.

Ut autem ad gemmarum naturam, proprietatesque sermonem aliquando convertam, missa vulgari partitione, quae ex nationibus ducitur, illas in tres prae-

(21) Delphis Batavorum 1601. 1609. (22) Amstelodami 1703.

(23) Prodiit Norimbergae. 1722. Joh. Martini ab Embermayer Gemmarum Thesaurus a Bayero explicatarum, quae tamen magna parte supposititiae creduntur.

(24) Leodii 1740. (25) Recueil de Pierres gravées par M. l'Evesque de Gravelle Paris 1732. 1737. (26) Perfrequenter in ipsius antiquitatum Collectaneis sex voluminibus comprehensis.



cipuas classes dispecere, ac distribuere placet. Sunt quae magicae nuncupantur, arcana, sed perridicula Gnosticorum, ac Basilidianorum aenigmata referentes. Ejusmodi sunt, five, quae Johannis Macarii, & Johannis Chiffletii opera (27), five, quae ex Museo Antonii Capello Veneti Senatoris (28) prodire. Sed postremum in locum procul dubio rejiciendae, quippe quae nihil certi praeseferant, & ab infimis rudibusque Lithographis sculptae appareant. Sunt aliae, quarum aream nihil occupat praeter nudos characteres, & sententias, indeque *gemmae literatae* dicuntur, quales celebris Romanus propola Franciscus Ficoronus collegerat; illo autem vita functo, interpretari nequicquam nixus est Nicolaus Galleottus (29). Vanis porro, ineptisque conjectationibus plerumque indulgendum est, ut quid sibi vellint literae eliciatur, interdum vero nil nisi ignotorum hominum nomina, eroticas salutationes, aliaque id genus exhibent; quapropter vix invenias doctae vetustatis indagatorem, qui haec curet. Denique sunt, in quibus Deorum imagines, aut antiquorum theologumena, Heroum, Ducum, Sapientum capita, vel illustria illorum facinora expressa visuntur: quae rursus duplicis sunt generis. Vel enim thema insignitori propositum solitarie referunt, & tunc ex lapidis qualitate, colore, duritie, ex operis elegantia, venu-

(27) Antuerpiae 1657. (28) Prodrum Iconicus Sculptilium Gemmarum Basilidiani, Amulelici, & Talismanni generis. Venetiis 1702. (29) Romae 1758. Alias id genus Gemmas vulgavit, explicavitque Philippus Venetus Tomo VII. Actorum Academiae Cortonensis. Romae 1758.



stateque, ex eruditione, historiaeque iconismo gemma suum indipiscitur pretium. Vel Glyptographi nomen additum legitur; tunc vero in praestantissimis recensetur. Philippo Stofchio, qui grandia in his rebus semper animo agitabat, hoc primum in mentem venit, ut gemmas artificum nominibus insignitas, a Picarto aeri redditas, unoque volumine comprehensas ad posteros transmitteret (30). Cujus consilium, quoniam viris eruditis magnopere probari vidit Braschius Florentinus, aliud simile gemmarum volumen a multis annis pollicitus est; datam tamen, obligatamque fidem nondum liberavit. Quoniam vero exploratum, compertumque habebat Smithius noster hoc epifemate pretium gemmis, laudemque singularem accedere; idcirco nedum eas nancisci studuit, quae miram artificis industriam testarentur, sed quae ingentia SOLONIS, CNAEI, ADMONIS nomina ostentarent. Non ergo in hoc libro Abraxas, & Talismannos, non literatos lapides, non proletarias carneolas, non Aegyptiaca portenta, non informes Etruscorum scarabeos reperies, sed elegantissima quaeque ex Graecorum, Latinorumque sculptorum officina profecta.

Quamquam vero illud Lectorem praemonere intererit, quod etsi isthaec nostra Dactyliotheca exquisitissimas gemmas a Graecis insignitoribus sculptas complectatur, nonnullae tamen in ea reperiuntur, quae novitii sunt operis, nempe duobus abhinc retro sae-

DACTYL.

(30) Amstelodami 1724.

\*\*\*



culis excisae . At numquid despiciatui idcirco habenda? Numquid libro pretium hinc erit ademptum ? Merito, sapienterque animadvertit clarissimus Caylus (31) vehementer decipi , atque errare eos homines, qui nimia erga antiquos gemmarios opifices reverentia, & admiratione praeoccupati , nihil a recentioribus factum putant, quod cum Graecis operibus valeat comparari. Sane post renatas in Italia literas, ita revixit ars gemmaria, ut expressae, scalptaeque per ea tempora a peritissimis sigillariariis imagines, priscam majestatem, Graecum opificium, Atticam elegantiam aemulentur. Hoc in numero sunt *Dejanira*, opus Matthaei Nassari, *Phocion* Aloysii Anichini, *Socrates* Marmittae Parmensis (32). Sed quorsum aliena conquirimus, quum domestica suppetant exempla? Felix artis Glyptographicae renovatio facile percipi poterit ex gemmis novitii operis, quas in hoc volumine oculis usurpare licebit. Ejusmodi sunt Cupido per mare vetus, Medusae caput, Pirrhus, Hannibal, Junius Brutus, Joannes Balleonius, Margharita Farnesia.

Quae quum sint, verissima mihi videtur eruditi Winckelmanni sententia (33), nummos scilicet, & gemmas mutuo sibi respondere, ita ut illis diligenter inspectis, judicium de his proferri queat. Et vero nulla existit aetas, nullaque in orbe regio, ubi artifices mone-  
tales aeri, argento, auro flando, feriundo praepositi non

(31) Mémoires de l'Académie des Inscriptions Tom. XIX. 1753.

(32) Museum Oedescum prolegom. §. 24. Romae 1751.

(33) Description des pierres gravées du Baron de Stosch, préface. à Florence 1760.

fuerint , quandoquidem praecipuum commercii adju-  
mentum, vitaeque commode transigendae praesidium  
pecunia semper habita sit. Atqui ubicumque fuerunt  
homines paullo cultiores, ab omni retro aetate litho-  
graphi pariter exstiterunt, quia nulla propemodum  
fuit natio, quae annulos gemmatos non gestarit, nul-  
la quae scalptos lapillos fibulis, torquibus, armillis,  
inauribus perornandis studiose non conquissiverit. Ex  
hac constanti analogia factum est, ut si infiniti pene  
sunt antiqui nummi, qui ex terrae effossionibus, &  
parietinis, veterumque aedificiorum ruinis quotidie in  
lucem prodeunt; similiter innumerae exstant gemmae  
veteres, quas ad nos Graecia, Latiumque transmisit.  
Illos necessitas, has luxus, illos cupiditas, has ambi-  
tio fecit tanto numero excrescere, ac multiplicari.  
Sed quoniam ars, quae in nummorum typis inciden-  
dis versatur, & quae in lapillis scalpendis est occu-  
pata, eandem prorsus scientiam, simillimam indu-  
striam, paremque sagacitatem exquirat, inde de gem-  
marum aetate ex nummorum qualitate, & opificio  
licebit aestimare. Nimirum quum apud Graecos, ac  
Romanos florerent artes in nummis utriusque gentis,  
conspicere est accuratam figurarum delineationem, par-  
tium concinnitatem, characterum elegantiam. Ubi  
vero ferox ingruit barbaries, artesque omnes infecit,  
nihil in moneta videas, nisi abnormem, rudemque  
formam. Rursus quum artes in pristinum splendorem



sunt restitutae, revocata quoque est officinae Monetalis dignitas. Jam vero si gemmas his diversis temporibus sculptas contemplari, & cum nummis componere institues, primo ingeniosam operis absolutiorem miraberis, tum rusticitatem temporum antiquorum persenties, denique exquisitissimum opificium rursum prodire videbis, reductasque artes gratulaberis.

Ut autem, quod in omni hoc anteloquio propositum mihi esse debet, aliquando conficiam, apertissimum, atque verissimum memoratae comparationis monumentum exhibet Smithiana nostra Collectio. Jovis, Apollinis, Herculis imagines nonne veterem illam laboriosam, perfectamque nummorum Graecorum venustatem referunt? Pompeii, Liviae Augustae, Germanici, caeteraque capita usque ad Antoninum Pium annon primaevam Latinorum nummorum dignitatem, formamque spirant? Quae vero illa mox excipiunt, languentis jam Glyptographiae sunt indicia. Sed illam ab imo ad summum iterum revocatam, restitutamque palam faciunt neotericorum gemmariorum opera, quae paullo supra indigitavimus.

Sequitur nunc pro suscepti a me muneris ratione, ut de commentariis, quibus Smithiana collectio illustratur, verba faciam. Quantam in literaria republica nominis celebritatem, & amplitudinem esset consequutus, dum in vivis ageret, Antonius Franciscus GORIUS Florentini Baptistarii Praepositus, neminem

latere arbitror. Qualis vir, Dii boni, quantaque praestans sapientia! Eò praesertim omnes suas cogitationes, studiaque converterat, ut Etrusca, Graeca, Romanaque cujusvis generis monumenta ab interitu vindicaret. Omnem pene aetatem in his literis contrivit, tantique valebat, ut nedum Itali nostri, sed quotquot Europa tulit, antiquitatum studiosi Gorium in consilium adhiberent, ab eo rerum difficillimarum interpretationes exposcerent, vel siquid erant edituri, illius sententiae, judicioque subjicerent. Quot ab eo editi sunt libri! Quanta ab illo literatis marmoribus, sarcophagis, numismatibus, anaglyptis lux affusa! Qualem, & quam ingentem post se reliquit famam! Hac itaque Gorii laude, doctrinaque permotus Smithius literis, precibusque apud illum egit, ut suis gemmis interpretandis operam vellet impendere; ratus absolutissimum exinde futurum fore librum, in quo amice conspirarent & excellentium litographorum industria, & doctissimi hominis commentaria. Habes igitur perbreve, sed ponderosam cujusque gemmae enarrationem ex optimis fontibus ductam, aptaque eruditione adpersam, in quibus hominem acri ingenio praeditum, & exercitatissimum mireris, doleasque tantum lumen rei literariae praepropere extinctum, tantum virum e mortalium numero ereptum, dum aliis facris, profanisque monumentis edendis elaboraret.

Adeo vero in his studiis eminebat Gorius, & tam



prona, ac benevola erat in amicos voluntate, ut suis commentariis aliud opus adnectere instituerit, quo se de Smithio, caeterisque viris doctis plurimum mereri putavit. Nimirum *Historiam Glyptographicam* conscribendam suscepit, quam secundo volumine exhibebimus. Erunt fortasse, qui in animum inducant suum, Gorium rem aetam egisse, quandoquidem haec sparta a clarissimo Petro Marietto uberrime adornata fuit. Equidem non ibo inficias, Galli hominis librum ubique spirare immensam propemodum harum rerum scientiam, diuturnam lectionem, diligentiam, limatumque iudicium, ut vix aliquid absolutius in eo genere sperare liceat. Nihilofecius sua laude fraudandus minime est Gorii labor; namque in eo multa occurrunt, quae alibi frustra requireres; tum etiam aliam ingressus est viam ab ea, quam Mariettus iniverat. Primo quidem veterum, & illustrium Gemmariorum nomina continuata serie percenset, sculptosque ab unoquoque lapillos, siqui ad nos pervenere, enumerat. Neque vero historiam hanc ex gemmarum inscriptionibus tantummodo eruere conatur, sed quicquid ex aliis monumentis, & scriptoribus elici poterat, in sui operis praesidium accersivit. Quamobrem, quemcumque voles, ex antiquis caelatoribus apud Gorium uno veluti intuitu invenies: in quo etiam Vasarium (34), & Victorium (35) ordine, sedulitate,

(34) Vite de' Pittori, Scultori ec. Tom. II. Bologna 1647.

(35) Dissertatio Glyptographica. Romae 1739.

rerumque copia devicit. Mox ad figillarios sequioris aevi progreditur, rerumque patriarum amore illectus, multa disputat de schola Etrusca, omnesque officinas gemmarias, quae Florentiae fuerunt, satis proluxa descriptione denarrat. Per alias deinde scholas, Romanam, Venetam, Langobardicam, Gallicam, Britannicam, Germanicam etc. dicendo vagatur, & quotquot in his floruerunt artifices, eorumque opera laudatissima diligentissime memorat.

Igitur quum praestantissimam, ac nobilissimam hanc gemmarum syllogen Clarissimus Smithius pro veteri sua in nos benevolentia ex nostro typographio in lucem prodire voluerit, illud nobis maxime curae fuit, ut quanto posset nitore, in lucem hominum veniret. Rogavimus proinde, ut quae forent vacuae commentariorum pagellae, aliquo Musei ipsius monumento decorarentur. Initio quidem perrarus, aureusque Horatii Coclitis nummus superiorem paginae oram occupat: alia deinde venerandae vetustatis fragmenta, ubi se se occasio dedit, hac illac adposuimus. Sed in historia Glyptographica duo aenea sigilla exhibemus, olim a celebri Johanne Bologna Belga miro artificio fusa, quorum primum est Neptuni, qualis in nummis saepenumero occurrit, alterum Herculis, quum

*Faecundam vetuit reparari mortibus Hydram.*

Satis me meo muneri fecisse putavero, si libro in publicum inlato, quaecumque nostrae in Smithium ob-



xvj . P R A E L O Q U I U M .

servantiae, grataeque mentis specimen exstabit, atque ex illo in eruditae vetustatis, artiumque perstudiosos fructus aliquis redundaverit.

VALE. ET. HIS. UTERE. FELIX.

# G E M M A R V M S Y L L A B V S.



- |                                        |                                                      |
|----------------------------------------|------------------------------------------------------|
| 1. IVPITER <sup>o</sup> AEGIOCHVS      | Chalced. bicolor opere anaglypho.                    |
| 2. IVPITER PLACIDVS                    | Sarda.                                               |
| 3. IVPITER TRIVMPHALIS                 | Onyx.                                                |
| 4. APOLLO ARGYROTOXVS                  | Sarda.                                               |
| 5. FEMINA <i>ad aram ignitam</i>       | Sarda.                                               |
| 6. CVPIDO <i>conca per mare vectus</i> | Chalcedonius, opere extante, sed novitii operis.     |
| 7. PSYCHE                              | Sarda.                                               |
| 8. FLORA                               | Sardonix.                                            |
| 9. FEMINA BIFRONS                      | Sarda.                                               |
| 10. OPS DEA                            | Amethyſtus.                                          |
| 11. TERMINALIA                         | Chalcedonius, CAMEUS. bicol.                         |
| 12. ADVENTVS AVGVSTI                   | Chalcedonius.                                        |
| 13. TYPHON                             | Jaspis Chalcidica, opere anaglypho.                  |
| 14. VIR FVGIENS <i>e vinculis ere-</i> | Chalcedonius, CAMEUS.                                |
| <i>ptus</i>                            |                                                      |
| 15. FAVNVS                             | Achates Orientalis.                                  |
| 16. MVSAE <i>caput</i>                 | Chalcedonius, opere extante.                         |
| 17. FEMINA <i>bacchae ſpecie</i>       | Chalcedonius CAMEUS.                                 |
| 18. EADEM                              | Chalcedonius, opus neoterici Gem-<br>marii.          |
| 19. BACCHA                             | Chalcedonius.                                        |
| 20. SATYRI <i>caput</i>                | Chalcedonius.                                        |
| 21. } MEDVSAE <i>caput</i>             | Sarda Sculptura anaglyptica nuperi<br>Sigillariarii. |
| 22. } IDEM                             |                                                      |
| 23. HERCVLES IVVENIS                   | Sarda.                                               |
| 24. HERCVLES OLIVARIVS                 | Sarda recens, CAMEUS.                                |
| 25. HERCVLES <i>monſtrorum do-</i>     | Chalcedonius, opere extante.                         |
| <i>mitor</i>                           |                                                      |
| 26. HERCVLES AQUILEGVS                 | Sarda.                                               |
| 27. HERCVLES DEFENSOR                  | Chalcedonius, CAMEUS.                                |
| 28. HERCVLES SENESCENS                 | Chalcedonius, opere anaglypho.                       |
| 29. HERCVLES EBRIVS                    | Jaspis Chalcidica, CAMEUS.                           |
| 30. HOMPHALE                           | Sarda.                                               |
| 31. LEO MITHRIACVS.                    | Amethyſta.                                           |
| DACTYL.                                |                                                      |

\*\*\*\*\*




- |     |                                  |                                               |
|-----|----------------------------------|-----------------------------------------------|
| 32. | AGRICOLAE <i>frugum satores</i>  | Chalcedonius sculptura eſtſypa.               |
| 33. | BIGARIUS                         | Chalcedonius bicolor, CAMEUS.                 |
| 34. | } FEMINARVM <i>capita ignota</i> | Variis lapillis inſculpta.                    |
| 35. |                                  |                                               |
| 36. |                                  |                                               |
| 37. |                                  |                                               |
| 38. |                                  |                                               |
| 39. |                                  |                                               |
| 40. |                                  |                                               |
| 41. | POETRIA                          | Onyx bicolor.                                 |
| 42. | POETAE <i>caput</i>              | Onyculus.                                     |
| 43. | HIPPOCRATES                      | Sarda.                                        |
| 44. | ANTISTHENES                      | Sarda.                                        |
| 45. | DIOGENES                         | Smaragdus.                                    |
| 46. | SOCRATES                         | Jaspis, opus recentioris ævi.                 |
| 47. | HERACLITVS                       | Chalcedonius, opere anaglypho.                |
| 48. | AESCVLAPIVS                      | Carneola.                                     |
| 49. | PHILOSOPHI <i>ignoti caput</i>   | Sarda.                                        |
| 50. | ALEXANDER M.                     | Chalcedonius.                                 |
| 51. | PIRRHVS                          | Sarda, artificis neoterici opus.              |
| 52. | HANNIBAL                         | Chalcedonius, CAMEUS recentioris fabricae.    |
| 53. | CAPVT IGNOTVM                    | Chalcedonius.                                 |
| 54. | NVMA POMPILIVS                   | Chalcedonius, opere extante.                  |
| 55. | LVCRETIA                         | Chalcedonius, recens opus.                    |
| 56. | IVNIVS BRVTVS                    | Onyx, ſculptura extans nuperi ar-<br>tificis. |
| 57. | CAIVS MARIVS                     | Chalcedonius, CAMEUS.                         |
| 58. | POMPEIVS M.                      | Sarda.                                        |
| 59. | M. ANTONIVS, et CLEO-<br>PATRA   | Achates.                                      |
| 60. | FEMINA <i>ignota</i>             | Chalcedonius, neoterici figillariarii.        |
| 61. | C. IVLIVS CAESAR                 | Chalcedonius.                                 |
| 62. | LIVIA AVGVSTA                    | Sarda.                                        |
| 63. | TIBERIVS CAESAR                  | Chalcedonius.                                 |
| 64. | CALIGVLA                         | Achates.                                      |
| 65. | GERMANICVS                       | Sardonix.                                     |
| 66. | FEMINA <i>ignota</i>             | Chalcedonius, opere anaglypho.                |
| 67. | ANTONIA AVG.                     | Chalcedonius, CAMEUS.                         |

68. CLAVDIVS, et MESSALI-  
NA Sarda.
69. MESSALINAE *caput* Sardonyx.
70. S. SULPITIUS GALBA Sarda
71. } M. OTHO Quorum posterior in lapide Chal-  
72. } cidico excisus.
73. VITELLIVS Onyx bicolor.
74. T. VESPASIANVS Cynaëus lapis, anaglypha caelatura.
75. IVLIA AVGVSTA Chalcedonius, CAMEUS.
76. } DOMITIANVS Chalced. posterior, opere extante.
77. }
78. } HADRIANVS Chalcedonius, CAMEUS.
79. } IDEM Chalcedonius bicolor, CAMEUS.
80. SABINA AVG. Chalcedonius.
81. ANTINOVS Sarda } Opere anaglypho ,  
82. IDEM Sarda } quorum aetas in-  
83. IDEM Chalced. } certa.
84. ANTONIVS, et FAVSTINA Chalcedonius, extante caelatura.
85. FAVSTINA SENIOR Chalcedonius, CAMEUS.
86. M. AVRELIVS Heliotropius.
87. } FAVSTINA IVNIOR Sarda .  
88. }
89. L. AELIVS VERVS Sarda, recens forte opificium.
90. M. AVREL. COMMODVS Sarda.
91. CRISPINA AVG. Sarda bicolor, CAMEUS.
92. DIDIUS IVLIANVS Chalcedonius.
93. IDEM Sarda.
94. SEPTIMI SEVERI AVG. Chalcedonius,  
FAMILIA
95. M. AVRELIVS BASSIANVS Chalcedonius, CAMEUS.
96. SEPTIMIUS GETA Chalcedonicus lapis, sculptura ana-  
glypha.
97. ELAGABALVS, et IVLIA Chalcedonius, CAMEUS.  
SOEMIA
98. PAVLINA AVG. Smaragdus, opere extante.
99. IOANNES BALLEONIVS } Jaspides Chalcedonii, CAMEI  
100. MARGARITA FARNESIA } nuperi Gemmarum insignitoris.







*F. V. Novelli del.*

*G. B. Benjolan inc.*


# HISTORIAE GLYPTOGRAPHICAE P A R S I.

P R A E S T A N T I O R U M  
SCALPTORUM GEMMARIORUM  
N O M I N A,

Operumque eorum Descriptionem  
complectens.



## A D M O N I S



ERCULES. Opus *Sardae* insculptum, quod exstat in hac Daëtyliotheca, ipsumque habes infra in hoc Opere Tabula XXIX. Eius nomen duabus prioribus litteris indicatur  $\Delta\Delta$ , & a nonnullis peritis censentur ipsum  $\Delta\Delta\text{MONIS}$  nomen indicare; quos illud apud veteres Scriptores memoratum invenisse arbitror. Sed & duae priores litterae  $\Delta\Delta\text{ONIDI}$ , &  $\Delta\Delta\text{RASTO}$  convenire facile etiam possunt; quæ Artificum nomina nota nondum sunt, atque ex eorum operibus inlustria.

A

AETIO-



## HISTORIA

## AETIONIS

HERCULES BIBAX. *Sardae* inſcalptus. Tabula I. apud Cl. STOSCHIUM.

IMP. CAES. M. AURELIUS ANTONINUS AUG. Ex *Vitro* antiquo. Tabula II. ibidem.

PRIAMUS. Ex antiquo *Vitro*. Tabula III. ibidem.

## AGATHANGELI

De hoc eximio Sculptore Gemmario inferius dicam.

## AGATHEMERI

SOCRATES. *Sardae* inſcalptus. Tabula IV. *Operis Stoschiani*.

## AGATHOPI

CAPUT VIRILE IGNOTUM. *Beryllo* inſcalptum. Alii Sex. Pompeium, alii M. Brutum Caesaris interfectorem referre putant. De hoc Opere consummatissimo, vide quae adnotavi in Vol. II. *Musei Florentini*, in quo Tabula I. num. II. adfertur. STOSCHIUS edidit; & primus omnium CAUSEUS in *Museo Romano*, sed nil de Artificis nomine adnotavit, quod ignoravit. Tabula V.

Quoties Tabulas cito, intelligo praeſlaudatum *Opus Stoschianum*.

ALEXA. Vide QUINCTUS ALEXA.

## ALEXANDRI

AMOR LEONEM DOMANS, ADSTANTIBUS DUABUS FEMINIS. *Sardonynchi* anaglypho opere exſcalptus. Tabula VI.

## ALLIONIS

MUSA LYRA CANENS. *Sardae* inſcalpta. Tabula VII.

APOLLO LAURIGER. *Sardae* inſcalptus. Tabula VIII.

## GLYPTOGRAPHICA.

ii)

### AMPHOTERI

RHOEMETALCES THRACUM REX . *Iaspidi nigro* insculptus .  
Vide Vol. II. *Musei Florentini* Tabula X. num. III.  
Haud tamen certum est , huius Artificis nomen ita  
abbreviatum AMΦO.

### ANTEROTIS

HERCULES BUPHAGUS . *Chalcedonio* incisus . Tabula IX.

### ANTIOCHI

MINERVA BELLATRIX . Gemma huius Artificis deperdi-  
ta est . Supereſt eſtypon ſingulare archetypum ad for-  
mas anaglypticas educendas ; olim apud Vir. Cl.  
ANDREAM ANDREINIUM Patricium Florentinum , qui  
archetypum *Sardae* incisum mihi narrabat ; nunc ip-  
ſum eſtypon archetypum inter mea Cimelia exſtat ;  
in quae ex ejus *Museo* ſulphurea & cerea omnia an-  
tiqua Gemmariorum opera poſt ejus obitum migra-  
runt . Hanc imaginem aeri incifaſ primus in lucem  
protuli in Parte I. *Inſcript. Antiq. Etrur. Urbium* , Ta-  
bula I. num. IV.

### APOLLODOTI

MINERVA SALUTIFERA . Ex Gemma *Musei Barberinii* . Ta-  
bula X.

### APOLLONIDIS

TAURUS PROCUMBENS . *Sardonychi* incisus . Tabula XI.

### APOLLONII

DIANA MONTANA . *Amethysto* incisa . Tabula XII.

### ASPASII

MINERVA SALUTIFERA . *Iaspidi rubro* insculpta . Tabula  
XIII.

JUPI-



JUPITER TUNICATUS . *Iaspidi rubro* insculptus . Fragmentum in *Museo Mediceo* . Tabula XIV.

Ex similitudine & praestantia operis addatur JUPITER AEGIOCHUS , ex hac Daëtyliotheca , Tabula I. in hoc volumine editus .

## ATHANASSII

AMAZONUM UNA sculpta est in Gemma , quae Sociis Columbariis ostensa est , & ab eis scripta pag. 85. *Annal.* XII. Artificis nomen tribus prioribus litteris indicatur , nempe AΘA : sed dubium atque incertum , num nomen artificis , vel aliquid aliud indicet ; atque etiam num hoc ipsum nomen vel aliud innuat .

## AULI.

Praestantis huius Graeci Artificis Gemmarii octo Gemmae ab eo inscalptae , eiusque praeclaro nomine insignitae habentur , quas accurate describit Vir Eruditissimus FRANCISCUS VICTORIUS , Eques Commendat. Sacri Ordinis D. Stephani P. & M. editis eximiis operibus clarus , in *Dissertatione Glyptographica* Cap. III. EQUES GRAECUS . *Sardonichi* incisus . In *Museo Florentino* Tom. II. Tabula II. num. I. Apud STOSCHIUM Tabula XV.

QUADRIGA . *Sardae* incisa , Tabula XVI.

DIANA VENATRIX . *Sardae* inscalpta , Tabula XVII.

AESCVLAPIVS . *Sardae* inscalptus . Tabula XVIII. in *Museo Florentino* Tom. II. Tabula VII. num. III. Apud STOSCHIUM Tabula XVIII. Exstat in *Museo Strozzi* .

PTOLEMAEVS PHILOPATOR . Ex Ec̃typis *Stoschianis* . Tabula XIX.

VENVS SEDENS CVM CVPIDINE LVDENS . *Achati vario* insculpta . Exstat in *Museo Victorio* Romae ; primum edita &

## GLYPTOGRAPHICA.

v

ta & inlustrata ab ejus possessore V. C. FRANCISCO Equit. Commend. VICTORIO in *Dissertatione Glyptographica*.

IUVENIS EXIMIÆ FORMÆ . *Chalcedonio* exsculptus , cuius eētypum ab amico accepi . Existabat in *Museo Capponiano* Romae , nunc in *Museo Collegii Romani* , cui omnes Gemmas & alia monumenta , quæ collegerat , testamento donavit Ill. Marchio ALEXANDER GREGORIUS CAPPONIUS . Nondum lucem adspexit.

CUPIDO PAPILIONEM TRUNCO ARBORIS ADFIGENS . Describitur a JOANNE FABRO Bambergensi in *Commentariis ad Imagines Vivorum Inlustrium Bibliothecae FULVII URSINI* . De hac vide *Dissertat. Glyptographicam* Cap. III.

### A X E O C H I

FAUNUS CITHAROEDUS CUM PUERULO THYRSIGERO . Gemmae incisus . Ex Eētypis *Strozzianis* . STOSCHIUS Tabula XX.

### C A E K A E

GLADIATOR RUDIARIUS . Gemmae incisus ex Eētypis *Stoschianis* . Tabula XXI.

BACCHUS ET ARIADNE PANTHERAE INEQUITANTES . Insculp. *Iaspidi rubro* in *Thesauro Mediceo Musei Florentini* T. II. Tabula VI. apud STOSCHIUM Tabula XXII.

### C L E O N I S

APOLLO CITHAROEDUS . Ex *Sarda Musei Andreinii* ; quæ quum perierit , forma pro eētypis ducendis sola superest , & in meis Cimeliis adservatur . Hanc in lucem protuli in Par. I. *Inscript. antiq. Etrur. Urb.* Tabula I. num. II.

### C N A E I

HERCULES IUVENIS . *Beryllo* insculptus . In *Dactyliotheca*  
B Stroz-



*Strozzi* Romae . Edita in *Museo Florentino* Tom. II. Tabula VII. num. II. in *Opere Stoschiano* Tab. XXIII. Certarunt & adhuc certant Gemmarii in hoc miro opere exprimendo . Habes & in hac Collectione repetitam eiusdem Herculis imaginem Tabula XXIII. cum adscripto eiusdem CNAEI nomine TNAIOC . Apud eundem Cl. STOSCHIUM exstat & Discobuli, five Athletae integra imago, nondum edita, pretiosissimo lapillo stupendo opere insculpta, qui audit *Giacinto Guarnaccino*, quam non semel vidi ac suspexi.

Sed CNAEUM praestantem quoque Artificem fuisse in caelands gemmis anaglyptico opere nuper mihi innotuit . Singulare eius Opus *Cammeo* emptum est Neapoli a Nobili Barone Praefecto Domus Margravii Principis, omnium elegantiarum aestimatoris & cognitoris eximii, quod exhibet Cupidinem compedibus revinctum, manibus post terga vinculis religatis, cum bidente, seu Herculis, seu Neptuni, ad pedes . Hanc Gemmam antea habebat Belisarius Romanus, qui vendidit . Iuvenile caput summo artificio *Sardae* insculptum exstat Romae in *Museo Victorio*, addito per siglas CNAEI nomine . Nec dubito hunc & alios Graecos Opifices alias gemmas insculpsisse, quae adhuc sub terra latent, nec ad nos pervenere . Fama est in egestionibus Herculaneis inventas fuisse aliquot Gemmas ornatas nomine Artificum, quae aliquando in lucem, si Deus dabit, prodibunt .

## C O I N I

ADONIS . *Onychi* incisus . *Stosch.* Tabula XXIV. KOINOT . ita scriptum in eximia Gemma, atque ita legendum esse nuper me admonebat idem Cl. STOSCHIUS ; quare  
si per-

si perperam exscripsit nomen Piſtor, & ita KOIMOR incisum est, delendum, & nomen suae sinceritati restituendum. Hanc Gemmam pretiosissimam post obitum Nobilissimi Comitis CAIMI sibi acquisivit Celissimus Princeps IOSEPHUS VINCISLAUS DE LICTEINSTEIN, Sac. Romani Imperii Princeps, rebus bello ac pace praeclare gestis toto orbe, atque etiam sapientia & eruditione clarissimus.

## C R O N I I

MUSA LYRA CANENS. Gemma periit. Ectypon servabat in suis *Cimeliis* V. C. ANDREINIUS, quod nunc illud ipsum in meis exstat. Imaginem protuli in Par. I. *Inscript. antiq. Etrur. Urb.* Tabula I. num. I.

## D I O S C O R I D I S

AUGUSTUS CAESAR, cum astro. *Amethysto* insculptus. Exstat Romae in *Cimeliarchio* Marchionis DE MAXIMIS. STOSCHIUS Tabula XXV. Huius Artificis praestantissimi, qui sub Augusto floruit, meminit Plinius Lib. XXVIII. Cap. I. cuius sex Gemmae eius manu, ut creditur, sculptae ad nos pervenere. Scalpsit etiam, eodem Plinio teste, imaginem suam, & Alexandri Magni.

AUGUSTUS DIVI F. sine astro. Alterum eiusdem opus *Amethysto* incisum. Exstat in *Dactyliotheca Strozgia*. STOSCHIUS edidit Tabula XXVI.

MAECENAS. *Amethysto* insculptus. Exstat in *Thesauro Regis Galliarum*. STOSCHIUS Tabula XXVII.

MERCURIUS. *Sardae* incisus. Ex *Dactyliotheca PHILIPPI DE STOSCH*, ab eo editus Tabula XXVIII.

DIOMEDES PALLADIO POTITUS. *Sardae* incisus. Exstat in *Dactyliotheca Seviniana* Lutetiae Parisiorum. STOSCHIUS Tabula XXIX. PER-



PERSEUS. *Sardae* insculptus. Olim in *Thesauro Farnesiano* Parmae, nunc penes Augustum CAROLUM BORBONIUM utriusque Siciliae Regem exstat. STOSCHIUS Tabula XXX.

HERCULES CERBERUM VINCIENS. In *Onyche* insculptus, ex *Thesauro* Regis Borussiae. STOSCHIUS Tab. XXXI.

GIGANTUM UNUS PUGNANS CUM IOVE. *Beryllo* insculptus admirando absolutissimoque opificio; a me inlustratus Tabula XXXII. Exstat in *Dactyliotheca Zanettiana* Venetiis, quae cum meis Observationibus prodiit Venetiis anno MDCCL. in fol.

In alia Gemma, quae exhibet Cupidinem armatum clypeo posita humi galea, scriptum est praeclarum Dioscoridis nomen ΔΙΟΣΚΟΡΙΔΟΥ. Utrum sit eius genuinum opus, docebit nos Illustris STOSCHIUS in sua Appendice ad editum Opus, quam meditatur.

#### DIPHILI

Inedita est, & lucem videre gestit Gemma praecellentissimi operis, quae olim spectabatur in *Museo Farnesiano*, nunc vero exstare creditur in *Cimeliarchio* Serenissimi utriusque Siciliae Regis. In ea Vas operosissimum sculptum est a DIPHILO, qui nomen suum ita inscripsit ΔΙΦΙΛΟΥ.

De Vasculis admiranda arte sculptis in Gemmis non pauca quae adnotavi habes in meo *Florilegio Noctium Corythandarum* Cap. VI. quae supervacaneum est heic iterum adferre.

#### EPITYNCHANI

GERMANICUS. In *Achate Sardonyche* exsculptus. Exstat in *Dactyliotheca Strozgia*. Editus in *Museo Florentino* To. II. Tabula IX. num. I. & a STOSCHIO Tabula XXXII.

Evo-

## E V O D I

IULIA AUGUSTA DIVI TITI FILIA. Gemmae *Beryllo* eximiae magnitudinis insculpta. Exstat Parisiis in *The-  
sauro* S. Dionysii. STOSCHIUS Tabula XXXIII.

## EUTYCHETIS AEGEAEI

MINERVA BELLATRIX. Insculpta *Amethysto albæ*, ex *The-  
sauro Salviati, Colonna*, Romae. Insignis hic Litho-  
graphus patriae suae, & Magistri nomen in eodem  
opere suo ita inscripsit:

ΕΥΤΥΧΗC

ΔΙΟCΚΟΤΡΙΔΟΤ

ΑΙΓΕΑΙΟC ΕΠ

STOSCHIUS Tabula XXXIV.

## FELICIS CALPURNII SEVERI

DIOMEDES & ULYSSES LITIGANTES. Opus *Sardae* inci-  
sum; ex *Dactyliotheca Arundelliana* Londini. STOS-  
CHIUS Tabula XXXV.

Putant nomine Calpurnii Severi indicari vel possessorem  
Gemmae, quod a multis factum observavimus ex  
epigraphe in Gemmis addita; vel patronum, cuius  
Libertus fuerit FELIX Gemmarius praestantissimus.  
Neque etiam absurdum crederem, Calpurnium Seve-  
rum magistrum fuisse eiusdem FELICIS, qui honoris  
causa se eius discipulum scripsit, eiusque nomen no-  
mini suo praeposuit. Clar. STOSCHIUS edidit Tabula  
XXXV. Idem nomen praefert antiquorum Gemma-  
riorum, Caelatorum Graecorum aemulus, labore,  
studio, diligentia ac patientia in suis caelaturis exi-  
mius, FELIX BERNABEUS Florentinus, qui ita Gem-  
mas operosissimas a se scalptas inscribere solet: B. Φ.

C

quod



## HISTORIA

quod monui etiam in meo *Florilegio Noctium Corythanarum*, Cap. VI. pag. 56.

## HEII

DIANA VENATRIX. Gemmae insculpta. Ex Ectypo Vitreo *Musei* sui Cl. STOSCHIUS Tabula XXXVI.

## HELLENIS

HARPOCRATES. *Sardae* incisus. Ex Ectypis *Cimeliarchii Strozzi*ani. STOSCHIUS Tabula XXXVII.

## HYLLI

PHILOSOPHI CAPUT. *Sardae*, quam *Carneolam* dicunt, incisum. STOSCHIUS Tabula XXXVIII. In meo *Florilegio Noctium Corythanarum* Cap. VI. pag. 60. adnotatum est, visam ab Academicis Etruscis fuisse insignem Gemmam ex *Sardonyche*, in qua sculpta Diana Venatrix seminuda, cum cervo ante ipsam; in cuius exergo scriptum Artificis nomen ΗΥΛΟΡ; quod utrum genuinum sit alii viderint. Superius vidimus Dianam venatricem cum cervo ab HEIO sculptam, adscripto suo nomine HEIOY.

CLEOPATRA. Opus eiusdem HYLLI, *Sardae* insculptum. Ex *Fulvii Ursini Imag. Ill.* STOSCHIUS Tab. XXXIX.

TAURUS DIONYSIACUS. Eiusdem, *Sardae* incisus. Exstat in *Thesauro* Christianissimi Galliarum Regis. STOSCHIUS Tabula XL.

## HYLLUS DIOSCORIDIS

Hicce eximiis HYLLI operibus, addo alterum opus artificio & elegantia stupendum, quod exhibet protomam Fauni iuvenis ridentis, anaglyptico opere *Chalcedonio* exsculptam ab eodem magni nominis scalptore Gemmario: quod insigne opus vidi anno MDCCXXX.

XXX. inter *Cimelia* Illustrissimi Viri IACOBI BENEDICTI WINCLERI Baronis Saxonis , quum Florentiae moraretur , ornatum eius nomine tribus in hunc modum lineis comprehenso ,

Τ Α Λ Ο C  
Δ Ι Ο C Κ Ο Τ Ρ Ι Δ Ο Υ  
Ε Π Ο Ι Ε Ι

& hinc discimus eum Dioscoridis discipulum , vel filium fuisse . Suspicebam inventum in Columbario fervorum Liviae Augustae . Hunc ad distinctionem alterius HYLLI addidisse arbitror nomen praeceptoris fama celeberrimi , qualis fuit Dioscorides , qui aetate Augusti floruit , atque eius imaginem sculpsit . ( 1 ) Alterum forsitan HYLLI opus , quia dubium , infra describam in Par. II. huiusce Historiae Glyptographicae .

## L U C I I

VICTORIA IN BIGA . Opus *Sardae* incisum . Ex *Dactylitheca Marciana* Harlemi . STOSCHIUS Tabula XLI.

## M I L E S I I

Ingenio , arte , ac studio praecellentissimus , nunc primum in lucem prodit , nomine tantum , MILESIUS , de quo silent veteres Scriptores , nec alius hoc nomine ab IUNIO memoratur ; cuius opus elegantissimum atque absolutissimum in meis Cimeliis exstat , e *Vitro* ( vulgo *Pasta* ) quod colore *Sardonychem Achatem* refert . Sed prodibit eximium hoc opus , egregie , ut spero , suppletum cura & peritia Clar. Baronis DE STOSCH , cui hoc ipsum meum archetypum dedi , ut ex eo exemplar sibi acciperet , ac delineandum curaret ,

---

( 1 ) Vide quae adnotavi in Vol. II. Musei Florentini ad Tabulam II. num. III. pag. 13.



raret, quod postmodum mihi restituit. *Vitrum* hoc (quod dolendum) fractum ad nos pervenit; sed ipsum fragmentum ostendit magnitudine insignis fuisse eius opus. Sedens spectatur APOLLO ante tripodem quadratae basi impositum. Toto corpore nudus est, reiecta in humeros chlamyde, quae admirando artificio tam pulchre refluit, ut eius renes vestiat, & refluat e sede, quae perelegans est; nam eam fulciunt coxae & pedes leonini, & in sede ipsa sculptus est gryps alatus, ornamentum eidem Numini aptum ac conveniens. In exergo huius eximii operis Artifex ita scripsit nomen suum ΜΙΑΗΣΙΟΣ.

## MITHRIDATIS

CAPUT EQUI collo tenus stupendo opere insculptum est *Sardonychi*; quae eximia Gemma exstat in *Dactyliotheca Stoschiana*; & lucem videre desiderat in eius Appendice, sive ab eo editi Operis Supplemento. Quum Artificis nomen tribus prioribus litteris sculptum sit, videndum, utrum MITHRIDATIS, vel alterius Opificis nomen, de quo silent veteres Scriptores, designet.

## MYCONIS

CAPUT SENILE, *Iaspidi* incisum; olim apud FULVIUM UR-  
SINUM. STOSCHIUS Tabula XLII.

## MYRTONIS

LEDA CYCNO VECTA. Gemmae incisa; ex *Ectypis Stroz-  
zianis* STOSCHIUS Tabula XLIII.

## NICOMACHI

FAUNUS SEDENS CUM TIBIIS. Opus *Achati nigro* insculptum. Olim in *Dactyliotheca* Equitis HIERONYMI  
ODAM

## GLYPTOGRAPHICA.

xij

ODAM Romæ. Nomen adscriptum Romanis litteris in hunc modum NICOMAC. STOSCHIUS Tabula XLIV.

### ONESAE

MUSA FIDIBUS CANENS. Ex *Vitro flavo*, seu *Pasta*, ut aiunt, antiqua; olim in *Daëtyliotheca Andreinia*; nunc in Imperiali *Thesauro Mediceo*. Hanc protuli in *Museo Florentino*, Tom. II. Tabula IV. STOSCHIUS Tab. XLV.

HERCULES OLIVARIUS, eiusdem ONESAE Opus, *Sardae* insculptum; olim in *Daëtyliotheca Andreinia*, nunc in Augusto *Mediceo Thesauro*. Edita a me est in To. II. *Musei Florentini* Tabula I. num. II. STOSCHIUS Tabula XLVI.

### PAMPHILI

ACHILLES CITHAROEDUS. *Amethysto* insculptus. Exstat in *Thesauro* Regis Galliarum. STOSCHIUS Tab. XLVII.

Idem Emblema ACHILLIS CITHAROEDI, sed alio modo a PAMPHILO sculptum, opus admirabile, *Sardae*, ex *Daëtyliotheca* Ducis DEVONIAE Londini. STOSCHIUS Tabula XLVIII.

### PEIGMONIS

BACCHANS EBRIUS, SALTANS. Ex *Vitro*, vulgo *Pasta*, coloris *Amethystini*. Exstat in *Regio Mediceo Thesauro*, quod protuli in Tom. II. *Musei Florentini* Tabula II. num. II. pag. 14. Clafs. I. Ostendi in exprimendo insignis Artificis nomine errasse LEONARDUM AUGUSTINIUM & STOSCHIUM; alter legit ΠΕΜΑΛΛΙΟ; alter vero ΠΕΡΓΑΜΟΥ, qui hanc Gemmam proposuit Tabula XLIX. adiecto nomine ΠΕΡΓΑΜΟΥ, quum scriptum sit ΠΕΙΓΜΟ.

### PHARNACIS

EQUUS MARINUS. Opus *Sardae* insculptum. Olim exstabat

D

bat



bat in *Museo Farnesiano* Parmae ; nunc in *Cimeliarchio* Serenissimi CAROLI BORBONII utriusque Siciliae Regis. STOSCHIUS Tabula L.

## PHILEMONIS

THESEUS . *Sardonychi* incisus . Exstat in Caesareo Vindobonensi *Cimeliarchio* ; opus immensi eximii laboris & artificii . STOSCHIUS Tabula LI.

FAUNI CAPUT HEDERA REVINCTUM . Opus eiusdem PHILEMONIS , cuius antiquum *Vitrum* , vulgo *Pasta* , ex *Dactyliotheca Stroziana* edidit STOSCHIUS Tabula LII.

## PLOTARCHI

AMOR LEONEM DOMANS . Opus praecellentissimum ex *Achate Sardonyche* exscalptum , olim delictum Cl. V. ANDREINII ; quo vita functo in *Mediceum Cimeliarchium* migravit . Inter Mediceas Gemmas principem obtinet locum in *Museo Florentino* a me edito Tom. II. Tabula I. num. I. editum quoque a Cl. STOSCHIO Tabula LIII. Eius nomen in Gemmae exergo ita scriptum , ΠΛΩΤΑΡΧΟΣ ΕΠΟΙΕΙ .

## POLYCLETI

DIOMEDES PALLADIO POTITUS . *Sardae* opus incisum ex *Dactyliothecae Stoschianae* Ectypis , olim Abb. PETRI ANDREAE ANDREINII Patricii Florentini . STOSCHIUS Tabula LIV. edidit .

## PYRGOTELIS

ALEXANDER M. MACEDO . Ex *Sardonyche* anaglyphice exscalptum opus . In *Thesauo* Serenissimi Principis LOTHARII FRANCISCI Electoris Moguntini . STOSCHIUS Tabula LV.

Eiusdem

Eiusdem , PHOCION . Ex *Sardonyche* anaglyphico opere exsculptus . STOSCHIUS Tabula LVI. Hunc inlustrem Virum cognomento *Bonum* sculpsit etiam ALEXANDER CAESARIUS , iure ac merito propter artis peritiam Graecus Magister cognomento dictus ; cuius imaginem habes inter Gemmas nuper a me explicatas *Dactyliothecae Zanettianae* Tabula III. pag. 5.

## QUINTI ALEXAE

ACHILLES AD BELLUM PROFICISCENS . Insculptus *Sardonychi* ; cuius insigne fragmentum servatur Romae in *Dactyliotheca* Viri Clarissimi FRANCISCI Commend. Equit. VICTORII ab eo inlustratum in *Dissertatione Glyptographica* Cap. XXIX. XXX. & XXXI. Ea locum habuit & in Vol. II. *Musei Florentini* Tabula XCVII. num. I. de qua differui pag. 155.

## QUINTILLI

NEPTUNUS . *Beryllo* incisus . Ex *Dactyliotheca Ludovisiana* , olim *Boncompagna* , Romæ . STOSCHIUS Tabula LVI.

## SCYLACIS

SATYRI CAPUT . *Amethysto* incisum , ex *Dactyliotheca Stroziana* , olim Florentiae , nunc Romae . Editum a me in Tomo II. *Musei Florentini* Tabula IX. num. II. Apud STOSCHIUM Tabula LVIII.

Eiusdem , HERCULES MUSARUM , five LYRISTES . Ex *Sardonyche* anaglyphico opere exsculptus . Apud DOMINICUM THEUPOLUM Patricium & Senatorem Venetum . Editus a STOSCHIO Tabula LIX.

## SELEUCI

SILENI CAPUT HEDERA REDIMITUM , *Sardae* insculptum . Exstat Florentiae in *Dactyliotheca Riccardiana* . Protuli in



li in Vol. II. *Musei Florentini* Tabula IX. num. II. Apud STOSCHIUM Tab. LX.

### SOLONIS

DIOMEDES PALLADIO POTITUS. Gemmae incisum opus, ex Ectypis *Cimeliarchii Stroziani*. STOSCH. Tab. LXI. Eiusdem, MAECENAS. Opus *Sardae* incisum; ex *Dactyliotheca Boncompagna Ludovisia* Romae. STOSCHIUS Tabula LXII.

Eadem MAECENATIS imago *Sardae* sculpta exstat Florentiae in *Dactyliotheca Riccardiana*, quae idem SOLONIS antiquum opificium, praestantiam, ac similitudinem refert; & facile eadem Gemma esse potest, quam protuli in Volumine II. *Musei Florentini* Tabula X. num. II. ad quam vide quae adnotavi.

Eiusdem SOLONIS MEDUSA *Chalcedonio* insculpta. Artis miraculum habetur & celebratur; quam nostri Artifices referre conati sunt, ac diu multumque in ea exhibenda defudarunt. Editam a me est in Volumine II. *Musei Florentini* Tabula VII. num. I. & a STOSCHIO Tabula LXIII. Caelatura ex archetypo apographica habetur & in hac Collectione Tabula XXI. Eiusdem, CUPIDO. *Sardae* incisus exstat in *Dactyliotheca Senatoris CERRETANI* Florentiae, quam editam vide in Volumine II. *Musei Florentini* Tabula X. num. I. & apud STOSCHIUM Tabula LXIV.

### SOSOCLES

MEDUSAE, seu GORGONIS CAPUT, *Chalcedonio* incisum ex *Cimeliarchio Otthoboniano*. STOSCHIUS Tabula LXV.

### SOSTRATI

AMOR LEAENAS DOMANS CURRUM VEHENTES. Opus ex *Acha-*

*Acathe bicolori* anaglyptice scalptum. Romae in *Cimeliarchio Otthoboniano*. STOSCHIUS Tabula LXVI.

## S O T R A T I

Diversum est nomen, & caelaturae opificium a SOSTRATO superius laudato, ut observat Cl. STOSCHIUS, qui hoc, ut aiunt, *Cameum*, ex *Achate bicolori* exscalptum adfert Tabula LXVII.

In eo exhibetur MELEAGER & ATALANTA. Hoc thema delineatum manu sua ad me misit peritissimus Eques HIERONYMUS ODAM, quod servo.

## T E U C R I.

HERCULES CUM IOLE. Opus insignę *Amethysto* incisum. Olim in *Dactyliotheca* Praestantissimi Viri Abbatis Petri *Andreae Andreinii*. Post eius obitum translatum est in regium *Mediceum Thesaurum*, a me editum in Volumine II. *Musci Florentini* Tabula V. Vide & apud STOSCHIUM Tab. LXVIII. Praestantiorum harum Gemmarum omnium cum Artificum nominibus eętypa, & alia plurima, quae in suis *Cimeliis* idem ANDREINIUS habebat, in meis nunc adservantur; ad quae etiam adcessere quae C. V. Senator BONARROTIUS, dum viveret, in deliciis habebat. Alia fere innumera & ipse sedula cura collegi ex Museis Amicorum. Priscarum omnium elegantiarum Vindex & aestimator peritissimus Abbas ANDREINIUS obiit Florentiae, sepultusque est in avito Sepulcro in Templo D. MARIAE Virginis ab Angelo Annunciatae; quod, si eius filiabus, earumque heredi gratum id fuisset, elogio iam a me exscripto ornare volebam in memoriam tanti Viri, quo auspice & favente non parum colui studia eruditae Antiquitatis. Adhuc si-

E

ne



ne titulo iacet omni laude maior Vir optimus, omnis vetustatis Indagator & Aestimatoꝝ peritissimus. Sed de eo plura in Historia Antiquaria Augusti Medicei Musei & ceteroꝝ Florentinoꝝ, quam meditor, ubi etiam de Antiquitatuꝝ Collectoꝝ & Scriptoribꝝ Florentinis eruditis, qui vetusta monumenta protulerunt, atque inlustrarunt, luculenter differam; & si otium, Deo dante, erit, de Claris quoque nostris Etruscaruꝝ Urbium Antiquariis sermo instituetur.

### THAMYRIDIS

SPHYNX CAPUT SUUM LANIANS. Opus *Sardae* incisum ex *Daëtyliotheca* D. Baronis de ALBRECHT Viennae Austriae, apud STOSCHIUM Tabula LXIX.

### TRYPHONIS

NUPTIAE CUPIDINIS ET PSYCHES. Opus anaglyphum perinsigne ex *Sardonyche* exsculptum. Gemma est eximiae magnitudinis; exstat in *Daëtyliotheca Arundelliana* Londini. Postrema est inter eas, quas Clarissimus STOSCHIUS Tabula LXX. in lucem protulit anno MDCCXXIV.

Nec silentio praetereundae aliquot Gemmae, quae, ut aliqui putant, insculpta praeferunt Artificuꝝ nomina, sed dubia & incerta sunt, quum & ipsa nomina possessoruꝝ Gemmae esse possint; tamen si Gemmae opificiuꝝ sit antiquuꝝ, & ob praestantiam, atque elegantiam sit conspicienduꝝ, ipsum Artificis nomen expressuꝝ esse potest; sin tamen praecipuis quibusdam antiquitatis notis careant litterae vel crassiores, vel minus politae, & informes, ad dominuꝝ vindicanduꝝ sculptuꝝ credi potest.

Ab

Ab his illae Gemmae exscipiendae, quibus novitio opere insculptis Artifices avaritiae stimulis agitati non suum, quod erat faciendum, si opera ipsa exquisito artis studio emerent, sed veterum Gemmario-  
rum Caelatorum nomen ad imperitos decipiendos inscripserunt; quapropter aliae Gemmae circumferuntur ornatae praeclarissimis antiquorum Lithographorum nominibus AULI, DIOSCORIDIS, SOLONIS, & aliorum nonnullorum, quae lubens praetereo. Ab his etiam exscipiendae sunt Gemmae illae ceteroquin antiquo opere & elegantia pulcherrimae, quae Veterum Dominorum nomen, vel integris, vel compendariis notis praeferunt, quae fausta auguria, & adclamationes vel festivas, vel amatorias, vel funebres continent, vel nomina Clarorum Virorum, famosorum quoque Aurigarum, Athletarum, Palaestritarum, Militum, Philosophorum, Poetarum, cuius generis plurimas Gemmas, quas *litteratas* adpellamus, dedimus in Volumine II. *Musei Florentini*, & in Parte I. *Inscriptionum antiquarum Etrusciae Urbium*. Ex his ingentem numerum delineandum curavit amicus meus optimus, Celeberrimus PHILIPPUS VENUTUS, Liburnensis Ecclesiae Praepositus, a quo speramus perdocto Commentario suo inlustratas in publicum aliquando prodituras. His adde non paucas Astriferas nuper a me editas; adde Aegyptias, ornatas Hieroglyphicis notis, Graecas, & Etruscas; sed in Etruscis nondum observatum est in ipsis inscriptum Artificis nomen, sed Deorum & Heroum adscripta nomina, ut illa *Musei Ansideiani*, quam protuli in mea Historia originis studii Antiquitatum Etruscarum. Veteres Christiani praeter sacras Historias, & Sym-  
bola




bola eorum propria , nempe Crucem Domini , Sacrosanctum Monogramma , pisces , anchoram , columnas , navem , ramusculos olearum , palmas , coronas , & alia divina emblemata , sanctas quoque & castas adclamationes in anularibus Gemmis insculpserunt , & litteras , quae ad pietatem & religionem hortarentur , & mutuam inter Fideles fraternam dilectionem , pacem , concordiam conciliarent ac testarentur , quod & Convivalia Vascula Vitrea picturis ornata , & laetis adclamationibus inscripta , perspicue fidem luculentissimam faciunt . Gemmae litteratae , & sacris symbolis atque emblematibus ornatae ab ipsis donabantur propter merita Fidei , Religionis , Societatis , liberalitatis , atque hospitalitatis , tum Christi fidelibus dum viverent , vel etiam defunctis , quae piis adclamationibus decorabantur . Si exempla vellem proferre , nimium benevoli Lectoris patientia abuterer . Clarius id patebit , si Deus dives in omnes qui invocant illum , & vires , & opes praestabit , ut Thesaurus omnium Vasculorum Vitreorum , & Gemmarum , quae in usum fuere apud veteres Christianos , meis curis , ad Sanctae Catholicae Ecclesiae decus , publico studiosorum Sacrorum Cimeliorum bono in lucem proferatur , congestis , ordinatisque in unum corpus omnibus hisce venerandis primitivae IESU CHRISTI Ecclesiae monimentis . Per molestum siquidem mihi est ea hac illac dispersa , & in aliquot libris edita sine ordine videre , cum etiam multa adhuc inedita in Museis Inlustrium Virorum delitescant , nec nisi multis curis & impensis haec Collectio omnium luculentissima & absolutissima parari possit . Sed *in magnis & voluisse sat est ;*  
si id

si id ego obtinere minime potero , ( quoad vixero id omne quod potero meis viribus faciam ) alii facient , & quod flagrantissime ego cupio , ipsi accuratius & splendidius praeſtabunt .

Redeo , his expoſitis , ad nomina quaedam dubia & incerta praeſtantium Caelatorum , quae antiquis Gemmis inſculpta leguntur , quae in altera parte , quae ſequitur , recensenda exiſtimavi .








*P. A. Novelli del.*

*G. B. Brustolon inc.*

*Neptune par P. A. Novelli del. G. B. Brustolon inc.*





P. A. Novelli del.


G. B. Brustolen inc.

# HISTORIAE GLYPTOGRAPHICAE P A R S II.

Praestantium Antiquorum  
SCALPTORUM GEMMARIORUM  
NOMINA VEL DUBIA VEL INCERTA  
Operumque eorum Descriptionem  
complectens.



## A B A S C A N T I



Emmae eētypum cum his litteris vidi apud  
Inlustres Socios Columbarios Florentinos,  
qui illud descripserunt *Annal.* IV. pag. 53.  
Multi hoc nomine ABASCANTI celebran-

tur in antiquis marmoribus, quae in *Thesauro Grute-  
riano*, & in meis *Collectaneis* adferuntur. Neque in-  
credibile est ABASCANTUM in caelandis Gemmis pe-  
ritum fuisse, quum fuerit Libertus C. Fusii Zmarag-  
di Margaritarii, qui officinam habebat suam in  
Via



Via Sacra Romae, in qua praecipua opera sua faciebant, & vendebant complures praestantes Artifices, nempe GENIARII, qui Geniorum Imagines faciebant, GEMMARI, MARGARITARI, FLATULARII, SIGILLARI, SCALPTORES, & CAELATORES, quos frequentes in priscis Saxis nominatos legimus. Ex *Donianis Inscriptionibus* hunc titulum sepulcralem adfero ad fulciendas pro ABASCANTO meas coniecturas. (1)

C. FUFIO. ZMARAGDO  
MARGARITARIO. DE  
SACRA. VIA. ARBITRATV  
FVFIAE. CALICAE. VXORIS  
ET. ATIMETI. ET. ABASCANTI  
LIBERTORVM  
LIBERTIS. LIBERTABVSQ.  
POSTERISQ. EORVM

PITISCUS haec habet: „MARGARITARI dicebantur, qui  
„ gemmas & margaritas agnoscebant & vendebant  
„ in Circo sponforibus, Praetoribus, Quaestoribus,  
„ ceterisque, qui ludos ederent, qui eas victoribus  
„ largiebantur. Sed & omnibus, qui emere volebant,  
„ puto MARGARITARIOS Gemmas vendidisse, adeo-  
„ que & ABASCANTUM haud improbabile est  
„ cum Atimeto conliberto suo, iubente C. Fuficio  
„ Zmaragdo, Gemmas vendendas insculpere potuisse.  
DOMITIUM ABASCANTUM inter praestantes Artifices re-  
censet FRANCISCUS IUNIUS, qui in antiquo lapide  
apud GRUTERUM DCXXV. 9. memoratur.

BE-

---

(1) Clafs. XVII. num. 18.

## BESITALI

ALIGER AMOR STANS, hastae, seu potius arundini innixus. Opus perelegans *Achati Sardonychi* insculptum. Exstat in *Thesauro Mediceo*; editum vide in *Museo Florentino*, Volumine II. Tabula III. BESITALI nomen Graecis litteris ita insculptum est BEICITAAOZ, sed satis grandibus, praeter usitatum Caelatorum morem; qui nomen suum litteris quamminimis, ac tenuissimis, exilibusque ductibus perfectis, non scabris, aut distortis, ac vitiosis incidere consueverunt. Interdum etiam litteras crebris punctis effinxerunt, uti spectantur in aliquot praesertim Atheniensium numis: quam scribendi consuetudinem, ut a reliquis Artificibus se distingueret, praesertim GNAEUS superius laudatus usurpavit. Nec raro etiam decurtatum, prioribus adscriptis litteris, nomen expresserunt. Adcedit, quod Graeca omnia tum virorum, tum feminarum nomina aliquid semper significant; at hoc BEICITAAOZ, hoc modo scriptum, nullam interpretationem significationemque admittit; ni tamen B pro π vel Δ scriptum sit. (1)

## EVELPISTI

Hoc nomen ita Graecis litteris scalptum legitur in Gemma Symbolica, in qua quatuor capita virilia sculpta, & Elephantis proboscis cum Mercurii caduceo; nempe ΕΥΕΛΠΙCΤΟΥ. EVELPISTI; quam adfert Clariss. Io. CHIFLETIUS in *Socraticis Gemmis* Tab. IV. num. 15. quam vide.

G

GE-

---

(1) Vide quae adnotavimus ibidem pag. 15. & 16.



## GELIUS, five GELLIUS,

Spurium Artificis nomen pro GNAEUS.

Huius Artificis nomen expunxit a Catalogo veterum Sculptorum Clarissimus Auctor *Dissertationis Glyptographicae* Cap. II. pag. 5. sed postquam videre atque observare ei licuit in *Museo Victorio* ceram ab exemplari Gemma ductam, indubiae antiquitatis honori restituit in *Indice Rerum*, v. *Gellius*. In ea vero Gemma legitur *THAIOR*; non autem *TEAIOR*, ut aliqui scripsere: & videndus Clarissimus RODULPHINUS VENTUS in *Collectanea Antiquitatum Romanarum* pag. 53. Sed, ni fallor, insignis haec Gemma (*Giacinto Guarnaccino*) ea ipsa est, quam paucis abhinc annis sibi comparavit Inlustris STOSCHIUS, quae nudum *ATHLETAM* exhibet ante mensam tripodem, cui impositum vas cernitur; & in ea, si probe memini, dum aspicerem, non *THAIOR*, sed *TNAIOR* scriptum est; adeoque huiusmodi eximium opus GNAEO Sculptori praestantissimo, non vero GELIO, five GELLIO tribuendum.

## H O R I

Gemmam vidi referentem eleganti opere *SILENUM*, quam Socii Columbarii Florentini in *Annali* suo X. pag. 27. descripserunt, in qua credebatur scriptum Artificis nomen. Sed quum insculptum sit Graecis litteris *OPOR*, quum scribendum esset *ΩΠΟΡ*, inter dubias, & incertas, vel fictitio nomine potius scriptas, hanc Gemmam commemoravimus.

## H Y L L I

Vidi etiam *eētypon* Gemmae pulcherrimum, in quo mirabili opere Sculptor exhibuit *GALLUM* gallinae incuban-

cubantem . Fracta est Gemma , in qua hae tantum litterae supersunt . . . ΔΟΡ quae forsitan ΤΑΛΟΡ HYL-  
LI superius laudati nomen indicant . Sed nihil definitio haud inspecto archetypo , quod tamen sincerum & autographum esse potest .

## NICEPHORI

VULCANUS CASSIDARIUS ; nempe cassidem , sive galeam fabricans . *Sardae* insculptus est , quae exstat in *The-  
sauvo Mediceo* . Protuli eam in Volumine II. *Musei  
Florentini* Tabula XV. num. II. Vulcanus sculptus est iuvenis imberbis , exemplo Etruscorum , qui eum iuvenem vultu eleganti & imberbem effinxerunt , teste Etrusca patera edita in meo *Museo Etrusco* , Tomo I. Classe II. Tabula CXX. Sedens igitur galeam fabricat Vulcanus Achilli a Thetide dono dandam . Artificis nomen , more solito , genitivo casu sculptum est ΝΕΙΚΗΦΟΡΟΥ , pro ΝΙΚΗΦΟΡΟΥ , cuius scripturae sexcenta in scriptis monumentis exempla occurrunt . Quamvis igitur nihil & operis elegantiae , antiquitati , & inscriptis litteris adversetur , tamen inter Gemmas dubias recensendam existimo .

## PHILETIMI

Gemmae , quae dicitur *Granato* , & exstat in *Mediceo Cimi-  
eliarchio* , a me editae Volumine II. *Musei Floren-  
tini* Tabula XVII. num. V. insculptus est AULOEDUS  
PYTHIORUM VICTOR , qui duplices tibias manu gerens adcedit ad mensam Apollini Pythio sacram , in qua posita sunt praemia , quae consecutus est in musico certamine . Verosimilius est hoc ipsum nomen non Artificem , quamvis opus sit egregium , sed potius ipsum Philetimum victorem indicare . Nam , ut di-  
ximus ,



ximus, Athletis, Aurigis, Poetis, Oratoribus, ac Musicis; aliisque qui in sacris ludis & certaminibus vicerant, donari solebant Gemmae ornatae vel eorum imagine, vel nomine, quae apud eos & posteros essent spectatae eorum virtutis & ingentis gloriae monimenta.

## PHILIPPI

HERCULIS CAPUT OLEASTRO CORONATUM, insculptum *Sardae*, quae adservatur in *Cimeliis Mediceis*. Editae est haec Gemma in Volumine II. *Musei Florentini Tabula XII. num. I.* Inscriptum est nomen ΦΙΛΙΠΠΟΥ manu antiqua; sed dubium est, utrum eo indicetur Philippi Macedonum Regis nomen, qua imagine ad obsignandum usus forsitan est; nam opus ipsum miro artificio, miraue operis venustate perfectum conspicitur; an vero Artificis nomen, incertum. Macedonum Reges ab Hercule genus suum repetebant; quare & in numis eiusdem Philippi Regis caput Herculis impressum cernitur; quod aliis expendendum relinquo.

## PHILOCALI

Servatur inter *Medicea Cimelia Sardae*, in qua insculptum CAPUT IUVENIS oleaginea corona redimitum, cum hac epigraphe: ΦΙΛΟΚΑΛΟΥ, PHILOCALI. Incertum est, an Victorem in sacris certaminibus referat, adiecto eius nomine, an potius Artificem Gemmarium, quem indicare potest. Hanc protuli in Parte I. *Inscriptionum antiquarum Etruriae Urbium*, Tab. V. num. II. De his igitur nihil definitio, sed incertus adhuc haereo, & aliis iudicium relinquo.

## STEPHANI

Praefert Medicea Gemma inſcalptum *Sardae* PEGASUM, qui Muſis in Helicone fontem aperuit, qui inter ſidera conſtitutus eſt. Latinis litteris nomen inſcriptum eſt operi proſecto elegantiffimo. Si quis Artificem indicari velit, nihil repugnabit; incertum tamen iudicium erit, ut obſervabam in Volumine II. *Muſei Florentini*, pag. 52. in quo edita a me eſt haec Gemma Tabula XX. num. II. Laudat Plinius (1) STEPHANUM, cuius praeter alia Opera in Aſinii Pollionis Muſeo ſpectabantur & Hippiades STEPHANI.

## TARSI

Imaginem vidi HERCULIS *Sardae* inſcalptam, cum adiectis litteris TAPCOY. ambiguum Artificis nomen. In *Annali* VIII. Societatis Columbariae de hac caelatura eruditi Socii diſſeruerunt pag. 105. & 106. Creſcit in dies impoſtorum ſagax avaritia id inhiantium, ut magno pretio vendant Gemmas imperitis Cultoribus Vetuſtatis, qui anulis cum Artificis nomine mirum in modum ſuperbiunt, idque honori ac laudi ſibi ducunt; quos velim potius magis cautos & amicos verae ac ſincerae virtutis: nam haec Gemmae ſi peritiſſimis viris oſtendantur, qui norunt vera a falſis, ſincera ab apocryphis diſcernere, pro laude contemptum accipient. Solent etiam vel ipſi Gemmarii Artifices, vel Mercatores, vel etiam Gemmarum poſſeſſores antiquis caelaturis exquisito opificio inſignibus vetuſti Scalptoris nomen adiicere, ſed plerumque produnt inſcitiam ſuam, qui vel litteras rudiori ſtilo inſcal-

H                      punt

---

(1) Lib. XXXVI. Cap. IV.



punt & vitiis scatentes ; vel turpia menda in integro nomine scalpendo, perfectaque litterarum forma exhibenda committunt ; quod frequenter impostoribus contingere solet . Sexcenta possem recensere exempla tum in numismatis, tum in Scriptis marmoribus perpetrata, sed abstineo, ne nimius siem . Illud, ut alios cautos reddam, non tacebo, aliquos nunc vivere Artifices, qui planis gemmis aptant capita vel ex ebore, vel plastico albo opere efficta, ut nitida *Camea* adpareant, omnemque cum arte fucum adhibent, ut emantur . Neque etiam impostorum manus Statuae & Simulacra effugerunt . Portentum artis, Veneris Mediceae simulacrum dumtaxat non reticebo, cuius basis, superaddita antiquae, inscripta est litteris Graecis, pro dignitate ac maiestate operis, auro inlitis ; quam epigraphen antiquam manum non referre aut redolere iam observavi, (1) eaque non solum aliquot mendis scatet, verum etiam litterae non referunt Graeci Sculptoris omnium praestantissimi summam artis scientiam, iudicium, solertiam consummatissimam . Magis peccant Gemmarii illi Artifices, qui suis operibus, praestantium Graecorum Caelatorum in Gemmis nomen, ut fucum faciant, & Cultoribus imponant, adiiciunt, eorum pecuniae inhiantes, quos tamquam fures plebendos esse censeo ; minus vero peccant, imo aliqua laude digni sunt, qui insignium Sculptorum Gemmariorum opera repetentes, in ipsis eorum genuinum nomen rursus inscribunt ; quod si strenue  
opus

---

(1) Vide in Tomo III. *Musei Florentini* Tab. XXV. XXVI. XXVII. & XXVIII. pag. 34. 35. & seqq.


opus & quam scitissime perfecerunt, melius facerent, si suum nomen inscriberent, ut omnes scirent, ac noscerent, scrutarenturque quantum ingenio, studio, labore, viribus, veteris gloriae & artis aemuli valerint, quibusque conatibus ad eos adcedere contenderint. Interdum etiam Inlustrium Virorum nomina sculptis vel a se, vel ab antiqua manu Imaginibus, puta Demosthenis, Platonis, Ciceronis, addere solent, ut Gemmarum pretium penes cupidos augeant; quod crimen Eruditae Antiquitati inflictum minime verentur; & quandoque in hisce nominibus scribendis facile errant, quum ipsi vel Graecae, vel Latinae linguae sint penitus imperiti. In insigni Gemma eximio opere sculpta, quae exstat in *Dactyliotheca Stoschiana*, galeam Heroicam efformant animalium capita vel corpora inter se conglobata & conferta, canis & porcus; galeae vero thema est Romulus & Remus, qui a Lupa lactantur. Adcedit epigraphe, in qua Artifex, potius novitius, quam antiquus peccavit; nam scripsit P. XANTI, quum scribendum fuisset P. XANTHI; & Familiae nomen praetermissum ab eo est. Huius mentionem feci in meo *Florilegio Noctium Corytharum* Cap. VI. pag. 59. Aliquando, ne in haec gravia menda incurrant, priores litteras nominis vel Graeci Artificis, vel Romani inscribunt, quod factum vidi in pluribus Gemmis, quorum e&typha apud me exstant, ut in *Iaspide*, in quo sculptus HARPOCRATES cum Graecis litteris, & in *Onyche*, in quo BONUS EVENTUS, cum litteris LVP. hoc est LVPVS. Lupi Architecti meminit marmor *Gruterianum* pag. LVII. 7.



HISTORIA &c.  
XENOCRATIS


Praelaudatus Io. CHIFLETIUS , Canonicus Tornacensis , inter Socraticas Gemmas eam protulit pag. 36. in qua mihi videtur sculptus SILENUS haud ebrius , asello insidens , qui sinistra vittatum thyrsus gerit , cum epigraphe ΞΕΝΟΚΡΑΤ. Censet CHIFLETIUS adferre imaginem Xenocratis Philosophi , quem Plato cum Aristotele confert . Quomodo Philosopho conveniat thyrsus , alii expendant . Quum Gemma sit exquisito opificio elegans , vel Artificis , vel possessoris nomen exhibere potius crediderim . De his pauca haec attulisse sufficiat .





и А. П. Давыдовичи

D E  
PSEUDOSCALPTORIBUS  
GEMMARIIS.



**P**seudoscalptores eos intelligo, qui inscalptis Gemmis antiquis nomina quorundam Artificum ex ingenio suo iisdem adscribunt, qui quidem praestantes fuere; vel alia nomina, ut ipsis placet, confingunt & adponunt, ut Gemmarum raritatem spectabiliorem reddant, & pretium earum exaugeant. Clarorum Scalptorum nomina, quae frequentius occurrunt, ea sunt AULI, DIOSCORIDIS, SOLONIS, ONESAE, CNAEI, praesertim si litterae componentes ipsa nomina facillime & minori taedio ac labore inscalpi possunt. Peritiores Antiquitatis Cultores fucatas has gemmas facile dignoscunt & reiiciunt; haud ita vero, qui non satis antiqua opera a novis discernere, & negotiatorum fraudes cavere norunt; quos, ne decipiantur, doctiorum iudicium & consilium scrutari necesse est. Suspectam Scalptoris manum redolet *Gemma CXXVI.*

apud



apud FULVIUM URSINUM, quae hasce litteras Graecas praefert ΤϞΘ, cuius imago creditur T. QUINCTII FLAMININI. Illustris Comes DE THOMS, antiquarum elegantiarum copia clarus, plurimi faciebat ANTONINI PII caput exstanti opere Gemmae suae insculptum, in qua scriptum MAXALA, quod putabat incogniti nobis Artificis nomen praeferre; quam, quum Florentiae moraretur, mihi ostendit. In *Gemma*, quam adfert MARIETTUS Tabula XCVII. e *Thesauro* Christianissimi Regis, in qua creditur Alexander Magnus insculptus, Bucephalum domans, in eius exergo scriptum nomen FIDIAE pro PHIDIAE; quod manifeste falsum est. In *Novis Litterariis Florentinis* huiusce anni CID. ID. CCLIII. num. 6. describuntur non paucae Gemmae litteratae ex *Cimeliis Riccardianis*, quae vel falsa, vel suspecta praeferrunt clarorum Scalptorum nomina, quae recitare lubet. *Amethystus* insculptum exhibet Pyrrhi caput, adiecto Pseudoscalptoris nomine hoc ΔΟΜΩΝ. Facile Pseudoscalptor volebat incidere COΛΩΝ. In *Sarda* sculptus vir nudus, dextra hastam, sinistra clypeum gerens, adiecto hoc nomine ΣΩΛΩΝΟC, quod quum perperam scriptum sit, fraus manifeste liquet. In aliis eximiis Gemmis iam editis, & superius descriptis, quum ONESAS ita nomen suum inscripserit ONHCAC, sive ONHCAS ΕΠΟΙΕΙ. in *Gemma Riccardiana*, quae exhibet figuram nudam stantem cum parazonio in dextera, & tro-paeo in sinistra, Plasmae incisam, legitur ONEΣΙ; quod nomen apocryphum est, & temere scriptum. In *Sarda* altera cernitur caput iuvenile diademate re-vinctum, cum proluxa coma, cui adpositum nomen nunquam auditum ΜΕΙΟΥ. ni forte scriptum sit  
ΗΕΙΟΥ,

ΗΕΙΟΥ , clarum Gemmarum Scalptoris antiqui nomen , qui Dianam Venatricem Gemmae peritissime inscalpsit . Alterum ignotum Scalptoris nomen valde suspectum legitur in *Sarda* , quae Venerem exhibet spinam sibi e pede eduentem , nempe ΚΑΛΠΟΥ . Avis *Onychi* inscalpta describitur , cum hisce litteris CIONORO , quae nihil significant . Aliae Gemmae , quarum ectypa vidi , spuria nomina praeferunt LUPI , sive LUPERCI , HORI , SEME...TARSI , LOMONIS , quae adulteratae sunt . Inter suspectas ea quoque , ni fallor , amandanda est Gemma , nempe *Onyx* , in qua sculptus MERCURIUS dextro pede insistens navis rostro , seu puppi , cum hisce litteris Graecis ΚΥΝΤΙΑ . fortassis pro ΚΥΝΤΙΑΝΟΥ , vel quid aliud simile . Etsi Gemmam non viderim , facile tamen puto scriptum ΚΥΝΤΙΑ . fortasse clarum QUINTILLI Scalptoris Gemmarii nomen , qui *Beryllo* NEPTUNUM scalsit , quem vide in *Stoschiano Opere* Tabula LVII . Omitto Gemmas aliquot ambiguas , quae iterata praeferunt inlustrium Scalptorum nomina , nempe ΠΑΜΦΙΛΟΥ in *Sarda* ornata virili capite , & in altera adsimili cum iuvenili capite , in qua scriptum ΑΛΛΙΩΝ . PYLADIS nomen , si Gemmariis adiiciendum sit , mihi suspectum videtur , nam scriptum cernitur in *Iaspide rubro* , in quo sculptus Mons Argaeus , inter *Collectanea Rom. Antiq.* Tab. LXXIV . ex *Cineliis Thomisianis* , quam vide ; siquidem in exergo more veterum Caelatorum ΠΙΛΑΔΟΥ adnotatum occurrit . Suspectum quoque mihi est nomen incisum *Onychi* in iisdem *Collectaneis* Tabula XXXI . qui exhibet APOLLINIS protomam , si quis ΟΣΙΩΝ Artificis Lithographi nomen significare putet ; vel esse proprium Apollinis  
 epi-



epitheton, ut indicet *Sanctum*; nam scribendum erat  $\omicron\varsigma\iota\omicron\Nu$ . Sed de his illi iudicent, qui Gemmas ipfas contemplari, atque multo magis accurate expendere possunt. Nihil heic dico de Scalptorum veterum Graecorum inconstantia, qui nomen suum vario scribunt vel in recto vel in genitivo casu, vel etiam integrum, vel dimidiatum, vel prioribus tantum litteris declaratum, ut videre est in Gemma ex *Iaspide rubro* num. I. 114. apud Clariss. MARIETTUM, in quo scalptum virile caput, quasi MERCURII cum caduceo, & his siglis  $\kappa\phi$ . quae vel possessoris nomen, vel etiam, quod facile crediderim, Artificis celeberrimi KALPURNII FELICIS designare facile possunt. Conferenda inter se sunt opificia clarorum Gemmariorum, videndumque quid inter utraque discriminis sit, quod nonnisi peritissimi Antiquarii diuturno labore & studio praestare possunt. Inconstanter ita scripsit in Gemmis nomen suum ALLION, nempe  $\alpha\lambda\lambda\iota\omicron\Nu$ . &  $\alpha\lambda\lambda\iota\omicron\Nu\omicron\varsigma$ . AULUS vero constanter ita inscripsit  $\alpha\upsilon\lambda\omicron\varsigma$ . ea excepta sincera & legitima, quae exstat in *Museo Victorio*, & ab eius possessore Viro Clarissimo FRANCISCO VICTORIO, Equestris Ordinis D. Stephani Commendatore, erudito Commentario illustratur, in qua scriptum est ab eo  $\alpha\upsilon\lambda\omicron\varsigma$ . De Gemmis, quae CNAEI Scalptoris eximii nomen praeferrunt, vel  $\gamma\Nu\alpha\iota\omicron\varsigma$ . vel  $\gamma\Nu\alpha\iota\omicron\varsigma$ . haec adnotat Celeberr. STOSCHIUS pag. 28. sui Operis. „Vidimus in Daëtyliothecis antiquas Gemmas, simili nomine inscriptas, quas consulto omisimus; cum pro comperto habeamus, a quibusdam, ut emptoribus fucum facerent, & carius venderent, Graecas litteras nuper additas esse“, DIOSCORIDES quoque  
nomen

nomen suum vario modo scripsit , nempe decurtatum , ΔΙΟΚΟΤΡΙΔ. sive etiam ΔΙΟΚΟΤΡΙΔΗΣ. & ΔΙΟΚΟΤΡΙΔΟΥ. De reliquis quae temere idem nomen & corrupte scriptum praeferunt , haec adnotat idem Clarissimus Auctor pag. 34. „ Alias vidimus veteres gemmas , quibus Dioscoridis nomen inscriptum erat , „ sed recentiori manu exaratum ; fucumque aperiebat orthographiae error ; cum in hac non ΔΙΟΚΟΤΡΙΔΟΥ , quod in DIOSCORIDIS exploratis operibus , & in MSS. Codicibus alterius Dioscoridis Medici legere est , sed ΔΙΟΣΚΟΡΙΔΟΥ , priori littera γ omissa ; praeterea internoscere erat quoque „ ex rudibus quodammodo litterarum ductibus , qui „ elegantissimis in gemmis , a DIOSCORIDE sculptis , apparent ; quamobrem illas consulto omisimus “. Variavit etiam PHILEMON in suis operibus ; nam in THESEI gemma scripsit ΦΙΛΗΜΟΝΟΣ , in altera vero , quae exhibet FAUNI caput , ita scripsit , ΦΙΛΗΜΩΝ ΕΠΟΙΕΙ. Eodem modo & quidem vario in suis operibus , quae genuina habentur , nomen suum scripsit SOLON , praestantissimus Sulptor ; nempe ΚΟΛΩΝ ΕΠΟΙΕΙ ; vel ΚΟΛΩΝΟΣ . vel ΣΟΛΩΝΟΣ . ut in MEDUSA *Strozzi* .

Alia Sulptorum nomina vel ficta , vel valde suspecta paullo ante indicavimus , vel integra , uti ΤΑΡΚΟΥ. ΚΟΙΜΟΥ. uti legitur in *Sarda* , quae PYTHAGORAM exhibet ; SILENUM ΟΡΟΥ. vel dimidiata , ut in Gemma AMAZONEM exhibente , in qua scriptum ΑΘΑ. forte ATHANASIUS ; vel CEME.... circa HARPOCRATEM , & alia his similia , quae a fraudibus , & ingenio negotiatorum Gemmariorum ut plurimum pendent , & lucri maioris spe conficiuntur .

Ab his secernendae sunt Gemmae sincere , quae pos-




fessoris anularis lapilli nomen praeferunt, atque eae etiam, quae faustas adclamations, & amasiorum mellita verba continent, quae vel nullis, vel perpaucis figuris & symbolis ornantur; inter quas hae memorandae sunt inter *Riccardiana Cimelia*, *Onyx* cum epigraphe ΕΥΤΥΧΙ ΒΕΡΟΝΙΚΗ. & in *Achate* exstantibus litteris ΕΥΤΥΧΙ ΕΥΧΕΒΙΑ.

Plurimae aliae Gemmae huiusmodi litteris Graecis vel Latinis insignitae vel proferuntur, vel describuntur in prioribus duobus Voluminibus *Musei Florentini*, atque etiam in his quae *antiquas Inscriptiones Etruriae Urbium* a me inlustratas continent. Nihil dico de Gemmis superstitionis, de quibus luculenter in *Thesauro Gemmarum Astriferarum* agitur.

Nec minori laborant infamiae nota ac vituperatione recentiores illi Gemmarii Scalptores, qui nomina speciosa incognitis capitibus addunt; quorum exempla quaedam & apud FULVIUM URSINUM exstant; nempe ΘΕΜΚΤ. in Gemma, ut in ea THEMISTOCLES sculptus credatur; & in *Mariettano Opeve* Parte II. Tabula 35. P. SCIP. A F. Tabula 44. CAT. CEN<sup>for</sup>. Tabula 95. ΣΠΑΡΤΗ. Tabula 112. FLAMINIA, & alia his similia, in quibus additae recentiori artificio litterae dum indicant Viros in Graeca & Romana Republica clarissimos, ac virtutibus praestantissimos, parum doctis aut sagacibus Cultoribus Vetustatis imponunt & fucum faciunt.

Quod igitur de Gemmis Scalptorum fraude vitiatis scribimus, id ipsum dicendum de aliquot marmoreis signis & Statuis, in quibus scriptum legitur Artificis Graeci non legitimi sed spurii nomen; nam & in his quoque sublesta quorundam sagacitas a peritis aliquando detegitur; quae omnino damnanda ac reprobanda est, & vitiatores signorum antiquorum puniendi.




*P. A. Novelli del.*

*G. B. Brighelen inc.*

# HISTORIAE GLYPTOGRAPHICAE P A R S III.

Praestantium Antiquorum  
SCALPTORUM GEMMARIORUM  
N O M I N A

Ex vetustis Monumentis & Scriptoribus depromta.



## A G A T H A N G E L U S.



Memoratur inter Libertos Liviae Augustae in *Columbario* a me edito; sed fractum est marmor num. CLXI. pag. 173. quum tamen inter Aurifices Domus Augustae recensendum esse doceat insignis Gemma cum imagine, ut aiunt, POMPEII MAGNI, quae ab eo forsitan sculpta censenda est; de qua mentionem feci in *Florilegio Noctium Corythandarum* Cap. VI. pag. 35. his verbis: „ Adnotatum est in Nocte Coryth. XXVIII. „ heredem praestantissimi Antiquarii M. ANTONII „ SAB-



„ SABBATINII Romani, hoc anno MDCCIL. vendi-  
 „ disse quadringentis quinquaginta scutatis POMPEII  
 „ MAGNI caput Gemmae insculptum ab egregio an-  
 „ tiquo Gemmario Caelatore AGATHANGELO ;  
 „ quod emit Nobilissimus quidam Polonus, qui Do-  
 „ minae Marchionissae Viduae DE LIGNEVILLE, ve-  
 „ terem elegantiarum aestimatrici optimae, Romae,  
 „ dum nuper degeret, dono dedit.

## AGATHOPUS

De hoc praestantissimo Caelatore multa adtuli & ob-  
 servavi in memorato *Columbario* Servorum & Liber-  
 torum Liviae Augustae pag. 154. & ad Tab. I. num. II.  
*Musei Florentini* Vol. II. pag. 7. & 8. Caput virile Be-  
 ryllo summa & exquisitissima arte insculpsit, ac no-  
 men suum adiecit. ΑΓΑΘΟΠΟΥΣ ΕΠΟΙΕΙ. Haec insignis  
 Gemma ex *Dactyliotheca* Clarissimi Viri Abbatis AN-  
 DREINII in Regiam Mediceam post eius obitum trans-  
 lata est. Adhuc sub iudice lis est, utrum referat  
 imaginem CNAEI, vel SEXTI POMPEII, vel MARCI  
 BRUTI, qui Caesarem interfecit. Pro Pompeio quo-  
 vis pignore certarem; nam vultus lineamenta cum  
 aureo eius numismate, quod vidi, probe conveniunt.  
 Profecto Romani viri caput censetur ex capillitio  
 brevi, ac quodammodo tonso, ut in marmoreo AU-  
 GUSTI capite in *Mediceo Museo* conspicitur. Frons  
 lineis corrugatur; supercilium torvum est; totusque  
 vultus severitatem quamdam & gravitatem summo  
 viro dignam praefert. Huic simillima est marmo-  
 rea protoma in eodem *Columbario* inventa, quam ex-  
 hibeo in eodem Opere Tabula XII. littera A. Ad  
 eum spectant sequentes Tituli Ollarum Cineraria-  
 rum,

rum , quae in eodem *Columbario* adferuntur (1) ,  
qui haec habent :

M. IVLIVS. AVGVSTAE. L  
AGATHOPVS  
AVRIFEX. DAT  
IVLIAE. RESTITVTAE  
IVLIAE. VITALI  
IVLIO. FELICI

---

M. IVLIO  
DIVAE. AVG. L  
AGATOPODI *fic*  
AVRIFICI (2)

Inter filios eius mares memoratur M. IVLIVS IV-  
CVNDVS. In aliis quoque titulis idem Agatho-  
pus Aurifex adpellatur , de quo supra diximus.

A L E X A  
Vide infra D. SEGULIUS ALEXA.

A M P H I O N  
Laudatur a FRANCISCO IUNIO , atque inter Scalptores  
recensetur ex PAUSANIA Lib. VI. pag. 347. 50.

A P O L L O N I D E S  
Insignem Gemmarum Scalptorem fuisse APOLLONI-  
DEM, hoc elogio docet PLINIUS. (3) „ Post Pyr-  
„ gotelem APOLLONIDES & Cronius in gloria  
„ fuere “. Si is forte est , habemus Taurum pro-  
cum-

---

(1) Pag. 152. num. CXVII. & CXXVI.

(2) Mendis aliquot foedatam iterum in lucem protulit Muratorius Clafs. XII. pag.  
CMVII. num. 6.

(3) Lib. XXXVII. I.



sumbentem *Sardonychi* incisum, a Cl. STOSCHIO adlatum Tabula XI.

### C. AURELIUS CARPUS

Aurificem fuisse docet antiquum Marmor, pag. CC-LVIII. 7. in *Gruteriano Thesauro*, qui & inter Quinquennales Collegii Aurificum, & Curatores describitur. Cum eo memoratur & P. VALERIUS BENEDICTUS. Sed in *Gruteriano Thesauro* filetur locus, ubi marmor exstat,

### M. CAEDICIUS IUCUNDUS

Is Officinam aurariam habuit in Via Sacra, in qua praestantes Artifices laborantes stabant, eaque a nobilissimis Romanis frequentari solebat, quod inter urbanas primaria esset, eaque ad Forum ibatur, de qua Ovidius: (1)

- - - - - *haec sunt fora Caesaris, inquit,  
Haec est a Sacris quae via nomen habet.*

*Hic locus est Vestae, qui Pallada servat, & ignem,  
Haec fuit antiqui regia parva Numae.*

Huius M. CAEDICII meminit antiquus lapis: (2)

M. CAEDICIUS. IVCVNDVS  
AVRIFEX. DE  
SACRA. VIA. VIX. A. XXX.

### CHAEREAS

Laudatur a LUCIANO in *Lexiphane*, & Aurifex adpellatur: *Χαιρέας ὁ χρυσοτέκτων.* de quo & IUNIUS in suo Artificum Catalogo laudes ponit.

TI.

(1) Tristium Lib. III. Eleg. I. v. 27.

(2) In *Gruteriano Thesauro* pag. DCXXXVII. 7.

## TI. CLAUDIUS OLYMPUS

EX REINESIO innotescit hic TI. CLAUDIUS OLYMPUS, cuius fit mentio in marmore in Aedibus MATTHEIORUM Trans-Tiberim. (1)

TI. CLAUDIO TI. L. PALLANTI LANARIO. VIX. A. LXVIII TI. CLAUDIVS L. OLYMPVS AVRIFEX T. F
---------------------------------------------------------------------------------------------------

## CLODIUS

Artificem summo ingenio caelandique peritia celeberrimum fuisse CLODIUM, ex Scriptoribus & vetustis monumentis colligo. Laudat PLINIUS Vasa, quae ex eo CLODIANA adpellata sunt. (2) „Vasa ex „argento mira inconstantia humani ingenii variat, „nullum genus officinae diu probando. Nunc Furniana, nunc CLODIANA, nunc Gratiana ( etenim tabernas mensis adoptavimus ) nunc anaglypta in asperitatem excisa circa linearum picturas „quaerimus“. Laudatur in antiquo lapide (3) C. VALERIUS CAELATOR ANAGLYPTARIUS. Nec certum est, sed verosimile, si P. CLODIUS DIDA Vascularius, cuius exstat monumentum Romae inventum, in *Thesauro Gruteriano* (4), ille CLODIUS sit, a quo Clodiani operis Vascula propter elegantiam ac dignitatem opificii CLODIANA dicta sunt. Hinc suspicabar vitiose forsitan exscriptum antiquum Romanum lapidem inter schedas MARTII MI-

---

(1) Clafs. XI. num. CVII.

(2) Lib. XXXIII. Cap. XI.

(3) In Thef. Muratoriano pag. CMLXXXI. 9.

(4) Pag. DCXLII. 5.



MILESII, quem evulgavi inter *Donianas* (1); & forsitan pro Claudianorum legendum CLODIORUM; quum CLODII Vasculorum Caelatores tam celebres censerentur, ut ipsum nomen instar magnae laudis ac praeconii esset; ideoque ex eo commendatum in eo lapide M. IVLIVM PTOLEMAEVM putabam, quod fuisset PRAECEPTOR DVORUM MARCORVM IVLIORVM CLAVdiorum. Clodiana Vasa non solum argento, sed etiam auro caelata fuisse colligi potest ex sequenti Romano marmore edito apud GRUTERUM. (2)

D . M

M. CANVLEI. ZOSIMI  
VIX. ANN. XXVIII.

FECIT. PATRONVS. LIB. BENEMERENTI  
HIC. IN. VITA. SVA. NVLLI. MALEDIXIT  
SINE. VOLVNTATE. PATRONI. NIHIL. FECIT  
MVLTVM. PONDERIS. AVRI. ET. ARG.  
PENES. EVM. SEMPER. FVIT  
CONCVPIVIT. EX. EO. NIHIL. VNQVA  
HIC. ARTE. IN. CAELATVRA. CLODIANA  
EVICIT. OMNES - - - - -

Laudatur etiam in *Thesauro Muratoriano* (3) T. CLAVDIVS, ut opinor, PHAEDRVS ARGENTARIVS VASCVLARIVS (4) qui & alumnis suis sepulcrum condidit; quare & CLODIANA Vascula, & CLAVDIANA in pretio fuisse apud Romanos ambigendum non

(1) Clafs. VII. num. 58.

(2) Pag. DCXXXIX.

(3) Pag. CMXLV. 5.

(4) De argenteis Vasculis Ulpianus L. apud Labeonem 20. §. D. de praescriptis verbis.

non est . Quum autem hi Artifices Vascularii anaglyptarii in poculis , & vasculis gemmas exstanti opere insculptas interferere solerent, quod ex adlatis Scriptorum & monumentorum locis observavimus , dabunt Lectores veniam , si & hos quoque inter claros Lithographos Gemmarios ad censendos putem . Quamvis PLINIUS paucis laudet CLODIANA VASA ; memorat tamen & extollit eorum anaglypta in asperitatem excisa , & picturas linearum , quae , ni fallor , encaustico opere fiebant , nobis *di Smalto* . Suo loco dicam de Vasculis crystallinis , quae non solum anaglypticis operibus ornabantur , verum etiam pingebantur coloribus variis , & inaurabantur figurae .

L. CORNELIUS AMANDUS

Patria , seu domo fuit Narbonensis , vel Narbone obiit , ibique sepultus . Titulus eius Sepulcri adfertur in *Gruteriano Thesauo* ex SCALIGERO . ( 1 )

L. CORNELIVS  
AMANDVS. AVRIFEX

Hunc inter egregios Artifices arte auraria , five gemmaria claros , recensui in meo *Columbario* . ( 2 )

P. CRITONIUS HILUS

Sepulcralis titulus Romae inventus , editus a me est inter *Donianas* Clafs. VIII. num. 24. quem ISAACUS VOSIUS V.C.I.B. DONIO dedit ; & ita se habet :

<p>P. CRITONIUS P. L. HILVS AVRIFEX</p>
-------------------------------------------------

( 1 ) Pag. DCXXXVIII. 8. num. 8.  
( 2 ) Pag. 151.



Huius P. CRITONII sanguine & cognatione proximus forsitan fuit Q. CRITONIUS DASSUS, qui in sequenti Titulo Sepulcrali nominatur. Quis scit, utrum HYLLUS ille esse possit superius laudatus, & in marmore vitiose scriptum sit HILVS?

### Q. CRITONIUS DASSUS

Antequam de hoc Q. CRITONIO DASSO Scalptore differam, adferam Sepulcralem Titulum, in Via Aurelia effossum, editum a Clarissimo FRANCISCO FICORONIO in fine Commentarii sui *de Bulla aurea nobilium Puerorum Romanorum*. Inemendatum protulit FABRETTUS *Inscript. ant. Domest.* Cap. I. num. 75. pag. 17. Pervulgavit etiam Vir Clarissimus Commend. Equ. VICTORIUS in Notis ad Cap. XXI. *Dissert. Glyptographicae*. Hinc inde Titulum ornant duo parva cadaverum humanorum scheleta utrimque exstanti opere insculpta. FABRETTUS habet in quarta linea SCALPTORIS. VILARI. & in suis Notis, quas adfert pag. 56. ita explicat: „ Ipsarum victimarum pelles „ deglabrasse hunc CRITONIUM puto, & villos „ ex iis scalpsisse, humanisque usibus accommodasse „ se, ut hodiernum prope eandem Insulam Tiberi „ nam ii faciunt, qui *Vaccinari*, & *Conciapelli* vulgo „ dicuntur “. Sed a tam sordida abiectaue arte vindicare atque eximere conabor hunc egregium Artificem; en titulus eiusdem:

CRITONIA Q L PHILENIA  
POPA DE INSVLA  
Q. CRITONI. D. L. DASSI  
SCALPTORIS VCLARI  
SIBI SVISQVE POSTER  
EOR.

Illud valde exploratum est, Sepulcrales Titulos vel a quadratariis, lapidicinis, vel plerumque a Libertis imperitis inscribi solitos fuisse. Hinc saepenumero non solum litterae in exarandis inscriptionibus, sed etiam aliquando syllabae omittuntur; quod alibi a me exemplis adlatis adnotatum est. Quomodo igitur cum laudatissima scalpendi arte conciliari potest illa, quae pertinet ad pelles victimarum deglabrandas, atque evulsis villis ad eas in usum hominum concinnandas? Valde igitur deceptum arbitror FABRETTUM, ceteroquin rei antiquariae peritissimum. Si probant Viri docti, coniecturam meam ipsis expendendam propono; lubenter legerem SCALPTORIS VasCLARI, adeoque per aphaeresin a quadratario, vel potius ex incuria & oscitantia, quia difficilis illi erat ea vox VASCVLARI ad pronuntiandum, scriptum opinor, SCALPTORIS VCLARI; nam VCLARI nil significare arbitror; sed VASCLARI adpellatio Artificem notat peritum scalpendi Vascula, cuius exemplum suppeditat lapis a Clariss. MURATORIO editus (1), qui ab eo ita emendatur, ut pro APOLVTO legendum sit APOLAVSTO, pro VASCIARIO, intelligendum VASCLARIO.

D. M

L. IVNIO APOL  
VTO ARGENT  
VASCIARIO. L.  
LETTIA. VALEN  
TINA MARI  
TO OPTIMO

Inte-

---

(1) In Thef. Cl. XII. pag. CMLXI. 5.



Integra scriptura titulus legitur apud eundem (1) ARGENTARIUS VASCVLARIVS. Adcedit, quod alter Libertus ex eadem Critonia Familia paulo ante memoratus, nempe P. CRITONIUS HILUS, five HYL-LUS, fuit Aurifex; adeoque hunc Q. CRITONIUM DASSUM magis credibile est operam dedisse scalpendis vasculis vel aureis, vel argenteis, vel etiam ex Gemmis, quibus vel Caesares in Domo Augusta, vel beatiores & opulentiores Romani in conviviis & coenis utebantur; quod testatur titulus iste sepulcralis apud Clariss. amicum meum PASSERIUM.

D. M

AMAZONIUS GAL. A. L  
A. GEMMA POTORIA

In vetustis Saxis plures nominantur Liberti Domus Augustae ab auro & argento potorio, ab auro & argento escario. Solebant Artifices vascula aurea gemmis ornare. Neque erit, ut arbitror, iniucundum, quandoquidem de Opificibus Gemmariis differimus, pulcherrimum adferre exemplum ex *Donianis* a me editis Inscriptionibus (2); cuiusmodi hoc est:

D. M

C. AEMILI. CHARITONIS  
AVG. LIB. AB. AVRO. GEMMATO  
C. AEMILIVS AVG. L. EPAPHRODITVS  
DECVRIO. DISPENSATORVM  
PATRONO. OPTIMO. BENEMERENTI  
FECIT. MEMORIAM  
ITEM. DISTEGVM. CVM. TABERNA  
ET. HORTVLO. ET. SIBI. LIBERTIS. LIBERTABVSQ.  
POSTERISQVE. EORVM  
ET. SI. CUI. DONARE. VOLVERO  
H. M. D. M. A.

(1) Cl. XII. pag. CMXLV. num. 5. (2) Clafs. XVII. num. 17.

Memorandae etiam sunt post gemmata Vasa aurea, quae nimirum infertis gemmis in orbiculis incrustabantur, etiam coronae duplices ex auro & gemmis contextae, quae Diis & Sacrorum primis Ministris donari solebant, iisque Caesares Augusti utebantur; quod a Domitiano factum memorat SÜETONIUS (1). Aurea folia, myrthi mihi visa sunt, nuper accepi ab eruditissimo Abbate MATHIA DAMIANIO, quae in urna Etrusca inventa sunt, Volaterris effossa, quae exstant in *Museo Guarnacciano*. Sed quia de gemmatis five gemmiferis coronis, ornatis imaginibus Deorum, Dearumque, quae in Gemmis caelari solebant, luculenter differui ad Tabulam VIII. a me adlatam inter DONIANAS (2), de his pauca haec tetigisse sufficiat. Superius relato Titulo funereo Q. CRITONII DASSI non lucem, sed nebulas adfudit Cl. MURATORIUS, qui, ut solet, omnes iam editas repetit, qui VCLARI interpretatus est VIKI CLARISSIMI; nec advertit Liberto minime hanc adpellationem convenire, quae summis Viris, Praefecto Urbi & Praetorio, & Consulibus ordinariis, dignitate & muneribus conspicuis, conveniebat, & tribuebatur. Quae subdit digna tanto viro sunt: „Proprie tamen SCALPTORES appellati, qui Gemmas cavabant. Eius generis sunt, quos *Camei* Italice nuncupamus. In „de Scalprum“. Scalptores Gemmarios eos quoque dictos puto, qui Gemmas non solum exstanti opere, & figuris exscalpebant, sed & anaglypho opificio; verum & eos, qui incavata caelatura eas incidebant; quibus etiam ad obfignandum utebantur: quibus et-

N

iam

---

(1) Cap. IV. in ejus Vita.

(2) Vide in Clafs. IV. pag. LXX. & 135.



iam addi possunt qui Gemmas in vasculis aureis vel argenteis, in monilibus, in armillis, in fibulis, in loricis etiam Caesarum, in anadematis Augustarum, in crepidis & calceis ingenioso luxu interferebant. Adde etiam gemmas insertas in Deorum Dearumque vestibus, praesertim quum in celebrioribus festis in aedibus exponderentur, vel in pompis sacris deferrentur; qua occasione simulacra eorum vestibus pretiosissimis a Vestitoribus Deorum, & a feminis ornatricibus amiciebantur & ornabantur.

### CRONIUS

CRONII, qui aurea Augusti aetate floruit, multamque gloriam in scalpendis Gemmis consecutus est, superius mentionem feci, & deperditae Gemmae; cuius singularis archetypi ectypon quod apud me exstat, Musam fidibus canentem referens, memoravi a me editum. De eo haec PLINIUS (1). „Post Pyrgotelem „Apollonides & CRONIUS in gloria fuere, qui- „que Divi Augusti imaginem similem expressit, qua „postea Principes signabant, Dioscorides. „

### DIOSCORIDES

Praestantissimi huius Gemmarii Opificis octo Gemmas, quae ad nos pervenere, superius descripsimus, atque editas indicavimus. Artifex Augusti genio & amore plane dignus, qui imaginem suam eius manu insculptam tanti fecerit, & diplomatibus, libellis, atque epistolis obfignandis ea usus sit; eaque insculpti Principes signare perseveraverint; quod multa cum laude memorat SÜETONIUS (2). PLINII vero elogium paullo ante adlatum non repeto.

EPI-

---

(1) Hist. Nat. Lib. XXXVI. Cap. I. (2) In eius Vita Cap. 59.

# GLYPTOGRAPHICA.

lj

## EPITYNCHANUS

Inter claros Liviae Augustae Aurifices, quibus Gemmarum Caelatores intelligimus, recensendus est EPITYNCHANUS; qui pulcherrimam, absolutissimam, & Gratiarum ac Veneris leporibus omnibus plenam expressit Germanici Iuvenis effigiem, quam superius descripsimus & indicavimus. Clare, ut opinor, liquet, quodnam fuerit Aurificum opificium; quum eorum opera Gemmis insculpta, eorumque nominibus insignita ad nos favente fortuna pervenerint, e terrae visceribus eruta. En eius titulus sepulcralis, (1) qui testatur, eius cineres in eodem Conditorio Libertorum Liviae Augustae in olla conditos fuisse. Sed illud animadvertendum, quod quadratarius duo menda in eo commisit, nam legendum est EPITYNCHANVS.

<p>EPITYCANVS AVRIFEX</p>
-------------------------------

## EVHODUS

Hunc quoque inter Aurifices Domus Augustae memoratum legi. Exstat Beneventi lapis editus in *Thesau- ro Muratoriano* (2), in memoriam T. FELICIS OMNIVM ARTIFICIORVM STUDIOSSIMI. Floruit sub Tito Vespasiano, qui Iuliam eius filiam post eius mortem *Beryllo* stupendae magnitudinis, & admirandi operis insculpsit; de quo supra. In scriptis Saxis non raro H omittitur, adeoque etiam EVHODVS, & EVODVS legitur.

HE-

---

(1) Vide in *Columbario* meo pag. 154. num. CXV.  
 (2) *Class. XIII.* pag. CMLIII. 2.



Legitur in monumento, five Columbario Servorum & Libertorum Liviae huius Artificis nomen; in recto HEDYS *Ἡδύς*. cuius uxor fuit SECUNDA. En eius titulus ollae cinerariae adcommodatus:

HEDYS. AVR. SECUNDA  
HEDI

Inter Aurifices Domus Augustae recensetur.

### T. IULIUS NICEPHOR

Cum Aurificibus Gemmariis coniungendus videtur T. IULIUS NICEPHOR, qui pretiosos lapides disposuit musivo opere, & propter artem hanc suam *MUSEIARIVS* dicitur in Romano lapide penes GRUTERUM (1), qui singularis est; nulla enim aliorum *Museiarorum*, seu potius *Museariorum*, mentio in editis lapidibus habetur. Musivarii Opifices inter Gemmarios, & inter Pictores connumerari possunt; pingebant enim coloratis lapillis imagines omnes, animalia, flores, & ea quae ad ornanda pavimenta, parietes, & cameras convenire putabant. De his Artificibus PLINIUS Lib. XXXVI. Cap. 25. Nostra aetate haec Ars mirifice floret ac perennat Romae; sed hi Artifices vitreis coloratis tessellulis utuntur, non vero, ut antiqui, lapillis multicoloribus pretiosissimis ex Oriente advectis. De his multa, non tamen omnia, erudite adnotavit Io. CIAMPINIUS Praeful Romanus *Veterum Monument.* Par. I. Cap. X.

Veterum Musivariorum Historiam, summo eruditorum plausu susceptam, nuper edidit Praeful Amplissimus

FU-

---

(1) Pag. DLXXXVI. 3.

FURIETTIUS , cuius doctrinam ac probitatem nulli honores aequare possunt . In meo *Museo* tres tabulae musivo opere elaboratae exstant , quae ornabant pavimenta Villae Tiburtinae Hadriani Caesaris Augusti , quas ad me misit Vir Clarissimus FRANCISCUS FICORONIUS anno MDCCXL. Has alibi proferam aeri incisas . Lithostroton Delubri Fortunae Praenestinae , quod Sylla ei ex voto dedicavit , apud me servatur ; primum artis miraculum Romae spectatum , teste eodem PLINIO , a quo laudatur ; quod in lucem protuli in Par. III. *Inscript. antiq. Etruriae Urbium Tabula* II. Sed vigente ac florente aureo Augusti aevo non lapillis ex Occidentis fodinis petitis , sed ex Orientalibus , insignia opera minimis gemmis perfecta fieri consuevere , quae ad absolutissimum decus Hadriano Augusto imperante pervenerunt . Haud igitur , ni fallor , culpabor , si & hos praestantissimos Musivarios cum Gemmariis peritissimis miro quodam artis foedere socios coniungam . Horum paucissima nomina ad nos pervenere , silentibus vetustis Scriptoribus . IOSUM supra Musivarios omnes Opifices longe eminentissimum fuisse ex eo conicere possumus , quod hunc tantum cum laude celebret PLINIUS *Hist. Natur.* Lib. XXXVI. Cap. 25. memoratque eum Pergami urbe florentissima stravisse *Asaroton* *Oecon* parvis testulis tinctis in varios colores . Translata Romani Imperii sede in novam Romam Constantinopolim , magna cum nominis celebritate florentibus sub Constantino Magno & reliquis Imperatoribus , praeclaris Musivariis , iidem varia opera fecerunt tum in Palatio , tum in celebrioribus Ecclesiis , ac praesertim in Aede Sophiae . Ex his Scholis prodire alii Mu-



sivarii, qui primum Romae, & Ravennae, ac mox etiam Saeculo XI. Venetiis & Florentiae Basilicarum tholos, arcus, tribunas, & absides musivis picturis ornarunt, inter quos praecellit APOLLONIUS Graecus. Sed Romae sub Augustorum imperio Liberti ex Graecis orti florere T. IULIUS NICEPHOR, C. LISIUS POSTUMUS, P. RUBRIUS TROPHIMUS, P. RUBRIUS AGATHO, M. ALFIUS ONESIMUS, qui in egregio Opere Praeclarissimi Praefulis FURIETTI laudantur.

## L A M I R U S

Hic Aurifex LAMIRUS innotescit ex antiquo marmore Clugiano prope Venetias, quod editum legitur in *Muratoriano Thesauro*. (1)

## M. L O L L I U S A L E X A N D E R

Opinor Gemmarios Romanos vendidisse inscalptas Gemmas, quarum infinitus erat numerus & usus, non solum penes feminas, & delicatiores homines, verum etiam eas quoque scalpsisse. Gemmarium nobis exhibet Marmor a me editum inter *Doniana*, (2) nempe M. LOLLIVM ALEXANDRUM, quod haec habet:

## D . M

M. LOLLIVS. ALEXANDER  
GEMMARIVS. ET. FLA  
VIA. SABINA. FECERVNT  
AEDEM. CVM. SVO. SIBI  
HYPOGAEO. SIBI. ET. SVIS  
LIBERTIS. LIBERTABVS  
QVE. POSTERISQ. SVIS. POSTE  
RISQVE. EORVM. H. A. D. M

---

(1) Clafs. XII. Pag. CMXLVI. 3.

(2) Clafs. VII. num. 14.

## M E N A N D E R

Praeclarorum artis operum studio & amore magnopere inclaruisse Liviam Augusti coniugem, iam cumulate observavi; nam in Aula sua plures habuit Pictores, Sculptores, Imaginum & Signorum Artifices, Coloratores, & Gemmarios Aurifices, inter quos memoratur MENANDER, qui ab eiusdem Liviae nomine M. LIVIUS MENANDER dictus est. En eius titulus; (1)

M. L I V I V S  
A V G V S T A E. L  
M E N A N D E R  
A V R I F E X

## M N E S A R C H U S

Et si artificio caelandi Gemmas non emeretur (eminuit tamen, ac magnam laudem consecutus est) MNESARCHUS, cuius nulla, quod sciam, opera exstant adscripto eius nomine; tamen ea excellit atque eminet gloria, ut Pythagorae Samii, origine vero Etrusci, pater fuerit, teste HERMIPPO, & DIOGENE LAERTIO Lib. VIII. a quibus *Δακτυλογλύφος* adpellatur, quod gemmarum anulariarum Sculptor fuerit. De eo IAMBLICUS quoque & PORPHYRIUS meminere. Locum APULEII in *Floridis* adfert FRANCISCUS IUNIUS.  
„ Pythagorae Patrem MNESARCHUM comperio  
„ inter fellularios artifices gemmis faberrime scal-  
„ pendis laudem magis, quam opem quaesivisse.

## N E R O

Meminit NERONIS EPIPHANIUS, ut observat Vir Clariss-

---

(1) Vide Columbarium pag. 153. num. CXXI.



rissimus FRANCISCUS IUNIUS (1). Fuit non solum politor lapidum, sed & Artifex Gemmarius, de quo consulendus SALMASIUS in *Plinianis Exercitationibus*. Forsitan floruit sub Neronis imperio, eiusque Libertus fuit. In Vasionensi hoc Marmore (2) adnotandi sunt OPIFICES LAPIDARII, qui non solum lapides peregrinos & marmora, verum etiam lapillos pretiosos ac gemmas expoliebant; quae artes etiam nunc apud nos in Officinis Florentinis *Mediceo Imperiali Museo* adiunctis Clementissimi nostri Caesaris munificentia florentibus vigent, & cum Gemmariis tanquam focii opificiorum assidue operantur. Hi peritissimis Lapillorum Intersectoribus famulantur, qui opera admiranda faciunt Musiva; nos dicimus *di commesso*, & ipsos Artifices *Committitori di pietre dure* dicimus, de quibus inferius redibit sermo.

D. SALLVSTIO AC  
CEPTO OPIFICES  
LAPIDARI  
OB SEPVLTVRAM  
EIVS

Clariss. PITISCUS (3) Opifices Lapidarios eos quoque esse suspicatur, qui Gemmas parabant, & ad imagines ac figuras in ipsis scalpendas poliebant. Credebam igitur Lapidarios lapides ad aedificia parasse & expoluisse; sed quum alii Opifices adpellentur, Gemmarios potius indicari in marmore arbitror; inter quos vel tamquam Praefectus, sive Magister, vel

---

(1) Pag. 132.

(2) Ex Sponio *Miscell. Erud. Ant. Sect. VI.* pag. 222. Hunc ipsum lapidem repetit Muratorius in suo *Thesouro Class. XII.* pag. CMLXXV, num. 9.

(3) Vide in Voce LAPIDARII.

vel tamquam Dominus primas tenuit DECIMVS  
SALLVSTIVS ACCEPTVS.

Quod spectat ad Lapidarios Opifices, hi facile esse possunt qui Gemmas poliebant; quod ut bene apteque fieret, non solum opificio, sed etiam peritia ac studio pollere debebant; nam & Gemmas, & Crystalla & Vitra habemus mira arte polita; quod opus *faccettare* & *brillantare* etiam patrio nostro vocabulo dicimus.

P A G U S

Pulcherrimum Epigramma adfert SPONIUS in *Miscellaneis Erudita Antiquitatis* pag. 219. in honorem PAGI pueri, qui gemmis monilia fabricabat, & auro infertis mirum in modum disponebat; quare etsi non constet, Gemmas inscalpsisse, tamen inter Gemmarios Artifices locum meretur, quum has laudes tulerit:

NOVERAT HAEC DOCTA FABRICARE MONILIA DEXTRA.  
ET MOLLE IN VARIAS AVRVM DISPONERE GEMMAS.

Claruisse apud Romanos & feminas, quae auro includerent Gemmas & Margaritas, ex antiquis inscriptis marmoribus mihi compertum est. Discimus etiam eas conspicuo Urbis loco, nempe in Via Sacra, officinas habuisse, in quibus praesertim mundi muliebris ornamenta ostendebant, & vendebant. Testem adfero lapidem sepulcralem inter *Donianos* a me editum, qui haec habet: (1)

P

MAR-

---

(1) Clafs. VII. num. 13. pag. 319. & quae adnotavi vide.



Heic scul-  
pta Colum-  
ba, sive  
avis.

MARCIA. T. F. SEVERA  
AVRARIA. ET. MARGARITARIA  
DE. VIA. SACRA. LEGAVIT. CODICILLIS  
TESTAMENTI  
LIBERTIS. LIBERTABVSQVE. SVIS  
POSTERISQVE. EORVM

Vides Feminas dictas *Aurarias*, homines vero, qui caelandarum gemmarum peritia pollebant, ut supra adnotavimus, adpellatos *Aurifices*.

Feminas quoque *Bractearias*, quae auro opera praesertim aerea inaurabant, memoratas in priscis monumentis invenio. En lapis inter *Donianos* a me editus; (1) quem in Agro Romano erutum exscripsit idem DONIUS.

C. FVLCINIVS. C. L  
HERMEROS  
BRACTEARIVS  
FVLVIA. MALEMA  
VIXIT. ANNIS. XXXXVIII.  
BRACTEARIA

In aliis lapidibus *Inauratores Bractearii* frequentius memorantur.

# PEMALLION

Artificis Graeci nomen minimis litteris scriptum in Gemma *Cimeliarchii Medicei* Imperialis, perperam lectum, itemque alio modo

# PERGAMUS

quum scriptum sit, decurtato nomine, ΠΕΙΡΜΟ. Si-  
quidem

---

(1) Clafs. VII I. num. 19.

quidem PEIGMONIS opus est Bacchans ebrius, saltans, de quo suo loco superius dictum est. Vide PEIGMONIS.

PHILODAMUS

Prodit in lucem ad hanc Aurificum Gemmariorum ferriem, & laterculum, a nemine antea excogitatum, ornandum augendumque PHILODAMUS, qui nominatur in marmore sepulchrali Capuano penes *Gru-  
terum*. (1)

PHILODAMI. BASSI  
AVRIFICIS  
OSSA. HIC. SITA. SVNT.

Q. PLOTIUS FELIX

Post hunc adconsensus Q. PLOTIUS FELIX, qui in marmore inter *Doniana* GEMMARIVS DE SACRA VIA dicitur. Quum praeclaros Artifices *Eborarios*, *Margaritarios*, *Caelatores* auri & argenti, & *Aurifices*, ac *Gemmarios* officinas habuisse constet in SACRA VIA; minime coarctandum videtur *Gemmariorum* munus, ut solummodo Gemmas vendiderint; quae opinio est *Clariss. MURATORII*; sed eos arbitror tum scalpisse Gemmas, tum etiam vendidisse, qui earum pretium probe sciebant.

POSTUMUS

Producimus Artificem operibus ex auro praestantem, fama etiam eruditionis & litterarum celebrem, POSTUMUM Romanum, Capua oriundum. Hic, teste *SUIDA* (2) post trigesimum aetatis annum Grae-  
cis

---

(1) Pag. DCXXXVII. num. 10.

(2) In voce Ποσειδών.



cis litteris institui coepit, amore earum captus. Initio *Aurifaber* fuit χρυσοχόος. Athenas profectus, in eo sapientiae domicilio Graecorum disciplinis eruditus est, multisque & praeclaris scientiis instructus, ad feram usque senectutem vixit. Hunc inter *Aurifices* antiquos recenset FRANCISCUS IUNIUS. (1)

### PROTOGENES

Quamquam inter Libertos Liviae Augustae ac Caesarum Domus PROTOGENES non nominetur; adpellatur tamen PROTOGENES. CAPSAR. AVRIF. *Capsarius Aurifex*, qui forte capsas, sive arculas ex auro elaborabat; vel erat *Capsarius Aurificum*, ut suspicor, qui eorum opera ex auro argentoque anaglyphis & toreumatis sculpta, vel fortasse etiam Gemmis insertis incrustatisque insculpta custodiebat, ac servabat, & cupidis emendi depromebat, & eorum pretia statuebat. De eodem PROTOGENE, si otium est, vide quae adnotavi in Columbario Libertorum & Servorum Liviae Augustae. (2) Probabile etiam est, hunc PROTOGENEM sub cura sua habuisse arcam sive capsam Collegii Aurificum, cuius fit mentio in hoc marmore ex SPONIO. (3)

PIETATI. AVG. SACR.  
IMP. CAESARI DIVI TRA  
IANI PARTHICI FIL. NER  
VAE TRAIANI HADRIANI  
AVG. PONT. MAX. P. P.  
COLLEG. AVRIFIC. D. D

Eiusdem Collegii Aurificum mentio fit in *Gruterianis*  
pag. CCLV<sup>III</sup>. 7. DCXXXV<sup>III</sup>. 9.

PYR.

---

(1) Pag. 175. (2) Pag. 155. & 156. num. CXXII<sup>I</sup>.  
(3) Miscell. erudit. Antiqu. Sect. II. Art. XI. pag. 67.

## PYRGOTELES

Clarissimum arte sua PYRGOTELEM Gemmarum Scalptorem laudat ac memorat PLINIUS (1), qui sub Alexandro Magno floruit, tantaeque existimationis apud eum fuit, ut edicto caverit, vetueritque invictus ac magnanimus Rex, se ab alio nullo scalpi, praeterquam a PYRGOTELE. Nec silentio praetercunda quae ab APULEIO in *Floridis* narrantur. „Sed „cumprimis Alexandri illud praeclarum, quod imaginem suam, quo certior posteris traderetur, noluit a multis Artificibus vulgo contaminari: Sed „edixit universo orbi suo, ne quis effigiem Regis „temere assimilaret aere, colore, caelamine, quin „solus eam Polycletus (lege Lysippus) aere duceret, solus Apelles coloribus delinearet, solus PYRGOTELES caelamine excuderet. Praeter hos tres, „multo nobilissimos in suis artificiis, si quis uspiam „reperiretur alius sanctissimae imagini Regis manus „admolutus, haud secus in eum, quam in sacrilegum, vindicaturus“. In numismatis, quae eius imaginem referunt, exemplum forsitan petatum manu vel eiusdem PYRGOTELIS, vel Lysippi suspicor; nam opere praestantissima sunt, praesertim aurea & argentea, quae nulla temporum edacitate labefactata ad hoc tempus in splendidioribus Principum Cimeliis splendent. Insignis est Gemma ingentis magnitudinis, in qua PYRGOTELIS nomen scriptum est, a Clariss. STOSCHIO edita Tabula LV. de qua vide quae erudite ab eo adnotantur.

Q

M. RA-

---

(1) Hist. Nat. Lib. XXXVI. Cap. I.



## M. RAPILIUS SERAPIO

Cum Aurificibus Gemmariis & Scalptoribus ac Caelatoribus sociandus videtur M. RAPILIUS SERAPIO Romanus, cuius fit mentio in hoc singulari lapide *Musei Suburbani Florentini STROZZIORUM*.

M. RAPILIUS. SERAPIO. HIC  
AB. ARA. MARMOR  
OCVLOS. REPOSVIT. STATVIS  
QVA. AD. VIXIT. BENE

Errat SPONIUS (1), qui eundem RAPILIUM SERAPIONEM scribit aras marmoreas fabricare solitum; quum perspicuum sit, eum a Vico *Arae Marmoreae* denominatum; quod apud Artifices Romanos in usu erat, ut ex sexcentis exemplis constat. (2) Sed, quod rarum in hoc lapide est, SPONIUS non animadvertit: tota enim ars M. RAPILII SERAPIONIS in eo versabatur, ut oculos sive aureos, sive argenteos, sive etiam ex vitro optime fabrefactos, & ad verorum similitudinem scalptos, in statuis reponeret, sive aereae, sive marmoreae essent. Inter Gemmas Astriferas ducentis Tabulis aere incisus nuper a me editas tribus Voluminibus, quae Eruditis valde placuerunt, adtuli ex meis Cimeliis Tabula LIX. Gemmam coeruleo e vitro antiquam, in qua anaglyptico opere sculpta est, tamquam primum Artificis exemplum ad insigne *Cameum* perficiendum, protome ignotae Deae inter duo astra, & cernitur locus, foramenque, in quo in eius collo reponendum erat caput

(1) In Miscellaneis Sect. VI. pag. 232.

(2) Hunc Titulum Sepulcralem adtuli in Par. I. Inscriptionum antiq. Etrur. & illustravi pag. 406. & 407. num. 215.

caput ejusdem Deae ; quod exemplum quum in Gemmis anaglypticis perrarum sit , nolui praetermittere. (1)

Consueverunt non solum Graeci & Etrusci , sed etiam Romani in simulacris ac statuis cavos & inanes oculos construere , ut eorum loco oculi ex adamante gemmisque pretiosis , quae oculos referrent , reponerentur . Exstat Caecilii Balbi luculentissimum testimonium apud IOHANNEM SARISBERIENSEM in *Policratice* , qui haec habet : „ Quis enim Deorum ei parcat , a quo se deceptum intelligit ? Quis non irruat in eum , qui aureos Iovis oculos eruit , aut argento Gemmisque sublati vestem nititur excoecare ? Quis de Martis capite adamantinum lumen temerariis effodit unguibus “ . Exstant apud me antiqua ex aere signa Deorum , ac Diis dedicatorum animalium , quae oculos argenteos habent . Craterem quoque ex aere funebrem habeo , cuius manubrium in caput arietis elegantissimum desinit , eius vero oculi argentei sunt : toreuma in fundo Crateris sculptum exhibet funus Patrocli , arma vero , thoraces , & galeae Heroum argento in aere inserto illuminantur ; quod artificium , notatu dignum , & hodie Italice dicitur *di tarsia* ; quemadmodum docent antiqua pondera , quorum non pauca apud me servantur , quae litterae , & signa numeralia ex argento in aere inserta sunt . Thecam aeream atramentariam antiquam copioso Commentario inlustratam aliquando proferet Vir doctissimus IACOBUS MARTORELLIUS , Regius Graecarum Litterarum Professor Neapolitanus ,

---

(1) Vide, si lubet, quae adnotata sunt in Vol. II. ad hanc Tabulam LIX.



nus, in qua signa septem Deorum ex argento inserta sunt. Quum mihi primas ipse Praefationis suae impressas schedas misisset, docui, eumque monui, nihil de hac antiqua auri & argenti incrustandi inferendique arte, ac ne verbum quidem fecisse; quod tamen ab eo factum iri spero.

Veteres quoque Christiani oculos ex gemmis reponere in sacris tum ex aere, tum e marmore Imaginibus consueverunt; cuius artificii exempla non pauca alibi a me adlata sunt. De eadem apud Graecos consuetudine, eodemque artificio, habes Epigramma LUCILII in *Anthologiae* Lib. II. Cap. 22. num. I. Sed de gemmeis oculis, vitreisque in statuis repositis, plura adfert omnigena eruditione Clarissimus Senator BONARROTIUS, quem vide. (1) Multis operibus ex gemmis, lapillis, crystallisque ornari solita docet simulacra Deorum, in pompis ac festis eorum, quo facilius cultum ab ignara plebe obtinerent. Gemmis ornabant eorum caput, pectus, vestes, & torques, fibulas, bullas ex gemmis locupletabant. Exstat in meis Cimeliis bulla rotunda ex *Achate Sardonyche*, quae clauditur & aperitur tanquam thecula, opere pulcherrimo expolita, & strigibus eminentibus ad centrum euntibus elaborata, limboque argenteo in utriusque partis labris circumdata, quam vel voto donatam alicui Deorum, Dearumque, vel etiam nobilis pueri insigne fuisse pro amuleto continendo non invitatus reor. Titulum dedi *Syncrotis Tiberii Caesaris* (2) cuius officium fuit AD IMAGINES, quas ipse in Domo Augusta vel servabat, vel expoliebat,

memo-

(1) In Praefat. ad Numism. maximi moduli Musei Carpinei pag. XI. & XII.

(2) In Columbario Libert. & Servor. Liviae Aug. pag. 158. num. CXXVII.

memoratisque ornamentis condecorabat, quum in pompis ornatissimis thensis deducendae essent. De hisce etiam gemmarum ornamentis in cultum Deorum plura Clariss. Commendat. Eques FRANCISCUS VICTORIUS in *Dissertatione sua Glyptographica*. (1)

## D. SALLUSTIUS ACCEPTUS.

De eo vide supra quae de NERONE diximus. His quae paullo supra observavi, illud addendum, Opifices lapidaries eos esse posse, qui non solum Gemmas & Vitra coloribus iisdem infecta, quibus Gemmae cuiuscumque generis nitescunt, expoliebant quamscitissime; verum etiam & eos qui variis faciebus tum Gemmas tum Vitra donabant, dum ad rotulam expolirent, quas nos dicimus *faccette*, & actum ipsum *faccettare* adpellamus; quare doctissimi Compilatores Vocabularii Tuscanicae elocutionis *Della Crusca* haec scribunt Vol. II. pag. 329. „FACCETTA. §. Onde „*A faccette*, posto avverbialmente, o in forza d'aggiunto, si dice di Gemma, o d'altro, la cui superficie sia composta di facce, e piani diversi. Lat. *angulatus*. Gr. πολυέδρος. “ In meis Gemmariis theculis pulcherrimae quaedam Gemmae antiquae sine caelaturis servantur, & vitra etiam aliquot & crystalla parva orbicularis, vel longioris figurae hisce faciebus eleganter & pellucide fabrefacta. Nihil dico de *Dactyliotheca Stofschiana*, quae ditissimum est tum harum Gemmarum & Vitrorum antiquorum, tum antiquarum omnium elegantiarum promptuarium, unde exempla omnia peti possunt. Servatur etiam lens maior e crystallo splendidissimo in iisdem meis forulis,

R

de

---

(1) Cap. VII. IX. X. XI. & XII.



de cuius usu alibi differendum erit . Exempli aliquot expolitarum Gemmarum e crystallo & vitro antiquo suis figuris exhibentur ab Auctore non semel laudato *Dissertationis Glyptographicae* (1), quae in insigni *Victorio Museo* Romae adservantur. Idem Auctor in fine Praefationis ad egregium Opus *De Sanctis septem Dormientibus*, adlatis figuris & instrumentis, accuratissimam normam exhibuit artis conficiendi Vitra cuiuscumque generis colorata, vulgo *Paste*, quae referant *Iaspides* nigros, virides, rubros, *Achates* variegatos, *Carneolas*, *Hyacinthos*, *Amethystos*, *Chalcedonios*, & quomodo expoliantur, utilissimo labore exposuit, & docuit.

## SATUREIUS

In Anthologia veterum Graecorum Epigrammatum, praesertim Lib. IV. Cap. XVII. describuntur, & laudantur complura Scalptorum Gemmariorum opera lapillis insculpta, ac praecipue in crystallo montana. Inter hos celebratur SATUREIUS Graecus Lithographus, qui imaginem ARSINOES, uxoris Ptolemaei Philadelphi Regis, crystallo faberrime ita exsculpsit, ut nihil ad veritatem deesset; quem Poeta in exprimendis imaginibus eximio Zeuxidi quodammodo parem facit. En ipsum Epigramma:

Zeύξυδος ἡ χροὴ τε καὶ ἡ χάρις, ἐν δέ με μικρῇ  
 Κρυστάλλῳ, τὸ καλὸν δαίδαλον ΑΡΣΙΝΟΗ  
 Γράψας τὸτ' ἔπορεν ΣΑΤΥΡΗΙΟΣ. εἰμὶ δ' ἀνάσσης  
 Εἰκῶν, καὶ μεγάλης λείπομαι εἰδ' ὀλίγον.

CL. HUGO GROTIUS vertit

*Zeuxidos* ὧ color est ὧ gratia: sed SATUREIUS  
 Tum varias laudes exhibet ARSINOES  
 In glacie parva. Dominae sum tantula tantae  
 Effigies; in me nil tamen eius abest.

Huic

(1) Vide Cap. XXVIII. pag. 105. & 106.

Huic forsitan Artifici praestantissimo tribuendus est Crater ille maximus ex *Sardonyche*, editus a Clarissimo Marchione MAFFEIO in *Museo Veronensi*, cuius poetica pars GORGONIS caput exhibet, quandoquidem specie Deorum eiusdem *Ptolemaei* & *Arsinoes* uxoris imagines repraesentantur; de quo emblemate alibi fusius dicam.

In ditissimo *Mediceo*, Imperiali nunc, *Thesauro* prodigiosa supellex servatur Vasculorum antiquorum ex pretiosis lapidibus, atque e crystallo montana, quae admirando opere caelata sunt. Poculum crystallinum antiquum spectatur in celeberrimo *Museo Stofchiano*, in quo in anteriore epistomii parte mira arte excavatum in anteriore labro, e quo vinum in pocillationibus ad gustum sorbere solebant, sculptum est MEDUSAE caput anguibus crinitum, artificio emendatissimo. Non pauca & apud me exstant antiquorum operum e crystallo fragmenta, quae ad ornanda parva Deorum templa, de quibus luculenter differit PHILIPPUS BONARROTIVS Florentinus Senator Amplissimus, facta videntur. (1) Referunt enim arborum folia, coronides, conchas, nimbos forsitan Veneri dono dandos, arma, thoraces, & homines, alios ex equo, alios pedibus, ad venatum euntes. Truncum, sed toto cum pectore & coxis, sedentem habeo CUPIDINEM antiquum e crystallo; cuius humeriquum foramine quodam terebrati adpareant, coniiicio in parva aedicula pro Donario locatum fuisse. De hisce parvulis Templis & aediculis exquisita eruditio-

---

(1) In Praefat. ad Numism. *Musei Carpinei*, ubi multa in crystallo caelamina adfert pag. 298. 345. 385. & differit de his pag. XXII.



ditione differit Vir Clarissimus PHILIPPUS DE VENU-  
TIS, Ecclesiae Liburnensi Praepositus. (1) Sed cu-  
riosum est diaglypticum e crystallo opus apud me,  
in quo sculpta est persona cum peculiari galea. In  
alio quatuor unciarum meo fragmento, in crystallo  
excavatus est Athleta nudus, perite aureis bracteis  
superfuso; in quo mira Caelatoris ars, studium, ac  
patientia elucet. Nonnulla ex his fragmentis antror-  
sum, ubi figurae insculptae & excavatae sunt felici-  
bus ductibus & lineis, auro bracteata sunt, servant-  
que adhuc aurum pellucidum, uti imago Athletae,  
minus vero Militis memorata persona. Haec opera,  
si per suam planitiem politissimam spectentur, figu-  
ras referunt veluti integras, exstantes, & anaglypti-  
co opere sculptas; quod opus plane mirandum a pe-  
ritioribus harum elegantiarum valde laudatur; quod  
exemplum secutus est VALERIUS BELLIVS Vicentinus,  
qui pro CLEMENTE VII. arculam stupendi ope-  
ris sculpsit, & introrsus figuras inauravit, quae in  
eodem *Thesauro Mediceo* exstat. Nam in his contem-  
planda est non solum caelandi scalpendique peritia  
Opificis; verum etiam ars inaurandi, bracteisque  
cooperiendi eas imagines, quod fornacis igne fiebat.  
Habeo etiam leaenae caput e crystallo antiqua pul-  
cherrimum, quod totum inauratum est. (2) Quare  
si Lithographis socios demus Bractearios Inaurato-  
res, non erit, opinor, absouum & absurdum. In  
Aula Liviae Augustae, ut vidimus, non solum Gem-  
marii Caelatores, Aurifices, Margaritarii, & Colo-  
rato-

---

(1) Vide Vol. I. *Dissert. Accademic. Etruscor.*

(2) De crystallo, eiusque usu apud Antiquos accurate differit Clariss. Vir Ioan. de S. Lau-  
rent in sua *Dissert.* quae prima est in Vol. V. *Accademicor. Etruscor.* Cap. VII.  
pag. 41.

ratores erant, verum etiam Inauratores. Adhuc haec ars perennat, & pocula crySTALLINA, & crateres inaurati sunt, praesertim Venetiis apud Muranum, olim quoque in Mediceis officinis, & alibi, totoque orbe hodie intus & extra pocula pro Americana ambrosia ad miraculum usque, ut in Saxonis, Neapolitanis, & Florentinis Ginorianis officinis fulgenti auro bracteantur, atque inaurantur, & picturae etiam elegantissimae aureis lineis illuminantur; adeo ut non multum miremur Aegyptia opera, & inventas ab eis Artes, quum nostra quoque aetate excellentissimos Artifices cuiuscumque generis habeamus sagacissimos ac peritissimos. Adferre nunc lubet quae PLINIUS observat de Aegyptiis poculis. (1) „Tingit „ & Aegyptus argentum, ut in vasis Anubim suum „ spectet; pingitque, non caelat argentum. Transi- „ inde materia & ad triumphales statuas, mirum- „ que crescit pretium fulgoris excaecati“. Quomodo etiam Gemmae ab Aegyptiis tingerentur, idem PLINIUS exponit. (2)

D. SEGULIUS ALEXA

Cum Opificibus Gemmariis recensendus est DECIMUS SEGULIUS ALEXA, qui Romae floruit, quod ex sequenti titulo *Gruteriano* (3) colligitur.

<p>D. SEGVLIVS ALEXSA. AVR VFEX</p>
-----------------------------------------

S E L E U C U S

Hic quoque aurariam artem exercuisse videtur, & in  
S Colle-

---

(1) Lib. XXXII. Cap. 9. (2) Lib. VII. Cap. 9. (3) Pag. DCXXXIX. 1.



Collegio Aurificum Magister Quinquennalis fuit, licet libertinae conditionis, cuius dominus fuit Aulus Fourius. (1)

### T. SICINIUS PRIAMUS

Aurifex fuit, teste Opitergiano lapide penes Muratorium. (2)

T. SICINIVS. L. L.  
PRIAMVS. AVRIF.

### SIDON

*Vitri* Artificem adpellat PLINIUS (3). Manubria five anfas duas Vasculi vitrei pulcherrimi, sed fracti, olim ad me misit delineata amicissimus Eques HIERONYMUS ODAM, in quibus scriptum exstantibus litteris ΣΙΔΩΝ. quae vel ipsum Artificem, vel Sidonem notabant; nam vascula vitrea e Sidoniis officinis apud Romanos laudatissima, ac magno in pretio fuere, quum apud Sidonios Artifices essent egregii, quos etiam celebrat STRABO (4), deque his PLINIUS fusius agit Lib. XXXVI. Cap. 26. Vitrarias antiquas Officinas memorat BONARROTIUS in Praefatione sui immortalis Operis *de Vitreis Vasculis antiquorum Christianorum*, ubi Poculorum & Calicum vitreorum antiquitatem, usum, artificium, luxum apud Romanos tanta eruditione elucidat, ut nil supra desiderari possit. Erant etiam in magno pretio Vascula Vitrea sigillata, nempe signis & figuris ornata; quae etiam non solum pingi variis coloribus, sed etiam inaurari solebant. Merentur ergo & hi Vitrarii Artifices in censum Gemmariorum Opificum, velu-

---

(1) Vide Thef. Gruter. pag. DCXXXVII. 9. (2) Clafs. XII. pag. CMLXXXVII. 9.  
(3) Histor. Nat. Lib. V. Cap. XIX. (4) Geograph. Lib. I. 41.

veluti focii, comites, & adseclae, venire; quum & ipsi tanta arte non solum vascula, sed etiam signa, & templorum, atque aedicularum sacrarum, & Museorum ornamenta e vitro absolverent, ac perficerent. Multa in Adversariis undique collecta adnotavi, quae pulcherrimum opus praestare possunt *de Vitrariis antiquis, & eorum operibus*, quod a nemine nedum factum, nec excogitatum puto. Myrrhini Vasculi fragmentum insigne protuli in Decade II. mearum *Symbolarum*, quod apud me exstat; quare & de his, qui vitrea vascula, phialas, ampullas fabricabant, luculenter differi potest. Non sine voluptate contemplor inter mea Cimelia Caput virile imberbe e vitro felici flatura figuratum, altum cum collo unciis septem, sine dubio antiquum. Observavi Artificem triplici flatura illud efformasse; nam prima anteriorem vultus partem, altera posticam, tertia vero flatura egregio opere utramque partem coniunxisse & consolidasse animadverto, ut integrum caput referret, quod intus totum vacuum est, & multae quidem subtilitatis, praesertim in naso, qui labefactatus parumper est. In tam opulento antiquarum Inscriptionum *Thesauro* nondum vidi memoratos Opifices Vitrarios, quum de Vitreis operibus, gemmis, deque Obsidiano Vitro luculenter agat PLINIUS. Probe teneo me vidisse (pauca tamen) vitrea vascula, seu phialas, quarum ima pars exhibet litteras aliquas, & vitrariae officinae insigne. Profecto mirum videri potest, quum *Ampullarii* legantur (1), & *Artifices artis tessellariae lusoriae* (2), nempe  
ex la-

---

(1) Vide *Thesaur. Murator.* pag. CMXXII. 36. (2) Apud eundem pag. CMLVII. 4.



ex lapillis gemmeis, vel ex ebore. Tali gemmei & vitrei perpulcro artificio fabrefacti in variis Museis, atque in meis Cimeliis adservantur ex *Sarda* & *Chalcedonio Saphyrino*; & duo tali antiqui ex *Sarda*, Cruce insculpti, & sacris litteris ornati, occasionem dedere amicissimo Viro eximio IO. BAPTISTAE PASSE-  
RIO, ut Dissertationem luculentam elucubraret de *Sor-  
tibus veterum Christianorum*, quam protuli in Vol. III.  
mearum Gemmarum Atriferarum (1). Accedunt tes-  
serae vitreae, imagines in vitreis orbiculis sculptae,  
& alia huiusmodi opera, ingenii ac studii oblecta-  
menta, quae ostendunt Opificum *Vitrariorum* indu-  
striam, scientiam, ac praestantiam; adeoque cum  
Sculptoribus tantam habent adfinitatem, ut sine hae-  
sitatione credam, eximios Gemmarios Lithographos,  
eximios quoque Vitrarios fuisse; quum ipsi exempla  
& prototypa suorum operum, ut opus pretiosum fa-  
cerent accuratius, efformarent; vel ex iam absolu-  
tis operibus educerent vitreas formas, quae a nobis  
*Paste antiche* adpellantur, e quibus non paucae apud  
me exstant; innumerae vero in *Cimeliarchio Stofschiano*;  
quae antiqua vitrea ectypa nobis plurima servarunt  
praestantium Caelatorum Gemmariorum opera, quo-  
rum archetypa adhuc latent, & nondum visa sunt.  
Non praeteribo *Vasculares Vitrarios*, qui in fundo Vas-  
culorum suorum nomen suum per siglas notare so-  
lent, atque etiam insigne officinae suae insculpere;  
cuius rei non desunt exempla. Inter hos forsitan nu-  
merandus L. AEMILIUS BLASTUS, cuius opus de-  
di ac descripsi ex *Cimeliis Andreinii* (2). Praetereo  
vitreas

---

(1) Ea est Dissertatio XIV. quam vide pag. 234.

(2) Vide Par. I. Inscript. ant. Etrur. Urb. pag. 265. num. 51.

vitreas ampullas, ac phialas unguentarias, olearias, quae exhibentur ex sculpturis eximiarum Gemmarum, quas e *Museo Victorio* accepi, & protuli inter *Donianas Inscriptiones* (1). Multa dicenda in Adversariis meis superessent de *Pictoribus Vitruvii*, sed quia hi ad hanc Spartam non pertinent, praetermitto; de quibus tamen alibi erit sermo.

STEPHANUS

Laudatur STEPHANUS in Monumento sive *Columbario* Libertorum & Servorum Liviae Augustae, qui fuit Tiberii Caesaris Aurifex, inter Scalptores Gemmarum celebris, de quo supra in Parte II. nonnulla adnotavi. En eius titulus: (2)

<p>STEPHANVS TI. CAESARIS AVRIFEX.</p>
------------------------------------------------

Quanta artis scientia pollerent Gemmarii Artifices, qui Augusteo aevo floruerunt, ostendunt Opera anaglypho opere exscalpta, quae iam edita sunt; *Achates* nempe Tiberianus, Augustae Familiae Apotheosis, quae exstant in Caesareo *Vindobonensi Cimeliarchio*, & alia vulgo *Camea* eiusdem aevi, magnitudine & opificio insignissima. Nec praeteribo Craterem immensi operis absolutissimi, ex *Achate* utrimque sculpto, mirae magnitudinis, olim *Musei Farnesiani*, nunc *Regii Neapolitani* insigne ornamentum, a Praeclarissimo SCIPIONE Marchione MAFFEIO bis editum; (3) & Tiberii

---

(1) Tab. IX. pag. 143. (2) Ibid. pag. 153. num. CXX.  
(3) Vide Museum Veronense pag. CCCLV. & CCCLVI.



berii Caesaris protomam, opere admirando & exquisitissimo sculptam ex *Iaspide* caerulei coloris, vulgo *Turchina*, quam exhibui in *Musei Florentini* Vol. I. Tabula III. eamque illustravi pag. 14. quae exstat in *Augusto Mediceo Thesauro*. Gemmarius Opifex in hac nomen suum non scripsit; sed quis scit, num huius STEPHANI peritissima manu, tam verae imagini simillima, esse possit? Hic STEPHANUS non Liviae Augustae, sed TIBERII CAESARIS AVRI-FEX laudatur. Dubitare licet; non tamen id adferre, aut adfirmare. In iisdem Mediceis Imperialibus Cimeliis exstat opus *Sardae* pereleganter insculptum, nempe PEGASUS ocissime currens, quod praefert nomen STEPHANI; (1) de quo dubitandum tamen, utrum exprimat nomen Gemmarii Scalptoris, an vero Domini possessoris eiusdem Gemmae. De hisce dubiis caelaminibus iudicium aliorum cupio, meum non profero.

## T E U C E R

Laudatur a PLINIO (2) TEUCER *Crustarius*, qui sua aetate ingentem famam consecutus est. *Crustae* erant emblemata, exquisito artificio elaborata, quae Vasculis praesertim potoriis addebantur, quae non solum ex auro argentoque fiebant, verum etiam ex gemmis nobilissimis, de quibus GOTOFREDUS in *Cod. Theodos.* Lib. XV. Tit. VII. & LAZARUS BAYFIUS. Iam memoravimus ex antiquis scriptis monumentis aurea

(1) Vide a me editum Par. I. Inscr. ant. Etrur. Urb. Tab. XII. num. I. Illud nunc notandum, omnes Gemmas, quas in hoc Volumine protuli, ita sculptas esse, ut in ipsis Archetypis Gemmis videntur, non vero ut in eclypsis exprimuntur, quod tunc a novitio factum, postea minime probavi.

(2) Lib. XXXIII. Cap. XII. num. 5. Hard. edit.

aurea & argentea Vascula patoria gemmata, quibus in mensis utebantur Principes Domus Augustae. Quamvis incertum sit, utrum *Crustarii* Opifices Gemmas ipsas, & gemmata anaglypha opera, quae Vasculis inferebant & inligabant, ipsi inscalperent, ac caelarent; tamen cum Gemmariis Aurificibus propter artis adfinitatem, inferendarumque Gemmarum peritiam ex hoc Historico Catalogo reiicere absurdum mihi visum est; in quo non ea sola nomina Sculptorum Gemmariorum, de quibus constat, sed & aliorum, qui artis cognatione ac studio eorum socii erant, atque, ut vidimus, in Collegio Aurificum censebantur, enumeranda esse non inutili labore censuimus. His, si Viris doctis placuerit, addi poterunt Caelatores aureorum & argenteorum poculorum, & phialarum celebriores, qui a PLINIO ibidem laudantur, quum in multis non exprimat, si ea vasa ex pretiosis lapidibus perfecta essent, vel gemmeis emblematis ornata; inter quos MENTOR, ACRA-GAS, BOETHUS, MYS, CALAMIS, ANTIPATER, STRATONICUS, TAURISCUS Cyzicenus, ARISTON & EUNICUS Mitylenaei, HECATAES, & qui circa Magni Pompeii aetatem florere, PRAXITELES, POSIDONIUS Ephesius, LAEDUS Stratiates, ZOPYRUS, PYTHEAS, ac demum TEUCER, de quo haec pauca adtulimus.

His adiungendus ALCIMEDON poculorum Caelator celeberrimus, quem divinum adpellat VIRGILIUS.

- - - - - Pocula ponam

*Fagina, caelatum divini opus ALCIMEDONTIS,*

*Lenta quibus torno facili superaddita vitis*

*Diffusos hedera vestit pallente corymbos.*

*In me-*



*In medio duo signa: Conon; & quis fuit alter;  
 Descripsit radio totum qui gentibus orbem;  
 Tempora quae messor, quae curvus arator haberet?  
 Necdum illis labra admovi, sed condita servo.*

Rusticis aptavit opus; sed facile est VIRGILIUM descrip-  
 sisse vas, seu scyphum a se visum, sculptum stupendo  
 opere; vel, ut notat SALMASIUS, ex THEOCRITO acce-  
 pit. Quare & ab eo, & ab ANACREONTE, aliisque  
 Poetis eximiae pulchritudinis caelata Vascula potio-  
 ria describuntur.

TRAVII

Patria domoque Amerini fortassis fuere TRAVII Auri-  
 fices, qui in hoc funebri Titulo penes GRUTERUM  
 (1) memorantur; nam lapis exstare dicitur Ameriae  
 in aede B. Rocchi:

T. TRAVIVS. T. L. ARGENTIL  
 LVS. AVRIFEX. TRAVIVS  
 T. L. AVCTVS. AVRIFEX  
 LIB. FEC

In *Scaligeriano Indice* indicatur DOMVS AVRIFICVM  
 pag. XXXI. num. II. sed notandum, inrepisse men-  
 dum; nam in ara marmorea, quae exstat in *Museo*  
 suburbano *Strozio*, quam vidi, & in lucem iterum  
 accuratius protuli (2), scriptum est: EVMOLPVS  
 CAESARIS A SVPELLECTILE DOMVS AVRIAE.  
 hoc est *Domus Aureae* Neronis.

P. VA-

(1) Pag. MCXVI. num. I.

(2) Vide Par. I. Inscription. ant. Etrur. Urb. pag. 335. num. 4.

GLYPTOGRAPHICA. lxxvij

P. VALERIUS BENEDICTUS

Vide supra ubi recensetur inter Aurifices C. AURELIUS CARPUS.

L. VETTIUS NYMPHUS

Romanus, ut opinor, fuit hic L. VETTIUS NYMPHUS; nam in Romano Agro inventum eius Epitaphium, adlatum inter *Gudianas* (1):

L. VETTIVS . NYMPHVS

AVRIFEX. V. A. XVII. &c.

Sed inter *Sponianas* legitur (2):

L. VECTIVS. NYMPHIVS.

at legendum videtur NYMPHVS.

Z E U X I S

Claudit agmen praestantium Scalptorum Gemmariorum, & Aurificum ZEUXIS Liviae Augustae Libertus, huiusce artis peritus. Sepulcralis eius titulus heic repetendus. (3)

<p>ZEUXIS. LIVIAE. L. AVRIFEX RVFA. TERTI. L.</p>
-----------------------------------------------------------

His addere nunc lubet *Anularios*, qui Scalptorum focii & conlegae sunt, qui in vetustis lapidibus memorantur. Ex Placentino lapide, quem manu Sen. BONAROTII inter eius schedas exscriptum inveni, prodit Q. MVSIVS PRIMVS. En sepulcri eius epigraphe, quam vivens sibi fecit.

V. L O C. F  
Q. M V S I. Q. L  
P R I M I  
A N V L A R I  
I N F R. P. X I I I I  
I N A G. P. X I I I I

V

GRU-

(1) Pag. CCXXV. num. 2. (2) In Miscell. erud. Antiq. pag. 219.  
(3) Vide Columbarium &c. pag. 150. num. CXIV.



GRUTERO & SCALIGERO incognita fuit, in quorum The-  
sauro nec *Musia* familia, nec inter Artifices *Amula-*  
*rii* recensentur. Eadem epigramma cum mendis, &  
confusa repetitur. (1)

Huic praestantium Artificum agmini si quis addere vo-  
luerit, silentio non praeteribo, PHILOMUSUM,  
qui in Aula Liviae Augustae fuit *Inaurator* Tertii Li-  
bertus, qui nempe simulacra Deorum, statuas, imagi-  
nes, & alia quae ad supellectilem spectant, inaura-  
bat, aureis bracteis cooperiebat, cuius exstat sepul-  
cralis hic titulus a me editus in meo Columbario.

PHILOMVSVS TERTI. L. INAVR
-------------------------------

Hoc est : *Inaurator*.

### Z O S I M U S

Inter Scalptores Gemmarios recensetur a IOANNE FABRO  
Bambergensi in Commentariis ad Imagines Virorum  
Inlustrium Bibliothecae FULVII URSINI. (2) Sed  
quum Artificum nomina propria alio detorqueat,  
vel falso explanet (3), eius iudicio caute fidendum  
est : ei tamen ignoscendum, quum nonnisi haesitan-  
ter & obscure nomina Gemmariorum Scalptorum an-  
te V. C. PETRUM ANDREAM ANDREINIUM, LEONEM  
STROZZAM Praefulem, & PHILIPPUM STOSCHIUM in-  
dicata fuerint vel cognita.

---

(1) Clafs. XII. num. 6. (2) Tab. LXXXVI. pag. 52.  
(3) Vide Dissert. Glyptographicam Cap. III. pag. 8.

HISTORIAE  
GLYPTOGRAPHICAE


P A R S IV.

SCALPTORES GEMMARIOS

R E C E N T I O R E S

A Saeculo XV. ad Saeculum XVIII.  
complectens.





## PROLOQUIUM



**M**Agnum & divinum est hominis ingenium, quod quid-  
 quid arduum & admirabile est in universo terrarum  
 Orbe, id ipsum imitari & facere sapientissimi Dei optimi  
 maximi ope & consilio consuevit. Testantur quantaе eius  
 mentis vires sint, & quam maxima ac mira perspicacia  
 atque intelligentia, innumera magnificentissima aedificia, na-  
 ves, horologia, pictae tabulae, statuae, atque, ut paucis  
 omnia complectar, sculptae Gemmae, de quibus nunc per-  
 tractandum. In parvo minimoque lapillo non sine admira-  
 tione cernimus plurimas figuras faberrime expressas; cuius  
 stupendi opificii testis est illa toto orbe famosissima Gemma,  
 quae e digitis divini nostri MICHAELIS ANGELI BONAR-  
 ROTII in digitos Christianissimi Galliarum Regis Magni  
 LUDOVICI XIV. tanto honore & maiestate digna, fe-  
 liciter migravit. (1) Praetereo alia plura Artificum prae-  
 stantissimorum miracula, quae in egregio suo opere FRAN-  
 CISCUS IUNIUS luculenter descripsit. Quum in superioribus  
 huius Historiae partibus veterum clarorum Artificum Gem-  
 mariorum nomina ac laudatissima opera recensuerim; in hac  
 postrema recentiores Gemmarum Scalptores enumerandi sunt.  
 Primus hanc Spartam summa cum laude occupavit GEORGIUS  
 VASARIUS, qui eos Opifices, quos aetate sua celebres audi-  
 verat & noverat, laudavit; mox Auctor Dissertationis Glyp-  
 tographicae, nempe Clarissimus FRANCISCUS VICTORIUS  
 Equestris Ordinis S. Stephani P. & M. Commendator,  
 X qui

---

(1) Hanc Gemmam operosissimam egregie delineatam, & aeri incisam, vide editam in  
 Par. I. Operis P. I. Mariette, quod inscribitur: *Traité des Pierres Gravées &c.*  
 Tabula XLVII.



qui eorum nomina paucis adiectis indicavit . VICTORIUM secutus est egregius PETRUS MARIETTUS Gallus , qui non pauca , iisdem vestigiis insistens , adnotavit ; sed omnes una commiscuit Artifices , ad sidera nimium erectis his , qui Gallicum caelum ornant . Illud igitur mihi propositum perficiendum curavi , ut non solum eorundem Gemmariorum Opificum nomina servato chronologico ordine , & aetatum serie recenserem , verum etiam multa quae ab ipsis praetermissa sunt , observanda proponerem . Ex dicendis adnotandisque perspicue apparebit , me nullis laboribus studiisque pepercisse , ut Historiam hanc meam Glyptographicam absolutiorem , & luculentiores posteritati commendarem . Ea de re Scriptores de hisce artibus pertractantes consului ; plurima volumina , quae habentur Florentiae in Mediceis Bibliothecis , & in Mediceis Chartophylaciis excussi , ut nomina praestantium Aurificum Gemmariorum , qui sub Mediceis Heroibus stipendia meruere , colligerem , ac permulta nondum vulgata ac nota , quod factum a me est , scriptis patefacerem . Primum dicendum esset de Gemmariis Caelatoribus , qui Romae floruerunt sedente MARTINO V. Pontifice Maximo ; sed quia in ea temporum caligine , nondum literis in pristinum decus , & gloriam restitutis , eorum nomina nobis nota non sunt , Glyptographicae Artis praestantiam iure ac merito Florentinis ingeniis tribuimus , ope , studio , ac liberalitate Viri Magnificentissimi LAURENTII MEDICIS , qui artes omnes , atque etiam optimas litteras ac disciplinas restituit , atque in sempiterna luce & dignitate conlocavit . Minime tamen negandum est apud Florentinos & ante hanc Laurentianam Epocham floruisse Glyptographicae Artis studia ; quod ut perspicue ostendam , paucis contentus exemplis , recensere lubet BENEDICTUM PERUTIIUM Florentinum , qui , teste SCIPIONE ADMI-  
RATO ,

RATO, in Florentinis Historiis (1), lapillorum scalptor fuit singularis: siquidem Florentinae Reipublicae rebellis, quum anno MCCCLXXIX. vel potius sequenti, Patavium confugisset, falsis formis in lapillo reddidit, atque expressit obsignatorium anulum ac sphragisma Caroli de Duratio, qui ex avito Neapolitano regno Iohannam Reginam pellere, & in carcerem detrudere ausus fuerat; adeo illud verum est, quod Celeberrimus SCIPIO Marchio MAFFEIUS adfirmat (2), “ quod artes quaelibet ab Italis omni aetate  
 „ exercitae sunt; cum exterae nationes neque litteras ullas,  
 „ neque artes in Italiam attulerint; sed earum rudes at-  
 „ que ignari advenierint: iisque non admoverunt manus, nisi  
 „ postquam longo contubernio, sanguinisque commixtione ipsi  
 „ quoque Itali evaserunt.

Igitur ut perspicuo ordine hanc Glyptographicam Historiam, quae recentiores Gemmarios Scalptores complectitur, contexam; primum verba faciam de Mediceis Principibus praestantissimae Artis Instauratoribus & Fautoribus liberalissimis; mox agam de Artificum Officinis ab iisdem conditis, atque omnibus instrumentis ac praesidiis luculenter instructis; deinde Florentinos Lithographos, qui iisdem regnantibus florere, servatis temporum legibus, recensabo; postmodum, quod nimis ieiune, vel levi Minerva factum est, de pretiosorum lapillorum Compaginatoribus, seu Musivariis, qui, non vitreis lapillis, sed pretiosis durisque petris in compingendis tabulis usi sunt, atque hac ipsa nostra aetate utuntur, sermonem instituam; in quo capite & Clarorum Artificum exterorum nomina venient, qui ad haec usque tempora Gemmis scalpendis colligandisque tam miro opificio dant operam,

(1) Vide Tom. II. Partis I. Lib. XIV. pag. 741. edit. Florent. in fol.

(2) In Museo Veronenfi pag. CCXXXI.



operam, ut pictas tabulas referant, ope & munificentia magnorum nostrorum Principum, & summam nomini suo gloriam operibus suis aerumnosissimis conquirunt. Vitandae obscuritatis & confusionis causa, mox Regnorum & Urbium omnium praeclaros Glyptographos Artifices recensebo, describamque eorum quae mihi nota sunt opera, indicata qua floruerint temporum serie. Post me non defuturos auguror, qui eorundem Artificum numerum augebunt, & alia notatu digna, longa meditatione & studio in lucem proferent; sed his paucis nos contentos esse decet, maiorem gloriam posteris debitam numquam negaturos, atque invisuros.

ORDO & PROSPECTUS huius PARTIS IV.  
Historiae Glyptographicae.

PROLOQUIUM.

CAPUT PRIMUM.

**M**edicei Principes Glyptographicae Artis primi restitutores  
& fautores recensentur & laudantur. p. lxxxvij

CAP. II. De Florentina Schola Glyptographica, eius loco, praesidiis atque ornamentis. p. xcv

CAP. III. De egregiis primisque Gemmarum, Lapillorum, Marmorumque variorum compaginatoribus. p. civ

CAP. IV. Nomina Compaginatorum celebriorum recensentur. cxij

CAP. V. De Opificibus qui in Regio Palatio & Museo Florentino vascula crystallina, aliaque e crystallo opera faciebant. p. cxiv

CAP. VI. Nomina praestantium Vasculariorum in Florentinis officinis crystallinis & vitreis producuntur. p. cxxj

CAP. VII. Inlustres Principes, qui Glyptographicae studia favore & opibus prosecuti sunt, laudantur. p. cxxiv

CAP. VIII. De Schola Florentina Glyptographica sub Laurentio Medice ac Petro eius filio, & Alexandro Med. Flor. Reip. Duce. p. cxxxj

CAP. IX. Gemmarum Scalptores in Florentina Schola clari, qui sub Cosmo I. & Francisco I. Magn. Etruriae Ducibus floruerunt, recensentur. p. cxlvj

CAP. X. Regnantibus Ferdinando I. & Cosmo II. Magnis Etruriae Ducibus, qui floruerunt in Florentinis Officinis Gemmarum Scalptores declarantur. p. clxij



**CAP. XI.** *Scalptores Glyptographici, qui in Florentinis Offici-  
nis regnantibus Ferdinando II. Cosmo III. & Ioanne Gastone  
Magn. Etruriae Ducibus claruere, recensentur.* p. clxviii

**CAP. XII.** *Glyptographicae Scholae Florentinae regnante Fran-  
cisco M. D. E. Imperatore Caesare semper Augusto, qui nunc  
florent Scalptores Gemmarii, eorumque egregia opera recen-  
sentur.* p. clxxxiv

**CAP. XIII.** *De Romana Glyptographica Schola, qui in ea re-  
stitutis Artibus floruerint Gemmarii Scalptores recensentur.* ccj

**CAP. XIV.** *De Langobardica Schola Glyptographica, qui ex ea  
prodierunt Gemmarii Scalptores exponuntur.* p. ccxxiv

**CAP. XV.** *De Veneta Glyptographica Schola, qui in ea florue-  
re Gemmarii Veneti Scalptores recensentur.* p. ccxlv

**CAP. XVI.** *De Gallica Schola Glyptographica, eius clari Scal-  
ptores Gemmarii memorantur.* cclxix

**CAP. XVII.** *De Glyptographica Schola Alemannica, eiusque  
claris Scalptoribus Gemmariis.* p. cclxxiv

**CAP. XVIII.** *De Scholis Glyptographicis Hispanicis, Britan-  
nicis, Danicis, Scoticis, Sueticis, Prussicis, aliisque trans-  
marinis, eorumque celebrioribus Scalptoribus Gemmariis.*  
p. cclxxxiv

## CAPUT PRIMUM.

*Medicei Principes Glyptographicae Artis primi restitutores  
& fautores recensentur & laudantur.*

**M**ENTE magnorum Principum & Regum digna ea cura habita est, quae tota in illud divinum beneficium incubuit, ut optimae disciplinae & artes non solum assidue in suis ditionibus excolerentur, verum etiam ad summum decus, dignitatem, atque praestantiam absolutissimam eveherentur. His enim vigentibus, mirumque in modum florentibus, populorum commoda, commercia, & opes augentur, divitiae, merciumque omnium copiae, & maximae facultates parantur, & facili negotio conquiruntur, earumque nominis gloria ac fama totus orbis impletur. Omnium primi MEDICEI HEROES studiis omnibus & artibus facem hanc micantissimam extulerunt, qui barbarorum teterrima vastatione & excidio male vexatos profugos homines doctissimos e Graecia in sinum suum exceperunt, & litteras atque artes veteres intermortuas ad vitam revocarunt, atque in aedibus suis, rure etiam instituta Platonica Academia, florere, in dies crescere, & vires augere voluerunt. Ne in tanta gloria adserenda iactabundus videar, testem nobilissimum adducam EZECHIELEM SPANHEMIUM, qui in Dissertatione prima de praestantia & usu Numismatum antiquorum perspicue ostendit, Mediceae Augustae Domus Heroas omnium primos veterum monumentorum utilissimum studium amoreque in Italiam invexisse. Quamquam constet, Io. FRANCISCUM PETRARCHAM in antiquitatibus observandis, dum Romae versaretur, reliquos omnes antecessisse;



se ; de quo studio multa in suis epistolis tradit : tamen in iisdem vetusti aevi deliciis colligendis , atque in Cimeliis & Museis condendis primus omnium exemplo suo emicuit **LAURENTIUS MEDICES** , cognomento , & reipfa **MAGNIFICUS** , litterarum litteratorumque parens optimus maximus , qui scalptas Gemmas antiquas , pulchritudine , elegantia , atque opificii dignitate ac maiestate insignes , perrara Numismata , pretiosa Vasa , Codices tum Graecos , tum Latinos , praeclaras denique omnes , quas undique per viros doctos invenire potuit , venerandae Antiquitatis reliquias , in aes , vel in marmor incisas , diligentissime conquistavit , & ab interitu vindicavit : qui etiam transmissio posteris harum lauticiarum studio & flagrantissima cupiditate , veluti e specula , ad nominis sui aeternitatem consequendam , hoc nullo umquam tempore intermorum lumen a se feliciter accensum propagavit , amplificavitque . Sed ne videar **LAURENTII** laudes plus aequo ad caelum evehere , praestat coevi eximii viri litteratissimi **BERNARDI ORICELLARII** Patricii Florentini disertissimam Laurentianae Mediceae Gazae descriptionem adferre ex eius Commentario de Bello Italico : (1)

„ Erant sane thesauri veteres pacis diuturnae , regiaque opulentiae ornamenta undique toto orbe congesta . Nam cum iam pridem gens Medicea floreret , omnibus copiis ; terra marique cuncta exquirere , dum sibi Graecarum , Latinarumque litterarum monumenta , toreumata , gemmas , margaritas , aliaque huiusmodi , opere naturae simul , & antiquo artificio

---

(1) Londini , sed edit. Florentiae anno MDCCXXXII. pag. 52. ubi titulus in margine , *Mediceae Domus expilatio* .

„ ficio conspicua, compararent. Quo factum est, lon-  
 „ go aevo, quo haec familia stetit, ut si quid prae-  
 „ ter cetera insigne ex Antiquitate, saevitiaeque tem-  
 „ porum superfuisset, veterum Scriptorum codices, va-  
 „ sa ex Sardonyche, ceterisque gemmis caelata, De-  
 „ liaca atque Corinthia, lapilli multiplici sculptura,  
 „ coloreque peregregii; praeterea signa, tabulae, au-  
 „ rum, argentumque signatum perantiquo opere, mul-  
 „ ta atque lauta supellex, cuncta quae animum ocu-  
 „ losque accenderent, undique in Domum Mediceam  
 „ confluerent. Testimonio sunt litterae gemmis ipsis  
 „ incisae LAURENTII nomen praeferentes; quas ille  
 „ sibi familiae quae suae prospiciens scalpendas curavit,  
 „ futurum ad posteros regii splendoris monumentum:  
 „ licet enim ex his coniectari, fuisse aliquando apud  
 „ Medices aequa proportionem reliqua“. Et paulo post:  
 „ Haec omnia magno conquisita studio, summisque  
 „ parta opibus, & ad multum aevi in deliciis habita,  
 „ quibus nihil nobilius, nihil Florentiae quod magis  
 „ visendum putaretur, uno puncto temporis in prae-  
 „ dam cessere“. Multa tamen post LAURENTII obitum  
 Vascula perinsignia e variis gemmis pretiosissima, ma-  
 gnitudine, elegantia, & pretio admiranda, in Divi-  
 num cultum cessere, quippe servandis Sanctorum exu-  
 viis dedicata fuere in Ambrosiana Basilica Florentina  
 Sancti Laurentii, quae & hodie ibidem spectantur; (1)  
 ac multa etiam tum ab ipsis, tum ab haeredibus Me-  
 diceis Principibus in Regio Palatino Sacrario domestico  
 recondita habentur.

Tanto rerum antiquarum studio captus est LAUREN-  
 Z TIUS,

---

(1) De his plura Vafarius in Vita Valerii Vicentini in Par. III. vol. I. pag. 290. ed. Flor.



TIUS, ingenio & eruditione praestantissimus, ut Scholam Florentiae in Hortis suis ad Divum Marcum, publico bono aperuerit; in qua munificentia & liberalitate sua lectissimi iuvenes sub optimis ac peritissimis Magistris educabantur; atque ita summo studio instituebantur, ut veteres artes Sculpturae, Picturae, Plasticae Glyptographicae, ceteraeque adfines omnes ingenti nominis sui gloria, quum intermortuae essent Barbarorum incitiae, & conluvione vastatae, ac teterrime foedatae, ad pristinum decus & dignitatem revocatae fuerint; e qua Schola, ab eo condita, tanquam ex equo Troiano, tot Artifices in singulis Artibus ac studiis praecellentissimi prodire, ut non solum Florentiam tantum, sed hinc magno cum honore ad citi egregii Opifices omnem fere Europam, quae tanto lumine perculsa est, atque stupore, & aemulatione excitata, pulcherrimis operibus implerunt atque exornarunt. Ex his perpaucos, qui in ea Laurentiana Officina, sive bonarum Artium Accademia summa cum laude profecerunt, ac brevi temporis spatio praestantissimi evaserunt, commemorare lubet, nempe divinum MICHAELEM ANGELUM BONARROTIIUM, de quo in eius Vita nuper a me edita differui. Sed in his commemorandis, quia illustre est GEORGII VASARII testimonium, eius utar verbis. (1) „Favori  
 „dunque il Magnifico LORENZO sempre i belli in-  
 „gegni; ma particolarmente i nobili, che havevano  
 „a queste arti inclinazione; onde non è gran fatto,  
 „che di quella Scuola uscissero alcuni, che hanno fat-  
 „to stupire il Mondo: e che è più, non solo dava  
 „provvisione da poter vivere, e vestire a coloro, che  
 „essen-

---

(1) In Vol. I. Part. II. Vit. excell. Pictor. edit. Flor. 1568. pag. 52. & 53.

„ essendo poveri , non harebbono potuto esercitare lo  
 „ studio del disegno ; ma ancora donativi straordinarij  
 „ a chi meglio degli altri si fosse in alcuna cosa ado-  
 „ perato ; onde gareggiando fra loro i giovani studiosi  
 „ delle nostre arti , ne divennero , come si dirà , eccel-  
 „ lentissimi “. Hi vero , ut mox subdit , fuere , prin-  
 cipe in loco BONARROTIIUS , IOANNES FRANCISCUS RU-  
 STICIUS , TORRIGIANUS TORRIGIANIUS , FRANCISCUS GRA-  
 NUCCIUS , NICOLAUS Dominici F. SOGGIUS , LAURENTIUS  
 CREDIUS , IULIANUS BUGIARDINIUS , omnes Florentini ;  
 ex finitimis & conterraneis BACCIUS DE MONTELUPO ,  
 ANDREAS CONTUCCIUS e Monte Sansovino , ANDREAS  
 VERROCCHIUS , ANTONIUS POLLAIOLUS , & alii plures ,  
 qui alibi ab eo honorifice commendantur . Sed de hac  
 Schola , deque eius situ atque ornamentis paullo infe-  
 rius dicam .

Verum ante hos , alios quoque Artifices in Artibus  
 Picturae , Sculpturae , & Architecturae praestantes fuis-  
 se , nemo dubitabit , qui eorum Historiam ab immor-  
 tali VASARIO editam legerit . Inter Plastas aereosque  
 Fusores celeberrimos fileo LAURENTIUM GHIBERTIUM ,  
 qui in Florentino Baptisterio S. Ioannis ianuas auro ful-  
 genti superfusas , praesertim medianam , caelo , ut aie-  
 bat M. A. BONARROTIIUS , dignam admirando opificio  
 absolvit . Sileo PHILIPPUM BRUNELLESCHIUM Archite-  
 ctum praestantissimum , alterum , ut ita dicam , Florenti-  
 num VITRUVIUM . DONATUM fileo , vulgo DONATELLUM ,  
 qui , ut mox narrabo , antiquorum Graecorum Artifi-  
 cum exemplaria sibi imitanda proposuit , miroque an-  
 tiquorum monumentorum conquirendorum amore flagra-  
 vit . Hic , teste VASARIO (1) , primus auctor , & prae-  
 cipua

---

(1) In Donati eiusdem Vita Par. I. & II. pag. 335.



cipua causa fuit, ut COSMUS MEDICES, cognomento *Pater Patriae*, excitaretur, ut Florentiam transvehenda curaret antiqua plurima opera, quae nunc in Mediceis sunt aedibus; quae omnia ipse peritissima manu instauravit. Eius filius IOANNES pulcherrimarum antiquitatis rerum cupidissimus fuit; memoratque idem VASARIUS (1) eum acquisivisse Sardam illam antiquo artificio & magnitudine insignem, in qua insculptus Apollo, qui Marfyae pellem e corpore detrahi iubet; quam idem IOANNES MEDICES LAURENTIO Ghibertio dedit, ut ipsam pereleganti aureo ornamento, exquisito cum opificio, circumcluderet, quod studiofissime fecit. Idem LAURENTIUS Ghibertius, cum primum inter Florentinos Aurifices locum haberet, MARTINO V. Pontifici Maximo non tantum mitram sumtuosissimam, verum & auream bullam ad constringendum pluviale, gemmis pretiosis, & parvis signis ornatissimam fecit. Invaluit etiam anteaëtis rudioribus Saeculis Gemmarum antiquarum studium; illudque constat, Vexilliferum Reipublicae Florentinae, eiusque in principe Magistratu Socios Sigillum habuisse antiquissimi operis, nempe Herculem Gradivum cum leonis devicti spolio, clavam in humeris ferentem, elegantissimo Smaragdo ab antiquo Scalptore peritissime incisum: quam singularem Gemmam magnitudine & artificio singularem adhuc servatam vidi paucis ab hinc annis in Gazophylacio veteris Palatii. Hoc Sigillo utebantur in dandis publicis Litteris, Diplomatis, & aliis ad Reipublicae negotia bene gerenda, in quo haec epigraphae scripta: SIGILLUM FLORENTINORUM.

Alte-

---

(1) In Vita Laurentii Ghibertii Par. II. pag. 281.

Alterum quoque in usu erat Sigillum, ita inscriptum: SIGILLUM PRIORUM, quo litterae obsignabantur traditae Legatis, ac Ministris ad munia & negotia gerenda pro Florentina Republica deputatis, quae molli viridi cera imprimebantur; quae consuetudo ab anno MCCC. ad haec usque tempora a quibusdam Magistratibus servata est. Huius obsignatorii Sigilli sphragisma antiquum postea renovavit, eodemque typo Chalcedonio Orientali pulcherrimo Herculem incidendum praecepit COSMUS I. Florentinorum Dux; quod Sigillum exhibui pro coronide Praefationis ad Volumen I. *Musei Florentini*, atque ibidem aliquot observationibus idem priscae Maiestatis monumentum inlustravi. Eo sigillo etiam nunc utuntur Supremi Magistratus Senatores. Neque etiam praeteribo inaeestimabilem craterem ex integro Achate Sardonyche singulari atque admirando opere anaglypho utrimque excisum, quem suspicor MARGHERITAM FARNESIAM, mortuo coniuge suo ALEXANDRO MEDICE, Florentinorum Duce, in Farnesiam Domum cum aliis antiquis Gemmis & lapillis pretiosissimis intulisse; quum ab eius parente CAROLO V. Caesare OCTAVIO FARNESIO matrimonio copulata fuisset. Craterem hunc inter prisca artis miracula computandum, quo regium *Neapolitanum Museum* hodie nobilitatur, protulit Clariss. Marchio MAFFEIUS (1), de quo etiam alibi verba feci. Hunc craterem omnium vasculorum insignissimum, suspicor eum fuisse, quem in suis *Memoriis* recenset Magnificus LAURENTIUS MEDICES; sed ab eo e Chalcedonio excisus memoratur, quum e Sardonyche sit; tantum eum sculpturis ornatum describit, & se dono accepisse ait a SIX-

A a

TO

---

(1) Vide in Tom. II. *Observat. Litterar.* pag. 339. & *Museum Veronense* pag. CCCLV.



TO Pontifice Maximo , quum apud eum pro Florentinis legatione honorificentissima fungeretur ; a quo etiam & alias Gemmas anaglyptice exscalptas , & eximia duo marmorea capita , quae adhuc exstant in *Florentino Museo* , nempe Augusti & Agrippae , dono suscepit . Haec monumenta , sive *Memorie* , *Ricordanze* eiusdem LAURENTII MEDICIS a me primum editae sunt in priore Volumine , quod inscribitur la *Toscana illustrata* , pag. 194.

Quamquam vero in hanc laudum partem veniant complures Medicei Proceres , qui LAURENTIUM MEDICEM praecessere ; ipse tamen inter eos principem locum obtinet , praecipuoque iure celebrandus est ; qui , ut Gemmaria Ars ad incrementum & aeternitatem nominis Florentinorum ingeniorum proficeret , primus omnium , ut dicebam , suis impensis , assiduaque munificentia & liberalitate Scholam aperuit , & praestantes indole & acri iudicio iuvenes delegit ; iisdemque optimos praeceptores dedit , inter quos primus fuit optimus Magister BERTOLDUS Sculptor Florentinus , Donati discipulus laudatissimus , qui optima omnium praestantium Artificum exempla iisdem imitanda proponebat , quum eiusdem Scholae Custos decretus fuisset . Mortuo LAURENTIO MEDICE , VI. Eidus Apriles ann. CIO.CCCCXCII. celeri nimis fato , nempe anno aetatis suae quadragesimo quarto , summo omnium moerore erepto , qui tamen per ora hominum Scriptorumque adhuc vivit vivetque , Glyptographicae Artis studia omni cura , studio ac favore profecuti sunt Medicei Principes , & Magni Duces Etruriae ; quod ex dicendis in recensione singulorum Gemmariorum Artificum Florentinorum liquebit .

## CAPUT II.

*De Florentina Schola Glyptographica, eius loco, praesidiis  
atque ornamentis.*

**P**Rimus omnium, ut dicebam, Florentinam Glyptographicam Scholam aperuit Magnificentissimus Vir LAURENTIUS MEDICES studiorum artiumque omnium bono, honorique & gloriae natus, in Hortis suis prope Ecclesiam S. Marci; qui locus primum dicebatur *il Giardino*; postea extructis maioribus aedibus, *il Casino da San Marco* nuncupatus est. In his delecti iuvenes in Graphicae artibus primum instituebantur; mox, quum probe instituti eruditique a doctis magistris evasissent, eorum indolem acerrimo ac maximo quo pollebat iudicio, explorabat atque expendebat LAURENTIUS; & in ea Arte, in qua eos praestantes fore conspiciebat, eam adripere, sequi, monente natura, iubebat: quapropter alii Picturae, alii Sculpturae, alii Architecturae, alii Fusoriae, alii Glyptographicae, eo hortante, atque assidue urgente beneficiis & praemiis, sedulam operam navabant. Quam aurea ac beata haec erant saecula, quam felices, qui studiis & artibus sub his auspiciis incumbabant! Aedes illae amoenissimo in loco, ac saluberrimo constitutae, viridariis, arboribus pulcherrimis, deliciis omnibus ad animum recreandum adfluentes, ornatae erant ac refertae pictis tabulis nobilissimis, statuis, signis, vasculis, peregrinis marmoribus, columnis, & anaglyphis marmoreis cum antiquis, tum praestantiorum eiusdem aetatis vel paulo superioris Opificum operibus; Chartis etiam egregie delineatis, aedificiorum parvis  
arche-



archetypis, instrumentis omnibus ad omnes artes exercendas perficiendasque necessariis; quae omnia non tantum Scholam, & Accademiā, sed etiam Museum omni antiqua & recentiori supellectile instructissimum constituebant. Haec omnia magnanimus LAURENTIUS congefferat, eoque consilio ibidem conglobaverat, ut novi sui Gymnasii alumni ea assidue contemplant, antiquorum operum elegantiam, exquisitum studium, ac magisterium, dignitatem quoque & maiestatem mente conceptam assidue retinerent, & ad eam adsequendam omnibus ingenii viribus adsurgerent, ac vehementer excitati quotidie inflammarentur. In his Hortis frequenter aderant, & de sapientia, litterarumque gloria & studiis cum LAURENTIO diserebant, & familiares sermones habebant Viri ea aetate doctissimi, inter quos eminebat POGGIUS Florentinae Reipublicae Orator, & a Secretioribus Consiliis, qui in iisdem Hortis, Musarum quoque Sacrario, *de vera nobilitate* disseruit, eundemque locum pereximiis eruditae Vetustatis reliquiis ornatissimum in eo Tractatu descripsit, qui in lucem prodiit (1). Hic prima artis tirocinia accepit, tunc adolescens MICHAEL ANGELUS BONARROTIIUS, qui lusus gratia, quum frustum marmoris adripuisset, scalpris nondum adsueta manu, Fauni caput expressit, quod placuit LAURENTIO (2), a quo ad maiora sui ingenii monimenta proferenda excitatus est; eaque de causa eum una cum ANGELO POLITIANO apud  
se do-

(1) Hunc Tractatum scripsit ad praestantissimum Gerardum Cumanum, qui in lucem prodiit Abellini anno MDCLVII. in 4. Vide etiam Vasarium in Vita M. A. Bonarrotii.

(2) Protuli hoc ipsum Fauni caput marmoreum, quod in Florentino Regio Museo exstat, in fine Praefationis meae ad Vitam eiusdem M. A. Bonarrotii Florentiae in sol. editam anno MDCCXLVI.

se domi educavit, & ad mensam suam adfidere multis ornatos beneficiis voluit.

Verum quum in Conclavi suarum aedium LAURENTIUS haberet Vascula pretiosa, & Gemmas opificio & elegantia singulares, in iisdem Scalptores Graphices institutionibus iam eruditos suscepit, eisdemque praeclara opera, quae sculpenda erant, imperavit. Id testatur disertis verbis PAULUS IOVIUS in Vita LEONIS X. Pontificis Maximi, eius filii, in qua avitum eius Palatium, quod nunc incolunt Marchiones Riccardii, ita describit: „Conspiciebatur etiam OFFICINA nobilium „Artificum, quando nullibi Piētores, Statuarii, SCALPTORESQUE GEMMARUM, & Antiquitatis Studiosi „monumenta Artis deponerent, quam apud MEDI- „CEOS, &c.

Hanc Officinam, sive, ut diximus, Gymnasium & Scholam, conditam ferunt ab eodem LAURENTIO, dum ageret aetatis suae annum circiter decimum octavum. Ipse natus est Kalendis Ianuar. anni aerae Florentinae CIO. CCCCLVIII. parentibus genere & virtutum splendore nobilissimis, nempe PETRO Magni COSMAE decreto publico Patris Patriae filio, & LUCRETIA TORNABONIA. Cum solida pietate, morumque integerrima probitate coniunxit optimarum litterarum studia, quibus operam dedit, optime in his institutus a praeceptore Gentili Urbinatē, viro doctissimo, quem mox Arretinae Ecclesiae infulis ornandum curavit. Sapientum virorum lucubrationes curavit, ac regia munificentia excitavit, & fovit; complura & ipse Poemata & Carmina, aliaque opera elucubravīt, quae iam nota sunt. Musices quoque fautor & cultor peritissimus fuit.



Quod ad institutum meum adtinet, in colligendis elegantioribus eruditae Vetustatis reliquiis, Gemmis, Vasculis, Signis, Numis, Codicibus tum Graecis, tum Latinis rarissimis, totus fuit LAURENTIUS vir sapientissimus, tanquam Palladium e caelo delapsum, ad revocandas optimas artes, ac disciplinas excitandas tutandasque, atque ad acuenda praeclara hominum ingenia; proque litterarum gloria & dignitate augenda atque amplificanda Pisanum Atheneum fere intermortuum sua liberalitate aperuit, atque ad novam immortalem, qua ex eo tempore semper floruit, vitam revocavit. Vix dici potest, quam incredibili pulcherrimarum rerum desiderio exardesceret, quamque mirum in modum earum elegantia & raritate teneretur; nec sumptibus parcebat, si quid eximium & insigne ostensum esset, ut eo potiretur. Gemmas lapillosque pretiosissimos, qui in deliciis fuerant PAULI II. Pontificis Maximi, post eius obitum, curante IOANNE TORNABONIO eius patruo materno, emit, qui in decus & ornamentum Laurentiani Gazophylacii adcesserunt. (1) Narrat NICOLAUS VALORIUS in eius Vita, qui eidem LAURENTIO coevus fuit, se e Neapolitano itinere Florentiam reversum, eidem LAURENTIO obtulisse imagines Scipionis Africani, & Faustinae Augustae, quas multo cum gaudio suscepit: & quum audivisset Platonis marmoreum Signum pulcherrimum in Graecia in ruderibus Accademiae suae nuper inventum fuisse, omnem movit lapidem, ut apud se haberet, incredibilique exultavit gaudio, teste etiam, praeter VALORIUM, MARSILIO FICINO, statim ac potitus est, curante HIERONYMO DE RUBEIS  
Pisto-

---

(1) Ex eius Vita scripta a Nicolao Valorio, ex edit. Florent. in 4. apud Iunctas anno MDLXVII. quae quidem perrara est, cuius paginae non numerantur.

Pistoriensi, cuius summi Philosophi imaginem memoriae proditum est eum curasse, ut in Gemmis ad hoc exemplum accuratissime insculperetur. Marmoreum hoc divini Platonis Caput, nuper a rusticis inventum prope Villam Caregianum, in manus meas feliciter incidit; quod mihi comparavi, & brevi proferam cum eius Historia, post Vitam MARSILII FICINI adhuc ineditam, auctore Io. CORSIO Florentino. Marmoream Statuam Etruscis litteris insculptam, erutam in Agro Pistoriensi, emit, ut memorat SANCTES MARMOCCHINIUS in *Dialogo*, & refert Clarissimus Senator BONARROTIIUS. (1) Stupebant Principes & nobilissimi viri, qui ab eo hospitio excipiebantur sumtuosissimo, quum observarent contemplarenturque Laurentianam supellectilem, servatumque apud eum ingentem rerum omnium rariorum Antiquitatis, & prisca luxur thesaurum, Vascula omnis generis, signa, tabulas, numismata, & lapillos praestantium veterum Sculptorum manu excisos, & figuris ornatos; toreumata ex ebore elegantissima, marmorea Virorum Illustrium capita, Caesarum Augustarumque protomas, quas summa cum animi voluptate, & humanitate studiosis omnibus ostendebat.

Consilia omnia divinae mentis suae Magnanimus LAURENTIUS in generosos filios suos PETRUM & IOANNEM, ( qui LEO X. P. M. fuit ) & IULIANUM transfudit; qui Litterarum, Litteratorumque, Artium, egregiorumque Artificum Fautores beneficentissimi fuere.

In praestantioribus Gemmis opere sive diaglyptico, sive anaglyptico caelatis nomen suum incidendum curavit,

---

(1) In Explicat. & Coniect. ad Monumenta Etrusca Operi Dempsteriano addita §.XLIV. pag. 98.



ravit, inſcalptis hiſce litteris LAVR. MED. nempe LAURENTIUS MEDICES, ut ſecuritati Gazae ſuae, & poſteritati conſuleret. Nimius eſſem, ſi Gemmas omnes, quas in Cimeliis ſuis conditas habebat, immortalis hoc nomine ſcriptas enumerare vellem. Non paucae ex his a me editae ſunt. Quum ex his Gemmis aliquae vel vetuſtatis iniuria, vel foſſorum oſcitantia labefaſtatae eſſent, hinc ortum eſt, ut extraneos Artifices quosdam Gemmarios Florentiam deduceret, atque invitaret, qui eas inſtaurarent, atque etiam inſtrumenta monſtrarent in Glyptographico opificio neceſſaria, quae delecti iuvenes adhiberent. De reſtituenda antiqua Arte Glyptographica paulo ante tentatum Romae fuerat, teſte VASARIO (1) ſub Maximis Pontificibus MARTINO V. & PAULO II. ſed parum aut nihil proſectum; iisdemque fato functis, perpauca admiratione & laude digna prodire. Quinque inſignes Gemmas obſervavi in Daſtyliotheca Medicea Imperiali, quae oſtenduntur in Tabula XXVI. num. 2. In Sarda, quae altitudine aequat uncias tres, latitudine duas, & quidem pulcherrima, inſcalptus eſt PAULUS II. Pont. Max. cum Regno in capite, & pluviali pretioſo amiſtus cum hac epigraphe: PAVLO VENETO PAP. ANNO PVBLICATIONIS IVBILAEI. ROMA. Sed iterum revocata eſt Romae Ars Glyptographica regnantibus Summis Hierarchis IULIO II. LEONE X. & CLEMENTE VII. adciſis Scalptoribus & Opificibus praetantiſſimis, ut mox dicemus. Eorundem maximorum Pontificum exſtant in Medicea Daſtyliotheca imagines, eximio opere anaglyptico exſcalptae. Smaragdo valde claro exſcalptus cernitur LEO X. cum

---

(1) In Vita Valerii Bellii Vicentini in Par. II. Vol. I. pag. 286.

X. cum hac epigraphe : LEO X. PONT. MAX. ANNO EIVS IIII. MDXVI. Altera quoque eiusdem LEONIS P. Max. effigies Achatii Chalcedonio exsculpta spectatur, quemadmodum & CLEMENTIS VII. persimili opere.

Huiusce praeclarae gloriae monumentum memorabile, atque aeterna commendatione dignissimum, divina providentia servatum traditumque est bonarum Artium Fautori atque Amplificatori maximo ac celeberrimo LAURENTIO MEDICI. Parentis optimi, cuius virtus tanta fuit, ut famam & laudes omnes longe superet, egregia consilia & gesta secutus est, dum ille omnium bono & commodo viveret, & post eius obitum PETRUS MEDICES, filius optimus, quem multis laudibus, & quidem iure ac merito celebrat ANGELUS POLITIANUS; (1) qui optimas artes coluit, praestantes doctrina viros liberalitate fovit, & Glyptographicos Artifices veterum operum gloriae aemulos assiduo studio & favore perfecit, quorum nomina mox recensere.

Eadem industria vestigia consecrati sunt ALEXANDER MEDICES, & COSMUS Florentinorum Duces, qui etiam Artificum numerum auxerunt, & ad maiora praestanda excitarunt. Regnante FRANCISCO I. Magni COSMI Filio, mirum in modum Florentinorum Artificum, qui vel Gemmas, vel crystallas caelabant, aucta gloria est; cuius praeclarae laudis testem habeo synchronum P. Fr. AUGUSTINUM del Riccio, Ordinis Praedicatorum, tunc morantem Florentiae in Coenobio S. Marci, adeoque prope laudatos Mediceos Hortos, & aedes, qui anno CID. ID. XCVII. scripsit Historiam de Marmoribus, Gemmis & pretiosis lapillis, quam, quum MS. sit, me-

Cc

cum

---

(1) Vide Epistol. Lib. IV. ad Iacobum Antiquarium pag. 46. edit. Basil. an. 1553. in fol.



cum humanissime communicavit non semel a me laudandus Vir celeberrimus IOANNES TARGIONIUS TOZZETTIUS . Is etiam mihi legendum praebeuit alterum eius Traætatum de Agricultura , in quo Cap. XV. ubi de Aurantiis scribit pag. 145. & 146. haec ad rem nostram memorat . „ Venne nella Città di Firenze al tempo , „ che regnava il Gran Duca Francesco , ( nel Giardini „ no ) dove egli sovente vi andava la mattina , & ancora dopo desinare ; posciachè ivi haveva ragunati Uomini virtuosi in tutte le arti ; come vi erano in „ quel Palazzo , detto il Casino , di tutti i Maestri di „ gioie di tutte le sorti : quivi si lavoravano Vasi „ grandi e piccoli , nicchi , lapislazzuli ; poi vi erano „ i Maestri , che facevano i bei Vasi di porcellana , „ ( 1 ) Vasi regj tanti , belli & honorati , che erano „ con fogge belle e varie . Poi vi si vedevano Maestri d'intagli , che intagliavano in una piccola pietra la Città di Firenze ; la qual pietra io viddi con „ grandissimo mio contento , la quale era poco maggiore di uno scudo d'argento . Veddi anche un „ altra pietra quanto una nocciuola grande , esservi intagliato una figura con arme ; e di queste simil cose „ d'ingegno ne vedevo assai ; posciachè io viddi un „ gallo sì piccolo , che si durava fatica a cognoscere „ le sue parti , e bisognava aver buon occhi aquilini

a vo-

---

( 1 ) Discimus , teste Riccio , Franciscum Magnum Etruriae Ducem auctorem omnium primum fuisse circa Annum MDXCVII. ut Vascula illa , quae tanto in honore nunc sunt , vulgo *Porcellanae* , Florentiae a peritis Artificibus fierent . Inveni in Libris expensarum , & in Codice notato litt. P. anno MDCVIII. sumtus adnotatos , ut Fornax eorumdem Vasculorum *di Porcellana* , fieret , atque construeretur super Porticum prope M. Ducis Palatium , vulgo *la Loggia de' Lanzi* . Haec Vascula adnotata plerumque sunt litt. F. quae Ferdinandum M. D. E. indicat , & laudantur a Cl. Comite Laurentio Magalottio in parvo libro eius Epistolar. Florentiae edito a Iosepho Mannio anno 1736. pag. 36. 39. & 45. Nunc magnopere laudatur suburbana Fabrica Ginoriana Cl. Marchionis Ginorii .

„ a volere scorgere tutti i membri. Che dirò poi de'  
 „ bicchieri lavorati? vi si scorgeva selve e molti ani-  
 „ mali ben fatti, veramente opere da Granduchi. I  
 „ medesimi Maestri poi hanno fatto molti Vasi di pie-  
 „ tre dure, & animali varj fatti di cristallo di mon-  
 „ tagna. Se ancora volessi raccontare i Maestri eccel-  
 „ lenti, che stillavano, farei molto prolisso; (1) po-  
 „ sciachè ivi si facevano tutte le sperienze, che fare  
 „ si poteffino intorno a sì bell' arte, della quale il  
 „ Granduca si diletta. Poi in certe Stanze vi stava-  
 „ no Pittori, che facevano opere bellissime, e in par-  
 „ ticolar viddi un Libro di fiori, fatto con quella  
 „ maggior diligenza, che si potesse fare: così vi si di-  
 „ pigneva altri animali, che S. A. ne prendeva un gu-  
 „ sto grande; e tal volta andava in una Stanza, tal  
 „ volta in un'altra dove si teneva opere nuove. In  
 „ quell'altra si fabbricava un monte di tutte le mi-  
 „ niere che si potessin trovare; il qual monte è oggi  
 „ nella bellissima Grotta de' Pitti con molt'altre cose  
 „ degne di esser viste.

„ Potrei dire, che fece fare in detto Palazzo una  
 „ Fornace, che fu molto commendata; posciachè ivi  
 „ si faceffer Vasi bei, ma di fogge varie, che oggi  
 „ sono in una Stanza sopra gli Ufizj appò il Palaz-  
 „ zo Ducale. Sarei lungo, se io volessi raccontare tut-  
 „ te le forti di Artisti, che lavoravano nel Casino,  
 „ che poi tutti gli condusse appresso al Palazzo Du-  
 „ cale,

---

(1) Hinc ortum habuit regia Officina Aromataria, & Unguentaria, quae vulgo dicebatur *la Fonderia*, quam postea Magnus Dux prope regias suas Aedes, *il Palazzo de' Pitti*, constituit; e qua arculae cum omnibus pharmacis, oleis & unguentis, ad valetudinis Civium, & Exterorum remedia prodibant, quae dono mittebantur, vel etiam pauperibus largiebantur. Hinc etiam originem accepit Hortus Botanicus Florentiae & Pisis, qui celeberrimi etiamnum sunt, quorum edita exstat Historia a Clarissimis Tillio & Targionio.



„ cale , assegnando a quei Maestri tutte le Stanze necessarie a tali esercizi ; come ancora sono oggidì ;  
 „ ma non vi sono tante forti di Artieri .

Hinc igitur discimus , regnante FRANCISCO I. providentissimo Etruriae Magno Duce , ex Aedibus prope D. Marci Templum & Coenobium , vulgo *il Casinò* , ubi Ars Glyptographica ad insignem praestantiam ab ortu suo evecta est , Artifices omnes egregios in eas Officinas migrasse , quae supra se habent regium Medicum Museum , nunc Imperiale , & prope vetus Ducum Palatium , ubi adhuc vigent florentque eadem laudatissimae artes , & Opifices admirandis operibus , quae assidue conficiunt , magnam Principi , Urbi , & sibi gloriam & celebritatem conquirunt . Sub imperio singulorum Magnorum Etruriae Ducum , qui floruerint , ac praestantes fuerint Opifices Glyptographici , ex dicendis patebit . Sequentes nolui silentio praetermittere , quos ab aliis nondum nominatos vidi .



### C A P U T III.

*De egregiis primisque Gemmarum , Lapillorum , Marmorumque variorum compaginatoribus .*

**G**lyptographicae adfinis , & socia est ars compaginandae , inferendique gemmas & lapillos pretiosos , qui glutine quodam invicem ita colligantur , & coniunguntur , ut coloribus suis referant pictas tabulas . Opus huiusmodi perarduum ac difficile , atque etiam aerumnosissimum ( vulgo dicitur *di Commesso* ) duplici opificio conficitur ; vel servata omnino planitie , vel anaglyptico ope-

co opere , ita ut lapilli & gemmae ab area sua emineant e fundo suo , hoc est ex nigro marmore , quod dicitur *Paragone* , aliove lapide nobiliore . Utroque opere quidquid hominis ingenium concipere potest , totum exhibetur ; nimirum Urbes , Silvae , Viridaria , Palatia , arcus , ruinae , flores & fructus cuiuscumque generis , aves , pisces , animalia omnia , quibus ad naturae exemplum exhibendis lapides apti seliguntur , selecti per omnes colorum gradus , multa cum patientia facti , invicem coniunguntur , sociantur , poliuntur , atque illuminantur . Iisdem lapillis tum Sanctorum , tum Principum , & Virorum Inlustrium vel protomae , vel imagines , icones cum vestibus & ornamentis ita exhibentur , ut picti vel exstanti opere sculpti quasi viventes exhibeantur . Hae Imagines Caelitum , Sanctorumque Virorum permultae spectantur in regio Sacello domestico in Palatio , quod vulgo *de' Pitti* dicitur , & anaglypha non pauca eodem opere elaborata ornant *Ciborium* , ut aiunt , superponendum Arae Sacelli regii Ambrosianae Basilicae , in quo sepulcra Principum Augustae Domus Mediceae , & Magnorum Ducum condita sunt cum eorum Statuis ; sed adhuc quum inania sint , Cenotaphia potius dicenda .

Haec ars mirabilis Florentiae orta est cura & auspiciis praeaudatorum Magnorum Etruriae Ducum , quam FRANCISCUS & FERDINANDUS omnibus numeris absolutissimam , profusis immensis opibus , reddiderunt . Florentinorum Artificum haec tota laus & gloria est , quorum nomina , quae nobis multa volumina non sine magno labore investigantibus innotuere , mox recensebimus : quandoquidem de his nihil scripsit VASARIUS , de opificio vero satis perpauca posteris reliquit . Prima



huius Artis vestigia seu initia , ad remotiora tempora referri possunt, nempe ad Saeculum decimum tertium, nam tunc Domini Florentinae Reipublicae , quum Altare in honorem Beatae Mariae Virginis in Templo S. Michaelis in Horto, omnium quotquot ea tempestate erant, splendidissimum, ac sumtuosissimum, faciendum iussissent, Florentini Artifices totum lapillis, & variis peregrinis marmoribus incrustarunt, & pretiosis lapidibus areas sculptarum Imaginum Sacrarum distinxerunt. Perraris lapillis & levissimis marmorum crustis ornandum quoque erat, eorum iussu, Altare maius Basilicae Baptistarii Florentini, profecto magnificentissimum, ut ostendit Archetypum ea tempestate delineatum, quod in *Stofschiano Museo* nuper observavi. Postea seculis temporibus quantum in Sacris Altaribus & Sacellis excelluerit pietas & magnificentia Procerum Florentinorum, perpauca enumerasse sufficiat, insigniora nempe Sacella S. Mariae Virginis ab Angelo Annuntiatae, S. Mariae Novae, altare maius Ecclesiae Florentini Coenobii Carthusianorum; item Sacella sumtuosissima Gaddiorum, Nicoliniorum, Salviatorum, atque illud stupendum Michelotiae Gentis, nunc Marchionis & Equitis Alexandri Capponii, quae Ara est maxima, simulacris quoque marmoreis ornata, in Florentino nobilissimo Templo Sancti Spiritus, quod artis portentum merito adpellari potest. Adde ornatissimum Sacellum Cardinalis, ut aiunt, *di Portogallo*, & marmorea moenia Chori, quae augustiorem reddunt Basilicam S. Miniatis Martyris Florentini ad Montem, pretiosis lapillis, & sculpturis condecorata. Si vero hanc Artem lapillos compaginandi ad altiora tempora, ut suspicemur, inde aliquod exemplum manasse, referre velimus;

mus ; indicabimus admirandum opificio ac vetustate commendatissimum pavementum , sive Lithostroton , quod adhuc perennat in praeaudata Florentina Basilica Baptisterii S. Ioannis, cuius Presbyteris & numerofo Clero praesum ; in quo tessellato , ac vermiculato opere parvi lapilli, ac nobiliora marmorum frustra variis coloribus mira arte compaginata sunt ; quae si una cum splendidissimis columnis, & capitellis solido auro contextis, & picturis omnibus e musivo opere Saeculo XI. perfectis expolirentur , & illuminarentur , spectantium oculos miro fulgore complerent. Hoc ipsum Lithostroton paullo ante annum a reparata Mundi salute millesimum compositum fuisse constat ; nam anno MXIII. ad eius exemplum , iisdemque cum ornamentis, alterum absolutum est, quod spectatur in Basilica S. Miniatis Martyris Florentini ad Montem sita, quae profecto splendida est ac magnifica.

De Pictoribus Musivariis nihil dico , quorum apud Florentinos agmen ducit celeberrimus IOCTUS, & plurima huiusmodi operum insignia exempla Florentiae & Romae adhuc spectantur ; quae luculenter a VASARIO recensentur , & laudantur . Hi tessellato opere vitris tesserarum forma quadris perparvis, omnibus coloribus infectis , inauratisque , picturas referebant . Nihil de Pictoribus Vitrariis , qui Ecclesiarum fenestras coloratis vitreis lamellis Sanctorum Imagines condecorabant, & exprimebant, nunc loquor.

Primum egregiorum Florentinorum Artificum exemplum, qui Saeculo XVI. musivo opere e pretiosis duris lapillis inter se apte dispositis & compaginated tabulas ita pictas perfecerunt, in Regio Florentino Museo ostenditur , in quo Labronensis Portus facies , &  
pro-



prospectus exhibetur; sed in eo opere labor maximus; lapillorumque pretiosorum copia, non vero exquisita elegantia, explendescit. Mox gradatim alia opera ostenduntur, quae multo magis exercitis ingeniis, superatisque immensis laboribus, & artis aerumnosissimae difficultatibus, talem tantumque nitorem, & elegantiam ostendant, ut nihil supra desiderari possit. Horum opificiorum fama per omnem Europam circumsonante, nil mirum, si maximi Reges abacos, mensas, scrinia, arculas, & alia huiusmodi opera ab iisdem Florentinis Compaginatoribus & Lapidicinis in suis Conclavibus habere voluerunt. Multa ad hanc mirabilem artem historica monumenta scriptis suis commendavit praelaudatus P. Fr. AUGUSTINUS DEL RICCIO, quae quum adhuc ignota sint, iisdem numquam per vulgatis, perlubet ea in lucem proferre. In Capite CXXIII. ubi de *Coralliis* differit in Historia sua lapidum, haec memorat. (1) „Ufasi (*il Corallo*) in Firenze, ze da varj Maestri ne' tavolini di commesso; onde „fu portato alla Maestà del Re Filippo il bellissimo „Scrittoio, che fece fare il virtuoso Gran-Duca Francesco, cosa rara veramente in questo genere; poichè io viddi tale studiolo con molto mio piacere e „contentezza. Similmente è stato mandato un bellissimo tavolino a mio tempo in Inghilterra; e di „continuo si fanno assai tavolini nella Città; ma oggi vi sono assai Huomini di virtù rara, che gli fanno: & in vero questi adornano le belle Sale, e „vaghe Camere de' Signori e Gentiluomini; e di tale usanza laudevole ne abbiamo a ringraziare il Sig. „GIO:

---

(1) Idem P. Riccius hunc Tractatum scripsit circa annum, ut alibi dictum a me est. MDXCVII.

„ GIO: VITTORIO SODERINI , che si puote dire , che  
 „ fosse il primo della Città , che gli cominciassse a le-  
 „ gare ( *parla di quelli lavorati con coralli* ), e farli fare  
 „ ancora dal non mai a bastanza lodato Maestro GIU-  
 „ LIO Fiorentino , che in vero ne ha fatti assai ; e veg-  
 „ gendo poi gli altri hanno imbolato quest' arte , &  
 „ hanno in vero fatto un furto honorato .

Sed quantum in his artibus excelleret hi Opifices ,  
 regnante Ferdinando Magno Etruriae Duce , qui ad  
 absolutissimum decus & elegantiam eos assidua cura sua  
 evexit , idem Scriptor testis synchronus & oculatissi-  
 mus , luculenter exponit in eodem Tractatu Cap. CXX-  
 VIII. ubi de variis *Achatum* generibus differit , his ver-  
 bis : „ L' Invittissimo Imperadore RIDOLFO l' anno MD-  
 „ XCVII. ha ottenuto di veder fornito il suo bellif-  
 „ simo Tavolino , quadro poco più che di due braccia  
 „ per ogni verso ; opera non più stata fatta al mondo  
 „ dicono gli Amatori dell' anticaglie : ( 1 ) indi avvie-  
 „ ne , che detta Tavola è tutta di pietre dure e gioie ;  
 „ ma tutta apparisce d' un pezzo , e non commessa in  
 „ marmo o bardiglio , o in altra sorta di marmo ; e  
 „ questo Tavolino è stato condotto alla sua perfezio-  
 „ ne da i più eccellenti Maestri , che fossero giudicati  
 „ a tal bell' opera dal Granduca Ferdinando de' Medi-  
 „ ci . Le pietre che ho vedute in detta Tavola , tutte  
 „ son venute dallo Stato dell' invittissimo Imperadore  
 „ nominato , e sono queste , cioè : Agate bellissime di  
 „ varie forti e colori ; alcune erano bianche e rosse ;

E c

altre

---

( 1 ) Hunc abacum inveni in Libris ad hos Artifices , & eorum stipendia spectantibus , an-  
 no MDLXXXIX. incoeptum fuisse , curante , iussu Magni Ducis Francisci , Ni-  
 colao Equite Gaddio , viro nobilissimo , omniumque elegantiarum aestimatore pe-  
 ritissimo , qui eosdem Opifices dirigebat , & adhortabatur : Hic Musei Gaddiani  
 auctor & conditor fuit laudatissimus , quod nunc venum datur .



„ altre lionate e gialle; altre avevano varj colori, e  
 „ scherzi, ch' erano in dette pietre, che farebbe co-  
 „ sa tediosa a dirle; tanto variavano dette Agate: ma  
 „ chi desidera vedere tal bell' opera, vadia in Guarda-  
 „ roba, e vedrà questo Tavolino dipinto con somma  
 „ diligenza dall' eccellente Miniatore M. Daniel Flosche  
 „ Fiammingo, con cui tengo amistà; e di più vi ve-  
 „ drà dipinto molte sorti di Diaspri bellissimi, altresì  
 „ molte corniuole, che variano di colori e scherzi,  
 „ che fa la madre Natura in esse. Anchora vi sono  
 „ una infinità di granatine, amatiste, calcedonj, cor-  
 „ niole; e parte di queste nominate pietre sono ridotte  
 „ in augelli, in arme, & altre cose, che si vedono in  
 „ sì bell' opera, che farei molto prolisso in dirle &c.  
 Complures abaci maiores & minores commissis pretio-  
 sis gemmis, lapillis, sectisque grandibus unionibus, &  
 margaritis, spectantur in Regio Cimeliarchio Florenti-  
 no, ne quid dicam de aliis, quibus Regiorum Pala-  
 tiorum, Villarumque conclavia ornantur. (1) Spectan-  
 tur etiam in Conclavibus Patriciorum Florentinorum,  
 praecipue vero in Museo Gaddio, ubi scrinium valde  
 magnificum pretiosis lapillis, & quidem rarioribus,  
 ornatum, multa in admiratione est. Dicam etiam fene-  
 stras specularibus lapidibus, nempe subtilibus sectis ta-  
 bulis ex alabaastro pellucidis contegi consuevisse; quae  
 specularia idem P. RICCIUS ita describit Cap. CXXIX.  
 ubi de Alabastris loquitur: „ Solo nominerò quei pez-  
 „ zi di alabastri, che sono al Giardino de' Signori Ru-  
 cel-

(1) Horum operum accuratam descriptionem adfert pag. 64. & 65. Ioseph Blanchinius Pratenfis in sua Historia Magnorum Etruriae Ducum; cui hoc meum consilium aperui, & plurima notatu digna communicavi, meque agente, Venetiis edita est ab honorabili laudatoque Typographo Io. Baptista Paschalio, cum hoc titulo: *Dei, Granduchi di Toscana della Reale Casa de' Medici Protettori delle Lettere, e delle belle Arti, Ragionamenti Istorici* &c. In folio splendida editio anno M.DCC.XLI.

„ cellai in Via della Scala . Questi alabaſtri ſervono  
 „ all' onorata Caſa per finetre , uſanza laudabile e bel-  
 „ la ; laonde ſervono in cambio di legname e d' im-  
 „ pannata . Il medefimo ſi può dire delle finetre di  
 „ S. Miniato al Monte &c.

Memorandi inſuper ſunt & illi Artifices , qui teſſel-  
 lato opere abacos , ſcrinia , arcuſas , & monopodia ela-  
 borabant ſectis incifisque conchis margaritifervis , vulgo  
*di madreperla* , quibus frondes , aves , animalia , & encar-  
 pia exhibebant . Integris conchis margaritifervis miro  
 ordine diſpoſitis ornata eſt interior tholi facies ſecre-  
 toris Conclavis octagoni regii Florentini Cimeliarchii ,  
 quod vulgo dicitur *la Tribuna* ; quod pulcherrimum or-  
 namentum cum Horologio ad indicandos qualibet tem-  
 peſtate perflantes ventos , cognoscendosque ab iis , qui  
 in ea Aula morantur , Franciſcus Magnus Dux Etru-  
 riae fieri iuſſit . Cum his coniungendi illi Artifices ,  
 qui toto Orbe , praefertim ex Indiis conquiſitis lignis  
 pretioſis , qui in ſe nativos varios colores cuiuſcumque  
 generis continent , his historias , aves , corollas floreas ,  
 phrygia opera , encarpas , & alia huius generis orna-  
 menta componunt , interſeruntque teſſellato opere , imi-  
 tanturque hiſce ligneis teſſerulis praelaudatos Muſiva-  
 rios , & lapillorum ac Gemmarum conglutinatores ac  
 Pictores . Praeſtantiora quaedam ſcrinia ſpectantur in  
 regio Muſeo Florentino . Hoc opus , vulgo *di tarſia* ,  
 apud Florentinos antiquitus inventum in uſu erat , de  
 quo meminit antiquus Fabularum Etruſcarum Auſtor ;  
 & complura adhuc exſtant huiusmodi Opera , & Val-  
 vae ianuarum figuris ita ſculptae ſpectantur in Muſeo  
 Bonarroſio , & apud me exſtat Scrinium , in quo Xy-  
 ſtus conſpicitur , vulgo *Loggiato* , *Portico* .



CAPUT IV.

*Nomina Compaginatorum celebriorum recensentur.*

**R**egnante FRANCISCO I. Magno Duce Etruriae, quo auspice & favente antiqua Musivariorum ars, duris pretiosis lapillis versicoloribus compaginandis revocata, inventa ac perfecta est, hi Artifices celebriores fuere:

Magister *Iulius Florentinus*, teste  
Riccio.

M. *Sinibaldus Sinibaldus* Flor.

M. *Pompeius Studendolus* Flor.

M. *Ambrosius*

*Stephanus*

*Christophorus*

*Ioannes Ambrosius*

Medio-  
lanen-  
ses.

M. *Ioseph Marchesinus Venetus*  
(Conciatore di Rubini.)

Pictores huiusmodi Operum.

*Andreas Mariotti F. Minghius*  
Flor.

*Christophorus Papius* Flor.

*Franciscus Mercurii F. Ligozzius*  
Flor.

Regnante FERDINANDO I.

M. Etrur. Duce.

M. *Andreas Iuliani F. Santinius*  
Flor.

M. *Urbanus Simonis F.* Flor.

M. *Alexander Lotterii F. Davanzarius* Flor.

M. *Iacobus Ioannis F. Flacch Alemannus*.

M. *Dominicus del Tasso* Flor.

M. *Bartholomaeus Erman Aleman-  
nus* (Ebanista)

M. *Daniel Flosch* Belga Pictor.

*Bortolus Pauli F. Venetus* (Mi-  
niatore)

*Valerius Nicolai F. Marucellius*  
Pictor.

*Petrus Barthol. F. Paulius* Auri-  
fex Flor.

*Michael Ang. Ioannis F. Palaius*  
Flor.

*Augustinus Bartholomaei F.* Flor.  
Aurifex.

*Antonius Sanctucci* Flor. (La-  
voratore di Sfere)

Direttori degli Artefici *di commesso*,  
e delle loro Opere.

*Bernardo Buonvalenti* Maestro del-  
le belle Arti provenienti dal  
disegno.

*Matteo Nigetti* Architetto della  
Galleria.

*Gostantino de' Servi*, Pittore, In-  
gegnere ed Architetto, so-  
prantendente di tutte le Mae-  
stranze.

*Giovanni Biliwerf*, celebre Pitto-  
re per le invenzioni.

Ex his aliqui regnante etiam FRAN-

CISCO I. floruerunt, quod & in reliquis recensendis adnotandum est.

Regnante COSMO II. Mag. Etrur. Duce. Ex descriptis Artificibus, perpaucis exceptis, reliqui sub hoc Principe floruerunt.

- M. *Camillus Octaviani F.* Flor.  
 M. *Petrus Paulus Ioannis Antonii F. Albertinius* Flor.  
 M. *Andreas Vincentii F. Borgognionius* Flor.  
 M. *Baccius Antonii F. Cappellius* Flor.  
 M. *Ioannes Cappellius* Flor.  
 M. *Iacobus Thomae F. Gattius* Flor.  
 M. *Ioannes Sebastiani F. delle Dame* Flor.  
 M. *Cosmas Iosephi F. Hener Alemannus*.  
 M. *Horatius Francisci F. Cangius* Flor.  
*Io. Baptista Balatrius* Architectus.  
*Giovanni Bologna* Sculptore.  
*Piero Tacca* Sculptore.  
*Vincentius Nelli* Aurifex Flor.  
*Jonas Falchius* Aurif. Flor.  
*Cassianus Dominici F.* Aurifex Flor.  
*Gaspero Mola* Medaglista.

Regnante FERDINANDO II. M. Etrur. Duce.

- M. *Ioannes Franciscus Comparinius* Flor.  
 M. *Iulianus Pandolphinius* Flor.  
 M. *Antonius Franciscus Martinius* Flor.  
 M. *Antonius Sorbius* Flor.  
 M. *Angelus Alberighius* Flor.  
 M. *Aurelius Vestrius* Flor.  
 M. *Antonius Capellius* Flor.

- M. *Antonius Chener Alemannus*.  
 M. *Andreas Ghinghius* Flor.  
 M. *Sebastianus Focardius Florent.* (Fruttista)  
 M. *Baccius Cappellius* Flor.  
 M. *Christophorus Winchler Aleman.*  
 M. *Ferdinandus Migliorinius*, qui postea accitus Gallias petiit.  
 Non pauci ex his floruerunt etiam regnante Cosmo III.

Regnante COSMO III. M. Duce Etrur.

- M. *Ioseph Bamberinius* Flor.  
 M. *Ioseph Bizzarrius* Flor.  
 M. *Ioannes Dominicus Bianchi* Flor.  
 M. *Ioannes Brogellius* Flor.  
 M. *Ioseph Vulpinus* Flor.  
 M. *Ioseph Antonius Torricellius* Fl.  
 M. *Io. Baptista Montautus* Flor.  
 M. *Io. Baptista Zucconius Florent.* Neapolim abiit.  
 M. *Laurentius Bellius* Flor.  
 M. *Matthias Sorbius* Flor.  
 M. *Nicolaus Valorius* Flor.  
 M. *Octavius Ioannellius* Flor.  
 M. *Petrus Borgbesius* Flor.  
 M. *Raphael Muffatius* Flor. Neapolim petiit.  
 M. *Sanctes Poggius* Flor.  
 M. *Thomas Vulpinus* Flor.  
*Franciscus Ciaminghius* Praeceptor Graphices.

Ex iis plures etiam regnante Io. GASTONE floruerunt.

Regnante IO. GASTONE Magno Etrur. Duce.

- M. *Paulus Bottius* Flor.  
 M. *Antonius Ciollius* Flor.  
 M. *Antonius Franciscus Bottius* Fl.  
 M. *Antonius Franciscus Cionius* Fl. (Figurista)

F f

M. Be-



- |                                                                                      |                                                                                              |
|--------------------------------------------------------------------------------------|----------------------------------------------------------------------------------------------|
| M. <i>Benedictus Burchius</i> Flor. (Frut-<br>tista)                                 | Regnante FRANCISCO Loth.<br>& Barri D. Magno Etruriae Duce<br>Imp. Caesare Augusto.          |
| M. <i>Carolus Franciscus Bottius</i> Flor.                                           | M. <i>Caletanus Torricellius</i> Flor.                                                       |
| M. <i>Cosmas Formiglius</i> Flor.                                                    | M. <i>Franciscus Borgbesius</i> Flor.                                                        |
| M. <i>Franciscus Campius</i> Flor. abiit<br>Neapolim.                                | M. <i>Baccius Cappellius</i> Flor. nuper<br>obiit.                                           |
| M. <i>Philippus Violius</i> Flor. Neapo-<br>lim abiit.                               | M. <i>Paulus Bottius</i> Flor. nuper obiit;<br>in eius locum successit                       |
| M. <i>Ioseph Minchionius</i> Flor. Nea-<br>polim abiit.                              | M. <i>Ignatius Babbuiatus</i> Flor.                                                          |
| M. <i>Ioseph Montautus</i> Flor.                                                     | M. <i>Antonius Franciscus Bottius</i> Fl.                                                    |
| M. <i>Caletanus Ferronius</i> Flor.                                                  | M. <i>Gaspar Iacopuccius</i> Flor.                                                           |
| M. <i>Matthaeus Pretolanus</i> Flor.                                                 | M. <i>Franciscus Iacopuccius</i> Flor.                                                       |
| M. <i>Bartholomaeus Torricellius</i> Flor.                                           | <i>Franciscus Conti</i> Praeceptor Gra-<br>phices.                                           |
| M. <i>Ferdinandus Migliorinius</i> Flor.                                             | Horum opificiis praeest <i>Ludovicus</i><br><i>Syries</i> Gallus.                            |
| M. <i>Maximilianus Soldanius</i> Flor.<br>(Bronzista)                                | De Scalptoribus Gemmariis, qui flo-<br>ruerunt, & nunc florent, suo lo-<br>co dicendum erit. |
| <i>Laurentius Veber</i> Flor. Bronzista,<br>& formarum cudendae mone-<br>tae Opifex. |                                                                                              |

CAPUT V.

*De Opificibus, qui in Regio Palatio & Museo Florentino  
vascula crystallina, aliaque e crystallo opera faciebant.*

Quamvis in hac Historia primum de Glyptogra-  
phicae artis initiis, progressibus, & conatibus ab-  
solutissimis mihi differendum proposuerim, ta-  
men & adfines ac socias artes, clarosque in his Artifi-  
ces in pretiosis lapillis secandis, compaginandis ac per-  
poliendis, qui & Musivarii dici possunt, nolui prae-  
termittere. Cum his iungendos censeo Vascularios pe-  
ritissimos, qui Vascula, aliaque permulta e crystallo  
montana mira arte conficiebant, atque etiam variis or-  
namentis, animalibus, avibus, pampinis, foliis, silvis,  
encarpis, figuris, oscillis, tropaeis, simbolisque atque  
emble-

emblematis variis ingeniose excogitatis ea condecorabant, atque interdum inaurabant; quorum aliqua non contemnenda in meo Museo, veluti huius eximiae artis prima specimina fervantur. Primum eorum Officinae, ut diximus, in Palatio ad Templum D. Marci, vulgo *il Casino*, cum aliis Artificibus Gemmariis constitutae fuerunt circa annum **CIO. IO. LXXXVII.** primi-  
que Opifices, qui hanc artem exercuere, Florentini, mox Mediolanenses periti homines exstiterunt, qui permultos egregios alumnos educarunt atque instituerunt, quorum opera, quum accurate & luculenter descripta fuerint a praeaudato **P. AUGUSTINO DEL RICCIO** Dominicano, satius erit eius verba, testimoniumque firmissimum atque oculatissimum adferre. Igitur Capite **CXX.** suae Historiae Lapidum & Gemmarum haec scribit: „ Del Cristallo di Calci, di Carrara; degli „ Svizzeri, talvolta di peso di libbre 200. Di cotali „ pezzi sovente i Maestri rarissimi Milanesi ne fanno „ animali grandi, come oche grandi al naturale; ma „ di più pezzi, & altri animali; come si vede nella „ Tribuna della Galleria, che fece la fel. mem. del „ Granduca **FRANCESCO** al Palazzo vecchio de' Signori, non mai lodato quanto merita; poichè amava i „ Virtuosi Forestieri, & in particolare il virtuoso Maestro **GIORGIO** Milanese, & i suoi figliuoli, altresì „ i rari e virtuosi Maestri della medesima patria, cioè „ Maestro **AMBROGIO**, Maestro **STEFANO** ambidue fratelli, & io con tutti tali Virtuosi sempre ho tenuto amistà, con tali uomini leali, e rari in lavorar „ Cristalli, e fare animali, & altri lavori, come un' „ altra volta si dirà con altra occasione; che il detto „ Granduca quei e altri Maestri teneva al suo Palaz-  
„ ZO,



„ zo, che il fece per suo diporto, detto il *Casino*, ch'  
 „ è appresso il nostro Convento di S. Marco in Fi-  
 „ renze, dove io andava per mio spasso; poichè tan-  
 „ to era il contento, che io prendevo in veder sì gran  
 „ pezza d'uomini rarissimi in molte arti, quivi lavo-  
 „ rar molte cose &c.“ Memorat in eodem capite Cru-  
 ces e crystallo ab his artificibus egregie elaboratas,  
 quae magna cum pompa in sacris Supplicationibus in  
 pervigilio Nativitatis S. Ioannis Baptistae Florentino-  
 rum Patroni, per nostram Urbem deferebantur; & Va-  
 scula crystallina ad servandas Sanctorum Reliquias, quae  
 in gradibus arae maximae in Ecclesia S. Mariae No-  
 vellae, (atque etiam in aliis Ecclesiis) exponuntur,  
 atque in Lipsanothecis servantur. Idem haec adnotat  
 Cap. CXCI. „ L'uso de' Cristalli è più per far Vasi  
 „ da bere; posciachè a Venezia vi sono sì bei bic-  
 „ chieri, e tazze di cristallo, fatte a Murano, che in  
 „ vero sono assai rari, e belli, & honorati, fatti in  
 „ tante fogge, & hanno diversi garbi, che rallegrano  
 „ gli uomini“. Harum artium conditorem Florentiae  
 fuisse FRANCISCUM Magnum Etruriae Ducem, non  
 semel a me, numquam tamen laudatum fatis, clarius  
 confirmat Cap. CXClV. his verbis: „ Quì voglio di-  
 „ re, come non è guari di tempo, come il Granduca  
 „ FRANCESCO fece venire più Maestri di vetro, & in  
 „ particolare quei, che lavoravano i Cristalli, e messe  
 „ questa laudevole usanza nella Città di Firenze: co-  
 „ sì avrebbono a fare i Principi a tener cotal modo,  
 „ che le Città loro ripiene di Huomini virtuosi in  
 „ tutti i generi & arti per decoro, e onore delle Cit-  
 „ tà, & anco per allevare i suoi sudditi virtuosi, e  
 „ non ozziosi, come bene ha fatto il Gran Duca FRAN-  
 CESCO,

„CESCO, che apparò dal suo buon padre G. D. COSI-  
 „MO, che messe tant' arte in Firenze, & altresì esal-  
 „tava i virtuosi, e quei sovente egli premiava &c.“  
 De ornamentis, quibus crySTALLINA VAScula decoraban-  
 tur, differit idem Scriptor Cap. CCXXVIII. ita in-  
 quiens: „Quì si puote ancora dire, che i Signori e  
 „i Regi hanno vasi fatti di cristallo, ma a tornio,  
 „come si lavorano i Vasi di lapislazzuli, e così fan-  
 „no intagliar detti Vasi, o bicchieri di cristallo, e  
 „per entro si veggono arme, o animali, o felve.  
 „Uno di questi ne ho visto al Casinò del Granduca  
 „FRANCESCO, cosa veramente degna d'un simil virtuo-  
 „so Granduca. Evvi adesso un gran Maestro in Gal-  
 „leria, che disfa i Cristalli, e con fuoco e fiato fa  
 „tutto quel che si può desiderare; cosa che non si è  
 „più vista in questa Città; laonde merita, che ne sia  
 „fatto memoria da me nell' opera, che anderà fuori  
 „sopra le pietre in Lingua Latina, se harò vita.

Servantur adhuc in duobus secretioribus Cimeliis in  
 Regio Conclavi, vulgo *Tribuna*, innumera Vasa pretio-  
 sa, non solum crySTALLINA, verum etiam ex integris  
 praegrandibus Gemmis, e Chalcedoniis, Achatibus,  
 Sardonychis, Helitropiis, & Cyaneis, vulgo *Lapislaz-  
 zuli*, aliisque; quam insignem supellectilem utinam  
 Tabulis aereis optime delineatam videam aliquando,  
 quod, si vires meae paterentur, id ipsum, regio Cae-  
 saris permissu & favore, curare vellem.

Praeter hos Opifices, qui crySTALLINA VAScula exqui-  
 sita arte elaborabant, laudat etiam Vasculares, qui  
 vasa, crateres, & cyathos e gemmis lapidibusque pre-  
 tiosis in iisdem Mediceis Officinis perficiebant; de qui-  
 bus pauca haec idem Riccius adnotat Cap. CXXV.



ubi agit de lapidibus Cyaneis , vulgo *Lapislazzuli* .  
 „ Di cotali pietre se ne fanno Vasi belli e bacini , &  
 „ altri lavori ; come si vede aver fatto il Gran Duca  
 „ FRANCESCO a mio tempo al Casino ; che oggi di co-  
 „ tali Vasi , bacini , e nicchi , e altri lavori sono nel-  
 „ la Tribuna sul Corridore appò il Palazzo Ducale ;  
 „ & in essa Tribuna vi sono delle belle cose , ch'ab-  
 „ bia il Granduca in genere tale . Nota che io veddi  
 „ lavorare un nicchio , & altri Vasi , che si lavorano  
 „ per via di ruote : cose , che non puote fare se non  
 „ quelli che sono ricchi . “

His etiam adde Opifices illos , qui e succinis vascu-  
 la , pateras , urceos , candelabra , icunculas , & alia hu-  
 iusmodi egregio magisterio faciebant ; quamvis inter-  
 missa haec opera fuerint , statim ac Bohemica ad Me-  
 diceos Principes pervenere . Verum ex his non pauca  
 in iisdem regiis Musei Conclavibus spectantur . Lan-  
 cem eximiae magnitudinis ex hac materia cum urceo-  
 lo ad aquam fundendam servat in Museo suo Cl. Baro  
 STOSCHIUS , multis figuris anaglyptico opere egregio  
 exsculptum ; qui olim apud Serenissimos Mantuae Prin-  
 cipes exstabat , & forsitan dono missus , ex his officini-  
 nis prodiit .

Nihil dico , ne Lectorum abutar patientia , de Ebo-  
 rariis eximiis Sculptoribus , Statuariis , Vasculariis , quo-  
 rum opera exquisitiori arte perfecta in hoc regio Mu-  
 seo Florentino conspiciuntur ; quae omnia , non aliunde  
 advecta , sed in his Officinis Mediceis , & non pau-  
 ca etiam Serenissimorum Principum manu , praesertim  
 FERDINANDI Magni Etruriae Principis perfecta at-  
 que elaborata valde laudantur .

Artifices omnes in tres Classes distributi , singuli suis  
 ope-

operibus accurate incumbabant. Alii deserviebant aedificiis & ornamentis regii magnificentissimi Sacelli Principum in Ambrosiana S. Laurentii Basilica ; alii deliciis, luxui, ornamentisque Augustae Domus Mediceae praestandis infudabant ; alii pro regio Cimeliarchio, atque eidem addictis operibus, & rarioribus elegantissimis, ut eleganti cultu explendescerent, laborabant. Inter Sculptores memoratur egregius HERCULES FERRATA qui insigniores Statuas marmoreas aliquibus in locis instauravit. Clariss. FANCELLIUS Antonii F. sedens Bacchi simulacrum, & alia antiqua monumenta, ut inveni in Libro O. anno CIO IO CXV. refecit. Laudatur MARIANUS, Vincentii Vivianii discipulus, in crystallis telescopiorum conficiendis, aliisque vitreis orbibus ad Opticam pertinentibus Faber eximius, itemque eius alumnus, & socius COPPINIUS, qui & perspicillis optimis fabricandis, aliisque machinis Mathematicis, & Astronomicis dabant operam. Celebris est IOANNES BAPTISTA FOGGINIUS Architectus & Sculptor, & alii Prospektivae Magistri : alii item Plasticae, archetyporum Fictores, Protoplastici, vulgo *Modellatori* ; inter quos in ectyposi excellens fuit CIPRIANIUS, qui ex aere fudit Statuas omnes, quae in regio Conclavi, sive Tribuna Cimeliarchii spectantur, iussu COSMI III. Magni Ducis Etruriae ; in Fusoria & Chemice alii praestantes. Legi etiam nomen ANGELI GORII Florentini, inter Pictores fama nominis operumque clari, (1) quem inter avos meos numero, a quo laquearia regii Cimeliarchii picta sunt anno CIO IO CLV. & CIO IO CLXI. & LXIV. in spatiis novem ; quas picturas nuper aereis

---

(1) In Lib. Litt. G. & I. ab annis praedictis ad annum MDCLXXIII.



reis Tabulis incisas in lucem protulit IGNATIUS URSINIUS, Socius Columbarius Florentinus, multis laudibus commendandus. Reliquos omnes, qui in iisdem regiis Officinis, vel alibi ad nutum Principis laborabant, ne quid peccem in recensendis, vernaculo sermone exponam. *Pittori di Fiori*, inter quos excelluit MICHAEL SCACCIATUS Florentinus; *di Frutte*, *di Figure*; *Miniatori*, *Vetrai*, *Sperai*, *Orefici*, *Argentieri*, *Bronzisti*, *Medagliisti*, *Maestri di filograna*, *Intagliatori di Sigilli*, *Oriuolai*, *Archibugieri*, *Balestrieri*, *Alabastrai*, *Cesellatori*, *Bulinisti*, *Smaltatori*, *Stipettai*, *Ebanisti*, *Spadai*, *Artefici di corazze*, e di *armadure militari*, *Fonditori di Artiglierie*, *Intagliatori di lime*, *Intagliatori in avorio*, *in legno*, *Tabacchierai*, *Cimbalai*, o *Instrumentai*.

His omnibus & illi addendi sunt adeo celebres, & praestantes Opifices, qui in Textrinis Mediceis prope Palatium ad Templum D. Marci sedulam operam in aulaeis texendis navabant; quibus paucis ab hinc annis hi subrogati sunt, qui excellunt in floridis sericeis vestibus mirabili textura conficiendis, & magnas opes publico bono conferre non cessant. Horum historiam aliis compingendam relinquo; ne extra choream vagari videar. Illud memorare mihi liceat, in Textrinis Reipublicae Florentinae olim floruisse Artifices & Pictores omnibus ingenii & peritiae laudibus ornatissimos. In Basilica Baptisterii Florentini servantur, & Hierothecas Sanctorum Reliquiarum exornant, picturae sacrae auro & coloribus ex serico textis, quibus condecorabantur Pontificalia indumenta, quibus usus est IOANNES COSSA, olim Papa, cuius ossa magnifico in sepulcro in eadem Basilica condita sunt; quae Historiae miro artificio textae anno CIO. CCCCLXVI. exhibent  
ortum,

ortum, vitam, gesta, & mortem Sanctissimi Praecursoris Ioannis Baptistae; quarum picta exempla dedit ANTONIUS Iacobi F. DEL POLLAIUOLO, eaque textrinis operibus expressere COPPINUS, IO. BRAMANTIS Flor. cum aliis, quorum nomina, Deo dante, in mea Historia Baptistarii Florentini proferam.

## C A P U T VI.

*Nomina praestantium Vasculariorum in Florentinis Officinis crystallinis & vitreis producuntur.*

POSTquam in hoc Adparatu historico multa a me praemissa sunt, quae ad eximios Florentinos Artifices generatim pertinent; nunc peculiari labore de inclytis Maecenatibus & Fautoribus Mediceis, ac de Opificibus singulis differendum. Primus omnium, ut diximus, ad Vascula crystallina & vitrea conficienda Officinas Florentiae in suis Aedibus, prope Templum D. Marci, mox prope vetus Ducis Palatium, condidit, publico litterarum atque artium omnium bono & gloriae natus, Sereniss. FRANCISCUS I. Magnus Dux Etruriae; cuius eximiae virtutes & merita nullis laudibus aequari fatis possunt.

Inter primos Vasculares Opifices, qui recensentur in Codice expensarum, quem evolvi, in quo adnotata est littera C. qui incipit Kalendis Martii anni aerae Florentinae CIO. IO. LXXXVII. laudatur AQUILANTES BOTTARIUS, Antonii Filius, Florentinus, qui crystallis aedificandis, rotarumque ope perpoliendis, summa cum laude, sedulam dedit operam. Sub eo discebant, ac va-



scula elaborabant, NICOLAUS Friderici F. & PAULUS Nicolai F. Florentini. Inter Vitrarios Artifices laudatur etiam BAPTISTA Venetus. Legi etiam in Libro notato lit. G. ad annum CIO. IO. XCVIII. nomina duorum Opificum Gallorum, qui specularia exquisita arte elaborabant, nempe DOMINICUM COCCER, & BARTHOLOMAEUM DE RACH, qui tum crySTALLINA, tum metallica, quae exstant, parabant.


Sed quum ad aures eiusdem optimi Principis praestantium Mediolanensium Opificum, qui opera e crystallo politissima egregie conficiebant, ingens fama percrebuisset, eos magnis praemiis propositis, oblatisque, ad se advexit, ac praesentes eximio honore ac benevolentia prosecutus est. Hi fuere GEORGIUS cum filiis, & AMBROSIIUS, ac STEPHANUS germani fratres, qui, ut supra vidimus, a P. Fr. AUGUSTINO RICCIO e Dominicana Familia in sua lapidum Historia laudantur, quam scripsit circa annum CIO. IO. XCVII. Sed, quod tacet, vel incuria praetermittit idem RICCIUS, in Codice Expenfarum, notato littera D. ab anno CIO. IO. LXXXIX. ad annum CIO. IO. XCII. praelaudati GEORGII vel filium, vel fratrem nominatum quoque inveni CHRISTOPHORUM Mediolanensem; AMBROSII vero fratrem IOANNEM BAPTISTAM, qui, ut mox dicemus, egregius fuit Gemmarum Scalptor. Ex eodem Codice didici etiam, eos patrem habuisse HIERONYMUM, qui e Familia CARRIONIA erant; nam *Carrioni* tum in hoc Codice, quamquam aliquando minus, ut videtur, accurate *Caroni*; tum in alio Codice, qui exstat in secretiore Regio Archivio penes egregium Antiquarium IOANNEM BAPTISTAM DEIUM, socium Columbarium Florentinum, qui mihi ibidem legendum exhibuit, CARRIONI, re-  
cte

Est quidem, adpellantur. Hi praestantes Vascularii non solum vasa, pocula, trullas, pateras, catillos, cyathos, & columellas ad ornatum scriniorum, aliaque opera e crystallo montana perficiebant, exstruebantque; verum ea multo opificio seu diaglypho, sive anaglypho insculpebant, exhibebantque flores, corollas, aviculas, encarpas, silvas, animalia, figuras, eademque vascula aliquibus in locis inaurabant, vel encausticis coloribus inficiebant; quidquid denique spectantium oculos exhilarare potest, eorumdemque operum elegantiam mirumque opificium augere, miro ingenio inventisque praestabant, ac perficiebant. Hi dicebantur honoris causa, quod ceteris praestarent, *Magistri*, & complures magisterio suo subiectos alumnos accurate docebant atque erudiebant. Idem P. RICCIUS filet nomen illius Opificis, qui, ut ipse ait, *disfa i Cristalli, e con fuoco e fiato fa tutto quello che si può desiderare*. Huius nomen inveni in praedicto Libro C. recensitum inter ceteros vitrarios Artifices anno CIO. IO. LXXXVII. quod nunc palam facio; nempe is est NICOLAUS GANDIUS Lucensis, Vincentii F. ut ibidem scribitur, *Maestro di cristalli a lume di lucerna*. His addendi BERNARDINUS GAFFARIUS Florentinus, Georgii F. cuius frater Christophorus eximius fuit, ut mox dicam, Sculptor Gemmarius: item CHRISTOPHORUS WINCHLER Alemannus, in sculpendis crystallinis operibus, cyathisque conficiendis laudatissimus; cuius nomen saepe occurrit, praefertim in Libro K. ad annum CIO. IO. CLXIV. & L. CIO. IO. CLXVII. De BORGOGNONIO infra non pauca. Negotiis rebusque optime dirigendis idem Princeps liberalissimus praefecit IULIUM CACCINIUM, & MICHAELEM CACCINIUM Florentinos Praefectos genere & pul-

cra-



crarum rerum scientia nobilissimos. Complura nobiliora Vascula crystallina ab his Opificibus confecta servantur, ut dicebam, in secretioribus magnis Cimeliis, quae auleis occultantur in Regia Tribuna Medicei Imperialis Musei, quae nescio qua de causa, quove consilio perpaucis ostendantur, digna profecto cultorum omnium admiratione & laudibus.



## CAPUT VII.

*Inlustres Principes, qui Glyptographicae studia favore  
& opibus prosecuti sunt, laudantur.*

**I**N laudandis Inlustribus Principibus, qui Glyptographicas artes favore, & munificentia ad summam dignitatis & gloriae praestantiam evexerunt, non discedam ab his, quae egregius Eques VASARIUS adnotavit in Vita VALERII BELLII Vicentini (1), in qua primus omnium non solum eximios Gemmarios Scalptores, quos vel noverat aetate sua, vel eorum nominis famam temporibus eidem paene proximis audierat; verum etiam magnos Principes, quorum auspiciis & liberalitate pulcherrima opera ipsi perfecerunt, recensuit. Suspicabar ALPHONSUM Regem, qui antiquorum operum amore ac studio mirifice delectatus est, hac quoque laude non fraudandum. Verum neminem adhuc inveni, qui eum ad provehendas Glyptographicas artes adpulisse animum, bellorum negotiis distentum, adfirmet; quamvis Litteratos, & sapientes viros multo in honore apud  
se

---

(1) Vide in Parte II. Vol. I. pag. 285.

se adciverit, atque ingentibus praemiis adfecerit. LAURENTIUS PIGNORIUS Lib. I. *Symbolarum Epistolicarum*, Epist. III. de eius Gemmarum studio nihil adfert, qui haec de eo memorat: „Quod vero ad aetatem nostram, „ aut paullo supra, attineret, Alphonsum Regem laudatum illum, & omni laude maiorem, Numismata Imperatorum, sed Caesaris ante alios, per universam Italiam conquista, in eburnea arcula asservasse paene religiose, testis est Antonius Panormita: quibus, „ quoniam alia eorum simulacra, iam vetustate colapsa non exstarent, mirum in modum se delectari, & quodammodo inflammari ad virtutem & gloriam inquebat“. Sed quae subdit, accurate mox expendam. „ Studium Alphonsi ( inquit ) aemulata est „ Domus Medicea, illa Musarum domus, an templum? „ cuius rei testem habemus oculatum Philippum Cominaeum Lib. VII. Cap. IX. *Hist.* qui recenset Numismatum aureorum tria millia, praeter Vasa caelata, & argenti antiquitus signati magnam vim“. Sed Medicei Heroes praestantissimi minime indigebant, quum domesticis abundarent, exemplis ALPHONSI inclyti Regis; quum ipsi studiis omnibus atque artibus fovendis amplificandisque suapte natura divinoque genio ita inflammati essent, ut alios ad aemulationem excitarent potius, quam excitarentur, atque aemularentur. Iam supra ostendimus compluribus annis ante LAURENTIUM MEDICEM apud maiores suos inolevisse studia conquirendi priscas delicias, antiquas Gemmas, Numismata, & Vascula miris caelaturis operosissima. Viguit & remotioribus Florentinae Reipublicae temporibus ars inscalpendi Gemmas; nam & non pauca Sigilla obsignatoria vidimus ex argento & aere,



quorum characteres in ambitu ad Saeculum XIV. referuntur, in quibus in medio inserta est antiqua Gemma cum figuris, quibus eius possessor ad obsignandum uteretur; quorum eſtypa in Collectionibus Societatis Columbariae Florentinae, & in meis quoque servantur; quae quidem ostendunt longe vetustum esse huiusmodi studium habendi, colligendique antiquas Gemmas. Sed exstat Florentiae peculiare atque aeternum huius praeclarae gloriae monimentum, ac testimonium, nempe Domus ipsa Mediceorum Principum, quam exstruxit Magnus COSMUS MEDICES, Pater Patriae, quae hodie Marchionum Riccardiorum est, in qua in metopis Xysti, supra columnas & arcus, anaglypha octo marmorea elegantissima orbicularis formae spectantur; quae Historias exhibent ex Gemmis antiquis Scalptorum Graecorum accurate desumptas. Ea perfecit immortalis scalpro eximius Sculptor Florentinus DONATUS, cognomento DONATELLUS, quem VASARIUS insigniter laudat; qui primus omnium vetustis monumentis mirifice delectatus est, eaque imitari, ac probe exprimere in suis operibus assidue studuit; quique, ut adnotavimus, auctor fuit, ut COSMUS MEDICES harum prisco deliciarum studium omnibus colendum exemplo suo proponeret, & elegantiores hasce vetusti aevi reliquias undique conquireret, & sibi suisque compararet. In his marmoreis orbiculis primum spectandus occurrit, ab eo ad praestantiorum Gemmarum similitudinem accuratissimam egregie sculptus, Diomedes Palladio potitus, qui insidet basi encarpo coronatae. Huius Gemmae eſtypum servo, quae post Cosmae obitum, quum Laurentio cum reliquis obtigisset, ipse singularem Graeci Artificis admiratus peritiam, ne sibi furri-

furriperetur, in ea nomen suum ita declaravit, incis-  
hisce litteris, ut & in reliquis insignioribus solebat :  
LAVR. MED. Prope hunc cernitur Hercules, sub gra-  
vi Amoris, seu Cupidinis pondere, qui eius humeris  
insistit, labore pressus, fatiscens; quod emblemata in Me-  
diceis Gemmis a me editis occurrit. In altero sculptus  
Hercules in Hortis Hesperidum, qui ad arborem ad-  
cedit aurea poma decerpturus, adstante Minerva adiu-  
trice. Spectatur etiam Oraculum, ni fallor, Homerici-  
cum, ad quod Heroes adcedunt. Hinc cernitur Cupi-  
dinis triumphus, comitantibus eius currum Geniis. A-  
riadnem in altero marmoreo anaglypho sedentem in  
scopulo circumstant Satyri, ceterique e Bacchi familia.  
Spectatur in altero faberrime sculptus Centaurus, e pu-  
gna reversus; in altero vero captivus ante Heroam,  
sive Imperatorem paludatum, supplex, a duobus mili-  
tibus deductus: quae omnia emblemata a DONATO,  
Florentino Praxitele, ex antiquis praestantium Graeco-  
rum gemmis, & monumentis dubio procul desumpta sunt.  
De his eximiis DONATI operibus silent, qui admiran-  
da huiusce Urbis Florentiae descripserunt, FRANCISCUS  
BOCCHIUS, & IOANNES CINELLIUS. Obiit DONATUS Ei-  
dibus Decembreis anno CIO. CCCC. LXVI. aetatis suae  
LXXXIII. quum Laurentius Medices tunc ageret aeta-  
tis suae decimum octavum annum; quo, vel paullo an-  
te, ab eo fundatae Glyptographicae Scholae epocham  
designavimus, quae tunc maxime florebat, eidemque  
optimi Artifices dabant operam; neque absurdum est,  
sed credibile, tunc iacta fuisse huius Gymnasii funda-  
menta, studiaque auspicata, adhuc ipso DONATO vi-  
vente; quod etiam ex eo conicere possumus, quum  
lectissimis juvenibus alumnis Laurentius praefecerit, mo-  
dera-



deratoremque & magistrum dederit BERTOLDUM DONATI discipulum, Florentinum, Sculptorem excellentissimum; forsitan quia DONATUS, invalescente senectute, laboribus fractus, quotidie his praeesse minime poterat. Hos iuvenes Scalptores, itemque Sculptores, Pictores, & Architectos magnificus Laurentius vestibus, & stipendiis donabat, ac muneribus ditabat, excitabatque ad maiora exhibenda, suaque benevolentia & laude ornabat, mensaeque suae aliquando adcumbentes volebat, familiaribusque colloquiis dignabatur, praesertim si quid admiratione dignum multo studio & arte perfecissent; quae omnia luculenter VASARIUS pluribus in locis exponit (1).

Gradum nunc facio ad Pontifices Maximos PAULUM II. qui inscalptis antiquis Gemmis mirifice delectatus est. Aliqui memorant etiam MARTINUM V. sed Scalptorum Gemmariorum nomina, qui sub ipsis floruerint, nondum in editis monumentis legi; quae si habentur, illud opto vehementer, ut in lucem quantocius proferantur. Iisdem regnantibus, in numismatis effingendis cudendisque egregios Opifices floruisse, multamque laudem consecutos esse ex Historia Numismatum Romanorum Pontificum V. C. RODULPHINI VENUTI colligere possumus. Romae sub IULIO II. Glyptographice vires coepit, auctaque magnopere est; ad exquisitiorem vero praestantiam evecta, dum Ecclesiam Dei moderarentur LEO X. CLEMENS VII. PAULUS III. IULIUS III. atque etiam deinceps.

Mirum in modum Glyptographicis opificiis faverunt inclyti Principes LUDOVICUS Mediolanensium, &  
AL-

---

(1) Vide in Par. III. Vol. I. in Vita Torrigiani pag. 52. & 53. Vide etiam in Vol. II. Par. III. in Vita Michaelis Angeli Bonarrotii pag. 718. & 719. edit. Flor.

ALPHONSUS Ferrariae Duces ; sed longe his laudibus eminuere HIPPOLITUS MEDICES , & IOANNES SALVIATUS , & FARNESIUS S. R. E. Cardinales . Gloriam ac laudis cupidissimus CAROLUS V. Caesar magnis honoribus & praemiis nobilitavit Artifices Glyptographicos , a quibus imaginem suam sculpi studebat ; cuius insigne monimentum exstat , quod nuper observavi , in Mediceo Thesauro ; nam Gemma rarissima est anaglypho opere utrimque sculpta , quae & opificio , & magnitudine praestat , cum eius protoma in antica ; in postica vero Bellona Dea , quae armis insidet . Inter Principes primam nominis gloriam , & incomparabilis liberalitatis palmam ac laudem sibi vindicat FRANCISCUS I. Galliarum Rex Christianissimus , qui studiorum artiumque omnium orbem suis curis nobilitavit , atque amplificavit ; item HENRICUS IV. LUDOVICUS XIV. Gallici Regni sidera splendidissima . Cum his coniungendi PHILIPPUS II. Hispaniarum Rex , RODULPHUS Imperator , ANDREAS GRITTUS Serenissimae Venetorum Reipublicae Dux celebratissimus ; Urbini Ducissa , Mantuae Marchionissa , ISABELLA Marchionissa ESTENSIS , & alii plures , qui a VASARIO laudantur , quos & ego laudabo dum singulos Scalptores recensebo , qui eorum ope & liberalitate profecerunt . Multis quoque laudibus extollam Caesarum , ac maximorum Regum ac Principum eximia in Lithographos Gemmarios beneficia , curamque perpetuam , qua hasce Artes ad aeternitatem nominis sui apud se florere , & regnis suis gloriam maximam parere studuerunt . Id ut accurate faciam , perspicuo ordine , servata temporum serie , quod nondum ab aliis praestitum est , singulos Gemmarios opifices recensebo , qui in singulis Urbium



Scholis five Accademiis , spatio fere quatuor saeculorum floruerunt , & adhuc ex his complures florent multa nominis laude probatissimi . Initia & progressus in Glyptographice ut facilius cognoscantur , atque etiam ad memoriae subsidium reperiantur , Scalptores omnes in septem SCHOLAS distribuam . Prima erit FLORENTINA . II. ROMANA . III. LANGOBARDICA . IV. VENETA . V. GALLICA . VI. ALEMANNICA . Postremo agam de SCHOLIS BRITANNICIS , HISPANICIS , DANICIS , BELGICIS , aliisque Transmarinis . Hoc ordine & serie perspexi , facilius intelligi , & legentibus nullo cum labore occurrere posse tum omnium Artificum nomina , tum etiam quarumlibet SCHOLARUM initia , conatus , progressus ; adeoque ita facilius temporum varietates , eorumque defectus & incrementa melius cognoscentur .

Everfis Athenis , Italia barbararum gentium ignorantia & furore vastata , ac magnopere foedata , etsi pristinum artium decus & gloriam non omnino amisit , magnopere tamen obscuravit . Apud Asiae populos diu iacuit Ars Glyptographica ; quae postmodum , vigente apud Turcas luxu & opulentia , paullisper caput erexit . Siquidem apud Arabas , Armenos , Turcas ea invaluit consuetudo , ut gemmae signatoriae , quas in aureis annulis insertus gerebant , peculiaribus nationum suarum characteribus insculperentur ; qui characteres vel dictum aliquod , vel consilium , sive precationes & adclamationes continent , quod ex Gemmis huiusmodi tum meis , tum ex aliorum Daëtyliothecis depromptis , ex peritis eorum Interpretibus didici . Hisce caelaturis aliquae vel Saeculo XIII. vel XIV. vel paullo post sculptae videntur . Quum igitur apud Italos scalpendorum lapillorum ab ea aetate ars perrara & intermissa esset ,  
hinc

hinc facile omnes intelligent, quanta laus tribuenda sit Florentinis hominibus, qui auspice & favente LAURENTIO MEDICE, viro magnificentissimo, eiusque Maioribus, tam arduum gloriae & claritudinis verticem omnium primi conscenderunt, iterque omnibus feliciter monstrarunt; quapropter nil mirum, si in hac Historia hos primos celebrandos esse censuerim: quemadmodum enim, si crebris extinctis facibus caliginosa nocte, una tantum fax coruscanti luce fulgeat, si singulae ad eam faces admoveantur, statim accenduntur, ardent, atque omnia magno splendore conlustrant; ita quoque per Florentinos homines, munifico LAURENTII lumine vigente atque exsplendescente, tum Glyptographice, tum etiam reliquae artes, quae Graphicen parentem habent, in pristinam gloriam & dignitatem revocatae sunt, atque auspiciis faustissimis restitutae; quod nemo, nisi invidus, & veritatis osor sit, negare, ut opinor, audebit. Ab his igitur exordium sumam.

---

## CAPUT VIII.

*De Schola Florentina Glyptographica sub Laurentio Medice, ac Petro eius Filio, & Alexandro Med. Flor. Reip. Duce.*

**H**istoricorum Florentinorum, aliorumque exterorum disertissimis testimoniis constat, ut iam ostendimus, MEDICEAM DOMUM refertam fuisse antiquis signis marmoreis, toreumatis, gemmis opificio insignibus, vasculis e sardoniche, ceterisque gemmis, caelatis, Deliacis, atque Corinthiis, tabulis pictis, numismatis



matis auro, argento, & aere antiquo opere signatis; quae omnia (nihil dico de Graecis Latinisque Codicibus) non suppellectilem tantum pretiosissimam, ac Regibus invidendam, verum etiam opulentissimam Gazam, constituebant. Quum ex praestantioribus Gemmis aliquae temporum iniuria, vel fossorum negligentia fractae essent, LAURENTIUS, ut antea monui, optimos Artifices Florentiam invitavit atque deduxit, qui labefactas instaurarent, nomen suum in elegantioribus inciderent, atque interim alios in his opificiis erudirent. Hinc in LAURENTII mente praeclarum illud consilium ortum est, ut *Scholam* primus omnium aperiret, conderetque circa annum CIO. CCCCLVII. in qua delicti iuvenes sub egregiis praeceptoribus Glyptographicas artes, atque etiam Picturam, Sculpturam, & Architecturam perdiscerent, doctique patriam urbem, finitimasque, ac totam paene Europam admirandis operibus ornarent atque implerent; quod his qui VASARI Historiam legerunt, probe exploratum est. Ea ipsa fuit quoque cura PETRI MEDICIS eius filii virtutibus omnibus tanto parente dignis praestantissimi (quo cum coniungendi IOANNES [MOX LEO X.] & IULIANUS) qui favore maximo tum litteratos homines, tum Artifices omnes ornatissimos prosecuti sunt, quorum laudes frequenter enumerat in suis scriptis ANGELUS POLITIANUS, horum Principum alumnus & cliens ingenio & doctrina celebratissimus. Laudantur etiam frequenter a VASARIO, qui iisdem temporibus proximus fuit, hi Principes Viri, immo Heroes, omniaque encomia tum ab eo, tum ab aliis eximiis Scriptoribus edita, eo conlimant, ut ostendant, eorum praesidio, opibus, ac benevolentissimo favore veteres artes ac Palladis studia

dia brevi spatio temporis adeo mirabiles progressus fecisse, ut in pristinum decus dignitatem & gloriam adferta fuerint, & ferventi studio ac labore exulta.

IOANNES FLORENTINUS, cognomento  
DELLE CORNIOLE. Saec. XV.

In nova Florentina Schola, sive Glyptographica Officina Laurentiana, optimis praeceptoribus, quos Laurentius adcivit, in Graphice egregie institutus eminuit IOANNES FLORENTINUS, qui propter excellentem in Sardis rubri coloris scalpendis peritiam ( quae vulgo *Carniole*, *Corniole*, & *Corgniule* adpellantur) cognomen tum, quod & aliis eximiis in aliquo opificio hominibus contigit, honoris causa accepit; ideoque propter operum celebritatem ab omnibus nuncupatus est IOANNES DELLE CORNIOLE (1). Hic primus omnium in Gemmis scalpendis excelluit, aliorumque alumnorum suorum nomen obscurum, ac multa oblivione obrutum reliquit; quapropter de reliquis, qui ea aetate florebant, nihil memoratum invenimus, scimusque; quae si scivisset VASARIUS, minime silentio praeteriisset. Laurentio insigniorum Gemmarum antiquarum exempla proponente, tanto polluit ingenio, studio ac diligentia IOANNES, ut antiqua praestantium Graecorum opera aemulatus sit; tantumque assiduo labore & sedulitate ac peritia profecit, ut Laurentio Medici ac Petro eius filio placuerit, & paene innumeros pulcherrimos lapillos insculperit, ut perhibet VASARIUS (2).

Inter omnes Gemmas ab eo peraccurate insculptas, ea valde praecellit, magnitudine etiam insignis; nam

Ll

alti-

(1) Hunc laudat Cl. Auctor Dissert. Glyptogr. Cap. XXV. pag. 80. sed non primo loco.

(2) Vide in Vita Valerii Vicentini pag. 286. in Parte II. Vol. I.



altitudine uncias duas aequat, quae Sarda, sive *Carneola* est, in qua ab eo efficta est P. Fr. Hieronymi Savonarolae Ferrariensis ex Ordine Praedicatorum imago, quae spectatur in Tabula XXVI. num. I. in Florentino augusto Cimeliarchio. Pectore tenus excisa est, exquisita profundaue caelatura. Pallio tectos humeros habet, caput cucullo opertum; vultus oblique expressus est. In toto eius ambitu haec epigrapha scripta: **HIERONYMUS FERRARIENSIS ORD. PRAED. PROPHETA VIR. ET MARTYR.** Huiusmodi opus ab Ioanne perfectum videtur post mortem Hieronymi, adeoque post obitum etiam Magnifici LAURENTII; ni suspicari velimus epigraphen postmodum additam fuisse; imaginem vero insculptam dum adhuc viveret idem Laurentius, qui magnopere dilexit & coluit Hieronymum, a quo dum esset morti proximus, benedici, & lectulo suo eum adstare voluit in Villa Caregia; cuius rei testis est synchronus ANGELUS POLITIANUS, qui eum insignem sanctimonia & doctrina virum, caelestisque doctrinae praedikatorem egregium adpellat (1). Nolo heic praetermittere, quae de hoc insigni opere adnotat P. Fr. AUGUSTINUS RICCIUS in praelaudato suo Tractatu, sive Historia Nummorum & lapillorum, Cap. CXXII. ubi de Sardis sive *Carneolis*, ut aiunt, differit: „ Si può vedere (inquit) una Corniola, ch'è nella Galleria Ducale; per entrovi vi è scolpito il P. Fra Girolamo Savonaroli di Ferrara, Predicatore rarissimo e dottissimo, & è scolpita tanto bene la sua effigie, che il Granduca Francesco fel. mem. mostrava cotal Corniola con „ gran

(1) Epistolar. Lib. IV. ad Iacobum Antiquarium pag. 43. memoratae editionis.

„ gran reputazione ai Principi come cosa rara, e del-  
 „ le belle cose, che avesse fra le sue cose rare e bel-  
 „ le. Non è maraviglia, che in sì bella Corniola vi  
 „ fosse ritratto sì gran Predicatore bene; posciachè i  
 „ suoi amorevoli l'hanno ritratto in più modi & in  
 „ più cose, come in porfido; poichè ci è la sua testa  
 „ al naturale fatta da Maestro Francesco Ferrucci, det-  
 „ to per soprannome *il Tadda*, uomo di bontà e sin-  
 „ golar valore, poichè egli fu il primo, che ritro-  
 „ vasse a' tempi nostri il modo e la tempera di lavo-  
 „ rare il porfido; & io l'ho vista questa testa fornita  
 „ col suo busto con mia gran contentezza; & è an-  
 „ cora ritratto in medaglie piccole, come in bronzo,  
 „ in piombo, in gesso, altresì in foglio; e poi da' Pit-  
 „ tori molte fiate in tele, in tavole d'asse; era fatta  
 „ la sua impronta talora grande, talora piccola“.

Quoniam heic incidit mentio tam singularis & prae-  
 stantis Sculptoris, nolo praetermittere sub eius Imagi-  
 ne porphyretica, quam ipse vivens exscalpsit, elogium  
 sepulcrale, quod facile eius filii posuerunt in Aede S.  
 Hieronymi in Faesulano Monte; ubi cum eodem pa-  
 rente optimo, filii quoque spectatissimi sepulti sunt;  
 quod ipse oculatus testis exscripsi:

FRANCISCVS FERRVCCIVS FESVLANVS  
 QVI CVM STATVARIAM PORPHYRETICO  
 LAPIDE MVLT. ANN. VNICVS EXERCERET  
 EAQVE SINGVLARI VIRTVTE  
 COSMI MEDICES & FRANCISCI FILII MAGORVM  
 HETRVRIAE DVCVM STIPENDIIS AVCTVS ESSET  
 AD EXCITANDA SVI MVNICIP. INGENIA  
 PONI CVRAVIT ANNO D. MDLXXVI.

Ad



Ad huius Gemmae exemplum alteram Sardam, cum eiusdem Savonarolae effigie, ornatam quoque adsimili epigraphe, Romae olim sibi comparavit Ill. Marchio ALEXANDER GREGORIUS CAPPONIUS; cuius ectypum e rubro sulphure dono ad me misit; quae Gemma cum reliquis antiquis operibus, ni fallor, hodie exstat in Museo Collegii Romani, quae ei ex testamento reliquit. Alteram eiusdem egregii Concionatoris effigiem exstanti opere elegantissimo, Achatii Chalcedonio exsculptam, memoratis paullo maiorem, ab eo tempore Florentiae apud se MARMII olim servabant, quae mortuo V. C. ANTONIO FRANCISCO MARMIO, Equite Ordinis S. Stephani, cum reliquis eius Cimeliis vendita est; primusque ab eius haeredibus hoc ipsum opus eximium accepi, & facile emissem, si aequiore pretio comparare potuissem. Penes quem nunc sit, adhuc me latet. Hanc Gemmam si non sculpsit idem IOANNES Florentinus, facile ex eius Schola, atque ab eius alumnis proculdubio prodivit in lucem. Hoc, ut aiunt, *Cameum* nulla epigraphe decoratum erat; sed undique argentea coronide, & catenula superne ornatum, ut suspendi, vel collo adpensum deferri posset (1). Nemo est in his artibus vel parum versatus, qui nesciat, quam arduum ac perdifficile sit penes Gemmarios Artifices (quod & apud Pictores & Sculptores contingit) perfectam, & prototypo longe simillimam effigiem insculpere; quapropter minime dubitandum est, IOANNEM Florentinum summam laudem, summamque nominis celebritatem aetate sua adeptum esse, qui in Iconibus quoque accurate exprimendis primus omnium ingenio suo perspicua-

---

(1) Ostendi illud ipsum *Cameum* Sociis Columbariis Flor. qui descripserunt in Annali I, pag. 48.

spicacissimo , studiisque & laboribus praeluxit , & veterem laudabilem consuetudinem renovavit , genioque scientissimo Magnifici Viri LAURENTII Maecenatis sui fecit satis.

Ex hac Laurentiana Schola & Officina complures prodiisse Gemmarios Scalptores memorat VASARIUS, sed eorum nomina filet, quia ei quoque non satis perspecta & explorata fuere. Inter recentiores Gemmas, quae exstant in celeberrimo Mediceo, nunc Caesareo Florentino Thesauro, spectantur in Tabula XXVI. Inlustrum Virorum eiusdem aetatis Imagines; inter quas illa anaglyptice Achatī pulcherrimo exscalpta, quae protomam exhibet Cosmae Medicei Patris Patriae, & altera insignis operis & magnitudinis, nempe trium unciarum Romani pedis, quae faberrime Achatī e Chalcedonio vel Onyche exscalptam imaginem eiusdem Magnifici Laurentii repraesentat; quas, eo auctore, vel ab ipso IOANNE, vel ab eius alumnis discipulis effictas fuisse credibile est. Exstat in Dactyliotheca Stoschiana singularis Gemma, nempe Sarda, cuius ectypum apud me servatur, (1) in quo protome inscalpta egregio opere Viri laureato capite, civicis vestibus amicti, quem idem Cl. Baro DE STOSCH referre censet Ioannem Boccaccium, Oratorem & Poetam pereximium, Etruscae eloquentiae parentem & Praeceptorem, supra omnem laudem eminentissimum. Caelaturam hanc ex eadem prima laudatissima Laurentiana Schola prodiisse non est dubium; quamvis eius auctor nec a VASARIO, nec ab aliis declaretur. Profecto ea Medicea tempora his artibus auspicatissima redolet, ac perspicue refert; nec

M m                      erit

---

(1) Ipsum quoque dedimus Sociis Columbariis Flor. qui in suis Annalibus descripserunt, & in Tabulis exposuerunt.



erit absurdum credere, & Dantis, & Petrarchae imagines, curante Laurentio Medice, a Florentinis Gemmariis Scalptoribus expressas fuisse in Gemmis, quum in Numismatis ex aere, quae apud me exstant, insculptas ea tempestate habeamus. Hae Gemmae vel adhuc latitant, vel omnino periere; quod etiam coniicere licet ex singularissimo Ioannis Boccaccii numismate, quod archetypum servo in meis Cimeliis, illudque amicis dedi, ut alia exempla ex eo singulari archetypo haberentur. In postica eius parte sculpta est mulier stolata, dextra manu serpentem ostentans; qui typus mire Boccaccio convenit, qui dum fraudes & vitia hominum in suis Fabulis aperit, prudentiam ex instituto, tanquam humanarum actionum ducem ac moderatricem, sequendam docuit, iuxta Dominicum effatum: *Estote prudentes sicut serpentes* &c.

Inter haec tempora prodiit in lucem Gemma elegantissima utraque in facie sculpta; quam etiam e Florentinis Officinis acceptam aliqui censent. In eius antica exhibetur imago strenui Ducis BARTHOLOMAEI ALVIANI, cuius caput casside, pectus vero militaribus ornamentis ornatum cernitur. In postica incisa haec epigrapha:

BART  
ALVIANVS  
GENIO. SVO  
D. D

Circa cassidem quidam apices excurrunt, qui tamquam radii eam coronant. Profecto egregium opus, & multa laude dignum; quod ipse Bartholomaeus dum viveret, sibi a praestanti Scalptore incidendum curavit, & Genio suo dedicavit. Huius ectypum e sulphure,  
olim

olim inter Cimelia Andreinia, apud me hodie exstat; quod erudito Scriptori, qui eiusdem celeberrimi Ducis Exercituum Historiam parat, ut proferat, lubenter communicavi.

## PETRUS MARIA PISCIENSIS

Saec. XV. &amp; XVI.

Gemmarum sculpturam ad maiorem opificii atque elegantiae praestantiam evexit PETRUS MARIA PISCIENSIS, tunc celebri Oppido, nunc Civitate regalis Etruriae; e qua complures inlustres viri optimis disciplinis, armis, & artibus clari prodierunt. Hic assiduo labore & studio sub laudatis Florentinis Gemmariis Scalptoribus mirum in modum profecit; primusque in imitandis antiquis operibus adeo excelluit, ut sua tempestate neminem (teste VASARIO [1]) parem habuerit; quem regnante in Pontificatu suo LEONE X. floruisse, magnumque sibi nomen peperisse scribit; nam, vita functo Magnifico LAURENTIO, relicta Florentia, eum Romam migrasse, atque in eo pulcherrimarum artium & sapientiae domicilio, multa opera confecisse, auspiciis eiusdem Pontificis Maximi, Fautoris liberalissimi, ex VASARIO colligimus. Ea potissimum tempestate, cura & studio Raphaelis Urbinatis, quum Romae inventae essent antiquae Camerae, & Hypogea picturis ornata, hisque maxime, quae vulgo *Grottesche* dicuntur, in quibus Pictorum veterum ingenia cum laude luxuriasse videntur; nam monstrosas mulieres, & homines atque animalia tum terrestria, tum marina, permixtis monstrorum ex ingenio portentis, ut in arte luderent,

exco-

---

(1) In Vita Valerii Bellii Vicentini in Par. II. Vol. I. pag. 286.



excogitarunt (1); hinc recentiores ea aetate Pictores huiusmodi inventum lubentissime amplexati sunt; quare in xyftis, porticibus, cryptis, balneis ornandis & ipsi cum Gemmariis Lithographis certantes ea monstra exprefferunt. Frequenter etiam ad varietatem in formis orbicularibus vel quadratis, figuris albo, area nigro, colore expressis, antiqua Gemmarum anaglypha opera vel diaglyphica repraesentarunt, videlicet venationes, piscationes, bacchanalia, Nereidas Nymphas, veterum Numina in aediculis, ac praecipue encarpia ex fructibus variis contexta, qualia in Admirandis Antiquitatum Herculansenfium a me descripta, nuper edita sunt; corollas tum floreas, tum laneas, margaritarum uniones, aviculas & columbas volitantes, & alia emblemata ex antiquis Gemmis petita erudito ingenio pinxerunt, ne recentioribus Gemmarum Caelatoribus totam hanc gloriae spartam relinquere viderentur. De his plura habes apud VASARIUM.

### DOMINICUS POLI FLORENTIN.

Saeculo XV. & XVI.

Multum gloriae sibi tribuendum esse existimarunt antiqui Gemmarum Scalptores, si in gemmis ipsis nomen suum, ac non solum patriam, sed etiam praeceptoris sui nomen inscriberent; quod non raro occurrit in praeclaro Stofchiano Opere, e quo e pluribus unicum adferam exemplum, desumptum ex insigni Gemma, quae Romae adservatur in Thesauro Excell. Ducis SALVIATI COLUMNAE, in qua faberrime scalpta est integra facie, pectore tenus, Minerva; cuius operis praestan-

---

(1) His complures similes vide editas a Celeberr. Petro Sancte Bartolio in Libris, qui Cryptas, & Sepulcra antiqua, & eorum picta emblemata exhibent.

stantissimus Artifex ita nomen suum, patriae, & praeceptoris insculpsit : (1)

ΕΤΤΚΗC  
ΔΙΟCΚΟΤΡΙΔΟΤ  
ΑΙΓΕΑΙΟC ΕΠ

Scilicet:

ΕΥΤΥCΗC  
ΔΙΟCΚΟΡΙΔΙC  
( Discipulus sive Filius )  
ΑΕΓΑΕΥC FAciebat

Parentum loco discipuli Scalptores eximios Magistros suos habebant, atque in eorum Schola se profecisse honoris gratia ita testabantur, atque eorum filios in arte genitos se esse gloriabantur.

Multis ornatur laudibus a VASARIO (2) DOMINICUS, vulgo *di Polo*, Florentinus, qui inter discipulos praeaudati Ioannis Florentini *delle Corniole*, primum decus & nominis famam consecutus est. Sardae gemmae pulcherrimae atque eximiae magnitudinis, quae altitudine pollicem excedit, incidit imaginem Alexandri Medices Ducis Reipublicae Florentinae; cuius eētypum e sulphure ex Andreiniis Cimeliis in mea migravit. VASARIUS in eo laudando opere non excedit aut abundat in laude dum scribit: *ritrasse divinamente il Duca Aleſſandro de' Medici*. In eētypo caput eius dextrorsum respicit. Vultus lineamenta, crispati capilli, interioris tunicae collare, phrygio opere ornatum, chlamys sive trabea humeros operiens, admirandum opus ac suspiciendum te-

N n

stan-

(1) Vide in Stofchiano Opere Tab. XXXIV. pag. 46. & 47.

(2) Loco superius citato pag. 291.



stantur. Quod vero me rapit in his Glyptographicae primordiis, est exigua barba sub genis & mento Ducis Alexandri innata, in qua effingenda, si eum vel aemulum, vel fortasse etiam parem Dioscoridi consummatae perfectionis Gemmario antiquo Opifici, qui Augusti imaginem insculpsit (1), adferam, rem nec incredibilem, nec absurdam me adfirmare credam. Iudicium eorum, qui conferre antiquum Dioscoridis opus cum hoc DOMINICI POLI Florentini voluerint, testem adpello. Nec dubitandum est, valde placuisse Alexandro, qui gloriae cupidissimus fuit, suamque imaginem non ab eo solum, verum etiam & ab aliis Caelatoribus ea aetate praestantissimis, nimirum aere a FRANCISCO Hieronymi filio Prateni, ALPHONSO LOMBARDO, Sculptore Ferrariensi (2), BENVENUTO CELLINIO Florentino, & a GEORGIO VASARIO picta tabula, cera, cretaque, marmore, aere in numismatis omni studio accurate exprimendam mandavit. Altera imago eiusdem Alexandri adhuc exstat, & spectatur adligata Tabulae XXVI. regii Cimeliarchii Florentini, ex Achate Chalcedonio excisa anaglypho opere exquisitissimo ac probatissimo. Exstat quoque altera eiusdem Alexandri Ducis imago crystallo insculpta, opificio insignis, quae adservatur in Thesauro Christianissimi Galliarum Regis, quam profert in egregio suo Opere P. I. MARIETTE Tom. II. Tabula 120.

Excelluit etiam in numismatis flandis cudendisque, in quibus spirantes inlustrium Virorum vultus & emblemata in postica parte egregio labore exprimere solebat; quod testantur numismata cum imagine Urbis Flo-

---

(1) Vide in Stofchiano Opere Tab. XXV. & XXVI. pag. 32. & 34.

(2) Vide Vasarium in eius Vita in Par. II. Vol. I. pag. 178. edit. Flor.

Florentiae, & illud cum typo Capricorni thematis auspiciatissimi COSMI primi Florentinorum Ducis, quo se aemulum Augusti, vel parem designavit, cuius imaginem exhibuit longe simillimam.

Eidem DOMINICO POLI Florentino, vel potius NANNI Prosperi filio, de quo mox dicam, tribuitur absolutissima imago IOANNIS, a turma Equitum ab eo conductâ conscriptaque, adpellati *delle Bande Nere*, quam eius filius COSMUS Florentinorum Dux Gemmae incidendam mandavit; cuius eëtypum gypso expressum apud me adservatur. Gemma ovalis figurae duas uncias altitudine aequat. Prototypum ipsum nuper conspexi in regiis Mediceis Cimeliis; siquidem anaglyptico opere ex Achate Chalcedonio pulcherrimo exscalptum est. Capilli breves intorti, auris, vultus lineamenta, oculus tanta peritia expressi sunt, ut nil supra desiderari possit.

Ex eius Schola Laurentiana prodire alumni in sculpendis Gemmis praestantes, eaque tempestate perfectus videtur aureus anulus, opere encaustico eleganter ornatus, quem sibi fieri iussit Pallas Stroza, vir nobilissimus, optimisque disciplinis instructissimus. In eo Stroziae Gentis insignia sculpta sunt in elithropio, quibus cassis imposita pinnis & cristis ornata, cui imminet draco alatus, inflexo deorsum capite. In area ita incisum maioribus litteris eius nomen, PALLAS STROZA. In aureo circulo nascentes lunulae encaustico opere expressae cernuntur. Servatur Florentiae (1) penes Excell. Principem D. Ferdinandum Strozam. Laudat VASARIUS (2) Angelum Poli Florentinum, discipulum Andreae

---

(1) Hic anulus ostensus Sociis Columbariis Florentinis, eius eëtypo cera rubra suscepto, describitur in Annali XVII. pag. 34.

(2) In Parte II. Vol. I. pag. 485.



drae Verrochii, qui in Plastica se exercuit, & multa opera fecit; de quo alii videant, an frater eius sit.

NANNES Prosperi Filius Florentinus.  
Saec. XV. & XVI.

Memoratur ac laudatur a VASARIO (1) NANNES, hoc est IOANNES, Prosperi filius, domo Florentinus, qui in Gemmis scalpendis adeo excelluit, ut ab iisdem gemmis, nempe Sardis, sive, ut vulgo dictum, a *Carneolis* & ipse cognomentum acceperit. Hunc Artificem, artis callentissimum, longe diversum a praestantissimo IOANNE a Carneolis adpellato, qui primus Florentiae, ut diximus, Glyptographicam Scholam & officinam aperuit, fuisse, ostendit idem VASARIUS, (2) qui in studiis socium Francisci Salviati fuisse narrat, nosque ei probe notum fuisse suspicari possumus. Porro Franciscus Rossius, qui a Maecenate suo Cardinali Amplissimo Salviato cognomentum honoris causa obtinuit, quod eiusdem Purpurati auspiciis, opibus, & liberalitate in pingendi arte magnam nominis famam sit adeptus, & Franciscus Salviatus adpellatus est, obiit Romae anno MDLXIII. aetatis suae quinquagesimo quarto: ex quibus monumentis discimus, quo tempore hic NANNES Florentinus floruerit. VASARIUM culpat PETRUS MARIETTUS, quod de eo subobscurè & aequivoce scripserit, & se nescire fatetur, utrum patri an filio cognomentum tribui debeat. Sed nihil heic cognomenti video; siquidem *Nannes* est nomen, quod significat *Ioannes*. Pater NANNIS Prosper fuit; ipse vero NANNES, nempe IOANNES *delle Carneole* dictus est, quod in huiusmodi Sar-

(1) Vide in Vita Francisci Salviati Tom. III. pag. 72.

(2) In Vita Valerii Vicentini, loco supra memorato.

di Sardis rubro colore Gemmis *carneolis* scalpendis sua tempestate nominis sui & artis famam sane praeclaram sit consecutus; & facile plurimarum Gemmarum Schemata delineata a Francisco Salviato socio suo eum accepisse credibile est. Neque, ut arbitror, absurdum coniecere, NANNEM nostrum primum Florentiae sub praeclaudatis magistris, mox Romae in gemmis scalpendis plurimum profecisse, ubi Franciscus Salviatus praestantissima opera eiusdem Cardinalis Salviati Fautoris sui genio liberalissimo dedicabat. VASARIUS nulla huius Artificis NANNIS opera memorat; neque nobis in tanta monumentorum caligine, iactura, & paucitate declarari possunt, quum nomen suum in ipsis Gemmis scribere nec ipse consueverit, nec alii, qui primi apud nos Gemmariam artem restituerunt, atque in Italia intermortuam, ut ita dicam, ad vitam revocarunt.

## BERNARDINUS

Scalptor Gemmarius, Saec. XVI.

Nominatur hic BERNARDINUS a VASARIO in Indice rerum memorabilium, praeposito Volumini secundo Partis III. his verbis: *Bernardino Intagliatore di gioie*, pagin. 844. Sed quaesitus a me in hoc loco atque in aliis, minime inventus est; quod typographi incuria falsus sit citatus numerus. De eo nulla mentio in Dissertatione Glyptographica.



## CAPUT IX.

*Gemmarii Scalptores in Florentina Schola clari, qui sub Cosmo I. & Francisco I. Mag. Etrur. Ducibus floruerunt, recensentur.*

FActis hisce tam felicibus ac praeclaris in Glyptographico opificio fundamentis, quae Florentinam Scholam toto orbe celebrem effecerunt, nil mirum si ad eam exteri quoque ex Italicis urbibus Scalptores convolarint, ut Mediceorum Heroum favore ac patrocinio fruerentur, peritiamque suam & magisterii scientiam, qua pollebant, vel pollere studebant, in tanto praeclaro artium omnium theatro vel ostenderent, vel acquirerent. Eximia illa laus, quam Horatius tribuit Augusto, *veteres revocavit artes*, tribuenda quoque est COSMO I. Florentinorum Duci, qui hanc Urbem aureo illo saeculo florentissimam innumeris operibus laudatissimis Pictorum, Sculptorum, & Architectorum, qui tunc temporis gloriae verticem occuparunt, implevit ac locupletavit; quo auspice & favente artes omnes ad summum praestantiae & laudis fastigium auctas esse, cumulatissime toto opere suo immortaliter docet VASARIUS, RAPHAEL BORGHINIUS, & alii, qui de iisdem scripserunt. Sed ex his laudatoribus, qui paucis multa complexi sunt, non praeteribo FRANCISCI ROBORTELLI, in Pisano Lyceo Eloquentiae Professoris, elogium hoc, quo eundem COSMUM exornavit. „ Optimo Duci „ Cosmo tota non modo Etruria, sed universa etiam „ Italia, hac aetate quicquid ubique venustatis est ac „ nitoris in omni genere non solum scientiarum & artium quae litteris continentur; verum & harum, „ quae

„ quae aut pigmentis , aut aere , aut marmore ( *gem-  
„ misque* ) opera effingunt posteris spectanda , acceptum  
„ referre debent . Multos enim magno sumtu alit Ar-  
„ chitectos , Aerarios , Fabros , Marmorarios , Pictor-  
„ res , qui antiquitatem illam non modo apte imitan-  
„ tur , sed etiam adaequant & superant . Exstabunt igi-  
„ tur passim in illius Urbibus praeclara monimenta ,  
„ quae annis permaneant innumerabilibus , & testatum  
„ relinquant apud posteros , quam multae eius generis  
„ artes , quae fere extinctae videbantur , virtute illius  
„ rursus excitatae , & singulari liberalitate sustentatae ,  
„ amplissimisque honoribus cohonestatae viguerint . “

COSMO non minor FRANCISCUS I. Magnus Dux Etruriae eius filius , qui artes omnes fovit , mirumque in modum amplificavit ; qui incredibili novorum operum ardore flagravat , atque ea opificia , quibus Florentia carebat , invexit , & praestantissimos Artifices tum Florentinos , tum exteros insigni liberalitate aluit , ditavit , ac summa benevolentia profecutus est ; quae laudes iam superius expositae a me sunt , adlatis testimoniis synchroni Scriptoris P. Fr. AUGUSTINI RICCHI , quibus & illae addendae sunt , quae a VASARIO & BORGHINIO frequenter inlustrantur . Illud nunc breviter notandum , eius munificentiae auspiciis , felici ausu , sed maxime difficili atque arduo , adamantes inscalpi coepisse . Quum enim augusto connubio eidem in sponsam obtigisset Regina Iohanna Austriae , filia Imperatoris Caesaris Ferdinandi , & Reginae Annae filiae & heredis Ladislai Regis Hungariae , quae ea de re Hungariae Regina adpellata est , iussu est ab eo magnanimo Principe , ut pronubus anulus , eidem Sponsae in nuptiis dandus , omnium pretiosissimus effingeretur ; in  
quo ,



quo , inferto adamante valde prominenti , sed stupenda planitie , insignia suae Gentis sculperentur , primoque loco & quarto spatium Stemma Hungarici Regni , in secundo & tertio illud Bohemiae , in centro illud Augustissimae Domus Austriae spectarentur . Quia vero regia superposita corona , quae in eo spectatur , haud radiata est , sed ad instar rosarum & unionum ; probe hinc intelligimus , hunc adamantem stupendum insculptum fuisse antequam Franciscus ad Imperium Etruriae conscenderet , adeoque ejus nuptiale pignus fuisse . Quum hoc opificium a Florentinis Sculptoribus feliciter perfectum fuisset , placuit Mediceis Principibus , ut alii adamantes pretiosi sculpturis edomarentur ; quos , quia ad institutum meum pertinent , & eorum eſtypa rubra cera expressa vidi & observavi inter Cimelia Societatis Columbariae Florentinae (1) , describere atque hic recensere minime pigebit . Hi omnes insculpti adamantes aureis annulis faberrimo opere insculpti inserti sunt . Post iam descriptum , cuius eſtypum probe vidi , & observavi , secundus magnitudine eximius continet Stemma Domus Medicae a dextris , a sinistris vero Augustissimae Domus Austriae , cuius ductus excellentes ac valde profunde excavati stupentes oculos ad se rapiunt . Tertius demissiore caelatura Stemma tantum Mediceum exhibet . Quartus parvus idem Stemma . Quintus Sacrum Christi Monogramma in ipso adamante ita incisum IHS. Sextus solam Crucifixi D. N. imaginem perparvam exhibet . Septimus duas Imagines sacras , pectore tenus , a dextris Deiparam Mariam Virginem , a sinistris Angelum , qui eam salutavit . Octavus litteratum

(1) Describuntur in Annali IV. pag. 265. & in Annali XII.

ratum sphragisma Cosmi Magni Ducis Etruriae insculptum habet, quo pro nota, sive, ut aiunt *Cifra* utebatur, ita expressa *M.* hoc est *Cosmus Medices*, vel forte etiam *Magnus Cosmus*. Nonus praefert cum regia corona Stemma Regis Lusitaniae & Algarbiorum, qui eum *Cosmo III.* in suo itinere donavit, dum Hispaniam peteret; & adamas unciam altitudine aequat.

Scio multos Scriptores hanc gloriam tribuere Clementi Birago Mediolanensi, & arguere Abrahamum Gorlaeum, qui in ea excelluisse adfirmavit Iacobum Treccium Mediolanensem, de quibus mox sermo. Ex Florentinis monumentis, quae diligenter evolvi, eruitur aerumnosissimam hanc artem caelandi incidendique adamantes, permultos annos antequam in Hispania ortum haberet, in Florentinis Glyptographicis Officinis summa cum laude, veluti singulare artis prodigium, viguisse, quae etiam regnante FERDINANDO I. Magno Duce Etruriae perduravit; nam in Elenchis Gemmariorum Artificum & hi laudantur, qui in his adamantibus effingendis perpoliendisque valde excellebant, & honorifico stipendio per singulos menses fruebantur. Testatur id perspicue memoratus pronubus anulus, ornatus inaeestimabili magno adamante, quo FRANCISCUS I. manum lectissimae Sponsae suae Reginae IOANNAE exornavit anno *CIO. IO. LXV.* eamque emenso difficili itinere praesentia sua beavit. Credibile est Artificem in eo caelando multum temporis infumisse, ut immensum opus mirabile, tanto Principe, pulcherrimarum artium Fautore, & aestimatore liberalissimo, dignum haberetur. Sed de FRANCISCO I. quum multa superius adnotata sint, & de Officinis crystallorum ab eo conditis, atque etiam de Compositoribus sive Compagina-



toribus pretiosorum lapillorum, qui veterum Musivariorum exemplo pictas tabulas conficiebant, diutius in his immorari supervacaneum censeo. Nunc Gemmariorum Sculptorum nomina proferamus.

BENVENUTUS CELLINIUS Florentinus  
Saeculo XVI.

Quamvis non constet BENVENUTUM CELLINIUM, qui in Sculptura, Fusoria, & Auraria arte praestantissimos omnes suae aetatis longe superavit, & veteres aequavit Opifices, gemmarum peritum Sculptorem fuisse; quia tamen & gemmas & pretiosos lapillos scitissime cognovit, conseruit, & antiquorum operum in lapillis sculptorum conquisitor & admirator fuit laudatissimus; id tantum mihi ad augendam patriae meae gloriam humanissime concedatur, ut honoris gratia eum inter illustres Glyptographicos Opifices hoc loco recenseam; quo quidem consilio sequor VASARII vestigia, qui eum cum laudatis eximiis Lithographis in fine operis sui perhonorificis verbis commendavit. (1) Multa sunt, quae in suspensionem nos adducere possunt, ut credamus eum gemmis quoque incidendis operam dedisse; nam se discipulum fuisse gloriatur CARADOSSI Mediolanensis; de quo Opifice Gemmario, itemque numismatum fictore excellentissimo, inferius dicemus. Praeterea in Vita sua scribit, se multo studio a quibusdam, ut vulgo dicitur, *Lombardis* excavatoribus, qui Romam statuto tempore veniebant, ut vineas foderent, conquisivisse tum numismata antiqua, tum Achates, Plasmata, Sardas, five Carneolas, Smaragdos, & lapillos anaglypho

---

(1) Pag. 292. Vol. I. Part. III.

pho antiquo opere faberrime sculptos, quos describit. In Smaragdo stupendi coloris, & mirae pulchritudinis sculptum fuisse a Graecis Artificibus memorat Delphini caput; & in Topatio, arte naturam aequante, insculptum caput Minervae; at in lapillo, ut aiunt, *Cameo*, sculptus Hercules conspiciebatur cum Cerbero vinculis ab eo revincto; quod opus immensae pulchritudinis & elegantiae, statim ac divinus BONARROTIVS conspexit, obstupuit. Conquirebat etiam puros lapides pretiosissimos sculpturis vacuos, vel ut venderet, vel ut anulis aureis infereret. Sed & illud memorabile, quod Franciscus I. Galliarum Rex BENVENUTO ad se adcito ostendit thesaurum antiquorum operum in Gemmis mirae magnitudinis, & vascula in regia sacra Cappella recondita, quum eum horum operum aestimatorum peritissimum cognovisset. (1) Quod si BENVENUTUS non memorat se Glyptographicae arti operam dedisse; id reor ab eo factum, quia, utpote gloriae & magni nominis cupidissimus, quum in ea se supra ceteros coetaneos Opifices excellere non posse cognosceret, vel praetermisit, vel abstinuit. Verum in colorandis adamantibus neminem sua aetate praestantiorum se habuisse adseruit [quod mirum & absurdum videtur; forsitan in auferendo colore ab adamantibus probabilius videtur] ubi complures egregios Aurarios Artifices, gemmarum cognitores praestantissimos recenset, inter quos primam gloriam tunc occupabat MILIANUS TARGHETTA Venetus, eique proximi GAIUS Mediolanensis, RAPHAEL DEL MORO Florentinus, & IOANNES, & CASPAR Romanus; quos coram Pontifice Maximo CLEMEN-

MEN-

---

(1) Vide eius opus: *Trattato dell' Orifaveria* I. Cap. III. pag. 29. & 30.



MENTE VII. indicto certamine vicit omnes , & se in colorando adamante Pontificii anuli omnium eminentissimum fuisse , fatentibus ipsis aemulis , perspicue huius quoque artis peritissimus ostendit. ( 1 ) Complures in numismatis cudendis conficiendisque Artifices in hac historia , VASARIO facem praeferente , celebramus valde doctos , qui etiam in caelandis scalpendisque Gemmis magnam laudem promeruerunt , inter quos excelluit CARADOSSUS , CELLINII praeceptor , quare & de eo id suspicari non sine ratione aliqua , etsi incerta ac dubia , maluimus . Totus quoque est CELLINIUS in describenda exquisitissimi atque admirandi operis bulla , qua CLEMENS VII. in festis & pompis solemnioribus usus est ad coniungendum ante pectus pluviale ; in ea enim adamantem eximiae venustatis , lucis ac magnitudinis conligavit ; cui adamanti tanquam throno & orbi sedentem imposuit aeternum Patrem dextera benedicientem , cuius vestem ad auras expansam Angelorum capitibus ex gemmis , & aureis figuris & emblematis totum opus distinxit , subiectis & utrimque ad latera effectis ex auro Angelis thronum adtollentibus ; quod opus maxime omnium eidem Summo Pontifici placuit. ( 2 ) CELLINIO non sine ratione tribuuntur multa toreumata , ad similitudinem antiquorum operum anaglyptice sculptorum , non quidem ex gemmis , sed ex auro inserto in pretiosis lapillis , inter quae illud profecto ceteris praecellit , quod spectatur in Tabula XXVI. regii Thesauri Florentini ; siquidem in pulcherrimo cyaneo lapillo altitudinis fere duarum unciarum , qui vulgo *Lapislazzulo* dicitur , ex auro optimo , cum au-

rea

( 1 ) Vide in eius Vita , & in Tractatu I. dell' *Orificeria* , Cap. I. pag. 13. & seq.  
 ( 2 ) Vide in eius Vita , & in Tractatu I. dell' *Orificeria* , pag. 47. & seq.

rea corona elegantissima encaustice picta , inserta est Mulier stans , in collo fovens nudum infantem , dextra vero manu tenens puerulum secum gradientem , quo typo Caritas , sive proximorum Dilectio declaratur ; quod opus egregia arte consummatissimum ad antiquorum Graecorum praestantiam proxime adcedit , vel etiam aequat ; quae omnia me impulerunt , ut ei quoque in Glyptographicis artibus hanc gloriam tribuerem . Ea etiam CELLINII aetate invaluit consuetudo , ut Viri nobiles biretum , & torques , Matronae vero zonas , cinctoria , armillas , encolpia ornarent sculpturis ex auro inter gemmas contextis , quae vel vultus , vel Historias referrent exquisito opere elaboratas , in quibus conficiendis valde excelluit & laudatus est CELLINIUS .

FRANCISCUS FERRUCCIUS, cognomento  
IL TADDA, Saec. XVI.

Quamvis Porphyrites lapis ex Oriente advectus , quemadmodum Gemmae , inter pretiosos non censeatur ; tamen , quod singulare sit exemplum , & summa celebretur in eo scalpendo praestantia FRANCISCI FERRUCCII Florentini , eius nomen , & opera egregia atque admiranda , quae ad hoc tempus suspiciuntur , silentio minime praetereunda existimavi . Si enim in imaginibus ad exemplum antiquorum , ut aiunt , *Cameorum* , mirifice excelluit FERRUCCIUS , vulgo nuncupatus *il Tadda* , ex porphyrite durissimo & pertinacissimo exculpendis ; quanto magis & facilius & expeditius tractare potuit lapillos , quod sexcenti Artifices tum veteres , tum recentiores praestant ? Laudatissimus Opifex porphyriarius diuturno labore , una cum filiis suis , egregia



complura opera absolvit, e porphyrite excisa, nempe Iconem P. Hieronymi Savonarolae, Principum Mediceae Augustae Domus, Imagines Salvatoris & B. Mariae Virginis, item suam effigiem, seu protomam, quam Faesulis in S. Hieronymi Templo ad ornandum sepulcrum suum ponendam praecepit. Idem & Statuam porphyreticam & alias non paucas fecit, quae in Mediceis aedibus Florentiae spectantur. (1) Hic primus omnium ingenio suo, quo praeditus erat acerrimo ac feracissimo, vel, ut aliqui putant, a Cosmo I. excogitato, invenit artem, & secretiorem quamdam aquam, qua ita scalptra, & eorum mucrones temperabat, ut marmor eis cederet & obediret. Quamvis hic Artifex gratis & extra choream a me in hac serie numeratus videri possit; tamen mihi patriarum laudum studiosissimo temperare non potui, quin de eo mentionem facerem. Floruit multa nominis celebritate ab anno CIO. ID. LXVIII. ad annum CIO. ID. XCVII. maxime vero complura eximia opera in lucem protulit, vigente aureo Cosmi Primi Florentinorum Ducis inclyti aevo; & Francisci I. auspiciis & liberalitate eminuit; cuius laudes superius recitavimus ex synchroa auctore P. F. AUGUSTINO DEL RICCIO. Epitaphium eius sepulcro adpositum heic non repeto, quum illud superius ediderim.

### PASTORINUS.

PASTORINUS Senensis his addendus est, qui novum, ut aiunt, *Cameorum* genus excogitavit, atque in eo magnopere excelluit, teste VASARIO, (2) qui eum ita cele-

(1) Alia eximia opera laudat V. C. Ioseph Blanchinius Pratenfis in suo Opere Venetiis edito anno MDCCXLI. cum titulo: *Ragionamenti Istorici dei Granduchi di Toscana*, pag. 28. & Baldinuccius ab eo citatus.

(2) Vide in Vol. I. Partis III. pag. 293.

celebrat : „ Pastorino da Siena ha fatto il medesimo  
 „ nelle teste di naturale , che si può dire che abbia  
 „ ritratto un mondo di persone , e Signori grandi , &  
 „ virtuosi , & altre basse genti . Costui trovò uno stuc-  
 „ co sodo da fare i Ritratti , che venissero coloriti a  
 „ guisa de naturali con le tinte delle barbe , capelli ,  
 „ e color di carni , che l'ha fatte parer vive ; ma si  
 „ debbe molto più lodare negli acciaj , di che ha fat-  
 „ to conii di medaglie eccellenti “ . His addi possunt  
 Artifices , qui cera vultus egregie exprefferunt .

IO. ANTONIUS ROSSIUS Mediolanensis  
 Saeculo XVI.

Vario modo cognomentum gentilitium huius eximii  
 Artificis Gemmarii scribitur , nimirum *Roscus* , de *Ru-*  
*beis* (1) , nobis vero placet *Rossius* , quod Italicae adpel-  
 lationi , de *Rossi* , melius & propius aptetur . Quamvis  
 natale solum ei fuerit Mediolanum , tamen Florentiae  
 domicilium habuisse , mirosque in arte Gemmaria a te-  
 neris , ut aiunt , unguiculis hac in Urbe magnorum vi-  
 rorum florentissima , progressus fecisse censendum est ,  
 quod & Clarissimus MARIETTUS probabili coniectura  
 adfirmat . Gemmis utroque opificio sculptis insculptis-  
 que mirifice excelluit ; sed quod antea a nemine fa-  
 ctum , Gemmas singularis adeo magnitudinis anagly-  
 ptico opere ita sculpsit , ut curiosos harum elegantia-  
 rum cultores in admirationem rapuerit ; quodque no-  
 tatu dignum , in his tot imagines & figuras expressit ,  
 ut omnium opinionem & laudes eius virtuti atque in-  
 genio praestantissimo debitas mirum in modum sit su-  
 per-

---

(1) Vide Dissert. Glyptogr. Cap. XXV. pag. 80. & Rodulphinum Venuti in Praef. ad Numism. praestant. Pontif. Romanor. pag. XXI. & XXII.



pergressus. Multis laudibus a VASARIO (1) praestantium operum iudice peritissimo extollitur anaglyphum opus ex Gemma profecto insigni ac valde singulari, tertia cubiti parte quoquoersus protensa, cuius dimidia, quae superior est, pars Cosmum primum Medicum Ducem, & Heleonoram Toletanam eius uxorem exhibet, manibus lancem sustinentes, cui Florentiae urbis imago insidet; reliqua vero dimidia pars inferior septem eiusdem Cosmi & Heleonorae filios ad vivum repraesentat, nempe Franciscum Etruriae Principem, una cum Cardinali Ioanne, & Garzia, Arnando & Petro; feminas vero Isabellam & Lucretiam; (2) quod opus perrarum quidem & stupendum, scitissime aptatis coloribus eximiae Gemmae, non solum Mediceis Principibus tanti Artificis fautoribus mirifice placuit, verum etiam ingentem ei nominis famam, honores & praemia contulit (3). De reliquis exiguae molis pretiosis lapillis ab eo caelatis nihil memorat, laudat tamen VASARIUS. Cl. VENUTUS non solum gemmis, sed etiam numismatibus, quae accurate describit, mira quaedam, ac paene dixerim divina arte conficiendis Romae adlaborasse ostendit; additque elogium, quo eum honestavit Petrus Leo Casella (4), qui Atlantem ab eo Iaspidi miro ac raro artis magisterio insculptum (5) ita celebrat:

Si Ro-

(1) Quem vide in Parte II, Vol. I. pag. 292. Flor. Edit.

(2) Huiusmodi opus insigne & laudatissimum servatur in Cimeliis secretioribus in regia Cimeliarchii, ut vulgo dicitur, *la Tribuna*, una cum Vasculis omnis generis tum priscae tum recentioris aevi pretiosissimis.

(3) Eius praecipua opera laudantur in Codicibus, qui ad Opifices spectant Mediceae Domus. Florentiae orsus est Gemmas insculpere Kal. Martii anni MDLV. largo donatus stipendio.

(4) Pag. 164. edit. Lugd. 1606. in 4.

(5) Videndum num ille sit, qui a I. P. Mariette adfertur e Thesauro Christianis. Galliarum Regis Tom. II. sui Operis Tab. LXXVIII. etsi antiquo opere Sardae insculptum viderim in Stofschiana Dactyliothea.

*Si Roscii inclyta manu,  
 Iaspide in tantillula  
 Se sculptum Atlas inspexerit,  
 Non ovum in Ideae Illo  
 Prolemve bimulam Hectoris  
 Ridebit imparem sibi  
 Sed hunc gemellum & gemmeum, &  
 Excellere artis munere, &  
 Maiorem Atlantem Atlantium  
 Stellis opus mirantibus  
 Dictum probabit Hercule.*

IOANNES BAPTISTA & IOANNES STEPHANUS  
 CARRIONII, Mediolanenses, Saec. XVI.

Miror VASARIUM silentio praeteriisse in recensione  
 clarorum Sculptorum Gemmariorum nomina CARRIO-  
 NIORUM, qui sub Cosmo I. & Francisco eius Filio  
 magnis Etruriae Ducibus floruerunt; quapropter ea &  
 his, qui Glyptographicam Historiam scripsere, ignota  
 ad hoc tempus fuere. Ex libris autographis, in qui-  
 bus huiusmodi Artifices, alique describuntur, qui sti-  
 pendiiis munerati serviebant ditissimo Mediceo Cime-  
 liarchio, IOANNES BAPTISTA CARRIONIUS occurrit, qui  
 frater germanus fuit Ambrosii, quem in crystallinis Va-  
 sculis, pateris, columnis, animalibus, iisdemque scal-  
 pendis & perpoliendis praestantissimum fuisse iam ad-  
 notavimus, adlato testimonio P. Fr. AUGUSTINI DEL  
 RICCIO Dominicani. Eorum pater fuit Hieronymus  
 Carrionius Mediolanensis.

Huis iungendus alter germanus frater IOANNES STE-  
 PHANUS CARRIONIUS, qui in pluribus Codicibus ad sum-  
 tus Artificum Mediceae Domus pertinentibus nuncupa-



tur *Intagliatore di gioie*. Ex eorum manibus prodiisse auguror insigne anaglyphum opus Chalcedonio albi coloris pulcherrimo excisam protomen PII V. Pontificis Maximi, quem postea Sanctorum Fastis adscriptum colimus, qui solemni pompa Romae Cosmum I. a se declaratum Magnum Etruriae Ducem regio paludamento & Diademate suis manibus coronavit, *ob eximiam dilectionem, ac Catholicae Religionis zelum, praecipuumque Iustitiae studium, &c.* quae epigraphe in ipso regio radiato diademate multis gemmis pretiosissimis ornato, litteris vero confertis vulgo *rubini* elegantissimis, legitur. Hanc igitur Summi Ecclesiae Hierarchae Sanctissimi imaginem faberrime insculptam his CARRIONIIS tribuendam esse fortasse non vanus augur puto. Insigne illud opus, de quo ante dicebam, spectatur in Tabula XXVI. regii Cimeliarchii; in qua etiam conspicitur imago eiusdem Cosmi atque Francisci eius Filii Magnorum Ducum Etruriae, & alia opera iisdem regnantibus exquisito artis magisterio anaglyptice pretiosis lapillis insculpta; quae quum Artificis nomen inscriptum non praeferant, nihil certi de Opificibus statuere audemus.

## DOMINICUS ROMANUS

Saec. XVI.

Inter celebres Gemmarios Lithographos numerandus est DOMINICUS ROMANUS, qui floruit imperante Cosmo I. Florentinorum & Senensium Duce, cuius triumphalem ingressum in Senarum urbem effinxit eximia arte in Achate Chalcedonio candido, cum area subobscura, opere anaglypho, quod aureo ornamento circumclusum adservatur in Florentino regio Cimeliarchio,

chio, quod multa cum voluptate vidi in Tab. XXX. num. 6. inter alia celeberrima Scalptorum recentiorum opera, quae in eo copia insigni & maxima adservantur, atque ostenduntur: quae omnia, si mihi Dominus meus Clementissimus, FRANCISCUS CAESAR Imperator Romanorum Inviētissimus, ea qua solet liberalitate augere, ornare, atque amplificare bonas artes & litterarum studia, cuius in me non pauca sunt exempla, id demandaret onus, perlubenter fumerem, meisque vigiliis & laboribus nobili Commentario illustrarem, & pluribus aliis Voluminibus Florentinum Museum, pro quo absolvendo ingentes aerumnas passus sum, magnopere studerem nobilitare, & longe augustius, tantoque CAESARE dignius reddere. In eo igitur exhibetur Magnus Cosmus triumphali curru veētus, in quo sedet, cuius caput a Victoria post eum volitante coronatur. Currum praecedunt, & sequuntur Signiferi, Legionarii, aliique milites eum stipantur. Patet ei Senensis Urbis Porta; quae omnia quum magnam egregii operis difficultatem, peritissimumque Opificis ingenium ostendant, in sinistro eius latere nomen suum ita inscripsit, DOMINICUS ROMANUS; de quo mentionem ab aliis factam nondum inveni. Huiusmodi triumphalem ingressum Cosmi I. Magni Ducis Etruriae, qui Senenses imperio suo subiecit, in parietinis eius Palatii admirando ingenio & arte pinxit Franciscus Salviatus, atque in aereo anaglypho sub equestri eiusdem Principis Statua exhibuit Ioannes Bologna Belgae, vulgo *Gian Bologna*, & Balthasar Franceschini, cognomento *il Volterrano* a patria sua, nempe Volaterris, in Xysto regiae Villae della *Petraia*, pinxit, cuius pictas Historias in lucem primus aereis Tabulis incisas



cifas protulit Nobilissimus Andreas Marchio Gerinius, Patricius Florentinus, Urbis nostrae honori & gloriae natus. Tam insignis Victoriae, & adepti Senensium imperii & principatus monumentum nil mirum si inclytus Cosmus aeternum esse voluit, non solum illustrium Historicorum scriptis, verum etiam immortalibus hisce praestantissimorum Artificum publica luce dignissimis testimoniis, quae adhuc perennant & laudantur.

**CASPAR & HIERONYMUS MISURONI**

Fratres Mediolanenses,

Saec. XVI.

Plinius non paucos Graecos Artifices laudat, qui plastica & pictura, qui etiam caelandi simul & sculpendi arte, aerisque fundendi opificio valde excelluerunt. Italia quoque, ut vidimus, & clarius deinceps observabimus, non paucos habuit claros Opifices, qui & pingendi & scalpendi Gemmas peritia, simul atque in elaborandis numismatis summam laudem sunt consecuti. Inter hos laudatissimi fuere duo germani fratres, patria Mediolanenses, **CASPAR & HIERONYMUS MISURONI**, qui non solum lapillos affabre scalpserunt, verum etiam in pretiosis vasculis, praesertim crystallinis cyathis, tum magnitudine, tum opificio admirandis, inter reliquos omnes emicuerunt. Placuerunt praetermodum Cosmo Mediceo Florentinorum Duci, ingeniorum omnium studiorumque excitatori, ac fautori praeclarissimo, cui inter caetera opera, quae dedicarunt, memoranda sunt Vascula quaedam, & inter haec duo illa, quae in Mediceis Cimeliis etiamnum visuntur, alterum ex Elitropio stupendae magnitudinis & caelaturae exquisitissimae; alterum vero ex lapide cyaneo, si-  
ve, ut

ve, ut aiunt, *lapislazzulo*, quae nunquam satis laudari possint; quae VASARIUS (1) miraculosa adpellat, celebratque commendatione perampla atque ornatissima. Mira ac inaeestimabilis Vasculorum pretiosissimorum supellex adservatur in Mediceo nunc Imperiali Thesau- ro, quae in secretioribus Cimeliis conlocata sunt in ea Aula, quae vulgo *Tribunal* dicitur; quae utinam Augustissimi Caesaris munificentia aliquando mihi referen- tur, ut in lucem edere possim, favente Principis cle- mentissimi liberalitate, quod in votis diu est; neque enim sine maximis impensis aereis Tabulis incisa ea- dem prodigiosa Vascula figuris, emblematis, ornamen- tisque operosissima proferri possunt, quas privati homi- nes vix ferre possunt. Sunt etiam in Sacrario Basilicae Laurentianae Florentinae complura e pretiosis lapidibus gemmisve, tum structura, tum figurarum varietate ad- miranda Vasa eximiae elegantiae, tum antiqui operis, tum recentis, in quibus Sanctorum Lipsana recondita sunt, quae etiam summis laudibus a VASARIO (2) ce- lebrantur. Haec quoque consilium proferre, si coeptis meis propitia aderit fortuna, nec obstabunt invidi qui- dam homines, qui, quae cogitabam, ne perficerem, multis impedimentis nuper disturbarunt.

---

(1) In Par. III. Vol. I. pag. 292. ita scribit: *Et Gasparo & Girolamo Misuroni Mila- nesi, Intagliatori, de' quali si è visto Vasi, & Tazze di Cristallo bellissime, & particolarmente n' hanno condotti per il Duca Cosimo due, che son miracolosi; ol- tre che han fatto in un pezzo d'Elitropia un Vaso di maravigliosa grandezza, & di mirabile intaglio; cosè un Vaso grande di lapislazzari, che ne merita lode in- finita.*

(2) In Parte III. Vol. I. pag. 290.



## CAPUT X.

*Regnantibus Ferdinando I. & Cosmo II. Magnis Etruriae Ducibus, qui floruerint in Florentinis Officinis Gemmarum Sculptores declarantur.*

**C**oncors est sapientum hominum sententia, summam deberi laudem his, qui ingenio praeclaras artes vel inventas, vel intermortuas ad vitae lumen revocant, opemque suppeditant, ut excolantur; summamque eos quoque promereri cum elogiis benevolentiam, qui liberali cura, & assidua sollicitudine easdem artes & studia ita amplificant, ac propagant, ut novis aetate incrementis praeclariores fiant. Hae laudes profecto debentur Etruscorum Regibus FERDINANDO I. & COSMO II. qui maiorum suorum gloriosa vestigia non solum secuti sunt; sed splendore etiam suo locupletarunt, ac magis magisque coruscare fecerunt. Eas tantum laudes tangam, ac breviter perstringam, quae ad Graphices artes tantummodo pertinent, quibus iidem Principes valde periti fuere. Nullus, vel perpauci plane e Principum numero, comparandus est cum FERDINANDO I. qui miro Antiquitatis studio, & elegantiorum prisca aevi deliciarum exquisita cognitione praefulsit, atque incredibili amore flagravat. Mirum in modum auxit antiquae Eruditionis divitias, quas undique, ac praesertim Romae dum Cardinalitia purpura fulgeret, conquisivit & congeffit. Simulacrum illud toto orbe celeberrimum, statuariae artis portentum, Veneris Mediceae, ipse Romae sibi comparavit, itemque Aprum Calydonium, & alias marmoreas statuas,  
& Cae-

& Caesarum Augustarumque e marmore protomas, quae sunt regii Cimeliarchii ingens decus & ornamentum. Florentiam lectissimis summorum Sculptorum signis, quae publicis in locis exstant, magnopere nobilitavit. Ad absolutiorem elegantiam evexit non solum Pictorum, sed etiam Glyptographicorum Artificum in suis Officinis opera, & Aram maximam regii Sacelli prope Laurentianam Basilicam opere magnificentissimo exornari praecepit, quod vulgo *il Ciborio*, quia summo atque exquisito labore perfectum est, adpellatur; quod ita accurate describit Cl. BLANCHINIUS (1), ut eius verba praeterire nefas ducam. „Fu in quei primi tempi „fabbricato un grande ricchissimo Ciborio, col disegno di Bernardo Buontalenti, per doverfi collocare „in questa Cappella, il quale presentemente si ritrova nella Regia Galleria, fatto a foggia d'un Tempio, d'ordine composito. Questo Ciborio è ricoperto tutto di Diaspri, Agate, Calcedoni, Lapislazzoli, & Ametisti; ornato con legature, basi, e capitelli d'oro, e con Rubini, Smeraldi, e Topazzi; ed è inoltre abbellito con figure rappresentanti Storie Sacre, e fatte di commesso Magistero, con Gemme e Pietre dure, per mezzo di un finissimo artificio, talmente che sembrano dipinte“. Compositores Gemmarum, qui hoc opus magnificentia & nobilitate praeclarissimum perfecerunt, supra iam a me enumerati sunt.

Parentem magnanimum, pulcherrimarum artium fautorem liberalissimum, egregie imitatus est optimus eius filius COSMUS II. qui non solum excelluit in studiis

Gra-

---

(1) In praefato Opere *Ragionam.* II. pag. 65.



Graphices, verum etiam in Mathematicis disciplinis tantam laudem consecutus est, ut multa, & quidem admiranda ac difficillima discutienda Magno Galilaeio Mathematicorum & Astronomorum Principi in frequentibus cum eo aliisque sapientissimis Viris conloquiis, quae frequenter habebat, proposuerit; eiusque auspiciis idem incomparabilis Florentinus Philosophus nulli antea pervias Mediceas Stellae detexerit, cui eximio Maecenati suo *Nuntium Sidereum* dedicavit. Tanti Principis assidua cura & vigilantia adeo creverunt Artes, & Artificum Florentinorum eximia opera, ita omnem Europam & Asiam fama & celebritate implerunt, ut non paucos praestantes Opifices miserit ad Ludovicum XIII. Galliarum Regem Christianissimum, ad Philippum III. Hispaniarum Regem Catholicum, & ad Persarum Regem, ut eorum iussu varia opera perficerent, & publicis in locis ponendas equestres statuas immenso opere elaborarent. Mirum igitur in modum eo imperante, & favente, florere optima Scientiarum studia, & Gemmarum artes in Florentinis regis Officinis auctae ac perfectae sunt, quod ex his quae nunc adferam perspicue liquebit.

IOANNES BAPTISTA CARRIONIUS Mediolan.  
Saec. XVI. & XVII.

Cupiebam omnes Gemmas recentiorum Artificum, quae summa animi voluptate & admiratione spectantur in pluribus Tabulis regii Florentini Cimeliarchii plane ditissimi, atque opulentissimi, brevi descriptione recensere; sed quia labor hic fortasse a multis extra instituti mei rationem iudicari poterat, & maius otium ad id accurate praestandum postulabatur, hanc curam  
mihi

mihî magnopere iucundam praetermittere, invitum licet, coactus sum. In pluribus Gemmis anaglypho praesertim opere sculptis, Principum, Regumque icones spectantur, e quibus plures vel iam laudatis eximiis Lithographis tribuendae sunt, vel his, quos nunc recensabo, quorum nomina Auctoribus, qui de Glyptographicis artibus scripsere, ignota ad hoc tempus fuere; quae omnium primus erui ex saepe laudatis Codicibus & Libris, in quibus Artifices Mediceis Officinis additi, & cum annuo, vel per singulos menses, tributo stipendio recensentur, & operum impensae computantur. Hisce Gemmariis Caelatoribus tribuendae imagines, quae in Mediceis Cimeliis observantur, Ferdinandi I. & Cosmi II. Magnorum Etruriae Ducum, itemque aliorum Regum & Principum, qui cum ipsis sanguinis cognatione coniuncti fuere.

Quia illud quod ait Horatius, *fortes creantur fortibus & bonis*, plerumque feliciter evenire solet, inter Glyptographicos Opifices egregiam laudem obtinuit, suisque laboribus sibi peperit IOAN. BAPTISTA CARRIONIVS Mediolanensis, qui & avum & patrem, patruosque habuit in scalpendis lapillis & crystallinis operibus praestantissimos. Eius nomen in memoratis Libris frequenter occurrit, praesertim in eo notato Litt. E anno CIO. IO. XCIII. & in alio Litt. G anno CIO. IO. XCVIII.

CHRISTOPHORUS & BERNARDINUS GAFFURII  
Fratres Florentini, Saec. XVII.

Glyptographicae Scholae Florentinae plurimum dignitatis & splendoris contulere egregii Fratres GAFFURII, CHRISTOPHORUS & BERNARDINUS, qui auspiciis eorundem Magnorum Etruriae Ducum in Gemmis utro-



que opere scalpendis floruerunt ; quorum nomina mihi ex iisdem Libris Stipendiorum innotuere , in quibus ab anno CIO. IO. C. XIV. ad annum CIO. IO. C. XXIV. laudantur .

BARTHOLOMAEUS TORRICELLIUS Faesulanus  
Saec. XVII.

Si nulla alia laude memorandus esset BARTHOLOMAEUS TORRICELLIUS , nisi ea , quia ipse pater fuit Iosephi Antonii Torricellii , avus Caietani , proavus Iosephi Torricellii , de quibus mox differam , tamen de optimis artibus Glyptographicis optime meritus esset . Verum & ipse in Mediceis Officinis inter celebriores Magistros emicuit , clarusque fuit in tabulis compingendis ex confertis pretiosis lapillis , atque etiam in Gemmis scalpendis , anaglyptico quoque opere effingendis excelluit . Spectantur in Florentino Sacello Mariae Virginis ab Angelo Annunciatae Hieroglyphica Sacra Lillii , Solis , & Lunae in magnis anaglyphis affabre ab eo sculpta ; quae memorata legi in Libris praelaudatis litt. K anno CIO. IO. C. IV.

IACOBUS IOANNIS F. AUTELLIUS , cognomento  
il MONNICCA , Florentinus , Saec. XVII.

Vellem ut singuli Artifices sive Piétores , sive Statuarii , Architecti , & Gemmarum Scalptores , alique qui in aliqua arte ex nobilioribus excellunt , Diarium sibi pararent , in quo adnotarent studia sua , praeceptores , opera praeclariora , quae sua aetate fecerunt . Huiusmodi Diariorum ope multa , quae nobis ignota sunt , disceremus , & plurimum Artium gloriae , & incremento , facili labore , sed plane utili prodesse possent . Id  
in

in causa est, ut nomina tantum, non vero opera clarorum Sculptorum Gemmariorum Florentinorum indicare possim, quae non sine labore erui ex memoratis Stipendiorum Libris (1), in quibus, imperante Cosmo II. potissimum excelluit hic Artifex, quem laudat Cl. IOSEPH BLANCHINIUS in laudato suo Opere de Magnis Etruriae Ducibus studiorum & bonarum Artium Fautoribus. (2)

MICHAEL THADDAEI F. CASTRUCCIUS  
Florentinus, Saec. XVII.

Multa cum laude magisterii & Scalptoriae artis frequenter celebratur hic Artifex praesertim regnante Cosmo II. qui *egregio Intagliatore di gioie* (3) adpellatur.

ANTONIUS MOCHIUS Florentinus,  
Saec. XVII.

Egregiam laudem in simulacris caelandis componendisque ex pluribus pretiosis lapillis, quibus colores vultus, capillorum, brachiorum, pedum, & vestium ad vivum referrentur, promeruit ANTONIUS MOCHIUS, qui pro Ara maxima ornanda regii Sacelli Mediceorum Principum prope Basilicam Laurentianam, quoad vixit, strenuo labore & diligentia infudavit; cuius emblemata non pauca compositis lapillis pinxit, & simulacra duo Evangelistarum in parvis aediculis conlocanda egregie elaboravit, quae adhuc in Museo earumdem Florentinarum Officinarum ostenduntur.

IU-

---

(1) Signat. Litt. N. five H. anno MDCXVI.

(2) *Ragionam.* IV. pag. 89.

(3) In Libris, vulgo *de' Salviati* o *Stipendiati*, praesertim anno MDCXXII.



IULIANUS PERICCIOLIUS Senensis,  
Saec. XVII.

Senae, Inclyta Urbs Etruriae, frequenter protulit, tum litteris, tum armis, & pulcherrimis artibus praestantes Viros, e quorum numero egregios Artifices laudat VASARIUS Pastorinum, & Ioannem Baptistam Sozzinium (1). His addendus IULIANUS PERICCIOLIUS, qui in Gemmis scalpendis enituit, memoraturque in laudatis Codicibus anno praesertim CIO. ID. C. XLVII. cui, ne quid detrimenti caperet eius familia, permissum est ut Senis, acceptis stipendiis, pretiosos lapillos utroque opificio elaboraret, qui pro Medicea Augusta Domo ei demandabantur.

CAPUT XI.

*Sculptores Glyptographici, qui in Florentinis Officinis regnantibus Ferdinando II. Cosmo III. & Ioanne Gastone Magnis Ducibus Etruriae claruere, recensentur.*

Florentinae Officinae & Scholae Glyptographicae ea laus peculiaris, & praecipua est, quod exceptis Mediolanensibus Magistris, qui Florentiam adcati sunt a Francisco I. ut opera crySTALLINA conficerent, reliqui omnes Florentini fuerint, & ab Ioanne Florentino eius celebritas & magisterii laus exordium duxerit. Mediolanenses adcati, quum Florentiae domicilium sibi condidissent, eos filios, quos in hac Florentina Urbe genu-

---

(1) Vide in Vita Valerii Bellii Vicentini circa finem pag. 293. in Vol. I. Part. II.

nuerunt , Glyptographicis artibus operam dare voluerunt sub optimis Opificibus ac Praeceptoribus Florentinis; quod etiam dicendum de Compositoribus pretiosorum lapillorum , qui superius laudati sunt . Praeclarum hoc fuit Mediceorum Principum consilium omni ope & liberalitate suis civibus sibi subiectis prodesse , magnisque favoribus & benevolentia prosequi suos & externos quoque , qui in Officinis suis clarescere vellent . Medicea Domus non solum litteratis Viris , verum etiam egregiis Artificibus cuiuscumque generis patuit semper ; illudque assidua providentia & liberalitate curatum est , ut artes omnes , quae vel antea intermortuae erant , vel ignotae , a Florentinis ingeniis publico bono excolerentur , & perfectae toto orbe celebrarentur ; Artificesque ita excellerent in opificiis , ut a magnis Regibus ac Principibus ad se adciti , gloriam tum patriae , tum sibi parerent sempiternam . Id facile evenit , quum Gemmariorum , & Compaginatorum Artificum exquisitiora opera dono a Principibus Mediceis ad alios Principes cognatos & adfines suos mitterent ; qua regia munificentia ceteros antecelluerunt FERDINANDUS II. & COSMUS III. eius filius . FERDINANDUS primi aevi reliquias mirifice auxit , iisdemque regium Museum suum locupletavit . Artificum omnium Medicearum Officinarum auxit numerum , magnisque stipendiis & largitionibus exornavit . Miro quoque pulcherrimorum operum & veterum elegantiarum amore flagravit praestantissima eius uxor VICTORIA ROBOREA , ultimi Urbini Ducis Neptis , quae compluribus Antiquitatis eximiis monumentis non solum nobilitavit Mediceum Cimeliarchium , verum & sibi domesticum compluribus antiquis operibus , signis ex aere lectissimis instruxit , quod ad-



huc exstat , & iucundissime spectatur in conclavibus Villae, quae *Imperialis* dicitur, ad primum fere ab Urbe miliarium. Paternorum exemplorum splendorem au-  
xerunt atque amplificaverunt COSMUS III. & Serenissimus LEOPOLDUS, Princeps, & S. R. E. Cardinalis praestantissimus; eius quoque optimi filii omni praeconio maiores, quorum laudes cum in *Florentino Museo* celebraverim, heic silentio invitus praetereo, ne lectorum abutar patientia. COSMI III. filius IOANNES GASTO Mediceos Opifices liberalitate & clementia sua magnopere fovit recreavitque; & rarioribus Gemmis antiquis, hisque praesertim, quae Artificis nomen adscriptum habent, comparata insigni Daëtyliotheca Andreinia, regium Cimeliarchium ad summum opulentiae, dignitatis, ac splendoris culmen evexit; opesque eruditae Vetus-  
tatis omnes in eo conditas, ut in *Museo Florentino* in lucem a me proferrentur, curantibus nobilibus Sociis Florentinis, benignissimo favore aperuit, ac patefecit.

Sed ut ad institutum meum revertar, heic Lectorem monitum volo, me in hoc Opere eos tantum Opifices sive Gemmarios, sive lapillorum Compaginatos, quos & Musivarios adpellavi, recensuisse, qui Magisterii honore donati sunt; his praetermissis longe pluribus, qui eorum Discipuli fuerunt, nec ad tantum in arte decus pervenerunt. Hi enim in laudatis Codicibus, in quibus eorum opera, tum stipendia adnotata sunt, Magistri, reliqui vero discipuli, & alumni iisdem subiecti, nuncupantur.

GERARDUS VALDER, Saec. XVII.

Laudatur GERARDUS VALDER in Libris impenfarum Litt. M. qui exstant in Archivo Medicearum Officina-  
rum,

rum, florebatque anno CIO. IO. C. LXX. sed eius patria non indicatur. Forſitan oriundus ex Belgio fuit, & in Florentinis Scholis Glyptographicis tum in aere, tum in Gemmis ſcalpendis peritia ac diligentia excelluit; nam adpellatur *Gerardo Valder Intagliatore*. Exſtat apud me orbiculare vitrum, vulgo *Paſta*, ſmaragdinei coloris, altitudine aequans uncias tres Romani pedis, latitudine duas, quod ec̃typum Gemmae anaglyptici operis videtur, in quo egregio valde opificio inſculpta eſt protome Michaelis Angeli Bonarroſtii viri praeclariffimi, qui cognomento *Divinus* adpellatus eſt. Sub ea protome legitur eximii Caelatoris nomen, nimirum GERARD. (1) quam puto ab eo ſcalptam fuiſſe ex imperio Ferdinandi II. Magni Ducis Etruriae, initio fui regiminis, ut eius ec̃typa dono daret Accademicis Florentinis *del Diſegno*, ut ipſi eximium Piſturae, Sculpturae & Architeſturae Parentem & Magiſtrum, eiudemque Accademiae Principem, ſibi imitandum propoſerent.

ANDREAS VINCENTII F. BORGOGNONIUS,  
Florentinus, Saec. XVII. & XVIII.

In regiis Florentinis Glyptographicis Officinis, imperantibus Ferdinando II. & Cosmo III. Magnis Etruriae Ducibus, celebre fuit nomen, ingenium, artes, peritia ANDRAEAE BORGOGNONII, VINCENTII F. Florentini, qui cognomento ab omnibus *il Borgognone* nuncupabatur. Huius egregii Artificis cognomen tantum innotuit Clariffimo Viro Petro Andraeae Andreinio, Fauctori

---

(1) Hanc Gemmam protuli in principio meae Praefationis ad Vitam eiudem M. A. Bonarroſtii ab Aſcanio Condivio eius diſcipulo ſcriptam; quam multis Adnotationibus & Tabulis aere incifis ornavi Florentiae editam anno 1746. in fol.



tori studiorum meorum ornatissimo, qui mihi saepe in familiaribus sermonibus eum laudabat; nam aetate sua (diu enim ipsi vitam egerunt) eius officinam frequentabat, atque eximiam eius in Gemmis scalpendis, aliisque operibus perficiendis peritiam admirabatur. Apud eum reperit insignis Gemmae singulare ectypum, quod cum aliis praestantissimis servavit in suis Cimeliis; verum post eius obitum singula in mea migrarunt; quod ectypum ostendit Musae Lyristriae integram imaginem, cui adscriptum percelebre Cronii nomen, hac epigrapha: ΚΡΟΝΙΟC. ΕΠ. hoc est, Κρόνιος ἐποίησεν, Cronius faciebat: quod opus perrarum ac perinsigne primus in lucem protuli in Vol. I. *Inscriptionum Antiquarum*, quae in Etruriae Urbibus exstant, Tabula I. num. I. Huius operis mentionem feci, ipsumque BORGOGNONIUM laudavi in Columbario Libertorum & Servorum Liviae Augustae & Caesarum a me illustrato pag. 155. ex iis quae ab ipso ANDREINIO didiceram. Meis verbis ac testimonio eum laudavit praeclarus FRANCISCUS Eques Commendatarius VICTORIUS, Auctor Dissertationis Glyptographicae (1), atque ex me quoque laudavit PETRUS MARIETTUS. Sed ad hoc tempus eius nomen, pater, & patria latuere. Pervolventi mihi, ut luculentiores hanc meam Historiam Glyptographicam ederem, Codices omnes expensarum, qui in Archivo Officinarum Regii Cimeliarchii Florentini adservantur (2), eum non semel recensitum inveni, atque non uno in loco opera ab eo facta mihi descripsi, quae nunc innotescunt. In his Codicibus ornatur *Magistri* munere, ac nomine, hoc modo, *Maestro Andrea di Vincenzio Borgogno-*

---

(1) Cap. XXV. pag. 89.

(2) Vide praesertim Codicem notatum Litt. A. anno MDCXXXVII.

*gognoni Fiorentino* , adeoque & alumnos habuisse perspicuum est.

Multa fecit egregia opera , quae adhuc exstant in Regiis Cimeliis , & valde laudantur . Primum Gemmas aliquot ab eo insculptas , quae in iisdem Libris recensentur , enumerabo . Iussu Serenissimae Magnae Ducissae Victoriae Roboreae duo hominis calvaria , ad mortis memoriam , fecit in Gemmis , vulgo *Rubini* . Ad ornandum Horologium , Solem radios emittentem , egregiis anaglyphis operibus e crystallo montana exsculpsit , & columnas ex alabastro pulcherrimo Orientali adiecit . Simulacra duo Evangelistarum ad ornandam sacram aediculam , quae vulgo dicitur *il Ciborio* , Arae maximae pro Mediceorum Principum Sacello in Basilica Laurentiana , miro opificio ex integris selectis lapidibus absolvit . Deiparam Virginem ab Angelo salutatam , in parva tabula compluribus pretiosis lapillis exstanti opere expressit , adiectis architectonicis ornamentis . Ad ornandum regium Scrinium e Chalcedonio exscidit caput elegantissimum , quod in protoma e Cyaneo lapide , vulgo *di lapislazzulo* , inseruit ; opus antiquis proximum ac valde laudatum . ( 1 ) Excelluit etiam in Vasculis ex Iaspide atque e crystallo aedificandis , quae mira arte insculpebat , ornabat , perpoliebatque . Lapidillos quoque multicolores egregie compaginavit conligavitque , ut ruris amoenitatem , Villarum , arborum , silvarum , fontium , montium , & domorum prospectus pictis tabulis , quas permultas fecit , elegantissime referrent ; quae opera in laudatis Libris acceptarum & expensarum pecuniarum enumerantur . Excelluit etiam in formis cundendis , quae imagines inlustrium Virorum referrent ,

X x

&amp; pro

---

( 1 ) Vide ibidem Librum notatum litt. K. anno MDCLXIV.



& pro monetis in pecuniae usum vulgandis; nam ipse, ut in Libro signato litt. G. anno CIO. IO. C. LV. legitur, e chalybe formam fecit cum protoma Ferdinandi II. Magni Ducis Etruriae in antica; in postica vero exhibuit rosarum fasciculum, emblemata eiusdem optimi Principis, cum epigraphe: GRATIA OBVIA. VLTIO QVAESITA. Eidem Artifici in tot opificiis strenuissimo tribuitur Iaspis utraque facie eleganter insculptus, aureo in anulo ita inclusus, ut utrinque versari posset; quo ad obsignandum usus est Cosmus III. Magnus Dux Etruriae, cuius altera facies pro sphragismate continet stemma, sive insigne Mediceae Domus, altera vero emblemata eiusdem Principis; nimirum conspicitur navis in mari, superne fulgentibus quinque stellis, ea specie, qua eas invenit Maximus Galilaeus, cum epigraphe: CERTA FVLGENT SIDERA; quae omnia eius egregia studia & ingenii aciem, & laborum praestantiam clare ostendunt.

IOSEPH ANTONIUS TORRICELLIUS  
Florentinus, Saec. XVIII.

Regnante Cosmo III. Magno Duce Etruriae omnibus Musei Medicei Officinis & Opificibus praefuit IOSEPH ANTONIUS TORRICELLIUS Bartholomaei filius, cuius parentes Faesulis eum genuere. Primus sub tanto Principe fuit lapillorum selectorum Sculptor, Compaginator, Caelator, & Scalptor valde peritus atque eximius. Hic scripsit Tractatum vernaculo sermone de pretiosis lapillis, deque lapidibus omnigenis, quibus Artifices Compaginatores utuntur tum in Officinis regii Musei, tum etiam in his pertinentibus ad ornandum Mausoleum Principum Mediceae Domus Augustae, in quo

in quo sepulcra eorum posita sunt, quae vulgo dicitur *Cappella di S. Lorenzo*, quia cum Ambrosiana S. Laurentio Martyri dicata Basilica coniuncta est. Huiusmodi Tractatum idem TORRICELLIUS scripsit anno MD-CCXIV. satis accurate locis omnibus patefactis, e quibus Etrusci & peregrini pretiosiores lapides eruuntur; & hoc amplius de eorum natura, & de arte eos secandi, sculpendi, poliendique differuit, adiectis in fine Tabulis VIII. quae diligenter delineata exhibent instrumenta, rotas, machinas, quibus in his opificiis Florentini Scalptores utuntur. (1) Hunc ipsum Tractatum non semel laudat, atque ex eo multa adfert Vir Clarissimus IOHANNES TARGIONIVS TOZZETTIUS, arcanarum Naturae rerum Scrutator & Interpres doctissimus in suis in lucem editis per Etruriam itineribus, qui hasce Torricellianas lucubrationes perhumaniter mihi legendas exhibuit.

In eius fine multa de se TORRICELLIUS scribit, quae non solum nolo praetermittere, verum etiam ipsis eius verbis exponere, ut hinc etiam eluceat, quanta eius peritia & praestantia fuerit in pretiosis lapillis Gemisque incidendis, & in aliis operibus conficiendis, quae Cosmus III. ad varios Principes Europae, & Hospitibus genere & virtute praestantissimis Florentiae cum invisentibus dono mittere, & honoris & memoriae causa largiri solebat. Ita igitur de se scribit: „Ho „ servito la Casa Reale quaranta anni non solo in varj „ luoghi a far delle provviste per la Reale Galleria;  
ma

---

(1) Titulus hic est: *Trattato delle Gioie, e Pietre dure e tenere, che si adoprano nella Real Galleria, e nella Cappella di S. Lorenzo; contenente la notizia de' Luoghi d'onde si cavano, la loro natura, e il modo di lavorarle: coll' Aggiunta in fine dei Disegni degli Strumenti a tale Arte necessarij: Opera di Giuseppe Antonio di Bartolommeo Torricelli da Fiesole, primo Scultore di pietre dure della suddetta Galleria.*



„ ma ho lavorato d'intaglio, e scultura non solo figu-  
 „ re, e bassi rilievi, e Ritratti di più forte; ma an-  
 „ che un Naturale, che la maschera era una palla di  
 „ quelle, che ho detto delle nostre Maremme di Vol-  
 „ terra, che pesava 84. libbre, e la ridussi colle ruo-  
 „ te a sei libbre; portando gli occhi per di dentro,  
 „ e maneggiato tutto il busto sotto delle ruote; e cre-  
 „ do, che sia il primo Ritratto grande quanto il na-  
 „ turale, che sia stato fatto di duro; che lo feci per  
 „ impegno, conoscendo non esser fatica per un uomo.  
 „ Ho fatto anche de' Vasi, Bicchieri, Tazze, e Ta-  
 „ bacchiere ferrate a vite; che ne sono stato io l'in-  
 „ ventore di queste ferrature a vite in pietra dura,  
 „ che non si costumava; nè mi si è reso difficile di  
 „ fare tutto quello che ho intrapreso; e con ferri e  
 „ con mazzuoli ho lavorato di quadro, d'intaglio, e  
 „ di Scultura tutte le pietre che ho nominato (*in que-  
 „ sto Trattato*), e quelle che non ho potuto lavorare  
 „ con ferri, l'ho fatto colle ruote, fino le gioie, e  
 „ per venticinque anni di travaglio colle ruote, e d'in-  
 „ cavo, e di basso rilievo, e di rilievo quanti duri  
 „ ho detto son passati per le mie mani; e non solo  
 „ ho vedute le Miniere, ma fatt' anatomia, come diffi  
 „ in principio, dell' ossa di questo mondo. E quì fi-  
 „ nisco. “

Chalcedonio exscalpsit Cupidinem, quem omnes ve-  
 re carneum censebant, quum lapidem illum a natura  
 ita factum invenisset, qui carnem referret. Perfecit et-  
 iam in Achate Orientali imaginem simillimam Magni  
 Etruriae Principis Ferdinandi, Cosmi III. Filii, quae  
 valde probata fuit.

In Ginoriano Museo plurima exstant eius opera, nem-  
 pe

pe capita Caesarum, Heroum, atque Inlustrum Viro-  
rum anaglyptico opere sculpta. Agens aetatis suae an-  
num LVII. Florentiae obiit VI. Nonas Martias Floren-  
tinae Aerae tunc in usu MDCCXIX. De eius Filio &  
Nepote Scalptoribus, & Lapidicinis mox dicam.

CAIETANUS TORRICELLIUS Florentinus,  
Saec. XVIII.

Egregio patre Iosepho Antonio, de quo dictum est,  
ortus est egregius filius CAIETANUS TORRICELLIUS, qui  
ab eo Glyptographicas Artes didicit. In Graphice pri-  
ma rudimenta a Thoma Redio Pictore Florentino ;  
Sculpturae praecepta a Ioanne Baptista Fogginio Sta-  
tuario & Architecto celeberrimo accepit. A Patre Ro-  
mam missus sub praeceptoribus Benedicto Luti Pictore  
eximio, & Le-Gros Sculptore valde instructus post-  
modum Florentiam commigravit anno CIO. IO. CC.  
XIII. Vita functo eius patre initio anni CIO. IO. CC.  
XX. inter Magistros Medicearum Officinarum coopta-  
tus est. Ex antiquis lectissimis praestantium Scalptorum  
operibus multas Gemmas anaglyphico, & diaglyphico  
opere exquisito studio & diligentia elaboravit ; inter  
quae spectabilia recensetur Tiberius cum Livia, An-  
toninus Pius, Laocontis nex cum filiis, Pyrrhus Epi-  
rotarum Rex, Cleopatra, Minerva in Achate flavi co-  
loris, quod opus V. C. Nicolao Equiti Gabburrio de-  
dit. Spectantur inter Cimelia Ginoriana multa eius o-  
pera, exstantibus imaginibus excisa.

Paene innumera sunt ea opera, quae perfecit, tum  
vivente patre, tum eo vita functo, Crucifixi Iesu ima-  
gines ex Chalcedonio, ipsumque mortuum iacentem,  
simulacra Sanctorum Petri Apostoli, Ignatii, Petri Cae-



lestini , Caietani , atque alia non pauca , quae in regio domestico Sacello in Palatio , vulgo *de' Pitti* , conspiciuntur . Pro regio Sacello ad S. Laurentium simulacra SS. Apostolorum Iacobi , & Pauli elegantissima effinxit , & anaglypha duo , in quorum altero eminet Abrahami sacrificium . Cosmum III. cum tropaeis ante templum Pacis , adstante Etruria cum leone , anaglyptico opere effinxit elegantissimo . Arculas plures perfecit ornavitque crystallis , & pretiosis lapillis eleganter a se compositis , qui picta veluti emblemata praeferebant . Vir ingenio , sedulitate , & peritia clarus , qui obiit mense Octobri elapsi anni **CIO. IO. CC. LII.** & Iosephum filium , quem ipse erudivit , virtutis & gloriae haeredem reliquit , de quo mox dicam .

**FRANCISCUS GHINGHIUS** Florentinus  
**ANDREAE PHILIPPI F.** Saec. XVIII.

Senas patriam & natale solum agnoscunt Ginghamii , qui postea corrupta adpellatione **GHINGHII** dicti sunt . Primus qui Florentiae domicilium posuit , fuit Ioseph Sebastiani filius Ghinghius cum uxore sua Hyacintha Vincentii Quatrinii filia ; cuius filius Vincentius in Officinis Mediceis compaginandis conferendisque pretiosis lapillis operam dedit , sed paullo post Mediolanum petiit , ubi mortuus est . Alter eorum filius fuit Andreas Philippus Ghinghius , Florentiae natus anno **CIO. IO. C. LXII.** pater **FRANCISCI** , de quo scribimus . Andreas in locum Vincentii fratris sui in iisdem Officinis successus est , probe in Lythographicis artibus institutus a Stephano Mochio Florentino , egregio praeceptore , ea aetate valde celebri ac famigerato . Eo e vivis erepto , in eius locum Andreas successit , & Magisterii munus  
egre-

egregia cum laude suscepit. Hic signa, anaglypha, & varia ex fructibus, & floribus ornamenta elegantissima perfecit. Optices & Mechanices studiosissimus fuit, multaque nova instrumenta a se excogitata confecit. Conubio honestissimo sibi copulavit Hortensiam Silvestri F. *del Ghianda*, qui filium unicum genuerunt FRANCISCUM GHINGHIUM natum anno MD. C. LXXXIX. qui sacro Fonte ablutus, dictus est *Franciscus Maria Caetan*. Puer litteris operam dedit optime in Florentino Societatis Iesu Collegio institutus. Ingressus XV. aetatis annum, a patre tirocinium in Florentinis Mediceis Officinis adgredi coactus est, didicitque Graphices institutiones in Schola Francisci Ciaminghii Florentini, Praeceptoris in iisdem regiis Officinis; Plasticen vero didicit ab Ioanne Baptista Fogginio celebri Sculptore & Architecto Florentino, a quo mirifice amabatur. Cerea Schemata & alia a se manufacta dabat Andreae Philippo patri suo; quae adeo laudata sunt, ut, auspice Fogginio, a Ferdinando Magno Etruriae Principe Cosmi III. Filio stipendium obtinuerit, ea conditione, ut Gemmis utroque opificio sculpendis exscalpendisque operam daret, ad quam artem crebris etiam largitionibus ab eodem Principe omnium Artium fautore liberalissimo excitatus est. Primum arduus ac valde aerum-nosus hic labor ei fuit, quod veteres Gemmarii Scalptores Medicei omnes mortui essent; tamen a patre suo aliquo modo instructus, qui iam viderat Stephanum Mochium parva capita in anaglyphis elaborantem, multumque ingenio suo alacri, & gloriae cupiditate excitatus, adeo insudavit, ut Gemmas cum Iconibus praestantium Virorum anaglyptico opere insculpserit; primumque eius opus fuit F. Hieronymi Savonarolae ima-  
go,



go, quam ex alio exemplari recentis operis excepit. Hinc studio & labore difficultates omnes evicit, & mox Hadriani & Traiani Capita ex antiquis exemplaribus anaglyptice effinxit. Effigiem Cosmi III. Magni Ducis Etruriae Chalcedonio Volaterrano pulcherrimo bicolori exscalpsit, quae, auspice Marchione Attilio Incontrio, qui eam eidem Principi obtulit, adeo placuit, ut & praemia, & spem maiora obtinendi perceperit. Mortuo Marchione Incontrio, & mox Ferdinando Magno Principe Etruriae, concidit animo GHINGHIUS, quum longe maiores difficultates superandas esse intelligeret si daret operam Gemmis diaglyphico opere incidendis; quare anceps Romam petere meditabatur. Sed a Fogginio optimis consiliis recreatus, ne parentes relinqueret, Florentiae in eius Schola mansit, multumque in Glyptographica profecit, brevique tempore adeo in Armis, Insignibus, Stemmatis, & Iconibus ad viventium similitudinem egregie inscalptis excelluit, ut fama eius omnium aures pervaserit, ut fere omnes tum Exteri, tum Florentini nobiliores Cives certatim eius opera expetiverint, & habere voluerint. Annulos huiusmodi obsignatorios inscalpsit Emin. Card. Zondodario, Senarum Archiepiscopo, multisque aliis Inlustribus Viris, ac praecipue D. Odoardo Marchioni De-Silva, cui plurima Insignia, & anularem Gemmam cum Historia Sacra accuratissime expressit. Sardae inscalpsit egregia arte Imaginem Clar. V. Philippi L. B. de Stosch, in qua primum nomen suum ita adposuit: ΓΙΝΓΙΟC ΕΠΟΙΕΙ. quod postea & in aliis praestantioribus a se scalptis lapillis fecit. In contemplandis antiquorum Graecorum Gemmariorum operibus ab eodem Stoschio adiutus excitatusque mirifice profecit, a quo ecty-  
pa ra-

pa rariora suppeditabantur. Adcessit eius Fautor prae-  
stantissimus Petrus Andreas Andreinius, Nobilis Floren-  
tinus, Antiquariae Artis praeclarum decus & ornamen-  
tum, a cuius latere, consiliis & institutionibus num-  
quam discedebat GHINGHIUS, a quo etiam magnopere  
diligebatur, & in exquisitioribus Glyptographicae artis  
arcanis opificiis, patefactis antiquis exemplis, & obser-  
vationibus, assidue erudiebatur. Frequentes occasiones  
ei dabat Andreinius, ut gemmas omnium elegantissi-  
mas pro exteris nobilissimis viris inscalperet. Multum  
etiam profecit GHINGHIUS benevolentia, ope, consiliis  
Sebastiani Blanchii, regii Medicei Cimeliarchii Custo-  
dis, qui ei omnem Gemmariam Gazam patefecit, eum-  
que cognitum fecit paene omnibus exteris Viris Britan-  
nis, Gallis, Alemannis, qui frequenter Mediceam an-  
tiquariam suppellectilem perlustrabant. Insigne opus ob-  
tulit Blanchius GHINGHIO, ut egregiam suam peritiam  
ostenderet Eminentiss. Cardinali Gualtherio priscarum  
elegantiarum aestimatori praestantissimo. Quum enim  
Romae effossus esset Amethystus ingentis magnitudinis,  
nempe ponderis librarum decem & octo, statim ac emit,  
Florentiam misit, orans Cosmum III. ut in suis Offi-  
cinis informem Veneris protomam, quam exhibebat,  
absolutissimo opificio aliquis Sculptor redderet consum-  
matissimam. Cosmo III. GHINGHIUS a Blanchio propo-  
situs est, qui paulo ante eiusdem Principis imaginem  
Chalcedonio Orientali faberrime inscalptam obtulerat.  
Artificem probavit Cosmus, & GHINGHIUS difficillimum  
opus adgressus, spatio decem & octo mensium Veneris  
protomam ita perfecit, ut omnium admirationem, mul-  
torum quoque Artificum invidiam superaverit. Eminen-  
tissimo Cardinali Gualtherio mirum in modum placuit



tam insigne ac perfectum opus, superatis feliciter omnibus lapidis huiusmodi difficultatibus, qui Cosmo III. gratias egit uberrimas, & GHINGHIO quadraginta duplos aureos numos pro praemio adsignavit ac dedit. Vita functo Eminentissimo Gualtherio, devenditum est eius opulentissimum Museum; hanc vero protomam Veneris ex Amethysto sibi comparavit Augustus III. Poloniarum & Saxoniae Rex invictissimus, qui in suo Cimiarchio omnibus spectandam proposuit & conlocavit. Fama nominis ubique notus GHINGHIUS, Gemmas complures utroque opificio inscalpsit praecipue pro regis Principibus; nam duas imagines effinxit Ferdinandi Magni Etruriae Principis; Smaragdo inscalpsit caput Cosmi III. pretiosis aliis lapillis effinxit vultus Electoris Palatini ad Rhenum, iussu Annae Aloysiae Electricis, & Ioannis Gastonis tunc Magni Etruriae Principis. Eadem Anna Aloysia iubente complures Gemmas sacris emblematis ornatas ei expressit; & Sardae Iacobum Regem Stuardum faberrime effinxit. In vultibus ad prototyporum maximam similitudinem exprimendis omnium maxime excelluit GHINGHIUS, & antiquas imagines tanto studio tantaque solertia elaboravit, ut plerumque pro iisdem antiquis haberentur. Etruriam ingressio Carolo Borbonio Hispaniarum Regio Infante, qui Florentiae diuturnam moram egit, GHINGHIUS ei notus fuit, quem in Officinis regii Musei variis insignioribus gemmarum sculpturis cum aliis Artificibus operam dantem videre voluit, & singula eorum opificia observavit. Pro Duce & supremo Hispaniensium Exercituum Duce Montemario complura sphragismata cum insigniis, & pro Aulicis nobilioribus Proceribus fecit. Ioanne Gastone Magno Duce Etruriae defuncto, quum multa praesidia si-

bi de-

bi defutura ominaretur GHINGHIUS, inſciis parentibus, Romam profeſtus eſt; mox Neapolim evocatus, Aulicorum favore & praefidio, regionum Opificiorum cura ab eodem utriusque Siciliae Rege ei demandata eſt, adſignato honorifico ſtipendio. Multi Artifices Florentini, quum GHINGHIUM ad hoc fortunae faſtigium eventum audiſſent, Neapolim ſtatim convolarunt; quibus Rex Palatium loco, qui dicitur *alle Mortelle*, octo menſium ſpatio aedificari iuſſit cum Officinis, quas ſingulis artibus, & Artificibus adſignavit, iisdemque egregiis Profeſſoribus GHINGHIUM Moderatorem praefecit. Celebratis regali pompa nuptiis ſuis Rex GHINGHIO praecepit, ut Inſignia regia tum ſua, tum auguſtae Coniugis Chalcedonio Orientali operoſiſſime inſcalperet, quod obſignatorium Sphragisma valde placuit ac probatum eſt. Mox Rex iuſſit, ut abaci & monopodia regia compaginatiſ lapillis pulcherrime picta, ac ſtrata omnium ornatiffima elaborarentur, quod factum eſt, & adhuc fit iuxta delineationem & inventionem eiusdem laudatiſſimi Inſtitutoris GHINGHII, qui & has artes a patre ſuo peritiſſimo didicerat. Imperatum eſt eidem GHINGHIO ne Gemmas inſcalperet niſi pro Rege & Regina; quae ſtatim ſibi e lectiſſimis pulcherrimis lapillis iuſſit ut fieret ſacrum anaglyphum, quod referret Virginem Mariam ab Angelo ſalutatam. Mox inſignis magnitudinis Opus (vulgo *Cammeo*) ab eo exquiſitiſſima arte factum eſt cum Imagine Regis; & Regia Stemmata Hiſpaniarum ſimul coniuncta cum Regis inſignibus, adiecta per ambitum epigraphe. Nunc Artifices in quarto abaco ornando compingendoque graviter adlaborant. Vivit adhuc GHINGHIUS annum agens aetatis ſuae LXIV. qui docto ingenio ſuo Artificium  
opera



opera assidua cura, labore, & gloriae studio dirigit ac moderatur. Sub tanto praeceptore nunc Neapoli studet, & caelandis Gemmis dat operam Ioannes Mugnani Florentinus, filius Caroli Mugnani egregii Opificis in regniis Textrinis, vulgo *Arazzeria*, qui multa & ipse promittit, quum docilis sit & alacris ingenii.

## CAPUT XII.

*Glyptographicae Scholae Florentinae regnante Francisco M.D.E. Imperatore Caesare semper Augusto, qui nunc florent Scalptores Gemmarum, eorumque egregia opera recensentur.*

**F**lorentinae Glyptographicae Scholae ea omnium laudum maxima mihi videtur, quod faventibus Principibus Mediceis, nunc etiam auspice & volente Magno Duce Etruriae FRANCISCO Lotharingo, Romani Orbis Imperatore, Caesare, Pio, Felice, Augusto, trium fere saeculorum spatio adhuc vigeat ac mirifice floreat, eosque egregios Scalptores etiam nunc habeat, qui cum veteribus de praestantia & gloria certare possint. Horum nomina & opera declaranda sunt, ne quid ad hanc meam Glyptographicam Historiam desit. Post regni consilia, haec prima Providentissimi nostri Principis cura fuit, ut optimae disciplinae, & artes antiquum splendorem non solum retinerent ac servarent, verum etiam augerent, mirumque in modum omni conatu, suis praefidiis amplificarentur. Statim ac Florentinam hanc Urbem fidelissimam eidemque obedientissimam, suscepto Etrusci Regni Imperio, ingressus est, Genius eius semper augustus regum Cimeliarchium  
prae-

praesentiae suae luce ac maiestate non solum implevit, sed Conclavia omnia avidissime non semel lustravit, omnes Artificum Officinas invisit & observavit, eorum opera vidit, probavit, & ad maiora praestanda vehementer excitavit, ac validissimo patrocinio suo eorum progressus se amplificaturum omnibus praesidiis liberaliter ac feliciter promisit. Quum antiquorum operum, & praestantium opificiorum cognoscendorum eximia scientia polleat, eorumque studio atque observatione mirifice delectetur, non solum varia opera ex variis pretiosis lapillis musivo opere elaborata ad se mittenda iussit, atque identidem iubet; verum etiam ut absens delicias suas frequentius ante oculos suos habeat, universum Regium Florentinum Museum in pluribus Tabulis delineari accuratissime iussit; quod sollicitè faciendum curavit magnarum rerum capaci mente Inclytus Comes de Richecourt, qui lectissimis Pictoribus id munus demandavit. Illud etiam in mea laude pono, quod sex Voluminibus iam editis rariora omnia regii Thesauri monumenta antiqua, Gemmas, Statuas, numismata praestantiora in lucem produxerim, eique labores meos beneficiis eius excitatus & recreatus, consecraverim. Alia permulta antiqua opera ex eodem ditissimo Cimeliarchio proferenda supersunt, nimirum marmoreae Caesarum, Augustarumque Protomae, & Philosophorum Hermaea Signa, Deorum ex aere Simulacra, & rariora alia, quibus idem refertum est, paucis nota, monumenta, quibus inlustrandis iam diu omnem operam dedi, & Adversaria diuturno labore paravi. Illud unum regii Thesauri insigne, decus, & ornamentum vehementer percupio, ut Etrusca omnia monumenta, aenea Signa, Vasa picta, Urnae tum mar-



moreae, tum fictiles, atque etiam Sacrificialia ac Militaria rarissima instrumenta, eximia belli pacisque decora, in unum collecta, accurato ordine in perampla Aula ad id facta, quae ornari tantum desiderat, disponantur; quod opus & consilium erit Etruscorum Rege omnium maximo, eius animo, cura, & studio dignissimum, totoque terrarum orbe laudatissimum. Haec Aula referta tot insignioribus monumentis, veluti totidem Voluminibus omnium oculis patentibus, ostendet, quanta Etruscorum nostrorum fuerit religio, in bellis gloria, sacrorum rituum ac caerimoniarum, a quibus Romanum Imperium suas accepit, concordia & constantia; novisque observationibus, detectisque luculentis notitiis inchoatum, nondum perfectum, Etruscarum Antiquitatum Thesaurum, pro quo adhuc laboro, augebit, praeclariorem & absolutiorem reddet; quod a Caesare Inviictissimo ac Beneficentissimo, aliquando a tot curis quiescente, sperandum est, ac pro eius in optimas artes ac studia flagrantissimo amore, & regia liberalitate quamprimum facile obtinendum. Toto orbe huic collectioni Etruscorum monumentorum omnis generis, nulla alia vel similis, vel par, meo iudicio, erit, suppeditabitque tum Florentinis, tum Exteris Antiquitatum Cultoribus ad haec magis magisque dilucidanda occasionem valde facilem atque opportunam. Adsit Deus, & vota doctorum hominum, & mea potissimum secundet; & Clementissimus atque Humanissimus Imperator quam diutissime cum perpetua Augusta Sobole sua, & Augustis. Coniuge, vivat, floreat, imperet Etruriae bono & Christiani Orbis beneficio.

LUDOVICUS SIRIES, natione Gallus, nunc Florentinus Civis, Saec. XVIII.

Rerum omnium & mirandorum operum Opifex Deus homines ingenio ita praestantes identidem creat, ut quidquid arduum est, studio & solertia sua vincant, & ad omnia eos factos cuncti mortalium stupentes agnoscant. Ex his unus est LUDOVICUS SIRIES, natione Gallus, qui diuturno apud Florentinos domicilio, susceptaque sobole, Florentina civitate donatus haberi iure & merito potest. In eximiis permultis artibus, quae a Graphice pendent, adeo excellit, ut paene nihil arduum, nil operosum, & maxima cura dignum in rerum natura habeatur, quod ipse adsecutus non sit, & adhuc adsequi non possit. Innumera paene opificia rarissima, quod tam cito perfecerit, complures mirantur; ego vero non miror, sed laudo; quum ipse hisce duobus cardinibus omnem artis suae praestantiam, & immensas aerumnas eum statuisse intelligam, in laboris summa patientia, & in severiore temporis cura & pervigili custodia, ne ulla non modo hora, verum etiam momentum sine linea decurrat. Nunquam otiosum, nisi dum de inusitatis rebus inveniendis cogitat, nunquam genio indulgentem, sed semper in laboribus tum mente, tum manu parandis conficiendisque in regis Officinis Magni Ducis Etruriae, quibus praest, distentum adfide omnes, qui ad eum adcedunt, inveniunt. Quae ante septem abhinc annos in eo artis portenta censebantur; opera nempe omnia, quae Auraria, ac caelandi ars perficit, ne quidem Horologiis rarioribus exceptis, ea nunc eius ingenii alacritate & praestantia minora habentur; nam aetate, quod mirum est,



est, valde provecta, atque in senium, vegetum tamen, vergente, Glyptographicae Arti totus adeo incubuit, ut intra septennium plurimas Gemmas utroque opere anaglyptico, & diaglyptico insculpsit, quarum emblemata vel ipse ingenio suo feracissimo excogitavit, vel ex aliis operibus, praesertim antiquis, excepit. In his vero insculpendis duplici eminet laude, qua veteres omnes Gemmarios Opifices longe superavit; nempe in perfecta areae planitie conficienda, quod nemo tam absolute, & feliciter praestitit; nihil enim in planitie Gemmarum eius figuras ambiente nisi perfecte planum, & mira arte laevigatum adparet; quod non cernitur in antiquis Gemmis, praesertim in his anaglyptice sculptis, quae communi vocabulo *Cammei* dicuntur. Alterum quoque decus Gemmis a se insculptis addit LUDOVICUS SIRIES, antiquis Sculptoribus ignotum, quod artis miraculum dici potest; nempe in extrema Gemmae ora coronidem elegantissimam adponit, quae opus ipsum magis rarum & singulare reddit, & novo splendore condecorat. In his novis adcessionibus, quas primus omnium excogitavit, ac feliciter molitus est, neminem vel facile paucissimos pares nunc, & in posterum habebit hic Artifex sagacissimus, novorum inventorum scrutator & perfector perspicacissimus.

Primum opus, quod anno CIO. IO. CC. XLVII. aggressus est, sua arte & peritia usus, fuit Crux Dominica e secto lapide Cyaneo, qui *lapislazzulo* dicitur, qui aegerrime rotas, viriculos, & alia artis instrumenta patitur. In ea Cruce undique, tum in antica, tum in postica facie, egregie secta, & coronide ornata, ex integro lapide, Christi in ea adfixi imaginem exhibuit. Mox ex eodem lapide, aerumnosissimo opere anaglypho,

pho, Gemmam exscalpsit, in qua Naturae, Scientiarum & Artium portenta ad utilitatem humanae Societatis & commercii, ingeniosissime expressit. Pectore tenus Onychi tricolori pulcherrimo postmodum anaglyphice effinxit imaginem Christianissimi Galliarum Regis Ludovici XI. Zodiaci signis circumornatam, quam eidem Regi dono obtulit ac dedicavit. De his pauca scribo, quum haec opera erudito Commentario descripta in lucem prodierint cura & studio Cl. V. IOANNONIS DE S. LAURENTIO. (1) Alia quoque silentio praetereo, quae in Novis Litterariis Florentinis, praesertim hoc anno fusius describuntur. Protomas Augustissimorum Coniugum Francisci Imperatoris Caesaris, & Mariae Theresiae Reginae Hungariae, & Bohemiae ex Onyche se mutuo respicientes exstanti opere laudatissimo exscalpsit, quod iisdem dedicavit. Mirabilem fecit Solis quadrigam cum Zodiaci signis pulcherrimam Gemmam ambientibus. Omnium operum suorum sulphurea, vel gypsea ectypa SRIES Sociis Columbariis Florentinis dono dedit, & mihi quoque insigniora exhibuit, quae omnia si accurate describere vellem, non parvam huius Voluminis partem occupare facile possem. Dum haec scriberem, Gemmas elegantissimas & operosissimas a se inscalptas mihi ostendit, & ectypa sulphurea dedit. Has intra paucos menses felicibus ausis absolvit; quarum praeclariores breviter recensere lubet. Hae Gemmae vel e Chalcedonio Sapphyrino, vel e Sarda, atque ex Onyche elaboratae sunt; omnium maxima propter magnitudinem, exhibet Herculem Antaeum conficientem; altera Phaetontis casum; reliquae

B b b                      osten-

---

(1) Volumen hoc prodit Florentiae anno MDCCXLII. in 4.



ostendunt Diomedem Palladio potitum; Herculem cum armis suis gradientem; Pentheum in odium Bacchi vineas excindentem; Aesculapium baculo suo anguifero innitentem; Mercurium infantem Bacchum ad Nymphas deportantem; Aurorae & Cephyfi fabulam; Achillem in sella moerentem; duo Herculis iuvenis capita eximio plane opere & antiquis persimili perfecta. Antiquorum monumentorum effossionem in Sarda vel Achathe aurei coloris multo labore expressit, quam Gemmam dono obtulit Cl. L. B. De Stofsch, ut eius studia & aviditatem in eruendis conquirendisque prisca aevi deliciis designaret; in parvula Gemma tauri ad aram immolandi sacrificium, adstantibus septem ministris, effinxit; in altera Diogenem in dolio latentem, qui Alexandrum Macedonem adloquitur; praeter alia plurima opera, quae a memorato anno usque ad hoc tempus incredibili studio ac labore faberrime insculpsit, quae centesimum numerum excedunt. Hae omnes Gemmae, in parergis adiecto eius nomine vel integro, vel per siglas L. S. denotato, tum coronide admirandi operis, tum planitie absolutissima perfectae sunt aerumnoso artis magisterio; quod peritioribus contemplandum atque expendendum relinquo.

Dum haec assiduo opere excogitat, & feliciter molitur sagacissimus SIRIES, Artifices omnes qui in Officinis Imperialis Musei operantur, superius a me memoratos, dirigit, & nova semper eis conficienda proponit, quae digna sint scientia & Maestate Augustissimi Caesaris FRANCISCI, Domini mei Clementissimi, Magni Ducis Etruriae. Nuper ad eum missae sunt octo Tabulae, quae Scientiarum & Artium inventa exhibent, compaginatis lapillis picta, multis figuris ornata, quae

quae vix credi potest , quanta elegantia , & veritate praeniteant , Arte Naturam ipsam paene vincente . Missi etiam abaci , & arculae utroque opere ex confertis perpolitisque multicoloribus lapillis pretiosis exornatae .

Fama quoque nominis celebris est Violantes eiusdem LUDOVICI SIRIES filia , quae innumeras Tabulas pinxit , & adhuc parenti simillima nullo unquam labore victa , sexum atque aetatem sua virtute & studio longe superans pingit . Prima patris studia sequitur Cosma eius filius , qui in pluribus manu factis operibus laudatur . Museum quoque sibi instruxit locupletissimum idem LUDOVICUS SIRIES , comparatis insigniorum Pictorum Tabulis , veterum Sculptorum signis , vasculis , anaglyphis ex ebore , numismatis , Gemmis antiquis ; quae omnia apud eum maximo in pretio sunt . Prospera valetudine , integris viribus , & quidem vivacissimis , annum nunc agit aetatis suae , ut plures volunt , septuagesimum , alii etiam excedere eum arbitrantur .

Praecipui in Regiis Officinis Magistri , superius a me laudati , quibus Caesaris iussu praeest nominatissimus LUDOVICUS SIRIES , hi sunt ; qui sibi subiectos alios complures alumnos & Artifices habent , qui lapillis in abacis , arculis , & scriniis compaginandis , & pictis Tabulis exhibendis adsidue dant operam . *Franciscus Conti* Florentinus Graphics Praeceptor . = *Antonius Franciscus Bottius* : = duo fratres *Io. Baptista* , & *Franciscus Iacopuccii* = *Franciscus Borgheius* = *Caietanus Sorbius* = *Ignatius Rabbuiatus* : = qui operibus ex hebeno infudant , *Caietanus Doninius* , & *Zenobius Magnolfius* ; qui opera ex aere conficiunt , & auro condecorant , *Petrus Binius* , & *Ferdinandus Nicciolius* . = Picturas parat musivo opere durorum lapillorum exprimendas *Ioseph Zocchius* Florentinus , fama nominis & multorum operum percelebris .

FELIX



FELIX BERNABE' Florentinus,  
Saec. XVIII.

FELIX BERNABE', qui in Imperialibus regii Florentini Musei Officinis Gemmis scalpendis sedulam nunc navat operam, multa pollet peritia, & studio ac diligentia nulli secundus habetur; nam in imitandis antiquis celebriorum Graecorum Opificum sculpturis laudem sibi magnam atque immortalem comparavit, & assidue pro Florentinis Proceribus, & pro exteris harum deliciarum cultoribus laboravit, atque in praesentiarum strenue laborat, suaeque comitate, & benigna naturae facilitate omnium laudes & benevolentiam sibi conciliavit. Natus est Florentiae ex Ioanne ditionis Lunensis honesto incola, & nunc trigessimum tertium aetatis suae annum feliciter inchoavit. Prima Glyptographices rudimenta a celebri Florentino Gemmarum Scalptore Francisco Ghinghio, superius a me laudato, in Regiis Officinis Florentinis anno MDCCXXXVI. accepit; Graphices vero praecepta ab egregio Pictore Ignatio Usfordio, Florentiae morante, multo studio accuratissime didicit; quibus praesidiis instructus mirandum non est si in Gemmis caelandis magnopere excellit, quarum eçtypa etsi non omnia, multa tamen, mihi nuper dono dedit. Nihil dico de Stemmatis, Insignibus, aliisque Gentilitiis emblematis, quae plurimis Gemmis primum, antequam ad imagines se conferret, faberrime inscalpsit; ea tantum opera describam, quae vidi, & memoratu digna censentur, & quidem eo ordine quo ab eodem absoluta sunt. Primum pro Excell. Comite Emmanuele de Richecourt admirandum illud Symplegma Amoris & Psyches, quod marmoreum in  
regia ..

regio Museo exstat, quodque a me editum & inlustratum est in *Museo Florentino* inter antiqua Signa, & Statuas Tab. XLIII. & XLIV. pulcherrimo Chalcedonio scitissime insculpsit. Amor Psyche amplectitur & osculatur; quo opere cum industria & studio elegantia valde certat. Hyacintho eximii coloris & lucis mox insculpsit eam statuam, quam imperitum vulgus *l'Arrotino* adpellat, quae in Conclavi eiusdem regii Thesauri spectatur; quae, ut alibi ostendi, (1) procul dubio ille Scythia exhibetur, cui Apollo demandavit, ut devicto Marfyae pellem e corpore cultro detraheret. Hanc caelaturam fecit rogante Abbate Vernaccinio Hispaniarum Regis Ministro. Singularem illam Gemmam, quae exhibet Herculem amplectentem Iolen, Teucris opus eximium, a me editam Tab. V. inter praestantiores Gemmas *Musei Florentini*, adeo archetypo similem fecit, ut nomen suum tum primum ita inciderit ΒΕΡΝΑΒΕ ΕΠΟΙΕΙ. Praemiis & laudibus illectus, ad maiora praestanda excitatus est; quare pro D. Henry Viro Nobilissimo primus omnium in Sarda altitudinis unciarum duarum ex marmorea perinsigni & rarissima Protoma, quae in Regio Florentino Cimeliarchio exstat, insculpsit Alexandri Magni imaginem, in qua Gemma operosissima ita nomen suum ΦΗΛΙΞ inscripsit. Quum Eminentiss. Princeps Cardinalis Alexander Albanus praestantiorum operum peritissimus aestimator, & conquisitor laudatissimus, insignis Gemmae magnitudinis unciarum duarum, ultra dimidium, anaglyptico opere insculptae exemplar ad Cl. L. B. Stoschium misisset, sed fossorum iniuria & oscitantia fractum, Stoschius antiquis propositis exemplaribus curavit, ut integrum opus a nostro Scal-

C c c      ptore

---

(1) In eodem Volumine Tab. XCV. & XCVI.



ptore insculperetur in Gemma , in qua duas feminas , & militem , seu potius Heroam adiecit . Ea exhibet Achillem sedentem , moerore confectum , Patrocli mortem deflentem , integris sex figuris ; in qua Gemma , quod non fecit , nomen suum adponere poterat . Homericam Hecatomben Sardae expressit , rogante Marchione Manfredio Malespina Patricio Florentino , veterum ac recentiorum elegantiarum cupidissimo ac studiosissimo ; quod emblemata ab archetypa admirandi operis Gemma , quae exstat in Gavianis Cimeliis , accepit ; in qua sculptus Heros stans ad aram immolaturus bovem a militibus adductum ; in eius exergo ita nomen suum declaravit B. Φ. E. ( 1 ) Pro eodem Sardonychi pulcherrimae insculpsit Plautillae imaginem ad archetypi exemplum , quod exstat in Florentino Cimeliario , adiectis iisdem litteris . Eiusdem Marchionis Malespinae vultum bis insculpsit ; primum Sardae , adiecto in postica eius Gentilitio Stemmata , & B. Φ. deinde Chalcedonio nitidissimo triangulari , cum siglis eius nominis , vulgo *Cifra* , & Stemmata nobilissimae Gentis suae , eiusque nomine , ΜΑΝΦΡΙΑΙΟΣ ΜΑΛΑΣΠΙΝΙΟΣ . Bacchi triumphum Chalcedonio incisum dedit Marchioni & Equiti Bernardino Riccardio ; aliis imaginem Herculis iuvenis , itemque Medusae caput ex mirandis Stroziae Daëtyliothecae prototypis . Pro D. Rendorpio Hollandico miro opificio insculpsit Antinoi Caput , ad exemplum marmoreae antiquae incomparabilis Protomae , quae spectatur in Medicea Giza . Homeri Caput Chalcedonio exhibuit , deditque Marchioni Equiti Camillo Bor-

---

( 1 ) De hac Gemma differui in Florilegio Noctium Corytharum inter Symbolas meas edito Cap. VI. pag. 66. & de eiusdem Ill. Marchionis numismate max. moduli , Cap. III. pag. 39.

Borbonio *del Monte* Patricio Florentino . Herculem Farnesianum accepit eius frater Marchio Philippus, Apuanae, five Pontremulensis Ditionis Gubernator . Silenum cum scypho & thyrso sedentem Chalcedonio expressum cum eius nomine sibi comparavit D. Scioe Vienneſis Canonicus . Nuper Ithyphallicum triumphum undecim cum figuris egregio opere perfecit , rogante D. Comite Hohman , iuxta exemplum autographum Musei Gaddii, delineatum pictumque peritissima manu Francisci Salviati Pictoris XVI. saeculo celeberrimi , sed obsceno schemate . Ex his tanquam ex ungue leo dignosci potest .

IOSEPH CAIETANI F. TORRICELLIUS  
Florentinus, Saec. XVIII.

Si IOSEPH TORRICELLIUS inter claros huius temporis Gemmarios Artifices recensendus solis laudibus, & meritis nitesceret avi sui, & patris, qui, ut superius adnotavimus, excellentes Lithographi fuere, multum sane laudis & gloriae sibi tribuere posset; verum & suis peculiaribus animi dotibus, modestia, honestate, & caelandi peritia valde gloriari potest, quibus apud Florentinos & externos summos Viros egregiam benevolentiam atque existimationem consecutus est . Florentiae in Collegio Scholarum Piarum humanioribus litteris, & Philosophicis disciplinis institutus est; sed iisdem relictis, decimo nono aetatis suae anno Gemmis incidendis se totum dedit, magisterio patris sui Caietani probe edoctus . Prima eius opera fuere Arma, & Stemmata Gentilitia, quae valde probata sunt . Adsiduo studio, & antiquorum operum accurata meditatione brevi tempore ita excelluit, ut non pauci eius operum  
cupi-



cupiditate flagrauerint. Anaglypticam sculpturam praecipue dilexit, eique se addixit. Fauni caput ex antiquo exemplari Achatī exsculpsit multa cum elegantia, quod Ill. Marchio Caietanus Maccheranius sibi comparavit. Discendi multoque magis proficiendi desiderio exardescens, frequenter adire coepit Eruditissimum L. B. De Stofsch, a quo multa quae tum cavenda, tum sequenda sunt in Glyptographice percepit, ostensisque praestantioribus Scalptorum antiquorum operibus, optimis praeceptis & regulis locupletatus est; pro quo Bacchae ridentis protomam Onychi pulcherrimo insculpsit. Apollinis caput anaglyphum pro Equite Britannico Olynus egregie exsculpsit; atque etiam Agrippae caput ex Onyche miro artificio ac diligentia ad antiquorum exemplarium similitudinem. Exstat in Florentino Thesauro ex marmore Hermaeum signum Solonis Legislatoris cum Graeca epigraphe, cuius imaginem Topatio scitissime insculpsit, rogante ac proponente D. Henry. Antinoi quoque caput ex legitimo antiquo numismate maximi moduli egregie in Sarda pro eodem expressit; alterumque anaglyptico opere sculpsit ex Chalcedonio ad similitudinem marmoreae protomae, quae spectatur in eodem regio Florentino Thesauro. Epicuri caput Sardae insculpsit, diligenter imitato antiquo prototypo marmoreo Romae invento, & in Museo Capitolino reposito; cuius eotypum gypseum in Stofschiano Museo observavit. Herculem cum Cupidine eius humeris innitente Achatī crystallinae; Sabinam Augustam Chrysolitho, Hippocratem Sardae, rogante Barone Rendorphio, Faustina Iunioem Sardae pro D. Henry faberrime insculpsit; quae opera multo studio atque opificio elaborata, mihi perhumaniter ostendere consuevit,

sem-

semperque eum hortatus sum verbis amantissimis , ut maiorum suorum gloriam non solum aemularetur , verum etiam patientissimo studio & diligentia superaret , & Graecis antiquis Scalptoribus proxime adcedere adfido labore , & accuratis observationibus curaret ; quod ut praestet remis velisque satagit , & multam adhuc iuvenis nominis celebritatem consecutus est.

**STEPHANUS PASSAGLIA, Saec. XVIII.**

Huic egregio Gemmarum Scalptori nisi adversa fortuna , quae diu eum conturbavit , atque agitavit , obstitisset , multa enumerare possemus eius opera , quae in Florentinis Officinis edidit ; nam non pauca vidi , & si voluisset , maiora etiam praestare potuisset , quum ingenio & sagacitate multa polleret.

**FRANCISCUS BORGHIGIANIUS Florentinus,  
Saec. XVIII.**

Ad artis gloriam strenue nunc nititur FRANCISCUS BORGHIGIANIUS , qui multa egregia opera Gemmis incalpta edidit digna ingenio suo , & praeceptore suo in Graphices arte Ignatio Hugford ; quae enumerarem si me adire aliquando voluisset.

**LAURENTIUS MARIA DEWEBER Florentinus,  
Saec. XVIII.**

Etrusco caelo , praesertim Florentino , eam laudem multi non sine ratione tribuunt , ut homines cum optimis disciplinis , tum eximiis artibus dediti , praestantes supra ceteros quam felicissime evadant . Quamvis multos in exemplum proferre possim , hac laude profecto ornatissimi censentur duo fratres LAURENTIUS MA-



RIA & ANTONIUS PHILIPPUS DEWEBER, quorum pater fuit Ioannes Zenobius, Viti filius natione Alemanni, qui Florentiam advenit e Suevia, & militaribus artibus instructus, in Cohortem Cataphractorum Equitum adscitus est a Ferdinando II. Magno Duce Etruriae, & gradum Stratoris obtinuit, qui, eo vita functo, ad filios regio munere pervenit. Ioannes Zenobius Deweber quum Florentiae domicilium suum posuisset, connubio sibi iunxit Mariam Angelam Laurentii Biscionii iam mortui filiam, germanam sororem Clarissimi Viri Antonii Mariae Biscionii S. Th. D. nunc Canonici, & Regii Bibliothecarii Mediceae Laurentianae, quae Familia Biscionia civis honoribus praefulget. Ex his laudati fratres orti sunt qui iisdem artibus operam dedere. LAURENTIUS MARIA, de quo nunc scribimus, Florentiae natus est Prid. Eidus Decembr. ann. CIO. IO. C. XCVII. natu maior. Utrique optimae indolis, moribus pares, quum frequenter patrum suum Antonium Mariam Biscionium in Claustis Basilicae Laurentianae inviserent, ac saepe numero eum in tabulis pingendis relaxandi animi gratia sedulo vacantem invenirent, magno Graphices desiderio incensi, eidem sedulo incumbere, eo duce, coeperunt, primaque rudimenta ab eo acceperunt, & brevi tempore ita profecere, ut ad naturae imitationem, quidquid vellent, peraccurate delinearent. Anno CIO. IO. CC. XV. Laurentius quum Mediceas Officinas frequentaret, sub Iacobo Marianio Florentino, in iisdem Officinis Magistro egregio, Geometriam practicam didicit, itemque ab eo Prospectivae, Architecturae, & Icnographiae praeceptis institutus est. Mathematicas disciplinas una cum fratre accepit a Cl. Ioanne Bottario Florentino, nunc Sanctissimi Pontif. Max. BENE-

BENEDICTI XIV. Capellano, & Vaticanae Bibliothecae Praefecto, doctrinae fama celeberrimo. Graphices artes ab Ioanne Baptista Foggino cumulatissime didicerunt; & anno CIO. IO. CC. XX. sub eximio Praeceptore Maximiliano Soldanio Monetarum publicarum Cusore, atque aerario Sculptore Florentino, omnibus ingenii nervis hisce studiis vacantes operam adeo praestantes evaserunt, ut optime delinearent, effingerent, omnesque regulas Graphices, & Chalcographiae, & rationes disponendarum figurarum, & Anatomiae mirum in modum callerent. Laurentius ex eo tempore in numismatis effingendis, cudendorumque formis insculpendis totus incubuit; quapropter in hoc munere, petente Soldanio, optionis locum a Cosmo III. obtinuit anno CIO. IO. CC. XXII. Sequenti anno mirum illud opus anaglyphum e chalybe, tanquam maximi moduli numisma, protomam exscalpsit Annae Aloysiae Electricis Palatinae ad Rhenum, quod etiam multis parergis & ornamentis condecoravit, quod cum conspexisset Cosmus III. numquam se opus tantae raritatis vidisse adstanti Aulico suo dixit. Hoc numisma, veluti *Cameum*, ut aiunt, maxime singulare idem Auctor apud se servat. Perfirmi aerumnosissimo studio & arte e chalybe exscalpsit Dionysiacam pompam, quam aurea coronide cum pampinis & uvis ornavit. Effinxit quoque e chalybe exstanti opere in magno numismate effigiem Violantis Beatricis Vindelicorum, Etruriae Magnae Principis, & in postica parte ex eodem metallo emblemata perfecit, ut eidem Principi Senarum Gubernatrici obsequeretur, cum duobus Fluminibus Arno, & Arbia, duobusque leonibus regiam coronam sustinentibus, aliisque ornamentis, & epigraphe GRATA VICE locupletatum.

E cha-



E chalybe etiam caput fecit integro opere, quod dedit Ill. Nicolao Panciatico. Caelandi scalpndique arte peritissimus non pauca simulacra parva ex aere & argento perfecit, inter quae laudatur Simulacrum argenteum cubitale S. Francisci de Paula, quod Flotentiae in eius ara festis diebus exponitur, donarium ex voto Cl. Senatoris Ioseph Ginorii, cuius basim sacris emblematis eius praeceptor Soldanius ornavit. Marmoreas protomas labefactatas affabre instauravit. Aereum Symplegma, & equestrem statuam, iubente Ioanne Gastone Magno Etruriae Duce, fecit, quam Carolo Borbonio Regio Hispaniarum Infanti dono dedit. Protomas multas tum ex aere, tum plastico opere effinxit exemplis longe simillimas. Lipsanothecam ex laminis argenteis miro opere, pulcherrimisque caelaturis & ornamentis perfecit; itemque Horologium Solare, universo orbi aptissimum, iuxta exemplar, quod a Cl. Benedicto Bresciano Mathematico Florentino acceperat; sed, eo monente, amplioris magnitudinis fecit. Inter complura numismata, quae absolvit, profecto elegantissima, ea numerantur, atque praecellunt perfecta in honorem Friderici Augusti Electoris Saxoniae, itemque Clementissimi nostri Magni Ducis Etruriae Francisci Caesaris Imperatoris Augusti, cuius averfa pars exhibet in eius adventu triumphalem arcum a Florentinis erectum, quod adhuc extat; & Augustissimae eius Coniugis Theresiae alterum pereximium numisma; ne quid dicam de ceteris, ac praecipue de duobus numismatis maximi moduli, in quibus effigiem patris sui Clar. Antonii Mariae Biscionii, & diversa emblemata pulcherrima expressit. Monetarum aurearum & argentearum formas cudit, in quo munere adhuc excellit.

Sed

Sed ne quid ad eius laudes desit, hac ipsa tempestate, Gemmis scalpendis incidendisque dat operam; in quolibet difficili opere securus perpetuae laudis, atque existimationis, quum agat annum aetatis suae circiter quinquagesimum sextum. Eius frater Antonius Philippus, eius curae & tutelae relictis non paucis filiis, repentino morbo raptus est, elapso superiore anno.



## C A P U T XIII.

*De Romana Glyptographica Schola, qui in ea, restitutis Artibus, floruerint Gemmarii Scalptores indicantur.*

**S**Criptorum incuria, nescio quo fato, nobis haud nota sunt in Romana Schola Glyptographicae Artis initia. Fateor in Vitis Romanorum Pontificum, qui saeculum decimum quartum praecessere, frequenter recenseri, ac memorari Gemmas, quibus ornabantur Sacra Altaria, Cruces, Sanctorum Imagines, vela, & sacrae vestes, quae in solemnioribus festis, & pompis adhibebantur; verum eas puras fuisse liquet; vel si his aliquae sculpturis ornatae intermixtae sunt, antiquo quidem aevo eas caelatas fuisse constat, quod iam ostensum est in Vol. II. mearum *Symbolarum*, in quo de Cruce gemmata, mitrisque Pontificum pretiosis pertractatum est. Sunt nonnulli, qui censent Gemmariorum opificia Romae florere coepisse sedente MARTINO V. Pontifice Maximo; sed, ut ante monuimus, hi nec Auctorum synchronorum adferunt testimonia; neque certis argumentis, aut saltem idoneis coniecturis, utuntur. Constat eundem Pontificem Florentia Romam ad-



civisse Victorem Pisanum Veronensem, in cudendis tum suis, tum aliorum Principum numismatis ea aetate praestantem. Magnum de Romanis Lithographis silentium in Historia eorum temporum occurrit in Summis Ecclesiae Hierarchis qui eidem successerunt, atque etiam in Vita NICOLAI V. qui litterarum studia in pristinam dignitatem, decus, & cultum, assidua cura & maximis sumtibus, restituit; qui etiam, VASARIO teste, egregios Artifices ad ornandam aeternam Urbem, & sacras aedes adiecit, atque humanissime complexus est. Tanti nominis gloria divino consilio servata est PAULO II. Veneto, Pontifici Maximo ac magnificentissimo, quo favente Ars Glyptographica caput extulit, & quodammodo revixit; nam, ut antea monuimus, servatur in Florentino Cimeliarchio Sarda, gemma insignis magnitudinis, quae eius imaginem praefert, cum Regno, & Pontificalibus indumentis operosissimam, quae ab egregio Opifice Gemmario nobis adhuc ignoto incalpta est anno CIO.CCCC.LXXV. quo sacrum Iubileum indixit. Florentina Schola Glyptographica a Magnifico Laurentio Medice fundata circa annum CIO.CC.CC.LXVI. iam nonum originis ac nativitatis suae annum tunc numerabat. Nolo, ne Florentinis ingeniis nimis addictus videar, suspicari, aliquem e Schola Laurentiana forsitan hanc Gemmam cum imagine PAULI II. caelasse; suspicio tamen haud absurda, & incredibilis est; quum eadem Gemma, cum aliis plurimis pretiosis lapillis, iterum ad Laurentium pervenerit, quam ipse suis sumtibus sibi comparavit. Memoratur in Vita (1) eiusdem PAULI II. accuratissime edita atque

---

(1) Huius Operis hic titulus: *Pauli II. Veneri Pont. Max. Vita ex Codice Angelicae Bibliothecae*

que etiam perraris observationibus , & Vindiciis contra Platinam exornata a Sapientissimo S. R. E. Cardinali Bibliothecario Angelo Maria Quirinio , Brixienfis Ecclesiae Pontifice vigilantissimo, Litteratorum Parente doctissimo, Paulum Iordanum eius Artificem fuisse, qui gemmas auro coronabat ; sed de eius peritia in pretiosis lapillis scalpendis non constat . Auguror regnante IULIO II. P. M. Glyptographicen Romae florere maioribus viribus coepisse ; praesertim cum ad eam accessisset, mortuo Laurentio Medice, Petrus Maria Piscienfis, qui, eo auspice, in Gemmis caelandis in Florentina Schola mirifice excelluit ; qui facile abeundi occasionem tunc adripuit, quum ea tempestate, nempe anno CIO. IO. V. Florentia fame maxima laboraret ; audivissetque ab eodem providentissimo Principe Romanam seditionibus fameque liberatam fuisse . Hic eximius Artifex Gemmarius, qui neminem sibi parem tunc habebat in imitandis antiquis Graecorum operibus, Romanae Scholae Glyptographicae vires, dignitatem, ac nobilitatem dedit, & facile etiam regnante LEONE X. ampliora ac firmiora iecit fundamenta, sibi que similes alumnos educavit . Audiendus VASARIUS, qui haec pauca de tanto viro memorat : „ Accrebbe poi in maggiore eccellenza quest' Arte nel Pontificato di Papa „ Leone Decimo , per la virtù e opere di Piermaria „ da Pescia , che fu grandissimo imitatore delle cose „ antiche : & gli fu concorrente Michelino , che valse „ non meno di lui nelle cose piccole & grandi, & fu „ tenuto un grazioso Maestro : Costoro apersono la via a quest'

---

*bliothecae desumpta , praemissis ipsius Sanctissimi Pontificis Vindiciis adversus Platinam, aliosque obtrektatores . Romae MDCCXL. quod Opus miro ardore & celeritate Pontificiorum Comitiorum tempore perfecit & edidit .*



„ a quest' Arte tanto difficile ; poichè intagliando in ca-  
 „ vo, ch' è proprio un lavorare al buio, dacchè non  
 „ serve ad altro, che la cera per occhiali a vedere di  
 „ mano in mano quel che si fa ; ridussonla finalmen-  
 „ te (a tal segno) che Giovanni da Castel Bolognese,  
 „ & Valerio Vicentino, & Matteo dal Massaro, & al-  
 „ tri faceffino tante bell' opere, che noi faremo memo-  
 „ ria “. Habes hic cunabula, conatus, progressus, &  
 absolutiora huius mirandae Artis Glyptographicae in-  
 crementa, quae divinis tot Opificum ingeniis aequa lan-  
 ce tribuenda sunt.

PETRUS MARIA Piscienfis, & MICHELINUS  
 Romanae Scholae Glyptographicae primi prae-  
 stantiores Auctores, Saec. XV. & XVI.

Utinam VASARIUS patriam MICHELINI nobis indicaf-  
 fet, ut summis laudibus eam celebraremus, quae exi-  
 mium Gemmarum Scalptorem protulit, qui tam fulgen-  
 ti face aliis praeluxit, ut valde proficerent, atque ae-  
 terno nomine in opificiis sculpendorum lapillorum com-  
 mendarentur ! Is longe, ni fallor, alius ab altero Opi-  
 fice Gemmario, adsimilis nominis, nempe MICHELET-  
 TO, quem laudat, ut mox dicam, BENVENUTUS CEL-  
 LINIUS, qui senex Romam advenit facile, ut arbitror,  
 regnante CLEMENTE VII. P. M. De PETRO MARIA  
 Piscienfi iam nonnulla adnotavimus, agentes de Scho-  
 la Glyptographica Florentina. Heic solum nomen, eum-  
 que in condenda Romana Schola inter principes Scal-  
 ptores numerandum, memorasse sufficiat.

MARMITA Pater, & ALOYSIUS MARMITA F.  
Parmenses, Saec. XVI.

MARMITAE Patris nomen silentio praeterit VASARIUS, qui eum multa laude celebrat, atque inter egregios Glyptographicae Artis instauratores recenset. Floruit in principio Saeculi XVI. Glyptographicen docuit filium suum ALOYSIUM, qui eum longe superavit. Romae, ubi diuturnam moram fecit, ad egregia opera in lucem proferenda excitatus est liberalitate & honorificentissimo hospitio Amplissimi Cardinalis Salviati. Eius iussu ad ornandam pulcherrimam arculam, sive thecam argenteam, mira arte insculpsit quatuor crySTALLINOS orbes, quos elegantissimis historiis locupletavit; quae theca postmodum Illustrissimae Dominae Heleonorae de Toledo Cosmi Ducis Florentinorum Coniugi dono data est. In exprimendis antiquis operibus, praesertim in rarissimis numis antiquis repetendis cudendisque, novo suo mirabili opificio excelluit maxime, ingentemque pecuniam sibi comparavit. Eodem studio, exquisitaque arte usus est in Gemmis anaglyptico opere caelandis; idque unum artis callentissimus, ac patientiae & solertiae studiosissimus potissimum praestare satagebat, ut antiquorum imagines, quas scalpebat, prisca prototypa peraccurate referrent, & sui opificii dignitas, decus, animi vigor, studium, ac diligentia emerent. Inter haec laudat VASARIUS Socratis imaginem ab eo praestantissime exscalptam in lapillo exstanti opere. His adde persimili opificio expressam imaginem Achatii Orientali Commodi Antonini, Herculis specie, tecto capite Nemaevi leonis pelle, quam nuper inlustravimus in *Dactyliotheca Zanettiana* Tab. XXV. In alio lapide adsimili

Fff



mili in eodem opere adlato Tab. LXXV. integro ex-  
tanti opere exscalpsit imaginem illustris ea aetate femi-  
nae, sive matronae, cuius capiti Gratias omnes Vene-  
resque circumfudit; quae exempla, licet pauca, suf-  
ficiunt, ut eum inter famosos sui temporis Gemmarios  
Artifices praestantissimum, omnique laude dignum prae-  
dicemus.

IOANNES MARIA Mantuanus, IACOBUS TA-  
GLIACARNE Ianuensis, LEONARDUS  
Mediolanensis, Saec. XVI.

Quum ingenuae Artes Fautorum munificentia, & cu-  
ra maxime vigeant, atque efflorescant; nil mirum si  
LEONE X. potissimum regnante eximia praestantium  
virorum ingenia eius praesidiis & favore ita excitata  
sunt, ut omnem laudem tum in litteris, tum in arti-  
bus sint consecuta, quae eas ad pristinum decus, di-  
gnitatem, & gloriam pro viribus inter se de tanto ho-  
nore certantes revocarunt ac restituerunt. Praeter me-  
moratos Gemmarum egregios Scalptores, qui Glypto-  
graphicen in Romana Schola docuerunt, celebrati sunt  
hi tres Lithographi IOANNES MARIA Mantuanus, IA-  
COBUS, aliter TAGLIACARNE, & LEONARDUS Mediola-  
nensis, qui synchroni fuere; quorum nomina ignora-  
remus, si Cammillus Leonardus in suo *Speculo Lapidum*  
(1) non memorasset, & suo aevo multa laude in gemma-  
rum sculptura celebratos nobis non indicasset, ut adno-  
tat Auctor Dissertationis Glyptographicae in priscis mo-  
numentis scrutandis inlustrandisque accuratissimus. (2)  
Hos igitur Gemmarios Opifices simul laudare volumus,  
quos

---

(1) Lib. III. cap. II. pag. 168. edit. Parisiensis. (2) Cap. XXV. pag. 81.

quos aetas, & studia mutuo foedere coniunxerunt. Laudat VASARIUS sculpturis celebrem LEONARDUM Mediolanensem, (1) quem alii videant si idem sit ac Gemmarius iste Artifex superius memoratus, quod haud improbabile crediderim.

SEVERUS, five, ut alii volunt, SILVESTER  
Ravennas, Saec. XVI.

Inter Artifices clari nominis, & multae famae, qui Ravennatum gloriam auxerunt, memorandus est SEVERUS, quem alii, ut arbitror melius, SILVESTRUM Ravennatem nominant, (2) qui Saeculo XVI. floruit. Pulcherrimum elogium consecutus est a POMPONIO GAURICO, eiusque amicis summis viris, qui ita eum extollit. (3) „ Severum Ravennatem ideo ad extremum distuli, ut plenius laudarem; qui [miror] ad me hodie cur non venerit. Is quidem mihi videtur Statuariae numeros omneis adimplere, Sculptor, Scalptor, Caelator, Defector, Plastes Pictorque egregius. Nam si me heic nunc rogaretis, qualem Sculptorem velim, talem nempe ipsum velim, qualem, modo litterae adessent, Severum esse novimus“. Post huiusmodi elogium haec subdit Cl. VICTORIUS (4) „ Quare Gemmarium etiam Caelatorem fuisse suspicari licet; nec immerito aliis eiusdem artificii peritis adnumerari debere“. Ni meus me fallit animus, quum POMPONIUS GAURICUS eidem coevus eum non solum Sculptorem, sed & Scalptorem appellet; ad Gemmarum opificium id referen-

(1) Vide Vol. II. Partis III. (2) Vide Petrum Mariettum in suo Tractatu.

(3) De Sculptura Cap. XVI. pag. mihi 118. edit. Antwerp. ann. 1617.

(4) In Cap. XXV. Differt. Glyptograph. pag. 85. at in Indice Rerum pag. 126. mox inter incertos Gemmarum Scalptores cum Flaminio Natalio, nescio quo pacto, recenset.



ferendum, neque hanc ei laudem denegandam crediderim.

CARADOSSUS Mediolanensis, & DONNINUS Parmensis eius discipulus, Saec. XVI.

Exploratum est BENVENUTI CELLINII testimonio, CARADOSSUM Mediolanensem Romae, regnante praesertim CLEMENTE VII. P. M. in imaginibus auro & aere in numismatis immenso opere exhibendis, in gemmis compingendis, & in picturis encausticis, omnes tum aetatis suae Opifices, tum etiam veteres superasse; nam primum, confectis e cera prototypis exemplaribus, tam accurato diuturnoque studio omnia ad exquisitissimam elegantiam perficiebat, ut pauci eius cunctationem & moram ferrent; inter quos Hispanus ille nobilis vir memoratur, qui morae impatiens, ut in numismate expressum suum vultum ab eo obtineret, ira percitus ei dixit: *Sennor Caraduosso, porque non me acabais mi medallia?* Qua adpellatione cum ipse valde gloriaretur, obscurato eius nomine & cognomine, quae adhuc ignota sunt, ex tunc CARADOSSUS ab omnibus dictus est. MARIETTUS eius cognomentum gentilitium memoravit *il Foppa*. BENVENUTUS CELLINIUS in laudandis sibi coetaneis Artificibus, qui praecipue in Auraria arte eminebant, parcus est; sed in laudando CARADOSSO, quem Romae praeceptorem habuit, effusus maxime, & iure quidem ac merito est. POMPONIUS GAURICUS Neapolitanus post antiquos Gemmarum Scalptores omnium longe praestantissimos, Pyrgotelem, Apollonidem, Cronium, Dioscoridem, & M. Canuleium Zosimum Libertinae conditionis, qui Clodiana caelatura Romae omnes evicit, & CARADOSSUM Mediolanensem mox laudat  
inter

inter recentiores, qui sua aetate virebant magni nominis Artifices; sed in editis exemplaribus typothetarum incuria pro *Caradossus*, scriptum est *Pharadoxus*. Floruit Romae sub Iulio praefertim II. Pontifice Maximo, quem inter Gemmarum scalptores recenset clarus Autor *Dissertationis Glyptographicae* (1), & Ticinensem scribit, quum ex CELLINIO tum in ejus Vita, tum in Tractatu de Arte Auraria constet Mediolanensem fuisse (2). Iisdem auctoritatibus fultus & PETRUS MARIETTUS eum inter praestantissimos Gemmarios Opifices recensuit, & verosimile est & in Glyptographica excelluisse.

Tanto praeceptore dignus habitus est DONNINUS Parmensis, quem laudat idem CELLINIUS (3).

Post Caradossum, Franciscum Furnium Bononiensem laudat idem POMPONIUS GAURICUS Aurificem, & hunc propter egregia opera insignem.

MICHAEL cognomento MICHELETTUS,  
patria forsitan Florentinus, Saec. XVI.

Inter primos egregios Gemmarios Opifices a VICTORIO recensetur MICHAEL, quem vulgo dictum fuisse *Michelino* adfirmat (4). Hic facile (etsi haec nec ab eo nec a MARIETTO adnotantur) ille esse potest, qui laudatur a BENVENUTO CELLINIO in Vita, quam ipse de se scripsit (5). Senem eum multi nominis eximium lapillorum Scalptorem, & Aurificem praestantissimum Romam adcessisse CELLINIUS memorat, dum Florentia

G g g

Cae-

(1) Vide in fine pag. 126. laudatque superius Cap. XXV. pag. 85.

(2) Trattato dell'Orificeria Cap. V. pag. 39. & in Vita quam de se ipse scripsit pag. 30.

(3) In Vita sua quam ipse scripsit pag. 73.

(4) Dissert. Glyptogr. Cap. XXV. pag. 80.

(5) Edita est Neapoli in 4. sed in fronte, quasi prodierit Coloniae typis Petri Martelli, scriptum est. De Micheletto plura videtis apud eum pag. 60.



Caesaris armis & militibus cincta obsidebatur ; hisque laudibus eum ornat : *Era venuto a Roma un certo Micheletto, molto valentuomo per intagliar Corniule, ancora era intelligentissimo Gioielliere ec.* Patriam ejus nec CELLINIUS, nec VASARIUS indicant, qui de eo, si idem ipse est, honorifice meminit, eumque aemulum fuisse, ac de gloria & artis praestantia cum Petro Maria Piscienfi in gemmis scalpendis certasse adfirmat. Suspikor Florentinum fuisse, & facile dixerim discipulum Dominici Mediolanensis, qui adeo excelluit in lapillis exstanti opere scalpendis, ut cognomentum ab ipsis acceperit, & *Domenico de' Cammei* ab omnibus appellatus fuerit ; nam VASARIUS de MICHELETTO post Dominicum, paucis interiectis versibus, meminit his verbis : *Et gli fu concorrente ( di Pier Maria da Pescia ) Michelino, che valse non meno di lui nelle cose piccole & grandi, & fu tenuto un grazioso Maestro.* MICHELETTUS cum praeaudato Dominico Mediolanensi, & Petro Maria Piscienfi, VASARIO teste, triumviratum illud constituit, qui sub Leone X. P. M. Glyptographicem ad maiorem praestantiam suis egregiis laboribus evexerunt.

PHILIPPUS SANCTACRUCIUS Urbinas, Saec. XVI.

Laudat hunc Opificem operum suorum varietate, & materialium diversitate mirabilem Cl. VICTORIUS (1). Diminuto vocabulo nuncupatus est *Pippo*, quod ceteris suae gentis cognomentum fuit. Sculpsit Ebur, Corallium, Gemmas, & primus, ni fallor, omnium ceraforum

---

(1) Dissert. Glyptogr. Cap. XXV. pag. 82. ex Raphaelae Soprano &c. *Le Vite de' Pittori e Scultori &c.* pag. 303. & 304. De cognomine Pippi vide ibidem pag. 196. in *Vita Matthaei & Fratrum Sanctacruciorum*.

rum nucleos , in quibus , licet minimis , varias Historias , tum sacras , tum profanas eleganter expressit . Natura eum ad sculpendum efformaverat , ars ad praestantiam evexit ; nactus optimum Maecenatem Comitem Philippinum Doriam , qui in arvis Ducatus Urbini pastorem lignis dolandis insculpendisque incumbentem deprehenderat : qui eius ingenii dotibus captus , Romam secum duxit , exactoque sub optimis praeceptoribus absolutioris Graphices tirocinio , auspiciis suae liberalitatis Ianuam adiecit , ubi tanquam in benefico iucundoque suae virtutis portu mansit , genuitque filios complures , qui Sculptores & Statuarii evaserunt . Ex elogiis SOPRANI in Vitis Pictorum Ianuensium , apud quem haec fusius narrantur , discimus , in Gemmis scalpendis Philippum laudatissimum fuisse , multosque alumnos fecisse . Hanc artem scalpendi toreumatico opere nucleos fructuum ab Asiaticis Artificibus ad Italos profluxisse arbitror ; nam inter mea Cimelia exstant nautili figuris , casis , arboribus , aliisque phrygiis operibus affabre sculpti , quae figurae auro superfusae sunt , exstanti opere , adhibitis instrumentis ad caedendum aptis , & viriculo ; area vero retinet argenteum splendorem ; quare pulcherrima haec opera spectantium oculos magnopere oblectant . Exstant etiam nuclei nucum Indicarum , qui anaglyphis venustissimis decorantur , iisdemque pro potoriis vasculis eos usos esse arbitror ; in quibus animalia terrestria & volatilia , & variae historiae sculptae summa cum iucunditate cernuntur . His adde interiores conchas argenteas anaglyptice sculptas , quae quum sacras Historias , & vultus & imagines virorum & mulierum , praeférant ; atque hos inter divinum Salvatoris nostri Praesepe , quod opus saeculo , ut mihi videtur , XV. confectum



fectum ( nam apud me exstat ) ab Asiaticis ad Italos has scalpendi artes propagatas , ut dicebam , suspicari possumus .

ANTONIUS DORDONIUS Buxetanus , Saec. XVI.

Quamvis Scriptores , qui de pulcherrimis Graphices artibus scripserunt , & ad hoc tempus in lucem editi sunt , non laudent ANTONIUM DORDONIUM Buxetanum ; tamen saeculo XVI. eum eximium fuisse Gemmarum Opificem , ac Romae , in qua aeterna Urbe nonnisi praecellentes homines in admiratione sunt , & laudantur , eminuisse , disertissimum illud profero testimonium , nempe emortualem epigraphem , quam Auctor *Dissertationis Glyptographicae* (1), nec non MARIETTUS silentio praetermiserunt . Exstat in pavimento Aedis Aracoelitanae , in qua situs est .

D. O. M.

ANTONIO DORDONIO NICOLAI FILIO  
E CIVITATE BVXETI VIRO PROBO  
AC IN INCIDENDIS ET SCULPENDIS  
IMAGINIBUS IN OMNI GEMMARUM  
LAPIDUMQUE PRETIOSORUM GENERE  
EXIMIO ATQUE PRIMARIO QUI CUM  
ANNUM AGERET ÆTATIS SUE LVI.  
AD SUPEROS REDIIIT XVIII.  
KL MAII MDLXXXIII.

*Hic sculpta sunt insignia Dordonii.*

SIL-

---

(1) Vide cap. XXV. pag. 84.

SILVIA POPPIA VSVFRVCTVARIA  
VIRO SVO BENEMERENTI P.

*Hic duae hominis tibiae decussatae, vittaque in medio religatae.*

In gemmis dignoscendis aestimandisque peritum fuisse Consalvum Pignuscam Cordubensem, testatur eius Epitaphium, quod excerptum ex Romano sepulcreto C. V. Aloyfii Galletii Cassinensis Monachi, Florentinae Abbatiae Bibliothecarii, ab eo accepi; existat in Ecclesia Montis Serrati.

*Consalvus Pignusca natione Hispanus  
patria Cordubensis qui Λ Λ Λ in quaslibet  
figuras pingendi gemmasque  
dignoscendi haud ultimus in Urbe  
Gratiis litavit. quem cum tribus parvulis  
Filiis quos suo tempore natura vitae  
dederat una proh dolor pestilenti morbo  
limes una mors nullo servato ordine  
nulla ratione omnes avarissime eripuit  
hic situs est ubi rei p. Confraternitatis huius  
Collega religiosissime consulebat  
Vixit annos LVI. menses VII. dies XXV.*

*Franciscus Martinus*

*Testamenti Exequutor amico dulciss.  
dolens posuit die XV. Iulii MDXXVII.*

FLAMINIUS NATALIS Leidenfis, Saec. XVI.

In Gentilitiis Insigniis faberrime scalpendis in gemmis, atque in novis artificiis inveniendis, multa cum laude Romae versatum FLAMINIUM NATALIUM docet sepulcralis

H h h

titu-



titulus marmoreus, quem protulit Cl. VICTORIUS (1); cuius priores sex versus olim integri legebantur, reliqui vero deleti sunt atque extriti frequenti pedum itu redituque; quum in solo seu pavimento positus esset Sacrae Aedis S. Petri Apostoli, ut aiunt, in Montorio.

D. O. M.

FLAMINIO NATALI  
INSIGNI INSIGNIORUM EFFECTORI  
NOVORUMQUE ARTIFICIORUM  
FOECUNDISSIMO ATQUE  
EXCELLENTISSIMO INVENTORI &c.

Suppleti versus memorant eum obiisse die V. Octobris anno CIO. IO. XCVI. aetatis suae LV. Leidensem natione, & consanguineum fuisse Michaelis Natalis, celebris Chalcographi, cuius pater, FLAMINII coetaneus, Monetarum cusor fuit Principis Leidenfis, Coloniae Electoris, suspicatur PETRUS MARIETTE, ad quem Lectorem mitto.

Per complures annos desiderantur sincera monumenta, quibus probemus Glyptographicas Artes Romae nunquam cessasse. Verum haec etsi nobis defunt, de perenni tamen earum gloria dubitare vix possumus. Nam complures Sacras Gemmas habemus; exstatque eximia illa in Thesauro Christianissimi Galliarum Regis, quae imaginem exhibet SIXTI V. Pont. Max. Amethysto insculptam, quae peritissimam Gemmarii Artificis manum, qui ea tempestate florebat, perspicue redolet. Beatiores fuere Pictores, Statuarii, & Architecti, qui innumeros laudatores obtinuerunt, qui eorum  
vitam

---

(1) Dissert. Glyptogr. Cap. XXV. pag. 85. & 86.

vitam & nomina Historiis scriptis in lucem mandarunt ; inter quos eminet Eques GEORGIUS VASARIUS, qui mira industria, summo labore eorum opera investigavit, vidit, descripsit ; quod si quis post nostros labores id ipsum praestabit in investigandis, proferendisque aliis inlustribus Gemmarum Sculptoribus, rem faciet optimam, omni laude & plausu dignissimam. Pro modulo meo id ipsum & ego adgressus sum, & multos claros Lithographos, qui in tenebris delitescabant, erui, & ab oblivione vindicavi.

### ADONIUS ROMANUS. Saec. XVII.

Memoratur a VICTORIO (1) ADONIUS, qui circa finem Saeculi XVII. Romae innotescebat ; cuius institutum peculiare fuit, manus invicem iunctas in Cameis exprimere, quod huiusmodi opellae non raro venundarentur, emerenturque ab iis, qui matrimonio iungebantur, in fidei symbolum ; quod & apud Antiquos in more fuit. Complures namque exstant Gemmae antiquae amasiorum, quae invicem donabantur, vel litteris insculptae, qualis illa a me edita, TV MEA VENVS ; tum figuris ad amorem in puellis excitandum insculptae ; quarum ingentem copiam olim aeneis Tabulis incidendam curavit vir mihi amicissimus, de Antiquitate optime meritus, FRANCISCUS FICORONIUS ; quae tamen nondum in lucem prolatae sunt.

### N. FAREIT Anglus, Saec. XVII.

Floruit FAREIT Anglus Romae saeculo decimo septimo, sedente Urbano VIII. Pontifice Maximo, ac praef-

fer-

---

(1) Dissert. Glyptographicae Cap. XXV. pag. 89. & 90.



fertim animalibus scalpendis in gemmis ceteros antecel-  
luit. Ignotum ad hoc tempus fuit eius nomen, quod  
quidem omnes, qui de recentioribus Lithographis scri-  
psere, filuerunt. Mihi innotuit, dum haec scriberem,  
ex epistolis doctissimi Principis Friderici Caesii, quas  
misit ad summum atque immortalem Philosophum,  
Mathematicum, & Astronomum Galileum Galileium  
(1), non Florentiae solum, sed Italiae atque Europae  
praeclarum lumen & ornamentum. Quum enim Caesius  
Academiae Linceorum Conditor & Institutor munifi-  
centissimus, singulis Academicis anulum aureum dona-  
ret, tanquam tesseram benevolentiae suae, perpetuum-  
que ad arcana scientiarum omnium detegenda & am-  
plificanda monumentum, insertos lapillos smaragdineos  
incidendos curabat ab hoc Opifice, plane inter egre-  
gios non censendo, qui Academiae insigne, nimirum  
Lyncem, perspicacissimum animal, gradientem inscal-  
psit, adiecto tum suo, utpote Maecenatis, tum Acade-  
mici illius nomine, cui anulus aureus circumquaque  
encaustico opere pictus donabatur. (2) Singuli igitur  
Academici, qui complures fuere, iidemque ingenio,  
doctrina insignes, & fama nominis toto orbe clari,  
anulis hisce inter se simillimis, tanti Principis Litte-  
rarum & Litteratorum Fautoris liberalissimi munificen-  
tia decorabantur. Vidi paucis abhinc annis aureum anu-  
lum ab eodem magnanimo Principe Caesio dono datum  
Galileio nostro, quem Socii Columbarii Florentini de-  
scripserunt, & e gemma caelata ectypa exceperunt;  
item-

---

(1) Epistolae Principis Caesii & Galileii, multaue eius scripta, nondum edita, exstant  
Florentiae apud Nob. Virum Ioannem Baptistam Nelli, qui publica luce ut do-  
nentur, curabit, vel ipse in lucem proferet.

(2) Principis Caesii Epistolae, in quibus memoratur Faret Anglus, Gemmarum Scalptor,  
Romae scriptae ab eo sunt Galileio nostro anno MDCXII.

itemque alterum antea ostensum descripserunt. Is fuit Theophilus Molitor Lynceus, Ernesti filius, Herdifaldensis, anno CIO. IO. C. XI. aetatis suae XXXV. adscriptus, uti legitur, in eorumdem Lynceorum Catalogo, edito a Dominico Vandellio, Serenissimi Ducis Mutinae Mathematico, Antiquario, & Geographo praestantissimo.

FLAVIUS SIRLETUS, eiusque Filii FRANCISCUS & RAYMUNDUS Romani, Saec. XVIII.

Romae diuturno tempore intermissum Glyptographicae scientiae opificium revocavit, ac feliciter restituit FLAVIUS SIRLETUS, Aurifex, Gemmarius, & Caelator insignis; cuius nomen famigeratissimum quoque est, quod inter agnatos suos praestantissimum Guillelmum Cardinalem Sirletum S. R. E. Bibliothecarium, quod accuratius expendendum est, connumeret. Occasionem, ut Gemmas inscalperet, ei suppeditavit CLEMENS XI. Pontifex Maximus, qui quum in pulcherrimo Smaragdo in digitis suis praeferendo, cuperet ut egregio studio Gentis suae Insignia Pontificiis ornamentis condecorata inscalperentur, opus FLAVIO SIRLETO Aurifici eximio perhonorifice demandavit anno CIO. IO. CC. XV. Erat tunc Romae, antiquorum operum aestimator & cultor egregius, Philippus Baro Stoschius, quem de hoc opificio consuluit Sirletus; a quo didicit, sola cuspide adamantis, gemmam perfricando, & scalpendo, oleo guttatim infuso, & smiridis pulvere infecta gemma, diligentia sua huiusmodi opus perfici posse. Id cum fecisset, anulum Pontifici Summo obtulit, quod & probavit. Mox rotas sibi advehendas curavit; quibus omnibus artis adiumentis instrumentisque instructus, ad-



miranda sui praestantis ingenii monimenta, opificio antiquis Graecis Sculptoribus proximo, perfecit. Insigniora non pauca enumerat eruditissimus VICTORIUS; inter quae principem obtinet locum Laocoon, cum filiis serpentium horrifico nexu vexatus & interfectus perspicue paene cum dolore & fletu, in gemma Amethystina, quam *Milord Duca di Beauford* secum in Angliam deportavit; indicato in ea duabus litteris Graecis  $\Phi. \Sigma.$  nomine & cognomine suo. (1) Praestantissima Deorum & Caesarum simulacra, signa, protomas, eximio opificio in gemmis non paucis expressit; nempe Herculem Farnesianum, Apollinem Aedium Vaticanarum illustre ornamentum, vulgo *di Belvedere*; Mercurium arietis insistentem in Aedibus Iustinianaeis spectatissimum; & signum laudatissimum Antonini, cognomento Caracallae, caput ridentis Fauni oblique expressum, hederacea corona redimitum, ac pelle caprina circa collum affabre disposita, siglis hisce adpositis  $\tau. \phi. \Sigma.$  scilicet  $\tau\omicron\tau \Phi\Lambda\Lambda\text{B}\text{I}\text{O}\tau \Sigma\text{T}\rho\alpha\epsilon\tau\omicron\tau.$  quae anularis carneola servatur in Museo Victorio. Rogante Augustino Masuccio, celebri in Urbe Pictore, Caroli Marattae Pictoris Clarissimi effigiem anulari gemma caelavit, quo munimento gloriae praeceptoris sui se quoque honestaret. Tantarum laudum plenus SIRLETUS anno CIO. IO. CC. XXXVII. vita functus est XVIII. Kal. Septembris.

Reliquit SIRLETUS & sui desiderium, & plures filios ex Anna Ciollia coniuge sua; quorum duo idem scalpendi gemmas institutum sunt sequuti FRANCISCUS & RAYMUNDUS. Hic paulo post decessit matrimonio iunctus: alter cum laude sese eodem studio quotidie Romae exercet, patris famam adsequuturus.

IOAN.

---

(1) Huius insignis Gemmae ectypon sulphureum in meis Cimeliis exstat.

IOANNES CONSTANTIUS, eiusque Filii  
CAROLUS & THOMAS Romani.

Quod apud Veteres his qui in palaestris certabant contigisse scimus, ut multis quinquertii gloria compluriumque palmarum plausu famosis, alii maximis viribus & artibus exercitatissimi succederent, qui vel ipsis pares essent, vel interdum etiam eos superarent; id & in Glyptographicis conatibus evenisse non paucis exploratum est; nam artes artibus, & assiduis studiis ita quotidie perficiuntur, ut hi qui hoc ipsum institutum pertinaci labore amplectuntur, ceteris facilius summum occupent gloriae fastigium, & nominis sui claritudinem obtineant sempiternam. Memorandi nunc sunt paribus meritis CONSTANTII CAROLUS & THOMAS. Horum pater IOANNES adhuc vivit; qui pluribus abhinc annis Neronis caput adamanti feliciter inscalpsit, artis praestantia clarus. Philippi L. Bar. De Stosch Viri Clarissimi Imaginem, dum ille Romae degeret, Sardae pereleganter inscalpsit (1). Omnium rarissimi sunt adamantes ab antiquis Scalptoribus excisi; tamen adamantem parvum se vidisse Romae apud Clariss. Praefulem Leonem Strotium mihi narrabat Baro de Stosch, in quo sculpta diaglyphico opere Lupa Romulum & Remum latans. Neroniana Gemma una cum aliis adamantibus & rubinis Orientalibus lapillis fere XXIV. quos JOANNIS CONSTANTII filii, praesertim CAROLUS, inciderant, e Vainianis Cimeliis in Mediceos migrarunt, quos Ioannes Gasto Magnus Dux Etruriae emit. Laedae imaginem, & Antinoi caput adamantibus incidit CAROLUS iussu Ioannis V. Lusitaniae Regis. (2) In caelatoria arte

(1) Id memorat Cl. Baro de Stosch in Praefat. sui Operis Gemmarum cum Artificum nomine, pag. XVI. Hoc opus apud se habuit Ill. Prior Vainius.

(2) Vide Petrum Mariettum.



te ardua omnia is feliciter superavit, ut aequis laudibus cum priscis Graecis Scalptoribus de gloria contenderet. Testis est Medusa, Solonis opus admirandum, quod exstat in Museo Strozio. Eius imaginem Chalcedonio insculpsit accuratissima similitudine, stupente Eminentissimo Cardin. de Polignac, qui anno CIO. IO. CC. XXVIII. quo scalpendam curaverat, sibi comparavit. Imagines inlustrium Virorum mira oris similitudine in lapillis pretiosissimis expressit; inter quas hae potissimum laudantur, Iacobi III. Regis Stuardi, Romae commorantis, Renati Cardinalis Imperialis, & Georgii Spinolae pariter Cardinalis, nec non Episcopi Praenestini, iam olim Tituli S. Agnetis, nuper defuncti, quae eius nomen praeferunt. Equestrium Ordinum decora a BENEDICTO XIII. P. M. accepit; meruitque ut iussu Conservatorum Populi Romani in Ordine nobilium Epheborum solemnem pompam Sapientissimi Pontificis Max. BENEDICTI XIV. Lateranensem Basilicam more maiorum adeuntis anno CIO. IO. CC. XL. comitaretur, compluribus honoribus ac muneribus ab eo mox decoratus.

Laudandum etiam eiusdem Caroli opus illud maxime praeclarum, cuius opificio valde ipse gloriatur, in quo elaborando biennium adsiduo studio & labore infumfit. Illud est Smaragdus magnitudine & colore insignis, in quo altera facie eiusdem regnantis summi Catholicae Ecclesiae Hierarchae BENEDICTI XIV. imaginem exstanti opere elegantissimo sculpsit; in altera vero capita Sanctorum Apostolorum Petri & Pauli. Huiusmodi eximium opus effinxit iussu Eminentissimi Cardinalis Lantis, quo ornata est bulla, seu fibula, ad constringendas ante pectus pluvialis Pontificii lacinias

cinias in solemnioribus festis ; qua Beatiss. Pater quum semel usus esset, eam in Thesauro S. Petronii condensam Bononiam misit . Hi CONSTANTII fratres adhuc vivunt , & nostrae aetatis gloriam ac decus magnopere editis operibus augent .

### DOMINICUS LANDIUS, Lucensis.

Huius egregii Scalptoris , qui adhuc vivit Romae multis insculptis gemmis clarus, laudes, & praenobilia opera accuratius recensere non possum , quam iisdem verbis , quibus eius ingenium ornavit inlustris Auctor Dissertationis Glyptographicae (1). Prae ceteris Gemmis, duas laudabiliores censet, ovatae formae, sed transversae figurae, anularem modulum excedentes, in quibus arte magistra quatuor capita oblique expressit. In una, Traiani caput cum Plotina uxore ; quorum e regione, Marciana Traiani soror, & Matidia Marcianae filia, bina ac bina, se mutuo respicientia . In altera sculptus cernitur Septimius Severus, & Iulia, quae *Pia* dicitur, *Felix*, & item *Domina* ; ac contra Septimius Geta, & Marcus Aurelius Antoninus *Caracalla* . Has Gemmas ad usum Domni Michaelis Angeli Corsii Abbatidis Congregationis Olivetanae DOMINICUS caelavit . Praeterea ab eo memoratur Caesaris Augusti protome Chalcedonio moduli maioris insculpta, cuius caput laurea redimitum est, pectus vero armatum thorace squameo, cum Gorgone in medio sita : opus iussu Roderici Marchionis de Fuentes Regis Portugalliae in Urbe Oratoris elaboratum anno CIO. IO. CC. XVI. Neque in eo desiderata est peritia scalpendi imagines viventibus lon-

K K K

ge

---

(1) Cap. XXVI. pag. 94. & 95.



ge simillimas ; nam circa annum **CIO. IO. CC. XX.** Smaragdo anularis formae inculpsit imaginem Nicolai Duodo, Comitum S. R. I. dum aeternam Urbem Venetae Reipublicae Orator incoheret.

Adfertur a **Cl. P. I. MARIETTO** in Vol. II. sui Operis Tab. 6. Sardae insculptum praeclarum illud Mutii Scaevolae fati notum facinus ; in cuius exergo haec epigrapha scripta est: **COSTACIOR**. Huiusmodi opus, quod exstat in Regio Galliarum Cimeliarchio, proculdubio antiquum non est, sed propiora nobis redollet tempora ; & , ni fallor, epigrapha **CONSTANTIOS** eximios Gemmarios Scalptores indicat, qui illud fortasse effinxerunt.

### **IOANNES POZZIUS** Romanus, Saec. XVIII.

Multae sunt Naturae artes, quae aegre fert ut maxima ingenia fordescant, & lateant ; frequenter enim ea veluti e carcere quodam tenebricoso educit, ut studio optimarum artium, divino quodam lumine fruantur, & in orbe clarescant. Id feliciter contigit **IOANNI POZZIO** Romano, qui relicta cauponaria taberna in Graphice brevi temporis spatio tantum profecit sub optimo praeceptore, inter Romanos Pictores aetate sua valde celebri, Equite Petro Leone Ghezio, ut gemmis scalpendis, ut ferunt, primum operam dederit ; sed postmodum circa annum **CIO. IO. CC. XVIII.** quum rariora esse vidisset, sibi facilia, eximia opera ebore sculpta, huic opificio se totum devovit addixitque, & summam gloriam consecutus est. Viros inlustres ex ebore primum accuratissime expressit ; quorum imagines dedit Principi Eminentissimo S. R. E. Cardinali Alexandro Albano. Ebore exscalptas anaglypho opere tum Caesarum

rum (1), tum veterum Philosophorum imagines, ut cum praeclaro munere nominis aeternitatem consequeretur, omnium retro Principum florentissimo ac strenuissimo Eugenio, e Sabaudiae Principibus, obtulit ac dedicavit. Veterum Caelatorum praestantiam miro studio aemulatus est. Imaginem quoque eruditissimi Baronis Philippi de Stosch effinxit; a quo haec accepi.

HIERONYMUS ROSIUS Liburnensis, & GODEFRIDUS GRAAFTT Hanseaticus, Saec. XVIII.

Romae hac ipsa aetate florent, Glyptographicis caelaturis sedulam operam navantes, HIERONYMUS ROSIUS Etruscus, e Portu Labronensi, ab omnibus il *Livornese* adpellatus; & Godefridus Graaftt Hanseaticus, qui vulgo *il Tedesco* nuncupatur. Horum opera non vidi; quae de re nihil mihi dicendum superest.

ANTONIUS PIHELER Tirolensis, Saec. XVIII.

Nota mihi non sunt opera ab hoc Gemmario Scalptore edita; de quo pauca haec adnotat Auctor Dissertationis Glyptographicae: *Neapoli iisdem operibus gemmarum scalpendarum claret Antonius Piheler, annis quindecim circiter, aut viginti optime exercitatus* (2). De ejus ingenio & praeceptoribus quum apud peritos nonnihil sciscitarer, narratum est, eum in Romana Schola didicisse,

---

(1) Ecstypa Imaginum Caesarum, quibus antiqua numismata imitatus est, exstant in Cismeliis Stoschianis.

(2) Cap. XXVI. pag. 96.



## CAPUT XIV.

*De Langobardica Schola Glyptographica, qui ex ea prodierunt  
Gemmarii Scalptores exponuntur.*

**G**lyptographicae Artis, quae omnium animos admirabilem ratione complerunt, prima prodigia merito tribuenda sunt Opificibus Mediolanensibus, qui virilem ei faciem donarunt, & ad exquisitiorem elegantiam perduxerunt. Laudavimus Ioannem Antonium Rossium Mediolanensem, & Carrionios, qui regnantibus Cosmo I. Francisco I. & Ferdinando, ac Cosmo Magnis Ducibus Etruriae, inter praestantissimos tum Gemmarum, tum crystallorum, vasculorumque pretiosorum fictores, atque Sculptores prima subsellia occuparunt. His alios immortales viros Gemmarios adiungimus, qui non tantum Mediolano, verum etiam Bononiae artium omnium studiorumque matri fecundissimae praeclarum nomen tribuunt, atque editis suis operibus aeternitati commendant. His adde etiam Parmenses, quorum nomina superius celebravimus. Illud dolendum superest, nullum Artificem me legisse ex Langobardicis Scholis, qui saeculo XVII. & hoc XVIII. Glyptographicis artibus operam dederit. Nolim in dedecus aetatis nostrae id verti vitio. Illud maxime cupio, ut quemadmodum Pictores, Statuarii, & Architecti in his Langobardicis, ut aiunt, Urbibus adhuc florent, & sunt magni nominis, omnique ingenii laude praestantissimi; ita etiam & Gemmarii Scalptores pro amplitudine & gloria tantarum Urbium nunc & futuris temporibus vigeant, ac magis magisque efflorescant.

DOMINICUS Mediolanensis, antonomastice  
DE' CAMMEI, Saec. XV.

Praeclaris Viris de litteris & artibus, ab ea aetate, qua in Italia renatae ac feliciter restitutae sunt, optime meritis, illud saepenumero accidisse, nescio quo facto, cernimus, ut, praeter nomen, perpauca notatu digna ad nos pervenerint. Id, quod mirum, praesertim compluribus egregiis Opificibus, & in re nostra praecipuis Gemmariis Lithographis, & quidem frequentius contigisse dolemus; hinc est, quod in hoc saeculo variarum cognitionum, & elegantiarum omnium cupidissimo multi sunt, qui de paucitate monumentorum ad Historiam Thecnicam ornandam adparatumque augendum merito conqueruntur. Multae adferri possunt rationes de tam molesta rerum adnotatione dignarum iactura; sed hae, ut opinor, praecipuae sunt, quia ipsi Artifices in privato Enchiridio, sive Breviario, ea quae faciebant describere, vel ab aliis edita ad posteros transmittenda non curarunt; cui fato vincendo se egregie opposuit celeberrimus VASARIUS, qui monumenta omnia ad eos pertinentia summo labore & studio congestit; eorumque nomina & opera aeternitati scriptis suis consecravit; cuius exempla mox alii egregii Scriptores secuti sunt. Si plura notatu digna de DOMINICO Mediolanensi VASARIUS reperisset, profecto haud tam parcus atque ieiunus de eo ita scripisset: (1) *Fu suo concorrente* (nempe Dominici Florentini, qui vulgo *delle Corniole* dictus est) *Domenico de' Cammei Milanese, che allora vivendo il Duca Lodovico, il Moro, lo ritrasse in cavo in un balascio, della grandezza più d'un giulio, che fu*  
L11 *cosa*

---

(1) In Parte III. Voluminis I. pag. 286.



*cosa rara, e de' migliori intagli, che si fusse visto de' Maestri moderni.* Igitur ex VASARIO discimus, eundem DOMINICUM labente Saeculo XV. floruisse; sed praeter descriptam Ludovici Mediolanensium Ducis imaginem, nulla alia opera describit; neque nobis nota sunt pretiosis lapillis ab eo excisa anaglyptica caelatura ea opera eximia, quae, abrogato eius cognomine, illo anonomastico donarunt, quo *de' Cammei* vulgo propter praestantiam adpellatus est. Quem etiam in hac tam laudabili quam ardua ac perdifficili arte, ea precipue tempestate, praeceptorem habuerit, quosve discipulos in ea instituerit, adhuc nos latet.

IOANNES BERNARDIUS a Castro Bononiensi,  
Saec. XVI.

Evetta ad exquisitiorem elegantiam & pulchritudinem Arte Glyptographica egregiis conatibus & studiis praestantium Scalptorum Petri Mariae Pisciensis, & Michelini, eorum exemplis factum est, ut in crystallinis tabulis laminisque sculpendis summum gloriae & laudis fastigium adtingerent duo Scalptores praecellentissimi IOANNES BERNARDIUS a Castro Bononiensi, & Valerius Bellius Vicentinus. De IOANNE nunc aliqua adnotabo, quae luculenter a VASARIO (1) memorantur; mox nonnulla ab eo praetermissa subiiciam. Adhuc iuvenis, trium annorum spatio, quo magno in honore fuit apud Alphonsum Ferrariae Ducem, multa edidit praeclari ingenii sui monimenta, exiguae licet molis,

---

(1) In Par. III. Voluminis I. pag. 286. 287. Sed Vasarius familiae eius nomen silet; nec ipse, adscripto in aliquot suis operibus nomine, illud recenset. Auctor Difert. Glypt. Cap. XXV. pag. 80. cum gentilitio nomine *Bernardium* vocat,

lis, conspicua . In speciosiore cryſtalli mole certamen illud celebre, *della Baſtia* nuncupatum, excavatis figuris expreſſit propter opificii pulchritudinem valde laudatum . Paulus Iovius tot egregiorum operum eius ſplendore captus, auctor ei fuit, ut Romam peteret, id gratiſſimum fore ratus magnis clarorum ingeniorum fautoribus Hippolytho Mediceo, & Ioanni Salviato Cardinalibus ampliſſimis. Quemadmodum Ferrariae apud Alphonſum Ducem in numismatis ex aere cudendis effingendisque, atque in eius imagine in chalybe incidenda valde excelluerat; ita etiam Romae in exprimenda CLEMENTIS VII. effigie, & emblemate in eius numismate, aliisque in honorem Hippolythi Medicei, & Caroli V. tum aere, tum chalybe auroque expreſſis adeo placuit, ac tam celebre nomen adeptus eſt, ut pro Pontifice Maximo in quatuor clypeis, ſive orbibus e cryſtallo, quatuor Evangeliſtas protulerit, quod opus magnopere omnes commendarunt. Recuſatis honoribus & pollicitationibus Caroli V. qui eum apud ſe habere cupiebat, Romam reverſus, praeter emblemata illud cryſtallo inſcaltum, in quo exhibuit Darii Regis filiam oblatam Alexandro Magno, quod iubente Cardinali Hippolytho fecerat; raptum quoque Sabinarum in cryſtallo effinxit, deditque eidem Purpurato, a quo honorificentiffime multis muneribus, ac praeterea torque inſigni, e quo ſtupendum Cameum pendebat, dum in Gallias proficiſceretur, ſpectantibus multis nobiliſſimis viris, qui eum ſalutatum venerant, aeternum amoris & patrocinii ſui pignus accepit . Huiusmodi, ut aiunt, Cameo potitus eſt Cardinalis Farnexius, mortuo Hippolytho; pro quo immenſi operis e cryſtallo Crucem, Crucifixi imaginem multis ſimulacris & emblematis, quae



quae a VASARIO describuntur (1), itemque candelabris ornatissimam perfecit. Arculam argenteam quum idem Cardinalis Farnesius Marino Aurifici Florentino locasset, praecepit ut spatia operibus crystallo incisus, itemque emblematis e Mythica Historia selectis quoquoersum tota locupletarentur a IOANNE, qui eam pretiosis quoque lapillis, signisque argenteis adeo insignem mira celeritate, atque ingenii acerrimi praestantia fecit, ut artis miraculum censeretur. Ornamenta omnia & historias huius arculae ab eximio Perino del Vaga, aliisque egregiis Pictoribus delineatas, fusius describit VASARIUS, quem adeat eruditus Lector. In duobus crystalis exitum captae Goetae, & bellum Tunetanum expresse. In quatuor e crystallo laminis sacras nati ac patientis Salvatoris historias mira arte & peritia exhibuit. Quum divinus Bonarrotius Mediceo Cardinali Hippolytho dedisset a se delineatum schema, in quo admirando opere pinxit Titium, seu potius Prometheum catenis scopulo adfixum, cuius cor comedit vultur; hoc ipsum emblemata multo opificio crystallo incidit IOANNES. Huius sculpturae, quae latitudine uncias tres ovali figura excedit, eotypum e rubro sulphure apud me exstat, in quo primis tantum litteris nomen suum ita inscripsit: IO. C. B. *Ioannes Castri Bononiensis*. In Museo ditissimo ac celeberrimo Stofschiano vidi Bonarrotianum schema ab eo delineatum, sive huius excellentis operis prototypum; sed ab hoc tantopere superatur IOANNIS opus, ut si invicem haec opera accurate observata conferantur, longe eminere Bonarrotii ingenium multo, sed vero stupore quisque fatebitur.

Prae-

---

(1) Loco superius citato.

Praestantissimum hoc Bonarrotianum prototypum Cl. Stoschius Florentiae apud Nobilem Virum invenit, & ab eo dono accepit. Iussit etiam idem Cardinalis veterum elegantiarum, & miraculorum artis peritissimus aestimator, ut IOANNES, ex alio Bonarrotiano schemate delineato, crystallo inscalperet Phaetontis fatum, a Sororibus in arbores conversis defletum; in quo exhibendo omnes ingenii vires IOANNES ostendit; cuius item sulphureum ectypum ex Andreiniis Cimeliis in mea migravit. Hoc ipsum opus delineavit Bonarrotius, curavitque, ut in aerea tabula peritissime incideretur; in quo schemate ad pompam arbores adiectae sunt. Quantum IOANNES a Castro Bononiensi in effingendis Principum vultibus longe simillimis excelluerit, duo exempla ex illustri Smithiana Daëtyliotheca contemplanda proponimus in Tabulis XCVIII. & C. In altera exhibetur imago Margaritae Austriacae, filiae Caroli V. Caesaris Augusti, quae, mortuo Alexandro Medice Florentinorum Duce, cui nupserat, tunc uxor erat Ducis Octavii Farnesii, quam faberrime Chalcedonio inscalpsit IOANNES, ne palmam cederet Valerio Vicentino, cui idem opus demandatum fuerat. Quantum operis vestes, & capillorum elegans ornatus contineant, omnes vident. In altera habes virum fama nominis ac rerum gestarum laude praeclarissimum Ioannem Balleonium, quem pariter Chalcedonio inscalpsit, imagine decoris & dignitatis plena. Tot editis operibus, & congestis divitiis clarus IOANNES anno sexagesimo aetatis suae Faentiae obiit anno CIO. IO. LV.



FRANCISCUS FRANCIA Bononienfis,  
Saec. XV. & XVI.

Mirabile fuit FRANCIAE Bononienfis ingenium, & ad ardua ac pulchra quaeque opera capeffenda valde pronum, atque paratiffimum; quod in eius Vita aperte ostendit VASARIUS; quem cum Caradoffo de gloria & praeflantia in abfolvendis imaginibus in numismatis contendere potuiffe adfirmat. Floruit labente faeculo XV. eximius Aurifex, Sculptor argentarius, Caelator, encausticae artis peritus, numismatum fictor & cufor laudatiffimus, Pictor magni nominis, qui fua tempeftate a folo Raphaele Sanctio Urbinate superatus, ut id fuis oculis doctus iudex confpexit, animi maxima perculfus aegritudine anno CIO. IO. XVIII. in patria fua mortuus eft. Quod & Gemmis fcalpendis operam dederit, colligimus ex Cl. VICTORIO, qui de eo ita fcribit: (1) *Francifcus Francia picturae laude celebratur, gemmarumque & numismatum fculptura.*

PROPERTIA Io. Martini DE ROSSIIS Mutinenfis F.  
& THOMAS VAGHIUS, Saec. XVI.

Quamvis mira prorfus habeatur humani ingenii praeflantia, nilque arduum & difficile fit, quod homo arte & meditatione fua non poffit perficere; haec tamen laus, etfi rara, minime etiam feminis deneganda eft, quae, fi optimis artibus dent operam, cum hominibus de praeflantia & gloria certare poffunt. Huius rei exemplum effe poteft PROPERTIA Ioannis Martini DE ROSSIIS Mutinenfis Filia, quae fexum vicit atque aetatem, & multarum artium opificio mirifice fua aetate excelluit.

---

(1) Differt. Glyptogr. Cap. XXV. pag. 80.

luit. Sciebam Mutinenses complures numerari egregios  
 Pictores, Sculptores & Architectos; sed quum inter eos  
 Scalptores quoque Opifices multa nominis laude florui-  
 se suspicarer, & memoratos non invenirem; de hac re  
 scripsi ad Clariss. Virum Dominicum Vandellium ami-  
 cum meum in litterario orbe ob edita praeclari inge-  
 nii monumenta celebrem, qui mihi consulenti episto-  
 la sua scripta V. Kal. Maias huius anni MDCCLIII.  
 ita respondit: quam responsionem eius ipsissimis ver-  
 bis, honoris causa, proferre libet: “ Molti eccellenti  
 „ Pittori, Scultori, ed Architetti ha prodotto questo  
 „ nostro Paese; ma quasi niuno, ch’io sappia, è riu-  
 „ scito nell’arte d’incidere Cammei e Gemme. Vi è  
 „ ben stata una tale PROPERZIA f. di Gio. Martino de’  
 „ Roffi Modanese, Scultrice famosa; quantunque il Viz-  
 „ zani nel Lib. XI. delle sue Storie, ove sotto l’anno  
 „ 1533. riferisce la sua morte, la chiami Gentildonna  
 „ Bolognese, la quale per le sue maravigliose opere  
 „ in duro marmo, da lei con dotta mano intagliate,  
 „ meritò di esser celebrata fra i più degni Scultori del-  
 „ la sua età. Anche il Vasari a c. 176. la fa Bologne-  
 „ se. L’Alidosio però nel Libro intitolato *Istruzione*  
 „ *delle cose notabili di Bologna*, descrivendo a c. 147. la  
 „ gran facciata della Chiesa di S. Petronio, fra le al-  
 „ tre cose maravigliose, dice esservi le Porte historia-  
 „ te per mano di eccellenti Maestri, & alcune di PRO-  
 „ PERZIA figliuola di Giovanni Martino Roffi da Mo-  
 „ dena. Questa PROPERZIA nacque veramente da Padre  
 „ Modanese; ma per la sua lunga dimora e virtù si  
 „ acquistò la Cittadinanza Bolognese. Lo stesso Vasari  
 „ per esprimere il suo valore e destrezza d’ingegno  
 „ in molte arti e scienze, dice, *che si messe ad intaglia-*



*re nocciuoli di pesche, o siano persichi, i quali sì bene, e con tanta pazienza lavorò, che fu cosa singolare il vederli, non solamente per la nobiltà del lavoro, ma per la sveltezza delle figure, che in quelli faceva, e per la delicatissima maniera certamente era un miracolo vedere sopra un nocciolo così piccolo tutta la Passione di Cristo fatta con bellissimo intaglio, con un' infinità di persone, oltre li Crocifissori, e gli Apostoli.*

„ Seguita il Vasari a descrivere, com' ella fece poi una parte dell' ornamento delle tre Porte di S. Petronio tutta a figure di marmo. Si diede anche ad intagliare stampe in rame con gran lode, e fece molt' altre cose; e finì di vivere in Bologna nel 1533. e fu seppellita nell' Ospitale della Morte. “

Sed quoniam extra choream aliquantulum vagari mihi, aequus Lector, non negabit, reliqua etiam quae subiecit idem doctus Vandellius adferam, quae cultores veterum elegantiarum non parum oblectare possunt. “NICCOLETTO, detto da Modena, fu insigne e valente Incisore in Rame. Le sue Carte vanno legate con quelle di Alberto Duro, di Luca di Olanda, del Tintoretto, e di altri uomini di mirabile ingegno, che fiorirono dal 1500. al 1530.

„ NICCOLO' CAVALARINO fu effigiatore famoso di bassirilievi. Molte delle sue opere si conservano tuttavia ne' Gabinetti, e Gallerie di gran Signori come cose preziose, ed in particolare di questa Serenissima Casa d' Este. In una medaglia d' argento effigiò Carlo V. Imperadore, e coll' occasione del suo passaggio per Modena, quando andò a farsi incoronare nel Novembre 1529. a Bologna, gliela presentò in dono, e gli fu gratissima. Ed oltre l' onore e lode ne riportò un gran premio. “

” UGO

„ UGO DA CARPI, primo inventore delle stampe di  
 „ legno di più colori fioriva nel 1510. Di lui ne parla  
 „ il Vasari ed altri. ”

„ GIROLAMO CAVALARINO, Discepolo di Domenico  
 „ Carnevali Pittore, fu eccellente in ogni arte, che  
 „ richiegga disegno; cioè s'esercitò in legno, in mar-  
 „ mo, nel dipignere, nel bolinare, ed intagliare in  
 „ ferro, principalmente nelle armi da offesa, in cui  
 „ ebbe pochi pari per la finezza. ”

„ PAOLO SELVATICO fu eccellente Fonditore, e Zec-  
 „ chiere. Servì sotto Alfonso II. Duca di Ferrara e  
 „ Modena, Cesare Duca di Modena, e Ranuccio Duca  
 „ di Parma, ove finì di vivere in età di 59. anni.  
 „ Il suo cadavero fu trasportato a Modena, ed ebbe  
 „ sepoltura nella Chiesa del Carmine li 28. Novem-  
 „ bre 1606. Il suo valore si può dedurre dal conio  
 „ delle monete di oro, e di argento, e metallo, del-  
 „ le quali ancora parecchie se ne conservano.

„ Trovo memoria, che ancora vi è stato un TOM-  
 „ MASO VAGHI Intagliatore in gioie; un GIACOMO  
 „ CHIAVENNA Orefice eccellente, il quale dopo essere  
 „ stato lungo tempo in Roma, tornò alla Patria, e  
 „ a lui subito dalla Corte fu commessa l'opera d'una  
 „ Cassetta tutta effigiata di bassirilievi e stimata de-  
 „ gna di esser mandata in dono al Duca di Savoia.  
 „ Morì di pestilenza, che attaccò questa Città nel 1630.

„ LUIGI NICHINI (o ANICHINI) Ferrarese, famosis-  
 „ simo Scultore di pietre preziose, volgarmente Cam-  
 „ mei. Fiorì nel XVI. Secolo. Lavorò in Roma, in  
 „ Venezia, ed in altre Città. Di lui ne parla il Va-  
 „ sari nelle Vite de' Pittori Parte Vol. I.

„ ALFONSO I. Estense Duca di Ferrara e Modena ec.

N n n

„ Di



„ Di virtù militare, e regie doti adorno, quando si  
 „ trovava libero dalle cure del suo governo, impie-  
 „ gava il suo tempo nel fondere artiglierie, e si eser-  
 „ citava ne' lavori fabbrili, e di scultura, che ottima-  
 „ mente sapeva. Lavorò armi di diversi generi, e scolpì  
 „ alcune cose in marmo, e tutte ad eccellenza. Sino  
 „ sul principio del secolo presente si vedeva in Fer-  
 „ rara in uno Appartamento della Palazzina di Mar-  
 „ fisa d'Este collocata nella Giudecca, e di contro al-  
 „ la Chiesa di S. Silvestro, un Camino di finissimo  
 „ marmo bianco lavorato tutto di mano del detto Al-  
 „ fonso, nel quale erano migliaia di fiori, e frondi,  
 „ scolpite con nobiltà, e squisitezza di lavoro. Fu poi  
 „ levato da Ferrara, e trasportato in Toscana d'or-  
 „ dine de' Duchi di Massa e Carrara. Delle Artiglie-  
 „ rie, e particolarmente di uno sontuoso pezzo detto  
 „ *il gran Diavolo*, ne cantò l'Ariosto nel Furioso:

*Il gran Diavol, non quello dell' Inferno,  
 Ma quel del mio Signor, che va col fuoco  
 Ch' a Terra, Ciel e Mar si fa dar loco.*

MARCUS ACTIUS MORETUS  
 Bononiensis, Saec. XVI.

Quamvis Poetae, praesertim si spe praemii, & adu-  
 latione tangantur, in laudibus fusiores esse plerumque  
 soleant, inque his abundare; tamen si Ioannis Baptistae  
 Pii docti viri auctoritatem carminibus editam ample-  
 ctamur, fatendum est, MARCUM ACTIUM MORETUM  
 Bononiensem sui temporis egregium Gemmarum Opi-  
 ficem fuisse; nam ut Chloridem in lapillo effingeret,  
 amice ac studiose ita hortatus est Eleg. XI. Lib. IV.  
 quam

quam nobis proposuit Auctor Dissertationis Glyptographicae.

*Pirrheici fecunde nepos, cui prisca Minerva  
Corpora in exiguo fingere dat lapide,  
Parcarumque colos parvo exorare lapillo,  
Qui mortem aeterna vivere ab arte facis:  
Si te fama iuvat, merces si perpetis aevi,  
Si tua post cineres caela vivere cupis:  
Chlorida mi viridem caela; tamen aspice ne dum  
In lapidem, illa tuam sculpat imago animam:  
Quam comitant Paphia centum cum matre volucres,  
Mellitisque premens morsibus ora vapor.*

Floruit MORETTUS sedente Iulio II. Pontifice Maximo, initio saeculi decimiseptimi.

## IACOBVS TRECVS

Mediolanensis, Sec. XVI.

In scribendo gentilitio nomine huius praestantissimi Lithographi variant inter se Scriptores. VASARIUS scribit Italice *Iacopo da Trezzo*; quasi ab aliquo pago nomen acceperit; &, ni fallor, eum confundit, ubi etiam memorat *Cosimo da Terzio*, quo in loco typographi incuria mendum inrepisse videtur, quum scribendum esset *Iacopo da Trezzo*. Franciscus Victorius Ill. Equestris Ordinis S. Stephani P. & M. Commendator duos ita cognominatos recenset (1), Vasarianum Elenchum secutus, *Cosmam de Trezzo*, & *Iacobum de Trezzo*. De Cosma nihil Mariettus, de Iacobo vero complura notatu digna adfert. Nescio num Cosma Iacobi Trecii, vel Pater, vel frater, aut filius fuerit, quod aliis investigandum relin-

(1) Dissert. Glyptogr. Cap. XXV. pag. 100.



relinquo . Abrahamus Gorlaeus in sua Da&tyliotheca (1) eum ita nominat, *Iacobus Treccia* . At in epigraphe, quae in hypobasi scripta est operis eius perinsignis, ac maximi, quam dictavit Arias Montanus, de qua mox sermo, insculptum legitur: *Opus Iacobi Trecii Mediolanensis*, quae quidem adpellatio vero longe similior videtur; haud enim credibile est in regali opere erratum fuisse in vero eius nomine, & cognomine adnotando ad posterorum memoriam; quam quidem ipse sequi malui. Quia vero in his nominibus, quae plerumque geminatis litteris pronuntiantur, altera supprimi solet, ita crediderim pro TRECCIUS scriptum fuisse TRECIVS; atque adeo quia Italico sermone C per Z, & vice versa efferri solet, unde *Treccio* ea tempestate *Trezzo*, ut opinor, dici consuevit. Hinc & in numis maximi moduli ab eo faberrime elaboratis in honorem Philippi II. Hispaniarum Regis, atque etiam eius Coniugis Augustae, legitur: IACOBVS TREZZA fecit.

Sed antequam huius eximii Artificis in lapidibus pretiosis incidendis, construendisque, praestantiam spectemus, memorare lubet, eum & in numismatibus cudendis perficiendisque laudatissimum extitisse. Cl. Mariettus unicum, sed insigne exemplum adfert, laudatque numisma, in quo scriptum eius nomen cum anno CIO. IO. LXXVIII. in quo affabre expressa Imago Iohannis De Herrera Architecti Philippi II. Hispaniarum Regis, qui in magnifico Escurialis Aedificio extruendo, Iohanni Baptistae de Toledo successerat. In his numismatis, quae eum inventorem ostendebant, eum magis excelluisse, quam

---

(1) Pag. 10. primae edit. quae prodit anno MDCI.

quam in exprimendis antiquis rarioribus, adnotat idem Mariettus.

Quemadmodum evenire videmus ut orto Sole ad eius immensam lucem contemplandam omnium gentium oculi rapiantur, vel, si eam ferre non possunt, vicina editiora loca ab eius splendore conlustrata, atque illuminata summa animi voluptate conspiciunt; ita etiam ubi summi viri vel litteris vel artibus praecellentes ingenio suo omnia conlustrant, illud plerumque accidere solet, ut non homines tantum, verum etiam Principes & Reges in admirationem rapiantur, si optimarum artium sint cultores, atque aestimatores perspicacissimi. Huiusmodi decus nactus est, virtute sua duce, Iacobus Trecius Mediolanensis, qui in Gemmis scalpendis, imaginibusque spiranti ore ad viventium exemplum, atque absolutissimam similitudinem exprimendis e pretiosis lapillis, tantam nominis famam tota Europa adeptus fuerat, ut eum Hispaniam advenerit Philippus II. Catholicus Rex generosissimus. Hic Trecii mentem manumque omnium admirandorum operum capacem, ac mirifice instructam peritamque quum vidisset, statuit alterum Orbis miraculum Escurialis regium domicilium efficere, quare ei praecepit ut Altare maius in Ecclesia eius Monasterii dedicandum, magnificentia sua, & animi magnitudine dignum, parque extrueret, ornata luculenter eius aedicula columnis, basibus, capitulis, epistyliis, omni denique architecturae ornatu, e sumptuosis, ac pretiosis lapidibus, ac gemmis, mole atque opificio stupendis, & quod perpetuo laudandum esset, & quidem ex his lapidibus, quae e pretiosis Hispaniae fodinis eruuntur. Genio magnanimo tanti Regis satis Trecius fecit, immensumque opus

O o o

mira



mira celeritate ; ingenio opificioque excellentissimo perfecit , & spatio annorum septem , stupentibus Hispanorum animis , quod raro evenire solet , absolvit (1). Opus probavit Rex , iussitque ut haec epigraphe ab Aria Montano composita conspicuo Altaris loco ad perpetuam memoriam , nempe in hypobasi eius Aediculae incideretur :

JESU CHRISTO  
SACERDOTI AC VICTIMAE  
PHILIPPUS II. REX D.  
OPUS JACOBI TRECHII MEDIOLANENSIS  
TOTUM HISPANO E LAPIDE

Has laudes , quae Iacobo Trecio tribuendae sunt , Vafarius Cosmae Trecio , sive *de Trezzo* , memoria , ut opinor , lapsus tribuit , qui de hac Ara maxima , deque eius Aedicula ( quam nos Itali *Ciborium* dicimus ) nihil memorat ; sed narrat Cosmam in incidendis lapidibus , & gratiam , & honores maximos a Philippo II. Hispaniarum Rege consecutum esse : Iacobum vero ita mox laudat , ut vix egressum e patrio tecto Mediolanensi suspicari possimus . Sed in hac Artificum confusione eidem Vafario magno viro parcendum , vel in describendis hisce operibus eius adiutori menda tribuenda sunt . Cl. Mariettus in suis Cimeliis se habere gloriatur imaginem eiusdem Philippi Regis Chalcedonio , egregio exstanti opere , exalptam , quam eius auctori tribuit Iacobo Trecio , fretus quibusdam coniecturis suis . Alteram insignem gemmam , nempe Saphyrum album adfert in Tab. CXIX. Vol. II. ab eodem Trecio insculptum , in quo protome eiusdem Philippi Hispaniarum

---

(1) Vide librum ita inscriptum : *Descripcion del Escorial por Fr. los Santos* , pag. 27.

niarum Regis, & Caroli Infantis eius filii cum epigraphe in ambitu: PHI. REX. HISP.---CARO. PHIL. FIL. 1566. hisce barbaris numeris.

Laudat inter alios Auctores percelebrem Treccium Leo Allatius in Animadversionibus suis in Antiquitatum Etruscarum fragmenta edit. Romae anno MDCXLII. pag. 49. hoc elogio: *Primus Iacobus Treccia, si non fallit Antonius Guevara, Gentilitia Stemmata Philippi Hispaniarum Regis (Adamante) insculpsit.* Sed quoniam heic incidit sermo de Regum, ac procerum Gentilibus Stematibus (vulgo *Armi*) sculptis a Gemmariis Lithographis, haud ab re erit, erudita quaedam de huiusmodi apud veteres usitata caelatura, eiusque origine ex eodem Allatio adferre, quae, quia liber heic memoratus per rarus est, viris doctis Antiquitatis cultoribus haud displicere posse arbitror.

*Augustus*, inquit Allatius, apud Suetonium in *Diplomatibus libellisque*, & *epistolis signandis initio Sphinge usus est; mox imagine Magni Alexandri; novissime sua, Dioscoridis manu sculpta; qua signare consequuti quoque Principes perseverarunt: apud Ciceronem in Catilinam Lentulus sigillum habuit, in quo erat insculpta imago Avi sui: apud Plinium lib. 37. cap. 1. Plutarchum in vita Syllae, Valerium Maximum Cap. 15. lib. 8. Sylla Dictator sigillum, in quo imago Iugurthae victi. Maecenas praeterea, referente Plinio, Ranam in signo habuit: Pompeius Magnus Leonem Ensiferum insculptum in gemma, ut scribit Plutarchus: Galba, ex Dione, signatorium habuit anulum maioribus suis familiarem, cuius erat sculptura, Canis e prora se proclinans. In Seleuci annulo anchora affixa visabatur, cuius imago in femore pastoris familiae nativae adparuit. Tradit Iosephus Antiq. Iudaic. lib. 12. cap. 5. Darium Aquilae sigillo draconem unguibus tenentis usum fuisse; Macrianorum*



rum familia *Alexandri Magni* ; *Reges Persarum Cyri*, aliquando *Darii* ; *Epicuro addicti*, *Epicuri imagines in annulis habebant*. *Plinius Iunior* *Quadrigam* se in signum adhibuisse saepius memorat. Illa etiam antiquiora, *David*, ut *Gregorius Tholosanus* scribit lib. 6. de *Republica* cap. 16. *Leonem* in annulo insculptum gestavit, quem postea *Reges Iudae* secuti sunt. De *Annulo signatorio Iosephi*, vide *Gretserum de Cruce* tom. 1. lib. 4. cap. 8. *Servianorum Dardanorumque Regum* Insigne olim fuisse caput *Apri* sagittam mordicus tenentis, *Stephanus Zamosius* refert in *Analectis Lapidum Vetustorum*. Et quamplurima alia.

Sed quid haec ad rem ? *Imagines illae in annulis, vel sigillis exculptae*, non erant *Arma*, neque arma a parentibus accepta, quae postea successoribus haeredibusque traduntur, sed ex arbitrio utentis, ad varias animi sententias exprimendas, tantummodo pro eo tempore signa usurpata : idque ex iisdem *Historicis*, qui similia referunt, ne desipere velimus, colligi manifesto potest. Et *Georgius Longus* libello satis erudito de annulis signatoriis ex *Plinio*, *Macrobio*, *Meursio*, aliisque colligit, in *Annulis Antiquorum* primum nudas litterarum notas, mox in usu sculpturam fuisse in ipsa materia non in gemmis ; sed luxu succrescente obsoletis litteris, gemmas sculpturas passas esse : primumque *Superiorem Scipionem Africanum* in *Sardonyche auro* inclusa, quod sola gemmarum ceram non auferret, stylum exacuisse tradit ; licet hac nostra aetate, & *Achates*, & *Onyx*, & *Sarda*, & *Adamas*, in quo primus *Iacobus Treccia*.

CLEMENS BIRAGUS Mediolanensis, Saec. XVI.

Eodem tempore, quo *Iacobus Trecius* Mediolanensis, de quo diximus, apud *Philippum II. Hispaniarum Regem* pretiosis lapillis scalpendis, atque ad aedificiorum ornatum construendis compaginandisque egregiam

nava-

navabat operam, florebat etiam multa virtutis ac praestantiae suae laude apud eundem Catholicum Regem CLEMENS BIRAGUS Mediolanensis; cui difficilem ac maxime arduam adamantis caelandi artem (1) tanquam inventori famigeratissimo tribuit, multorum Scriptorum fretus testimonio, spectatissimus MARIETTUS. Sed ABRAHAM GORLAEUS hanc gloriam tribuit Iacobo Treccio his verbis, quae minime praetereunda censui: (2) *Nec ullum fuit lapidis pretiosi genus, modo aut scalpro, aut caelo corrumpi posset, quod antiquis illis luxuriae magistris intactum sit relictum. Solum adamantum ob indomitam, ut crederetur, duritiam parvum; sed hunc quomodo vitaret aetas etiam nostra reperit, primusque huius inventi author celebratur Mediolanensis quidam Iacobus Treccia, qui Philippi Hispaniarum Regis gentilitia insignia adamantum summa arte insculpsit.* GORLAEI opinionem secutus est Cl. Philippus Baro de Stosch (3). Sed pro CLEMENTE BIRAGO huius mirabilis opificii inventore militant ac pugnant CLUSIUS Phisicus & Botanicus praestantissimus (4), qui cum Matriti se cognovisse adfirmat, dum erudite peregrinaretur anno CIO. IO. LXIV. & PAULUS LOMATIUS eidem coaevus (5), qui de hoc eius invento scripserunt, & fortasse nullum dubitandi locum relinquunt, etsi de opificii elegantia non constet. Verum expendenda accuratius tempora, & Scriptorum adlata testimonia, nempe quo praesertim anno haec contigerint. Adamantum insculpsit CLEMENS BIRAGUS imaginem Caroli Hi-

P p p

spa-

- 
- (1) De arte scalpendi adamantes, qui adamante domantur ac vincuntur, vide egregiam Dissert. Glyptogr. Cap. XXVIII.  
 (2) In Proloquio ad Dactyliothecam suam mihi pag. 10. edit. CIO. IO. CI.  
 (3) Vide in Praefat. ad Gemmas ant. cael. Scalptor. nom. insign. pag. 16.  
 (4) Adfertur Clusii epistola in Historia Domini de Thou T. XV. pag. 321.  
 (5) In Libro cui titulus: *Idea del Tempio della Pittura*, pag. 152.



spaniarum Regii Infantis, quam hic Princeps veluti pignus amoris sui mittendam decreverat Annae Archiducissae filiae Imperat. Caesaris Maximiliani II. nuptiali connubio sibi iungendae; cuius iussu idem Artifex adamanti insculpsit regia Hispanorum Regum stemmata gentilitia, quibus idem Regius Infans pro sphragismate ad obsignandum uteretur. Quanquam tam mirabilis inventi gloriam non denegem CLEMENTI BIRAGO, tamen erit fortasse aliquis, qui existimet alterum alteri in his operibus vel consilio, vel manu opem tulisse; quum utrumque patriae & gloriae amor arctissimo necessitudinis vinculo coniungeret, atque in eadem Aula summo in honore simul versarentur, & augustum Genium Principum, quibus serviebant, sibi demereri certarent. Pugnandum nunc a me esset pro Florentinorum Opificum Gemmariorum gloria, qui & ipsi de primatu certant, sibi hanc palmam vindicant. Nam indubitatum est, adamantem pro nuptiali anulo, quem in Florentinis officinis insculpi iussit Franciscus I. traditum ab eo esse anno **CIO. IO. LXV.** Reginae Ioannae Sponsae suae; quia vero multis Insignibus simul iunctis insculptum est, tantum opus non videtur tam brevi temporis spatio absolvi potuisse; adeoque saltem anno **CIO. IO. LXI.** vel **LXII.** incoeptum fuisse; quare vel aequo Marte pro utrisque stabit victoria, vel palma parvo aliquot mensium spatio concludetur, utrisque tribuenda. Haec certamina aliis felicioribus auspiciis & monumentis proferendis dirimenda relinquimus.

FRANCISCUS TORTORINUS, & IULIANUS  
TAVERNIUS Mediolanenses, Saec. XVI.

Ex dictis adparet, quam ferax fuerit summorum in-  
ge-

geniorum , praestantiumque Artificum clara Metropolis Mediolanum . His addendi egregii Gemmarum Scalptores , Sculptoresque multorum vasculorum e montana crystallo , qui ea ferme tempestate claruerunt , FRANCISCUS TORTORINUS , & IULIANUS TAVERNIUS , qui editis operibus aeternitatem nominis sunt consequuti . ( 1 )

**HANNIBAL FONTANA** Mediolanensis , Saec. XVI.

Praestantissimarum Artium , praesertim Pi&cturae & Sculpturae , fontem praecipuum , quin etiam parentem esse Graphices scientiam , iam apud omnes in comper- to est , & pluribus invictissimis argumentis ac rationi- bus adstruit , ostenditque evidenter celeberrimus Geor- gius Eques Vasarius in Praefatione laudatissima sui O- peris . In Sculptoria arte ut ceteris emeretur **HANNI- BAL FONTANA** Mediolanensis diu multumque adlabora- vit , qui aevo suo inter praecellentissimos Statuarios ha- bitus est ; de primatu vero & gloria in sculpendis mar- moreis anaglyphis , ac simulacris cum Stoldo Lauren- tio Florentino certavit , simulque pulcherrimis operibus ornarunt Ecclesiam recenter exstructam S. Mariae S. Celsi apud Mediolanenses laudatissimam , apud quos obiit anno **CIO. IO. LXXXVII.** aetatis suae quadrage- simo septimo , in qua Ecclesia tumultus est . Excelluit etiam in signis ex aere fundendis ; sed studia , quibus primum litavit , fuere Achates , Sardae , Smaragdi , Sa- phyri , alique pretiosi lapilli , in quibus incidendis quan- tum in Graphice studii , quantumque laboris & lucu- brationum infumisset , perspicue ostendit . In crystalli- nis tabulis incidendis peritissimum fuisse ostendit vir egregius **RAPHAEL BORGHINIUS** Florentinus in suo de Pi-  
ctura

---

( 1 ) De his consulendus Petrus Mariettus in laudato suo Opere .



Aura & Sculptura limatissimo Tractatu, cui titulum fecit *il Riposo*, e quo hoc ipsum elogium proferimus (1). Memorantur inter eius eximia opera Vascula duo e crystallo montana, quorum altero incidit quatuor anni tempestates, figuris dimidiam palmi partem aequantibus, interpositis duobus Gorgonum capitibus; in altero vero ovalis formae, Iasonis historiam aureum velus acquirentis expressit. Inter alia laudatissima opera ab eo crySTALLINIS tabulis quadratis incisa, iure ac merito celebrantur duae arculae: in priore sex erant thematibus ex Historiis veteris Testamenti defumtis tabulae. I. Adam & Eva esu vetiti pomi peccantes, & circa eos multa animalia. II. Noe cum arca. III. Moyses a Deo legem accipiens cum populo Israelitico. IV. Abraham filium immolans. V. David Goliath necans. VI. Transmigratio Hebraeorum e Babylonica servitute. At in maximo crySTALLINO eiusdem arculae bipalmari operculo ovalis figurae, mundi creationem faberrime insculpsit, figuris dimidiam palmi magnitudinem aequantibus. Hanc arculam sex aureorum millibus sibi comparavit Guillelmus Elector, Vindelicorum Princeps, huiusmodi elegantiarum aestimator & cultor cupidissimus. Alteram arculam ornavit duodecim Herculis laboribus, crySTALLINIS tabulis in ea insertis; quae insignia opera, quam ipse excelleret ingenio in inventione, quanta scientia in dispositione, quanta in caelaturis peritia, & miro magisterio polleret, perspicue ostendunt, atque abunde testantur. Ex his intelligi potest, quot alia praeclara opera edidisset, si tam celeri morte, quae magnos homines frequenter rapere solet, interceptus non fuisset.

## CAPUT

---

(1) Vide Lib. IV. pag. 461. edit. Florent. ann. 1730. veter. edit. num. 563.

## CAPUT XV.

*De Veneta Glyptographica Schola, qui in ea florere  
Gemmarii Veneti Scalptores recensentur.*

**V**ENetae Scholae Glyptographicae nomine omnes Urbes praeclarissimas, quae Venetorum Reipublicae sapientissimo iustissimoque parent imperio, a me comprehenduntur, quae summos quovis tempore Artifices pepererunt. Si non alii recenferi possent, nisi *Nicolaus Avantius*, & *Iacobus* eius Frater Veronenses, *Valerius Bellius* Vicentinus, & *Nassarii* Veronenses, & *Alexander Caesarius*, ut multi credunt, Patavinus; hi soli immortales Opifices, qui celeberrimis operibus non solum Regum & Principum manus, verum etiam Daëtyliothecas, & Musea inlustrarunt, satis superque sufficerent, ut Venetum Caelum toto terrarum orbe amplissimis laudibus celebraretur. Verum & alii non pauci in hac mea Historia Glyptographica celebrantur, qui caelandi artes ad exquisitiorem absolutioremque praestantiam evexere, uti videbimus; quibus & illustres Brixienfes, percelebres Opifices, addendi sunt, quos hi qui ante me scripserunt, silentio praeterierunt, vel ignorarunt; nec alii profecto Gemmarii Scalptores deerunt, si ad hanc Historiam paucis abhinc annis auctam, magis magisque ornandam atque locupletandam eruditi homines, de litteris atque egregiis artibus optime meriti, sedulam operam navare voluerint. Minime dubito, adhuc multos praeclaros Scalptores superesse nobis ignotos, qui ad vitam scriptis revocandi sunt, quod votis flagrantissimis opto, ac percupio.

Illud etiam ad laudem Veneti nominis adnotandum

Qq q

est,



est, adhuc in ipsa florentissima Metropoli, bonarum artium domicilio, vivere inlustres Scalptores, adeoque per tria fere saecula Glyptographicas Artes perennare; quodtribuendum est amplissimis ac nobilissimis Viris, qui Maiorum more & exemplis sapientiam, virtutem, merita maximis semper praemiis aluerunt, excitarunt, atque etiam mirifice exornarunt.

VALERIUS BELLIIUS Vicetinus, Saec. XVI.

Quemadmodum ferro ferrum acuitur, ita & doctorum hominum, ac praestantium Artificum ingenia, si aemulationis ignibus succensi exardescant, ardua adgrediuntur, studio, cura, labore mira operantur. Habent enim litterae & artes sua certamina; nec defunt de gloria certantibus laudum praemia, palmae, coronae, honores, qui eos toto orbe celeberrimos & immortales constituent. Quum in gemmis, praesertim vero in crystallis scalpendis, inter se certarent duo Artifices, scalptorum omnium quotquot fuere ac sunt famosissimi, VALERIUS Vicetinus & Ioannes a Castro Bononienfi, ad summum gloriae & praestantiae fastigium Glyptographicam artem, praeunte fulgentissima cum face aemula virtute, perduxerunt. Obstupefcunt cultores harum elegantiarum dum conspiciunt aliquod opus VALERII BELLII tanta cum elegantia exquisitoque iudicio absolutum; multoque magis obstupecerent, si innumera opera omnia, quae incredibili patientia, elegantia, facilitate, diligentia, ad exemplum veterum monumentorum perfecit, ante oculos suos proposita contemplarentur. VASARIUS eum multis laudibus ornat (1), illud-

---

(1) Scribit eius Vitam, quam vide in Parte Tertia Vol. I. pag. 285. & seqq. qua occasione primus omnium de Gemmariis Scalptoribus disseruit.

Iudque unum in eo desideratum fuisse adfirmat, ut quemadmodum natura eum in caelaturis vel minimis, vel maximis incomparabilem effinxerat, ita etiam in Graphice praestantissimum effecisset, quo praesidio longe antiquos Scalptores superasset; quandoquidem eos proxime omnium peritissimus vel aemulatus est, vel aequavit. Inter splendidiora eius opera, primum memoranda est Gemma illa eximia, nempe Achates Orientalis exstanti opificio insculptus, in quo Faustinae Augustae expressit, quam protuli ex Daëtyliotheca Zanettiana Tab. XXIII. quae quam sagax eius ingenium, quam mira ars scalpendi facilitate felix in eo fuerit, perspicue ostendit. Si vero ad eius opera crystallis incisa animum vertamus, profecto insignis est arcula illa crystallo incisis pluribus sacris historiis, quae exhibent veneranda Iesu Christi Vitae & vivificae Passionis Mysteria, quae quum apud me ex archetypis gypso & aere excepta exstent, perlubet ea breviter declarare, quum a VASARIO generice, non vero peculiari descriptione laudentur; quibus exprimendis VALERIUS aliorum egregiorum Pictorum delineationibus usus videtur, quum absolutissimo artis magisterio, summa diligentia, & incomparabili elegancia crystallina haec emblemata omnia, inversa caelatura, ut exstantes adpareant figurae, elaborata sint. Maiores quadratae sex tabulae exhibent, primum Christi Nativitatem, quem quinque Pastores cum donis adcedentes adorant; mox Christi adparitionem Gentibus, quem Magi venerantur. In epistilio aedis, nomen eius ita inscriptum: VALERIUS VICETINUS. Salvatoris sequitur praesentatio in templo, cuius forma rotunda est, & idem Artificis nomen in eo scriptum. Mox Christi baptismus: Adultera ad Christum adducta, qui digito in

ter-



terra scribit. In proxima templi fronte scriptum eiusdem Artificis nomen. In altera Christus ementes & vendentes de templo flagellis armatus eiiciens: in templo BELLII nomen scriptum. In minoribus sex crystallinis tabulis, quae ornant quatuor facies arculae circa operculum, haec mysteria sculpta spectantur. Dominica Coena, & lotio pedum; Christus in horto ad Patrem orans; Iudae proditoris facinus; Dominus noster ad columnam ligatus & flagellatus; deinde ad Pilatum ductus & traditus ad crucifigendum; idem crucifixus; at in maiore crystallo, qua operculum in medio ornatur, figura sex angulis dispertita, Redemptore de cruce deposito, ad sepulcrum proximum delatio cadaveris exhibetur, addita in exergo stupendi operis hac epigraphe: VALERIUS DE BELLII VICETINUS FECIT. Hanc historiam, quae altitudine & latitudine aequat uncias quinque, claudant & coronant quatuor Evangelistae, sedentes, sculpti cum quatuor hieroglyphicis animalibus. Arcula haec, quam Clemens VII. dono dedit Francisco I. quum eius Neptis Aurelianensium Duci nupsit, pro qua VALERIO BELLIO aureorum scutatorum millia duo dedit, in Mediceo Imperiali Thesau- ro adservatur una cum pluribus crystallinis Vasculis ab eo exquisito opificio caelatis. In altero emblemate orbicularis figurae, latitudine aequantis uncias tres, sculptae Mulieres adeuntes Sepulcrum Domini, quas Angelus adloquitur, & post nomen VALERII expressus annus MDXXXII.

Exstat etiam apud me insculpti toreumatis e crystallo montana ectypum e gypso, latitudinis unciarum sex, trium vero cum dimidia altitudinis, in quo Christus Lazarum quatrIduanum e sepulcro ad vitam revocat.

cat. Duodecim figurae mira omnes dispositione caelatae sunt. In sinistro sepulcri latere haec epigraphe: VALERIUS DE BELLIS VI. F. In altero crySTALLINO toreumate, cuius eclypum seruo, Delphicum Oraculum consulunt octo viri, sedente Scriba ad verba excipienda parato; ad aram adstat Pythia Sacerdos cum viris. In basi simulacri scriptum: VALE. VI. FE.

Alterum VALERII eximium toreuma crySTALLO insculptum vidi penes Franciscum Ricoverium Florentinum, qui hisce deliciis mirifice delectabatur, in quo quinque Venatores equis insidentes pugnant, & leonem ac tigrim insectantibus canibus interimere hastis & contis nituntur. In exergo VALERIUS Vicetinus nomen suum inscripsit. Nihil dicam de crySTALLINA Cruce, quam divino opere, ut ait VASARIUS, insculpsit iubente CLEMENTE VII. deque altera Cruce cum duobus candelabris operosissimis, quam sibi fieri iussit PAULUS III. Pont. Max. quae a VASARIO describuntur, & a CL. VICTORIO multis observationibus expenduntur (1); innumeraque tacebo alia opera, praesertim insigniora Graecorum & Romanorum numismata, quae suo incredibili studio & miro opificio multiplicavit; neque ab hisce laboribus abstinuit etiam in longiore senecta; nam annos natus septuaginta supra octo obiit anno CIO. IO. XLVI. relicta filia, quae & ipsa in Glyptographica arte multa elegantissime insculpsit.

NICOLAUS & IACOBUS AVANTII Veronenfes,  
Saec. XVI.

Veronam Athenarum aemulam, atque etiam ei parem, minime absurdum, si quis dicat, existimo, quum

R r r

in-

---

(1) Dissert. Glyptograp. Cap. XXV. pag. 78. & 88.



instaurationis in Italia optimis litteris & artibus, viros in his omni laude praestantissimos se habuisse, eosque aliorum beneficio, & patriae gloriae natos se protulisse, atque etiam nunc proferre gloriari iure ac merito possit. Inter primos egregios Gemmarum Scalptores Veronenses a VASARIO recensetur NICOLAUS AVANTIUS, qui in ea inlustri urbe Scholam aperuit; mox Romam profectus, in qua priscorum Opificum opera regium theatrum ac sedem sibi constituisse fatendum est, in ea dum privatim Gemmas anaglyphico opere, & Sardas, & alios pretiosos lapillos insculperet, tantam adeptus est nominis gloriam, ut eius caelaturae ad varios Principes deferrentur, qui hisce deliciis magnopere delectabantur. Nemo est qui nesciat, quam difficile sit figuras insculpere in lapide Cyaneo, quem vulgus *lapislazzulo* adpellat: in eo tamen AVANTIUS sculpsit Salvatoris Domini nostri Nativitatem, compluribus figuris praenobile opus & singulare, quod emit Ducissa Urbini. Illud etiam quod eius auget gloriam, memorandum est, ex eius Schola & Galeatii Mondellae prodiisse Matthaeum Nassarium, de quo paullo post dicam, qui elegantioris opificii dignitatem valde perfecit & amplificavit. NICOLAI AVANTII eximium opus, inter rariora censendum, adfertur in Daetyliotheca Zanettiana a me observationibus inlustrata Tab. 11. in qua spectanda exhibetur imago Alexandri Magni Macedonum Regis, Achillis specie, pulcherrimis armis induti, ad quem Heroam ipse maternum genus, Velleio teste, (1) referebat; qua singulari Gemma anaglyptice exscalpta nil elegantius & nobilius cerni potest. Memorat VASARIUS  
Pi-

---

(1) Hist. Lib. I. num. VI.

Pictorem (1) sua aetate celebrem IACOBUM AVANTIUM, qui, ubi differit de Pictoribus Venetis & Lombardis, eum nunc patria Bononiensem, nunc Mediolanensem scribit; in Indice vero rerum notabilium, Veronensem adpellat. Eum quoque egregium Gemmarum Scalptorem fuisse narrat, & coniungit cum Caspare & Hieronymo Miseroniis. De hoc Scalptore, qui vel pater vel frater fuit NICOLAI AVANTII Veronensis, nihil scripsere Auctor Dissert. Glyptogr. & MARIETTUS. Si tempora, ad quae respicit VASARIUS, animadvertamus, eum potius NICOLAI AVANTII patrem & praeceptorem fuisse crediderim.

#### GALEATIUS MONDELLA Veronensis, Saec. XVI.

De Artium splendore & gloria optime meriti censendi sunt non solum hi, qui in iisdem supra ceteros praecellunt, verum & illi qui in tradendis docendisque magisteriis ac modis praestantes discipulos & alumnos educarunt. Utraque laude fulget GALEATIUS MONDELLA Veronensis, qui, utpote in Graphice peritissimus, pretiosos insculpsit complures lapillos, & inter discipulos suos habuit Matthaeum Nassarium, qui eum & Nicolaum Avantium longe superavit. Hi egregii Scalptores Gemmarum, quum in dies se proficere in Glyptographice viderent, minime ausi sunt in Gemmis nomen suum inscribere; quod nostra tempestate tam frequenter factum cernimus, ut qui minus idonei sunt, & in caelaturae opificiis parum versati, temere id facere, & saepe quidem numero, non erubescant. Sunt etiam Scalptores non pauci adeo lucri cupidi, ut vel  
fuis

---

(1) Nelle Vite dei Pittori &c. in Par. 11. Vol. I. pag. 518. & 523. ubi scribit: *E nell' intaglio Iacopo d'Avanzo Milanese, & Gaspero, e Girolamo Miseroni: leggesi Miseroni.*



fuis operibus, vel antiquioribus nomen Graecorum Caclatorum incidant; in quo scribendo plerumque valde errant, & monstra confingunt, ut alibi ostendimus. Plurimorum Opificum, qui in scalpendis lapillis excelluere Saeculo XVI. & XVII. in meis Cimeliis exstant e&typa e sulphure elegantissima, olim in Andreiniis, in quibus si eorum nomen indicaretur, eorum operum descriptionem heic adtexerem; resque esset pulcherrima scire non tantum eorum nomina, verum etiam quae ex eorum manibus prodierint opera elegantissima. VASARIi curis & laboribus vivunt tot eximii Scalptores Gemmarii, quos ipse laudavit; complures vero nondum nobis noti sunt, quod de his Scriptores, qui ea aetate vivebant, filuere.

Illustris. SCIPIO Marchio MAFFEIUS (1) Hieronymum Veronensem nominat inter laudatissimos Gemmarios Lithographos, fratrem praeaudati GALEATII MONDELLAE, quem nec Auctor Dissertationis Glyptographicae, nec Petrus Mariettus recensent.

**MATTHAEUS NASSARIUS** Veronensis, Saec. XVI.

Valerio Vicetino, & Ioanni Bernardio a Castro Bononiensi coevus fuit **MATTHAEUS NASSARIUS**, vulgo *del Nassaro*, Veronensis, qui cum ipsis recensendus est inter primos, qui artis Glyptographicae fores aperuit, & in scalpendis lapillis pretiosis, crystallisque veneres omnes, & qualis quantaque adhibenda esset solertia, studium, diligentia, suorum opificiorum venustate & prae-

---

(1) In Par. III. Cap. VI. *Verona illustrata*, pag. 193. ita scribit: *Non pertanto nelle raccolte di Ritratti d'uomini illustri veggiamo tra quei del buon secolo, insieme co' primi Pittori, e con alquanti eccellenti e dotti Musici, Matteo del Nassaro, Gerolamo, e Galeazzo Mondella, Giacopo Caralio, Niccolò Avanzi, perchè furono eccellenti Intagliatori di Gemme.*

praestantia, summa cum laude ostendit (1). Fuit enim, ut adnotat VASARIUS (2), in Graphice praestantissimarum artium duce & parente excellentissimus, tamque mirabili ingenio praeditus, ut fidibus canere, & Galliarum Regem Franciscum I. oblectare, eique placere quammaxime potuerit. Praestantes Magistros Nicolaum Avantium, & Galeatium Mondellam superavit. Inter egregia ab eo insculpta opera memoratur a VASARIO Iaspis viridis, sanguineis inspersus guttis, in quo humani generis Reparatorem e cruce depositum tanta solertia & artis magisterio insculpsit, ut sanguis e vulneribus Christi manans vividus cerneretur; quo opere rarissimo, laudatissimoque, soluto ei pretio, potita est Isabella Estensis Princeps. Multis Gemmis admirando opificio excisis, adiit Galliarum memoratum Regem Magnanimum Franciscum I. qui eius virtutem non solum laudibus, sed & praemiis honorificentissimis honestavit. BENVENUTUS CELLINIUS Florentinus, qui solus, si gemmis sculpendis operam dedisset, cum eo de gloria primoque honore certare poterat, eum laudat, & in eadem professione sua praestantissimum, dum ipse apud eundem Regem versaretur, adpellat (3). Ea tempestate consuetudo illa invaluerat, ut Principes Viri, Optimates, & Proceres nobilissimi non solum baltheos, & cingulos, & torques, verum & capitis operimenta pretiosissimis insculptis lapidibus, ac gemmis exstanti opificio faberrime caelatis, condecorarent. Haec igitur ornamenta plurima Parisiis perfecit MATTHAEUS, quae

Sfs  
plu-

(1) De eo scribit Ill. Marchio Scipio Maffei in Par. III. Cap. VI. pag. 193. *Verona illustrata*.

(2) In Par. II. Volum. I. pag. 288. & 289.

(3) In Vita sua, quam Italice scripsit, pag. 200. quamvis erraverit Typographus, qui eum *Messer Mattia del Nasaro* adpellat.



admiranda aestimabantur. Venerem cum Capidine expul-  
 sit arte effudit, cum aëre, cum a sulphure, candidum  
 tenui, apud me est. Denique, seu mare, seu  
 Florentia, ipsa vestimenta pulcherrime Chalcidibus,  
 sive fortuna in flumine inventis, velut singulare suas  
 artis miraculum potestis optare coloribus, opus tam  
 Regis dignum, perierit, eademque Faunus sua benefi-  
 centissima exhibuit. Primum, in illis, inter membra-  
 tes auro signi, quae perierunt, sepius a se vidit. Et  
 vero, quibus portatissimo sacrae tabulae per ara sacra-  
 le regni effudit de ornata. In primario reverentia  
 sum apud se adorat. Ita, monitumque suis eadem pro-  
 fecti, de quibus regni liberalitate cum ornata. Alii  
 praestantissimo habus Amicus opera memorat. Tamen,  
 quem adeo eruditus Lector, cumque membris laudibus  
 ornata Celeberrimus. Marcus Marcellus. Si vo-  
 luitis uni posteri coniectura, cum opus est eruditum  
 insignissimum opus, quod nuper observat in regni  
 Florentino Caricaturis, in Gemma Historiographi cum  
 figurat utrinque exorta, laudibus sive arcuatur que-  
 tuor, in qua divites opere insculpta est. Infinitum  
 Ethemicorum nec, pluribus admiranda scilicet, anti-  
 quum ornata, & B. Virgo Maria ablati vultu Faunus  
 Iesum delectans in Aegyptum, comitante Sponsa Ios-  
 pho Sanctissima. Verum deest nomen Amicus, dum  
 mater omnes, & parvuli inter finem milites adu-  
 se, super, sive, & loqui videntur. Hoc opus laudat  
 donatum est a Maria Medice Galliarum Regina.

Alium omnino certum atque indubiatum immor-  
 tale Novum opus ex Sarcophago adigat adfertur a  
 Marcellis Tab. CVI. in Vol. I. in quo grupus or-  
 nat

ditur Constantini Imp. pugna & celeberrima victoria. Nam in volitante vexillo nomen suum ita insculpsit Artifex praestantissimus: O P. N. S. nimirum *Opus Nassarii Sculptoris*, sive *Sculptoris*. Huius praestantiae & raritatis opus aerumnosissimum, qualis, quantusque fuerit NASSARIUS Veronensis, perspicue ostendit. Adfertur etiam ab eodem Cl. MARIETTO Tab. CXVII. imago admirabili opificio Achatii Chalc. insculpta Francisci I. Christianissimi Galliarum Regis, nudo capite, cum thorace & paludamento, a quo inclito Maecenate ad tantum gloriae fastigium NASSARIUS evectus est.

CLAUDUS, & BRUGIASORZI Veronenses, & alii  
Discipuli MATTHAEI NASSARII Veronensis,  
Saec. XVI.

Solent plerumque praestantes Artifices cumulandis pecuniis dediti, vel quieti suae & commodis nimium indulgentes, neminem docere, atque instituere, ut sibi consulant, & curis omnibus vacent: quod quidem ipsi naturae repugnat, & divinis consiliis, legibus, ac civilibus institutis maxime adversatur, quae scientiam sine invidia communicandam docent. Maximis laudibus celebrandus est Matthaeus Nassarius Veronensis, qui exemplo suorum Magistrorum alios egregiae indolis iuvenes concives suos scalpendi peritiam docuit, & suos alumnos fecit, qui a Vasario nominantur; inter quos primus cum laude recensetur quidam Veronensis Auritex, qui, quod cruribus laboraret, claudus *il goppo* appellabatur. Peritum quoque discipulum fecit alterum Veronensem, fratrem Dominici BRUGIASORZI (1), ac praeterea

---

(1) Vasarius loco citato pag. 200. scribit Dominicus Brugiasorzi. Lat. *opus manus*. At Aulst. Dissert. Glyptogr. scribit pag. 110. Cap. XXV. Fratrem Dominici Brugiasorzi, scribit, nescio quo auctore.



terea duos eius nepotes, aliosque plures Italos & Gallos homines. Fuit Matthaeus vir liberalis, ingenuus, comis, non divitiarum, sed gloriae, & famae nominis cupidissimus; cuius non ultima laus est placuisse magnopere augusto Genio Francisci I. Galliarum Regis, quo defuncto, & ipse Parisiis mortuus est post annum CIO. IO. XLVII. relictis filiis, qui valde ei dissimiles fuere.

IOANNES IACOBUS CARALIUS Veronensis,  
Saec. XVI.

Romae floruit, operumque suorum fama non Italiam tantum, sed etiam Poloniae amplissimum regnum implevit IOANNES IACOBUS CARALIUS Veronensis. VASARIUS de eo non meminit in Vita Valerii Vicentini, in qua sibi notos Gemmarios Scalptores commendat; sed alibi multis eum laudibus celebrat, nimirum in Vita Marci Antonii Bononiensis (1) Chalcographi sua aetate praestantissimi; in quo imitando, dum viriculo aereis tabulis incideret, omnem adhibuit industriam, omnique ingenii & solertiae conatu eius peritiam aemulatus est CARALIUS. VASARIUS aeneas ab eo complures egregio opificio incisas tabulas enumerat, quas, ne instituti nostri limites praetergrediamur, praetermittimus. Direpta Urbe, paullo post, quum ingenio maxime poleret, & maiora suae virtutis & praestantiae monumenta relinquere cuperet, totum se dedit scalpendis Gemmis anaglypho, & diaglypho opere; nec solum gemmis, verum etiam crySTALLIS, ac tandem in Architecturae

---

(1) Loco superius memorato. Sed Cl. Scipio Marchio Maffei eum tantum nominat, & Iacobum Caralium adpellat, praetermisso priore nomine, nempe Ioannis, Veronae Illustr. Parte II. col. 193.

rae operibus mirifice excelluit apud Poloniarum Regem, cuius liberalitate honores, & magna praemia consecutus est; tantumque regiis muneribus profecit, ut in Parmensi ditione ingentem auri summam, ut ex ea lucrum in senectute, reversus in patriam, perciperet, conlocaverit. Amplissimo elogio ita eum celebrat Vasarius, ut fatendum sit, nemini in Gemmis utroque opificio tum exstanti, tum cavato sculpendis secundum fuisse; quem CARALIUM minor a MARIETTO silentio praeteritum, de quo pauca Cl. VICTORIUS (1) adnotavit.

### LUDOVICUS ANICHINIUS Ferrariensis, Saec. XVI.

Dum hoc aureo saeculo in Glyptographica arte in Italia plures excelebant Opifices, supra reliquos emi-  
nuit LUDOVICUS ANICHINIUS (2) patria Ferrariensis, qui Venetiis vixit, atque in augusta Urbe, sapientiae, optimarumque artium domicilio, praeclara edidit suae artis & scientiae exempla circa annum CIO. IO. XL. quem suis laudibus ad caelum evexit PETRUS ARRETINUS (3) & GEORGIUS VASARIUS (4), qui eum facile cognovit, atque eius opera contemplatus in lapillis mira subtilitate caelaturae, & ingenii solertia minimis insculpendis adeo excelluisse adfirmat, ut omnium mentes in admirationem & laudes rapuerit. MARIETTUS adnotat eum & in cudendis illustrium Virorum numismatis praestantissimum fuisse, nullo adlato huiusmodi eius artificii auctore, vel teste. De his enim filet VA-

T t t

SA-

(1) Differt. Glyptogr. Cap. XXV. pag. 80. locum tamen & elogium Vasarii non indicavit.

(2) Perperam ab aliis scriptum legitur *Nichinius* pro *Anichinius*.

(3) Vide eiusdem Petri Arretini Epistol. Tom. IV. pag. 181.

(4) Vol. I. Par. III. pag. 291.



SARIUS, gemmas tantum minimis figuris ab eo exquisito artificio insculptas memorans; neque Vir Cl. RODULPHINUS VENUTUS memorat Pontificia Numismata ab eo perfecta; etsi non ita facile negari possit, ANICHINIUM, qui miro artificio Gemmas perfecit, & Numismata perficere non potuisse; nam & alios Gemmarios utraque laude celebres ea tempestate & Nummographos fuisse ex hac Historia perspicue compertum est. Nec VASARIUS, nec MARIETTUS, nec alii, qui post eum scripsere, gemmas pretiosiores ab ANICHINIO incisas enumerant; neque e qua Schola prodierit, quove tempore vixerit, declarant. Sed quum PETRI ARRETINI laudes promeruerit, eidem coevum fuisse dubio procul est, atque eo tempore tunc maxime floruisse, quo scripta est ab eo epistola superius memorata, quae mihi ad manum non est; neque, ut arbitror, a veritate aberravero, si coniiciam, regnantibus Clemente VII. P. M. & Carolo V. Caesare.

Inter alios Gemmarum Sculptores aevo suo Romae celebres, quos commemorat CAMILLUS LEONARDUS Pisarenensis in suo *Speculo Lapidum* (1), laudat FRANCISCUM NICHINUM Ferrariensem, qui, ut observat Auctor Dissertationis Glyptographicae (2), vel frater est Ludovici Anichinii iam laudati, vel fortasse idem ipse, perperam a LEONARDO nominatus, de quo alii viderint.

ALEXANDER CAESARIUS, ut fama fert, Patavinus, Saec. XVI.

Quemadmodum Graecia antiqua Pyrgotele summo Scal-

---

(1) Venet. Edit. anno MDXVI. & iterum Parisiis MDCX. Opus vero, Sacrae Congregationis ab Indice nuncupatae Decreto, iure, meritoque damnatum.

(2) Cap. XXV. pag. 81.

Scalptoriae artis magistro superbiit; ita & Italia ALEXANDRO CAESARIO, sive DE CAESARIBUS, veluti Pyrgotele altero, qui veterum praestantium Scalptorum gloriam, si non aequavit, certe artis ingenio & conatu admirabili aemulatus est, operumque fama nominis immortalitatem sibi peperit multis laudibus celebrandam. Ut enim Phocionis Atheniensis imaginem anaglypho opere Sardonychi insculpsit Pyrgoteles, eidem summo viro coevus, quae in Stoschiano egregio Opere adfertur Tab. LVI. in qua & nomen suum inscripsit; ita & ALEXANDER ad eius exemplum Achatì Sardonychi adsimili opere eandem imaginem exsculpsit; eo tamen discrimine, ut Pyrgoteles caput Phocionis ad dexteram Gemmae partem expresse- rit, pallio tecto sinistro humero; ALEXANDER vero collo tenus sine pectore effin- xerit, ad laevam gemmae partem verso eius capite, opificio plane mansuetiore, ac molliore, sed dignitatis & gravitatis pleno. VASARIUS postquam plurimos Gem- marios Opifices laudavit, ut ad ALEXANDRUM venit, meritorum, eorumque operum iudex peritissimus, eum reliquos omnes praetergressum adfirmat elegantia ope- rum, praestantia, diligentia, ac venustate absolutissi- ma, omnemque artium encyclopaediam, ut ita dicam, exquisitissime eum calluisse memorat. Adcedit Michaelis Angeli Bonarrotii oraculum, qui dum contemplare- tur numismata ab ALEXANDRO mira arte absoluta, ac praesertim illud in honorem PAULI III. P. M. cuius effigies viva videtur, postica vero exhibet Alexandrum Magnum pedibus summi Sacerdotis Ierosolymitani pro- volutum, eumque adorantem, exclamasse ait VASARIUS (1), postremam venisse artis horam, videlicet non plus  
ultra,

---

(1) Primi Vol. Par. III. pag. 291. Flor. Edit.



ultra, quum ipse ALEXANDER ad supremos elegantiae & perfectionis terminos pervenisset. Numisma describitur & adfertur a Cel. BONANNIO S. I. (1), a Clariss. RODULPHINO VENUTO illustratur Num. XXXII. pag. 85. & qua occasione fit cufum adnotatur. Interdum Graecorum Artificum more nomen suum ita inscripsit: ΑΛΕΞΑΝΔΡΟΣ ΕΠΟΙΕΙ. Sed quod ad Historiam nostram pertinet, tanta ALEXANDER CAESARIUS polluit arte, iudicio, praestantia in Gemmis sive diagraphico, sive anagraphico opere scalpendis, ut cognomento *Magister Graecus* ab omnibus adpellatus fuerit. Quo vero auctore MARIETTUS proferat, eum in Graecia natum fuisse, mente non adsequor, atque idcirco ait cognominatum Magistrum Graecum. Verum, quae Italii ingeniis debetur laus, minime deneganda est; nam eum fuisse *Alexandrum Bassianum Patavinum* tradunt Viri Cl. MOLINETIUS (2), & VENUTUS loco citato. Cognomentum *de Caesaribus* accepisse autumo fortassis ab illustri familia de Caesaribus, cuius auspiciis & liberalitate his artibus a teneris unguiculis operam dedit, atque in his valde praecelluit. Complures Gemmas ab eo insculptas, sculptasque exstanti opere laudat VASARIUS, inter quas hae potissimum primas tenebant, in quarum altera sculptus leo cum puero, in altera vero femina nuda; in Sarda incisum caput Henrici II. Regis Christianissimi, quam imaginem iubente Cardinali Farnesio absolverat (3); quod vero artis miraculum censebatur, erat Phocionis Atheniensis caput Achatii Sardonychi, ut diximus,

---

(1) Numism. Pontif. Rom. num. 33. pag. 199.

(2) In Praefat. ad Hist. Pontificum Rom. per Numismata.

(3) Mariettus memorat alteram Sardan, sed exstanti opere sculptam cum eadem imagine Henrici II. Christianiss. Regis, in qua etiam insculptum litteris graecis Alexandri nomen, quod opus ait servatum in Cimeliis Croatianis.

mus, exscalptum; quo opere nobilissimo superbit Dactyliotheca Antonii Mariae Zanettii Veneti V.C. quod a me descriptum vide Tab. II. pag. 5. (1)

Praeclara alia non pauca de hoc praestantissimo Artifice adnotantur a Cl. VENUTO (2), quae quum praetermissa a VASARIO, ignota fuerint praelaudato MARIETTO, valde gratum, ut opinor, eruditis erit, si adferantur: “ Ad hanc spectat aetatem *Alexander Caesari*,  
 „ cognomento *Graecus*, inter optimos quosque Cusores  
 „ Scalptoresque merito numerandus; quum, Vasario  
 „ iudice, vel ea quae artis minima sunt, summa diligentia perfecit. Excudit numismata, formas signavit, lapillos incidit. Auctorem hunc indicat ac probat numisma illud Paulli III. cuius anterior pars Paullum exhibet, ac designat epigraphe: PAVLVS  
 „ III. PONT. MAX. posterior vero Templum, Sacerdotem, Magnumque Alexandrum flexis genibus, literis apposis: ΑΛΕΞΑΝΔΡΟΣ. ΕΠΟΙΕΙ. Nec in numismatum dumtaxat, sed etiam in nummorum cudendorum usum formas effinxit; quippe Monetariae Officinae diu curam gessit in Urbe. Praecipua vero, ac admiratione plane digna est Alexandri solertia in lapillis incidendis, ac dexteritas summa. Lapillos vocamus minutiores quosdam ac pretiosos lapides, quos a coloris diversitate, & imaginum structura dissimili, peculiari nomine, vernaculo sermone appellamus. Si enim color subobscurus (*rubrus*) sit, & imago lapidi incisa, Corniolam (*Corniola*) nominamus; si autem & alius sit color, & figura promineat, bar-

V v u                      „ baro

(1) Gemmae antiquae Antonii Mariae Zanettii Hier. F. Ant. Franc. Gorius Notis Latinis illustravit Venetiis MDCCL. in fol.

(2) In Praefat. pag. XXI. ad Numismata Romanor. Pontificum praestantiora Rom. edit. MDCCXLIV. in 4.



„ baro nomine Cameum dicimus, Italice *Cameo*. Utri-  
 „ que lapidi sculpendo ALEXANDER incubuit, & usque  
 „ adeo excelluit, ut prodigii simile videatur lapillus  
 „ (*Cameo*), in quo caput eminet Phocionis Athenien-  
 „ sis. Pari elegantia, instante Cardinali Farnesio, ca-  
 „ put Henrici Galliae Regis corniolae, quae Iulii Ro-  
 „ mani magnitudinem aequat, insculpsit. Ad eius ma-  
 „ gisterii nobilitatem accedit gemina effigies, altera  
 „ Petri Aloyfii Castrensis Ducis, altera Cardinalis Far-  
 „ nesii; quorum postrema caput habet aureum, a-  
 „ ream vero ex argento. “

### IOANNES CAVINIUS Patavinus, Saec. XVI.

Ferunt IOANNEM CAVINIUM, vulgo nuncupatum il  
*Padovanino*, quum in Graphice magnopere excelleret,  
 primum insculpendis Gemmis operam dedisse; sed labo-  
 rum suorum diuturnitate pertaesus, cudendis numisma-  
 tis totus postea incubuit, quae omnium aetatis suae Ar-  
 tificum praestantissima habentur, & multo studio con-  
 quiruntur. Ioannes Baptista Pasqualius Venetus, Typo-  
 graphus laudatissimus, haec quae a docto Viro acce-  
 pit, mecum communicavit, quae nunc primum pervul-  
 gantur. “ IOANNES CAVINIUS Patavinus aurea, argen-  
 „ tea, aereaque cudit Numismata omnium peritissimus  
 „ saeculo decimo sexto. Clarissimorum Virorum Ima-  
 „ gines affabre expressit, Caesarum rariora numismata  
 „ imitatus est, ac restituit antiquis adeo similia, ut  
 „ vix, nisi a peritissimis, distingui possint, ac suspe-  
 „ cta haberi nitorem propter & elegantiam. Amicissi-  
 „ mus fuit Alexandri Baffiani viri eruditissimi, bona-  
 „ rumque artium patroni. Eo praecipue curante duo-  
 „ decim Caesarum imagines suis numismatibus recudit,  
 sui-

„ fuisse amoris ergo in elegantissimo numismate Bas-  
 „ fiani & propriam imaginem posteritati mandavit .  
 „ Obiit Patavii anno M<sub>1</sub>DLXX. Non. Septembr. Se-  
 „ pultus est in Ecclesia S. Ioannis in Viridario . Lapidis  
 „ hoc inscriptum Epitaphium .

IOAN. CAVINIO

VIRO INTEGERRIMO PATRI DE SE OPT. MERIT.  
 QUI ANTIQUORUM OPERA MAX. IUDICIO COLUIT  
 ET PRISCORUM PRAESERTIM CAESARUM  
 MULTORUMQUE AETATIS SUAE VIRORUM  
 CLARISS. IMAGINES CUDENDO EXPRESSIT  
 CAMILLUS FIL. IV. CON. OB SUAM IN EUM  
 PIETATEM SIBIQUE AC SUIS OMNIBUS P. C.

In Museo Clar. Comitis de Lazara, quod in The-  
 saurum Christianissimi Galliarum Regis migravit, ser-  
 vabantur formae Cavinianae ad cudenda numismata,  
 quas Rex dono dedit Patribus S. Geneviesae. Ab ipsis  
 editum est Volumen, in quo eadem numismata cum  
 antica & postica parte delineata repraesentantur. Ex-  
 stant in variis Museis numismata maximae formae &  
 magnitudinis, quae plurima sunt, & aliis enumeranda  
 ac describenda relinquo.

ANDREAS RICCIUS, five CRISPUS, Patavinus.

Multa cum laude memorandus est ANDREAS RICCIUS,  
 seu CRISPUS, a capitis crispa coma ita dictus, Patavi-  
 nus aeris futor, qui etiam Caelator excellens fuit, ac  
 Statuarius.



IO. ANTONIUS CARAFFA, PAULUS ZOPPIUS,  
& SERAPHINUS, Brixienſes, Saec. XV. & XVI.

Dum haec ſcriberem, forte fortuna incidit in manus meas liber ſingularis Octavii Roſſii Brixiani, cuius titulus: *Elogi Hiſtorici di Breſciani Illuſtri Teatro ec.* (1) in quo in fine laudantur Piſtores, Sculptores, & Caelatores egregii, qui in ea celeberrima Urbe floruerunt; quae nunc plena operibus, ſcriptis, aedificiis ſacris munificentiffimi, ac ſapientiffimi S. R. E. Cardinalis Bibliothecarii Angeli Mariae Quirini inter Italicas Urbes praeclariffima eſt, toto orbe celeberrima, ac nemini ſecunda. Inter eximios Opifices, qui Gemmariis adcenſeri poſſunt, hi potiffimum eminent, IOANNES ANTONIUS CARAFFA, SERAPHINUS, & PAULUS ZOPPIUS. De ſingulis ea quae ad nos pertinent nunc adnotanda. IOANNES ANTONIUS CARAFFA (2) primus in ea urbe circa anum CIO. CCCC. LXX. cryſtallinorum Vaſculorum fabricandorum auctor fuit, quae tam egregio opificio perfecit, ut a Veneto- rum Republica adciſus, ſtipendia in eo praeclariffimo ſcientiarum & artium domicilio meruerit. Siquidem cryſtallina eius opera auri ſumma tanti vendebantur, quanti pendebant. Nihil enim rarum erat vel ex gemmis, vel ex floribus a natura productum, quod ipſe pereleganter non imitaretur, & accurate anaglyphico opere in vaſculis non effingeret. Flagitantibus Nobilibus Avogadris vas magnum e cryſtallo exſtruxit, in quo exſtanti opere ſculpſit complures Nymphas in aquis fluminis inter ſe conſudentes ſub arborum umbris. Ferunt eius in Vaſculis vitreis & cryſtallinis caelandis

tan-

---

(1) Italice ſcriptus eſt, Erixiae editus in quarta forma anno MDCXX. Vide pag. 502.  
(2) Vide ibidem pag. 514.

tantam fuisse praestantiam, ut veneno eum extinctum in ipso iuventae flore suspicio oborta sit.

Aureo saeculo, nempe circa annum CIO. IO. XXX. in minimis figuris pingendis, praesertim in libris exquisitissimis picturis ornandis celebris fuit PAULUS ZOPPIUS (1). Hic in crystallino praegrandi lebete pinxit Brixensem depopulationem a Gallis irruentibus acceptam, in qua ad vivum picta ora Domini de Foïs, & aliorum Ducum, hominumque in eo facinore illustrium. In hoc admirando opere absolvendo duobus annis studio & ingenio insudavit; quod cum in itinere secum duceret, ut Magnificentissimo Venetorum Duci Gritto dono offerret & dedicaret, fractum est; quapropter maximo dolore perculsus apud Desentianum repente interiit.

Initio eiusdem aurei Saeculi XVI. in omnibus sculpturis & caelaturis mirabile quoque fuisse SERAPHINI Brixienfis ingenium praelaudatus Kossius scribit (2); quapropter & in Gemmis caelandis non minimam laudem consecutum arbitramur. Nam opera e chalybe ornabat aureis & argenteis ornamentis, figuris, emblematis, quae instar gemmarum inserta maximi pretii habebantur. Caroli V. Caesaris arma operosissima fecit, galeam, thoracem, brachialia, tibialia: Francisco I. Galliarum Regi obtulit gladium triumphalem, vulgo *Stocco*, mira arte a se fabricatum, & infitis aureis & argenteis emblematis adeo ornatum, ac perelegans, ut ab eo aureum torquem & insignia Equestris Ordinis pro meritis acceperit. Senecta oppressus in patria sua semper cum laude victurus obiit.

X x x

IO.

---

(1) Vide ibidem pag. 508.

(2) Vide ibidem pag. 509.



IOANNES MARIA FABRIS Venetus , Saec. XVIII.

Dum hanc Historiam Glyptographicam scriberem ,  
 rogavi prae laudatum Ioanem Baptistam Pasqualium , ut  
 praestantes hac aetate Gemmarios Scalptores , qui apud  
 Venetos florent , mihi enumeraret ; a quo & haec mo-  
 numenta ad egregium IOANNEM MARIAM FABRIS perti-  
 nentia accepi , quae operae pretium me facturum duxi ,  
 si ipsis verbis vernaculo sermone ad me scriptis lau-  
 darem : “ Incifore di Gemme in Venezia evvi GIAM-  
 ” MARIA FABRIS Veneto , scolare nel Disegno delli  
 ” Sigg.<sup>ri</sup> Giambatista Dancin , e Giuseppe Camerata  
 ” Pittori Veneziani : poscia passò egli nella pubblica  
 ” Accademia sotto la direzione del Sig. Giambatista  
 ” Piazzetta celebre Pittore . Apprese il modo solamen-  
 ” te d’incidere nella Città di Vienna dal Sig. Giaco-  
 ” mo Valder di Trasburgo , e da altro vecchio Ale-  
 ” manno , stipendiato dall’ Imperatore Giuseppe . Ritor-  
 ” nato poi di fresca età alla sua patria , cominciò e  
 ” proseguì da se medesimo a intagliar gioie , e scol-  
 ” pire Cammei . Alcune delle opere più singolari di  
 ” questo valente Incifore son passate in alcune Datti-  
 ” lioteche e Musei ; altre a Soggetti , dai quali non  
 ” gli è permesso di farle palesi . Si fa di alcune po-  
 ” che , tra le quali un Dionisio inciso in Corniola per  
 ” S. E. il Sig. Conte di Sculemburgh , fu Marefciallo  
 ” della Serenissima Repubblica di Venezia ; altra fi-  
 ” milmente per il N. H. Signor Conte Giovanni An-  
 ” gheran Patrizio Veneto , testa di Giulia di Tito ;  
 ” altra , cioè Pallade , in Corniola per il N. H. Sig. An-  
 ” drea Barbaro Patrizio Veneto ; altra , Mercurio alato ,  
 ” in Topazio Paiesco per il Sargente Generale Straticò ;  
 altra

„ altra in Corniola, testa di Cibebe turrita, per il Sig.  
 „ Gregorio Lavizari, Nobile di Como, e Cittadino  
 „ Veneto; altra in Corniola, di un Aleſſandro cornuto,  
 „ a imitazione più dell'altre dell'antico, per il Sig.  
 „ Giovanni Loris Mercante Veneto; un Cicerone in  
 „ Sardonica macchiata a fasce, per il Sig. Francesco  
 „ Lazzarò Cittadino Veneto. Tra i Cammei più bel-  
 „ li del medesimo, ſi accenna una Teſta cognita di un  
 „ Giovine con capelli ſparſi pel N. H. Sig. Bortolo  
 „ Vitturi; altro con Ottone Imperatore ſenza corona  
 „ in capo, che eſiſte in Venezia nelle mani d'un Mi-  
 „ niſtro eſtero; altro d'una Matidia, ch'è nelle mani  
 „ d'un Veneto Patrizio. Ne ha fatti altri per com-  
 „ miſſione di alcuni Viaggiatori, e particolarmente per  
 „ il Sig. Antonio Gallo di Bologna. “

#### IACOBUS GASPARINIUS Venetus, Saec. XVIII.

Percelebre eſt nomen, totaque Europa laudatum IACOBUS GASPARINIUS Veneti, qui in cryſtallinis operibus incidendis ſculpendisque praestantioribus palmam prae-ripuit. De eo haec ad me ſcripſit memoratus Paſqualius. “ Inciſore più celebre di criſtalli è Giacomo Gaſparini Veneto. Imparò egli il diſegno di figure dal Sig. Piazzetta, e di ornati dal Sig. Carpoſoro Stuccatore. Tra le opere più particolari e pregiabili di queſto Autore, ſi annovera il Ritratto della Imperatrice Regina d'Ungheria e di Boemia, che fu mandato a Vienna: alcune ſottocoppe, tondi, e tutto il fornimento da tavola, con figure incife, armi, blaſoni, ornati di perfetto diſegno per il Principe Odeſcalchi Romano, d'immenſo valore. Altri bicchieri, belliconi, e coperchi, e tazze incife con  
 figu-



„ figure , ornati , ed iscrizioni per il Principe Statol-  
„ der d' Ollanda , di sommo valore : altri simili con  
„ geroglifici , figure , mari , e paesi per commissione  
„ avuta di Londra ; altri simili per alcuni Cavalieri  
„ esteri , e Principi capitati a Venezia ; come pure per  
„ alcuni Patrizj Veneti ; ed ha parimente somma abi-  
„ lità in incidere specchj , e molti di questi ne ha  
„ incisi . “

LAURENTIUS MASINIUS Venetus , Saec. XVIII.

In imitandis antiquorum Sculptorum insignioribus exemplis multam obtinet hac aetate laudem LAURENTIUS MASINIUS , qui & Romae & Florentiae diu moratus est ; verum dum haec scribo , Venetias reversus , Gemmis scalpendis assiduo labore incumbit . Non paucas gemmas ab eo scalptas vidi Florentiae penes egregium Aurificem Anularium Liborium Caglium , qui eas mihi ostendit . Si in suis caelaturis diutius studio immorari vellet , maiora praestare posset ; sed quia cum paupertate eius peritia luctatur , celerrime opera sua conficit ; invenitque rotam omnium maximam , qua quidquid alii faciunt integra die , ipse unica tantum hora absolvit ; hinc est quod Gemmas a se inscalptas exiguo pretio vendit , & ita vivit ingenio , quo absolutiora & praestantiora praestare potest , si quis liberalius cum eo agat .

## CAPUT XVI.

*De Gallica Schola Glyptographica, eius clari Scalptores  
Gemmarii memorantur.*

**I**N Gallico Orbe ac Coelo semper multis laudibus, ubique etiam gentium, praedicabitur non solum Magnus, sed etiam Maximus Rex FRANCISCUS I. Christianissimus, qui tum liberalia studia, tum artes revocavit, restituitque, & sapientia ac liberalitate sua fovit, auxit, atque in florentissimo, opulentissimoque Regno suo quammaxime amplificavit. Plena sunt eius laudibus egregiorum Scriptorum volumina, qui eum Maecenatem, & Fautorem inclytum magnanimumque celebrant Litteratorum omnium, & Poetarum; inter quos eius delictum eminet noster Aloysius Alamannius Patricius Florentinus, inter Pictores Leonardus Vinci, inter Aurifices & Gemmarios Benvenuto Cellinius, & Anichinius, aliique ex nostris, & hi etiam summi Glyptographici Artifices, qui nunc a me recensentur. Incomparabilis hic Rex mentis altitudine, perspicaci solertia, sapientiaque, quum antiquis, & recentioribus praestantium Opificum ingeniis, & exquisitioribus operibus summopere delectaretur, & optima quaeque recte pernosceret, aestimaretque, brevi temporis spatio regiam Aulam suam monumentis hisce aeternae suae gloriae, sapientiae, & eruditionis implevit, & in omnibus summis Galliarum Principibus valde excitavit; adeo ut hodie florentissimum Regnum ad summae gloriae apicem erectum admiremur: cuius gloriae Fundator omnium maximus, omni aevo memorandus, summisque praeconiis celebrandus est LUDOVICUS XIV. Rex



Christianissimus, qui artes omnes, & studia absolutissimas reddidit favore regiae suae magnificentiae, & incredibilis liberalitatis, qua in omnium ore est, vivit, vivetque semper, nullis omnino, licet maximis, laudibus aequandus. Harum omnium laudum aemulus nunc feliciter regnat, vigilatque Rex Inviictissimus, ac Potentissimus LUDOVICUS XV. quo auspice, favente, ac praesidia omnia ad augendum amplificandumque praeclararum artium, & litterarum decus suppeditante, insignes florent Gemmarii Opifices, quorum nomina, & eximia opera, quae mihi innotuere, nunc recensentur. Ea semper fuit Gallici Orbis laus, ut ingenia maxima tum in liberalibus disciplinis, tum in praestantioribus artibus semper floruerint; quod etiamtribuendum illis Regiis Academiis, in quibus viri longe doctissimi, & probatissimi, spe praemiorum quae regia liberalitate assidue dantur, ad omnia praestanda, quae aeternitate digna sunt, excitantur, & cumulatissime recreantur.

#### COLDOREUS Gallus, Saec. XVII.

Floruit eximius hic Scalptor Gemmarius sub Ludovico XIII. & Henrico IV. Christianissimis Regibus, cuius imaginem opere tum anaglyphico, tum diaglyphico exquisitissime elaboravit, insigni artis nobilitate ac magisterio. Credibile est integras quoque figuras eodem opificio, & ut solebat, delicatiore caelatura, expressisse, quae vel non exstant, vel ignorantur. Profecto in vultibus exhibendis eum nemini secundum fuisse testatur MARIETTUS. Fama est eum ab Elisabeth Regina in Britanniam adcitum, cuius imaginem exstanti opere admirando, quod in Crozatianis Cimeliis spe-

Sta-

Statum est, in Achate Onyche sculpsit; quapropter a Britannis magno in pretio eius scalpti lapilli habiti sunt, & certatim conquisiti.

Hunc suspicatur Mariettus ipsum esse IULIANUM de Fontenay, cognomento ab omnibus, reiecto proprio nomine, *Coldorè* adpellatum, qui magno in honore fuit apud Henricum IV. Galliarum Regem, cui munus scalpendi Gemmas suas (1), & in regio Palatio mansionem dedit, eumque inter domesticos Cubicularios suos adlegit, & tamquam praeceptorem peritissimum suorum Scalptorum Gemmariorum officinis in Museo suo praefecit; cuius suspicionis suae non paucas rationes, & quidem non leves, adfert; quem adeat Lector.

#### N. R E Y Gallus, Saec. XVIII.

Ineunte saeculo XVIII. Romae anularibus gemmis scalpendis dedisse operam REY Gallum, narrat Auctor Dissertationis Glyptographicae (2), qui numisma eximii operis ab eo aere coronario fusum cum imagine Emmanuelis Theodosii Cardinalis Bullionii adfert, argento tenuissimo ita bracteatum, totumque viriculo summa diligentia perpolitum, ut conspicientibus omnino cūsum videatur. Ex gemmis praecipua cum laude ab eo describitur Smaragdus, in quo imaginem D. Caroli Albanii Clementis XI. Fratris filii egregio labore artisque nobilitate insculpsit. Parem laudem adeptus est inscalpta signatoria gemma insigniis gentilitiis Marchio-

---

(1) Laudatur in patentibus Litteris, in quibus data a Rege Christianissimo Privilegia Artificibus recensentur, datis ad diem XXII. Decembr. an. MDCVIII.

(2) Cap. XXV. pag. 90. 91. & 92.



chionis Caſtri Sancti Viti , Hieronymi Theoduli Patricii Romani diſtincta & decorata.

### FRANCISCUS IULIANUS BARRIER

Gallus , Saec. XVIII.

Natura ipſa avida laudis & gloriae ſibi mirum BARRIER ingenium effinxit, qui invito patre , a quo Aurariae arti ſuae , & encaſticae picturae deſtinabatur, ſui ipſius praeceptor adeo in Gemmis ſcalpendis utroque opificio excelluit , ut regius Gemmarius Opifex factus nominis immortalitatem feliciter ſit adſecutus . Sculpta ab eo ſpectantur complura capita , figurae , animalia, necnon illuſtrium Virorum imagines , inter quas illae probatiſſimae habentur Marchionis Rangonii pro Sereniſſimo Mutinae Duce ad Regem Chriſtianiſſimum Oratoris , & Domini de Fontenelle . Obitum ſuum IV. Eidus Maias anno CIO.ID.CC. XLVI. aetatis ſuae LXVI. multis laudibus honeſtavit.

### IACOBUS GUAY Marſilienſis , Saec. XVIII.

Parifiis celebre eſt nomen Regii Scalptoris IACOBI GUAY, qui nunc vivit, floretque , Opificum Gemmariorum decus & ornamentum . Graphics praeceptis ab eximio Pictore Boucher inſtructus, relictis Aurariae artibus , & patrio Marſilienſi ſolo , Glyptographico tantum Parifiis magiſterio incubuit . Quum inſignem Gemmarum Crozatianam Syllogen vidiffet, ſumma diſcendi proficiendique cupiditate incenſus Italiam perluſtravit , Florentiae vero anno CIO.ID.CC. XLII. diu moratus, Gemmarum Theſaurum ſedulo contemplatus eſt, ac praeſtantiora tum antiquorum, tum neoterico-  
rum Artificum opera accuratiſſime expendit, Mox Ro-

nam

mam petiit, ubi fede iussu Regis Christianissimi in Palatio Accademiae accepta, ita tempus omne distribuit, ut & gemmis incidendis, & Museorum tota Urbe rarioribus monumentis perlustrandis operam daret. Singula artis miracula, quae conspexerat, assidua meditatione recogitans infixam animo conservabat; quapropter antiqua capita & protomas, inter quas Antinoi caput Sardae, alterum eiusdem Antinoi signum artis miraculum, egregio opere insculpsit, in imitandis antiquis Graecis Opificibus felicissimus. Parisios redux se in Glyptographicis opificiis magis magisque acuit ac perfecit. In imaginibus sculpendis nulli secundus, effigiem vivo ore ac pene voce D. de Crebillon expressit; mox pueros & feminas, & alia multa opera elaborata absoluit, quae, ut brevitati consulam, praetermitto. In effigie D. Marchionissae de Pompadur summo atque incredibili studio, auxiliante Venere ipsa cum Gratiis, exstanti opere singulari Gemmae exsculpsit; sed, quod aliqui non probarunt, in minore, quam opus erat, tanto capiti area, in qua oportebat, ut latius exsplenderet, atque emineret. Christianissimum Galliarum Regem Ludovicum XV. Sardae in triumphali curru vetum, ad pedes sedente Regio Delphino, exquisitissima arte insculpsit. Sed nihil praestantius, absolutius nihil Triumpho Fontenoyensi, quo ostenso, iubente Rege, Sculptor regius declaratus est, & ab eo tum aedibus ad Museum, tum regiae Accademiae Pictorum & Sculptorum adscriptus est; quod decus expressit in Gemma, quam eidem Regiae Accademiae dono dedit sub emblemate Genii Graphices, cui Apollo suae laurae partem impertit.



Adhuc vivit Parisiis egregius hic Scalptor, qui aemulatione certavit cum filio Mauritiï Belgae. Bacchicam pompam inscalptam in anulari Gemma illa celeberrima, quae antea fuerat divini Michaelis Angeli Bonarrothii, quam Magnus Ludovicus XIV. Rex Christianissimus in digitis suis inseruit, egregiis conatibus, quibus difficultates superavit, accurate expressit. Non ingenii vires, sed proposita operum schemata ei defuere.



## CAPUT XVII.

*De Glyptographica Schola Alemannica, eiusque  
claris Scalptoribus Gemmariis.*

**I**mperatorum, Regum, & Principum, qui in Germanico Orbe tanquam sidera lucidissima micant ac splendent, non recensebo nomina in hoc ipso Capitis XVII. vestibulo, quum in his quae a me mox dicuntur, meritis laudibus non fraudentur, quorum auspiciis, favore, & liberalitate auctae ornataeque sint Glyptographicae artes, quod perspicue apud omnes in confesso est. Quemadmodum enim terra nisi Solis radiis illustretur, & opportunis imbribus irrigetur, squalorem induit, ac sterilescit; ita etiam disciplinae omnes, & pulcherrimae artes, quae a Graphice ortae sunt, nisi maximorum Principum liberalitate, beneficentia, amore, ac pervigili studio recreentur, profecto sordescunt, & gloriae auras, & praestantiae favores non sentientes, veluti faces quaedam vento non agitatae ex-

stin-

stinguuntur. Hinc Alemanniam cernimus ope & praesidio magnanimorum Principum Gemmarios Artifices ingenio & patientia prae ceteris incomparabiles semper florentissimos, ac praestantissimos produxisse, & adhuc producere, qui ad honoris & gloriae fastigium pervenire; quorum nomina illustria nunc recensemus: atque utinam omnia nobis nota, dum scribimus, exstitissent!

CASPAR LECHMANUS, MISERONIUS, eiusque filii DIONYSIUS & FERDINANDUS  
EUSEBIUS, Saec. XVII.

In confesso est, Regum & Principum favore ali, mirumque in modum florere optima studia & artes, si praestantes Viros honoribus & praemiis liberalissimis ornent, atque honestent. Laudatur Rodolphus II. Imperator gloriosissimus, qui pulchrorum operum amore mirifice delectatus est, eaque de re praecellentes Opifices ad se aditos ad Glyptographicen & Toreuticen in suis regnis exercendam excitavit. In Museo Vindobonensi Caesareo plurima pretiosa adservantur Vascula e crystallo, Achate, & Iaspide, quae tum pulchritudine, tum superatis arte multis periculis, inusitato quodam opificio exsplendescunt. His elaborandis tunc operam dabant, & praestantiores censebantur, CASPAR LECHMANUS, & MISERONIUS, a quibus in Bohemicis officinis exempla petita, quae hodie multa in laude sunt. MISERONIUS (ni tamen scribendum sit MISURONIUS, e qua familia celebres Glyptographos prodiisse Casparem & Hieronymum Mediolanenses diximus) Antiquarii Caesarei eximium decus adsecutus est. Eidem in Glyptographice successit optimus filius DIONYSIUS, qui iussu Mathiae Caesaris excisis multis gemmis, aliisque e  
pre-



pretiosis lapidibus perfectis operibus, Musea Vindebonensia & Pragensia ornavit. DIONYSII filius FERDINANDUS EUSEBIUS, titulis & honoribus aulicis auctus a Leopoldo Imperatore, demandata sibi munera accurate implevit (1).

CHRISTOPHORUS SCHWAIGERUS  
Alemannus, Saec. XVI. & XVII.

Stemmata & Insignia in Gemmis insculpsisse CHRISTOPHORUM SCHWAIGERUM, non ex eius caelaturis, sed ex eius Icone, quam pinxit Ioannes Van-Ach, aeri vero incidit anno MD. IO. C. Lucas Kilian, colligit PETRUS MARIETTUS. In subiecto elogio, Latinis versibus expresso, cum Pyrgotele propter caelandi peritiam comparatur; quod Poetico oestro tribuendum est.

PHILIPPUS CHRISTOPHORUS BECKERUS  
Alemannus, Saec. XVIII.

De hoc Gemmario Artifice plura adnotat PETRUS MARIETTUS, e quo pauca haec decerpimus. Primum Aurariae operam dedit, sed quum Viennam Austriae petiisset, Glyptographicen in ea didicit a Seidlitzio Caelatore famigeratissimo. Imperator Caesar Iosephus apud se in honore habuit; mox, eo vita functo, Carolus VI. magnorum ingeniorum munificus conquistor & Fautor, cudendorum numismatum suorum provinciam ei demandavit, & nobilitatis insigniis decoravit. Russianam regiam Aulam petiit, ubi Magni Petri I. Czaris sphragisma obsignatorium incidit, & restitutis in eo regno monetariis officinis, iisdem cu-

den-

---

(1) Vide Petrum Mariettum, a quo haec accepimus.

dendis praefuit , multis & magnificis honoribus ab eo Principe ornatus , qui ei advenienti , dum pranderet , ferculum adferri , eique adponi iussit . Eas potissimum Gemmas exquisito labore & laudabili nitidoque opificio inscalpsit ; quibus epistolae & chartae obsignantur ; quae emblemata quam perdifficilia sint , nemo est qui nesciat ; nam in his Principum Virorum Stemmata praesertim apud Alemannos valde laboriosa , ad omnes Heraldicae scientiae regulas accurate exprimi debent ; inter quas obsignatorium Liriae Ducis sigillum maxime laudatur . Gemmis exstanti opere exsculpendis operam dedisse ferunt ; diaglyphico vero opere gemmis inscalpsit effigies Caesaris Augusti Caroli VI. & Augustae Elisabeth eius Coniugis ; nec non in Iaspide Inclutum a Sabaudia Principem Eugenium effinxit . Obiit Viennae Austriae VIII. Eidus Maias anno CIO. IO. CC. XLIII.

SPANENBERGERUS Norimbergensis, CONRADUS  
MULLERUS, & IOANNES CONRADUS  
eius Filius, Alemanni, Saec. XVIII.

Norimbergae multos annos in Glyptographica se exercuit egregius SPANENBERGERUS , qui eam quoque docuit , & discipulos habuit , inter quos memoratur CONRADUS MULLERUS . IOANNES MULLERUS , eiusdem CONRADI filius , institutiones secutus est celebris Beckeri , de quo diximus ; nam quum scalpendis in lapillis , & gemmis , Inlustrium Familiarum Insigniis , & Stemmatibus , studio , arte , ac diligentia praecelleret , patre suo vita functo anno CIO. IO. CC. XXXIII. relicto patrio solo Strasbourgh , Lutetiam Parisiorum se contulit , ut facilius studiis suis & utilitati consuleret , ubi nunc honestissimo utitur domicilio .



CHRISTOPHORUS DORSCHIUS, & SUSANNA  
DORSCHIA F. Norimbergenses, Saec. XVIII.

In Gemmis scalpendis adfiduo labore, quoad vixit, praesertim in Regum ac Principum Imaginibus, ut solebat, accurate expressis, insudavit CHRISTOPHORUS DORSCHIUS Norimbergensis, qui hoc saeculo floruit ab anno MD. CC. ad annum MD. CC. XXXII. quo fato functus est XVI. Kal. Novembres, aetatis suae anno quinquagesimo sexto. Praeceptorem habuit patrem suum, qui si in Italicis, non vero in Alemannicis Scholis se perfecisset, maiorem profecto laudem, ac sui nominis celebritatem sibi conquirere potuisset. Erat enim ingenio valde perspicaci, & ad aerumnas dedito.

A patre optimo egregie in Glyptographice erudita est eius filia SUSANNA, matrimonio iuncta Ioanni Iustino Presler, Moderatori Patriae Academiae Pictorum, quae hac tempestate in Gemmis utroque opificio scalpendis cum imitatione antiquorum exemplarium, & multa diligentiae laude dat operam: de quibus horum Artificum dotibus multa accepi in familiaribus colloquiis cum Clariss. Barone de Stosch. Insigniora DORSCHIUS collegit antiquorum Artificum ectypa, quae in domesticis Cimeliis servat nunc eius filia. Idem etiam Chalcographus egregius, qui aereas Tabulas omnes incidit, quae exhibentur in Gemmarum Thesauro Ioan. Martini ab Ebermayer, quem Commentariis inlustravit Cl. Io. Iacobus Bayerus Med. Doct. in Academia Altorfina Professor, prodiitque Norimbergae anno MD. CC. XX.

LAURENTIUS NATTER Norimbergensis,  
Saec. XVIII.

Inter Gemmarios Scalptores probatissimos , qui nostro aevo florent , recensendus est LAURENTIUS NATTER , civis Norimbergensis , vigore animi , solertia , peritia & elegantia in suis caelaturis nemini secundus. Praeceptorem habuit Oxe Helveticum , de quo dicemus , quem longe superavit. Anno circiter CIO. IO. CC. XXXII. Florentiam appulit , & in hac Urbe , in qua artes omnes maxime florent , per triennium moram fecit ; quo tempore quum insigniora Graecorum opera Gemmis excisa sedula cura , multaque meditatione sedulo contemplaretur , & sulphurea ectypa suppeditante Ill. Barone de Stofsch , eius monitis ac praeceptis in dies magis magisque proficeret , tantam nominis claritatem adeptus est , ut inscalptae ab eo Gemmae ab omnibus magno studio cuperentur , conquirerenturque . Solus Franciscus Ninghius Florentinus eius virtuti , & aemulationi obstitit . Ne autem tam praeclaro Opifici cedere videretur , imaginem , ut ille fecerat , Ioannis Gastonis Magni Ducis Etruriae in Achate Sardonyche diligenter inscalpsit . Sardae inscalpsit imagines Marchionis Ludovici Tempi , & Martelliae eius Coniugis letissimae , ut eorum nuptias ingenii sui monumento aliquo honestaret . Achatì Sardonychi pulcherrimo Veneres omnes & Gratias circumfudit , in quo exquisito opificio effinxit imaginem Nobilissimae Feminae Valvasoniae Suarez della Conca , eximia forma celebris ac spectatissimae . Persimili lapillo sculpsit etiam Philippi Baronis L. de Stofsch caput , & in eo nomen suum graeca epigraphe inscripsit . Exstant etiam in meis Cime-



melius alia eiusdem NATTER, quem probe novi, egregia opera, quibus, cum cerneret antiquis operibus, quae frequenter in suis Gemmis imitabatur, & referebat, valde proxima esse, nomen suum vel latina vel graeca epigraphe ita exprimebat: NATTER. & NATTHP EN. hoc est: *Natter faciebat*, more Scalptorum antiquorum. Primus Iuliam Titi Vespasiani, & Marciae Furnillae filiam anulari gemmae sculpsit ad typum illius, quae maximi moduli est, & in celeberrimo S. Dionysii Thesauro Parisiis adservatur, & nomen suum latino titulo adiecit. Sed prae ceteris eius sphragismatis multis laudibus celebratur imago gemmae anulari insculpta Eminentissimi S. R. E. Cardinalis Alexandri Albani, in qua nomen suum inscripsit: NATTHP ENOIEI. Amethysto etiam egregio opere insculpsit iuvenilem imaginem, quam Lutetiam Parisiorum detulit D. Abbas de Rothelin, quam etiam laudat PETRUS MARIETTUS. Tiberii, Apollinis, & Sabinae capita e praecellentissimis antiquis Scalptorum imaginibus excepit opificio elegantissimo ac felicissimo. Haec quae laudavi & alia multa eximia suae artis monimenta intra triennium Florentiae absolvit; mox laudibus & praemiis excitatus complurium Optimatum Britannorum, Londinum petiit, & adhuc ibidem, ut fertur, summo in honore semper victurus floret.

MARCUS TUSCHERUS Norimbergenfis,  
Saec. XVIII.

Naturae & Artis prodigia fere omnia si quis MARCI TUSCHERI ingenium nostra aetate, Deo divina sua munera effusiore liberalitate non raro largiente, complexum esse dixerit, neque adulationis, neque menda-

cii culpa obnoxius censendus erit. Id probe sciunt & testantur, qui eum nondum implentem aetatis suae trigessimum annum tum Romae, tum Florentiae conspexerunt, ejusque familiaritate frui potuerunt, inter quos me quoque animo lubens connumero. Nihil est in praeclaris artibus, quae a Graphice pendent, vel nobile, vel arduum, vel stupendum, quod ipse, alter veluti Prometheus, non sit feliciter adsequutus: egregius Plastes, eximius Pictor, Architectus probatissimus, mirabilis Chalcographus, novorum operum Artis inventor, antiquorum imitator sagacissimus; denuum quum laudis & gloriae ardore & cupiditate flagraret incredibili, ne cui cederet, summam quoque in operibus Glyptographicis peritiam, nullo adhibito praeceptore, sed tantum observato Florentiae amico suo dulcissimo Laurentio Natter, dum iisdem operam daret, ostendere voluit; quae licet pauca sint, eius tamen igneam animi vim, eumque antiquorum Artificum aemulatorem praestantissimum fuisse demonstrant. Dum Florentiae degeret, non raro his studiis operam dantem eum vidi, & summa cum animi voluptate conveni frequentius. Ad tantam ingenii & artium gloriam eum educavit Clar. Philippus Stoschius, apud quem hospes Florentiae complurium annorum spatio mansit; quo auspice immensum propemodum antiquorum operum pulcherrimorum thesaurum selectissimum sibi quotidie refferatum propositumque felici eventu contemplatus est. De tabulis ab eo pictis, de chartis calamo ex atramento delineatis, de plasticis, atque architectonicis operibus eius nihil dico. Chalcographico stilo mirafecit; non spe multae pecuniae, quam contempsit, sed amicitiae, & gloriae potissimum mercede contentus.



Ex his pauca enumerare lubet : nempe prospectum Vesuvii montis cinerem & ignem vomentis, quem eo ipso in loco aerae tabulae incidit, cuius apographum in Vol. I. mearum Symbolarum Decadis II. Romanae editionis, adiectis eius laudibus, protuli; Catroffianam Villam valde celebrem Venutorum Patriciorum Cortonen-  
 sium; Nuptiarum ritus & pompam dum Sponsa Sponsi domum ingreditur; non paucas Tabulas numismatum Syracusanorum, & Urbium Siciliae, vel editas, vel edendas in praeclaro Opere Cl. Viri P. D. Iosephi de Pancratiis Nobilis Cortonensis, Academiae Etruscae, & Columbariae Socii, quibus Litteratis Coetibus & ipse TUSCHERUS virtutis & honoris causa adscriptus est; quae omnia & alia non pauca aereis tabulis peritissime delineavit & incidit, antiquorum operum imitator accuratissimus. Sed omnes ingenii sui vires, & studiorum suorum praestantiam in ea aerea Tabula maxima ostendit, in qua, praeter sexcentas confluentium spectatorum figuras, incidit triumphalem Arcum in celebrando, excipiendoque Francisco III. Lotharingio, Etruriae Magno Duce, Pio, Felice, Augusto, in eius adventu, in qua nihil est quod desideres. Hanc Tabulam longitudine superantem duos Romanos pedes antiquos Florentiae delineavit, Londini vero aere inscalpsit. Haec Tabula, quam Francisco Magno Etruriae Duci, nunc Imperatori Caesari Clementissimo semper Augusto dedicavit, hac epigraphe, eiusque regiis Insigniis ornata ab eo est: FRANCISCO III. Lotharingiae Barri & Magno Etruriae Duci Regi Hierusalem Incluto Pio Clementi Propagatori Ampliatorique egregiarum Artium hanc Scenographiam Arcus Triumphalis ante Portam Divi Galli Florentiae ad solemnem eius Ingressum solide erecti anno Sal. MD. CC. XXXIX.

XXXIX. ex *Archetypo a se delineatam aereque incisam dedicat vovet ac consecrat Marcus Tuscherus Noricus Pictor & Architectus perenne devotissimi obsequii testimonium Londini MDCC XLIII.* Huius Tabulae perpaucis impressis editisque exemplaribus, quae amicis suis carissimis, & mihi quoque ex Dania dono misit, Tabulam ipsam, ut maxime rarissimam redderet, in alium usum statim convertit. Post hunc annum, eius nominis fama magis magisque ubique percrebrescente, ab inclyto Daniae Rege aditus est, ut sumtuosissimum in regiis nuptiis celebrandis tum in principe sede, tum in augusto palatio adparatum excogitaret, omnibusque ornamentis praeesset. Ibi antiqua omnia monumenta, quae in Aegypto & ultra in suis itineribus Regis iussu & sumtibus egregius Vir Norden viderat, in regiis tabulis accuratissime delineavit & incidit. Regius publicorum operum Praefectus, & Machinarius magnis cum praemiis perhonorifice declaratus est.

Venio nunc ad eius opera Glyptographica. Imaginem suam non in aerea tantum, verum etiam in duobus lapillis, Sarda, & Beryllo, alteram Romae anno CIO. IO. CC. XXXIII. alteram mox Florentiae faberrime insculpsit. In priore nomen suum Graece ΜΑΡΚΟΣ inscripsit. Quantum quoque artis studio, & magnitudine ingenii sui valeret, ut ostenderet, Minervam Salutiferam ad fidem archetypae Gemmae Dactyliothecae Ottobonianaе omnium operosissimae, quam Aspasius insignis Gemmarius Sculptor effinxit (1), minore loci spatii accuratissime expressit; maiora ac longe plura facturus, si praepropera mors eum in hoc ipso gloriae curri-

---

(1) Hanc vide in Stofchiano Opere Gemmarum cum Artificum nomine, Tab. XII.



curriculo aetate florentem non rapuisset, cuius obitum nuper magno cum moerore audivimus.

HENRICUS ENGELHART, Saec. XVIII.

Laudatur hic Artifex, natione Alemannus, a SANDRARTO in *Acad. Pict. Erud.* pag. 219. & 343. qui eius aetate operam gemmis scalpendis dabat; quamvis MARIETTUS suspicetur propter familiaritatem, quam cum eo habebat, ea laude ornatum. Idem Scriptor laudat etiam DANIELEM, qui in sigillis & anulis obsignatoriis stemmata gentilitia insculpebat.



## CAPUT XVIII.

*De Scholis Glyptographicis Hispanicis, Britannicis, Danicis, Scoticis, Suevicis, Prussicis, aliisque transmarinis, eorumque celebrioribus Scalptoribus Gemmariis.*

**E**TSI fero apud nobilissimas transmarinas Nationes Gemmarii Artifices Glyptographicas Artes ad summum excellentiae apicem evexerint; haud tamen sine temeritatis nota negari potest, eas praeclaros Opifices iactare posse, qui merito summa cum laude in his Historicis meis Fastis enumerari possint. Illud mihi iamdiu observatum est, opulentissima Regna perpacuis superbiisse Gemmariis Caelatoribus, quia subiecti Regibus cives nimia divitiarum copia abundarent: quum econtra Italicarum Urbium Artifices praeclaris studiis a pueris imbuti, quum pluribus commodis destituti, pecunia rerum omnium arbitra carerent, eo industria, studio, labore, ingenii aciem, & virium nervos omnes

con-

contenderunt , ut sibi & gloriam & opes nominis celebritate , operumque praestantia sibi compararent ; quod divino consilio factum arbitror , ut semper indigentes in studiis assidue versarentur , & suis ingenii , & artis monumentis praecellentissimis patriam , nationem , orbem universum locupletarent . Illud etiam adcedit , quod maximis gravissimisque bellis assidue detenti Inviectissimi Reges ad augendum litterarum & artium omnium splendorem nonnisi in beato pacis otio & quiete animum , liberalitatem , & munificentiam converterunt . Hinc videmus , ubi Hispaniarum Reges ad omnes artium elegantias degustandas , excitandasque pronos se ostenderunt , ac valde studiosos , statim tanquam e pratis flores benigno rore conspersos praestantes Litteratos Viros & Artifices omnis generis ortos esse , & caput ad sidera , quae in ipsos radiabant , extulisse . Sub Potentissimo Rege Hispaniarum nunc valde floret Regia Scientiarum & Bonarum Artium Accademia , cuius subsellia implent Viri longe doctissimi , qui iam multos ingenii fructus donarunt . In Britannico Orbe praestantissimi nunc florent Artifices , quod ipsi maximis praemiis ornentur atque ditentur . Testantur collectae Antiquitates Palmyrenae , opus immortale , & maxima gloria plenum ; testatur illa summorum Procerum Accademia , quae praemiis adficit eos omnes sive Litteratos , sive Artifices , qui gloriam & ipsis Maecenatibus , & sibi pariunt sempiternam .

Sileo magnanimi Daniae Regis inclyta gesta , quae nullis laudibus aequare possum , qui universa Aegypto perlustrata , antiquisque omnibus monumentis antiquorum Aegyptiorum diligentissime delineatis , ea publico bono aereis tabulis incisis proferri & publicari iussit .

C c c c

Apud



Apud omnes testatissima sunt praemia proposita a Scottorum Principibus, a Suetiae quoque Regibus, quum ipsa Regina, cui Zanettianam Daëtyliothecam Auctoris nomine dedicavi, miro insignium Gemmarum amore teneatur, & his deliciis antiquae eruditionis Museum possideat refertissimum. Silentio potius quam meritis laudibus recolo famosissimum Prussiarum Regis nomen augustum, qui, quum ipse optimis disciplinis, & studiis omnis eruditionis sit instructissimus, tum litteras, tum artes omnes revocavit, & ad veterem gloriam adspirare exemplo suo mirifice cogit: quae omnia ex mox dicendis aliquo modo elucescent.

### IACOBUS THRONUS, Saec. XVI.

Nunc primum meis curis in lucem prodit nomen IACOBI THRONI, qui circa annum CIO. IO. LVI. in adamante eximia arte incidit Insignia Mariae Britanniae & Hiberniae Reginae, uxoris Philippi II. Catholici Hispaniarum Regis. Huius patria me latet.

ANONYMUS EBRAEUS cum prae laudato THRONO coniungendus, de quo omnes Scriptores, qui de Glyptographica scripsere, silent. Hic adamantem tabulatum, ut aiunt, *in tavola*, ovalis figurae, atque insignis magnitudinis, exquisito opificio insculpsit, in quo insignia Regis Prussiae cum quatuor gentilitiis Stemmatis spectantur; pro quo decem millia numorum, nempe *Toleri*, accepit; sed in eo effigendo tantum industriae, laboris, & solertiae insumsit, ut mox caecus evaserit; cuius nomen & patriam adhuc ignoramus. Haec mecum Clarissimus Baro de Stosch perhumaniter communicavit.

THO.

THOMAS SIMON Anglus, Saec. XVII.

Antiquis Caelatoribus, Gemmarumque Scalptoribus proximus habitus est THOMAS SIMON Anglus, qui tempore Cromuelis summa artis & ingenii laude apud Britannos floruit. Imagines Virorum Illustrium in lapillis insculpsit, atque etiam anaglyptico opere expressit; inter quas illae magnam ei nominis famam peperere, quae exhibent vultus Olivarii Cromuelis, & Domini Clarendonii primi inter Ministros Regni Caroli II. Regis Britanniae; quarum gemmarum ectypa exstant in Cimeliothecis Stoschianis. In formis incidit etiam aere cudenda Numismata, quae inter consummatissima eius opera celebrantur. Hunc nec Auctor Dissertationis Glyptographicae, nec Mariettus nominarunt.

MAURITIUS, atque eius Filius, Belgae,  
Saec. XVIII.

Ex Belgio Rohanum migravit, & domicilio sibi parato, regnante Ludovico XIII. Galliarum Rege, in Gemmarum scalptura non mediocrem laudem sibi paravit MAURITIUS. In Glyptographice filium suum erudit, qui complura edidit opera, quae laudata sunt; sed mox Rohano relicto Hagam Comitum se contulit, ubi octogenarius obiit anno MD. CC. XXXII. quum diu Parisiis Gemmis scalpendis operam dedisset.

N. REISEN Danus, & CAROLUS CHRISTIANUS  
eius Filius, eiusque Discipuli, CLAUS,  
SMART, SEATON, Saec. XVIII.

REISEN Danum inter egregios Lithographos recenset



set MARIETTUS, qui quum in Dania ortus esset, sequutus Guillelmum Regem, cui erat addictus, Londinum se contulit, ubi constituto domicilio suo gemmis scalpendis sedulus incubuit. CAROLUM CHRISTIANUM filium suum erudivit, & Glyptographicae abdita & difficilia suis exemplis monstravit; quibus adeo profecit, ut parentem longe superaverit: nam praestitit iudicio valde exquisito, propria, facili, ac celeri in caelando peritia ac sagacitate, quibus dotibus inter primos Anglos Scalptores Gemmarios connumerari, & quidem magna cum laude, potuit. Is celeri fato, annis circiter quadraginta natus, interceptus est circa annum CIO. IO. CC. XXV. Tam brevi tamen vitae curriculo complura opera elaborata reliquit; inter quae memoratur imago Caroli XII. Suecorum Regis, in qua, praeter mollem quamdam subtilitatem, nihil est quod desideres. Obstabat enim, ut caelamina sua absolutiora redderet perficeretque, innata quaedam in eo celeritudo, quae ab ingenii vi, & mira in tractandis opificiis facilitate sponte promanabat.

Inter alumnos, quos hic mirabilis Scalptor ex Britannis habuit, instructior habitus est CLAUS, qui demens obiit anno CIO. IO. CC. XXXIX. Alter est SMART, qui celeritate, qua in gemmis scalpendis usus est, omnium oculos admiratione complevit, sed negligentiae crimen non evitavit, qui Parisios se contulit circa annum CIO. IO. CC. XXII.

SEATONUS Scotus nunc Londini primarius Lithographus habetur, cuius opera glyptographica consummatissima sunt, quum in iisdem poliendis elaborandisque nec laboribus, nec diuturno studio parcat; sed in rebus omnibus *ne quid nimis* servandum est; quum interdum  
labor

labor exquisitior vigorem artis & nativam dignitatem enervet. Imagines Clarissimorum Virorum Gemmis faberrime insculpsit, nempe Pope Poetae celeberrimi, Iones Architecti, quem alterum Palladium censent, & Equitis Magni Ioannis Newton; quas solutis ingentibus impendiis dedit, praeter omnium laudes cumulatissimas, & favorem paene incredibilem, quae ita oriuntur, ut magnum ex unica favilla incendium.

N. OXE, Helveticus, Saec. XVIII.

Nunc primum a me memoratur, & egregiis exteris Gemmarum Scalptoribus adcenfetur N. OXE Helveticus, cuius nomen ut clarescat, debetur eximio Natter, qui eum praeceptorem habuit, quod mihi Cl. Stofchius patefecit. Si, ut monet Horatius, *fortes creantur fortibus & bonis*; in artibus quoque fatendum est, saepenumero ab egregiis Opificibus egregios prodire Opifices, qui frequentius & Magistros probatissimos antecellunt.

AARON VOLFF natione Iudaeus,  
Brandenburgensis, Saec. XVIII.

Huius Artificis non uno nomine laudabilis cum meminisset Cl. Stofchius me praesente in familiaribus colloquiis, omnem curam adhibui, ut de eo quae optabam rescirem. Quum Senis eum modo degere audivissem, rogavi eruditissimum Virum, fama nominis & editorum operum clarum, Ioannem Antonium Peccium, Equitem Ordinis D. Stephani, Patricium Senensem, qui hoc, quod sequitur breviarium operum eius, ab eo obtinuit; quod subiicio: " AARON VOLFF figlio „ di Iacob Volff Ebreo, Brandemburgese, Vassallo  
Dddd di S.M.




„ di S. M. Prussiana , nato nella Città di Sandau ;  
„ Provincia di Mandinburgh nella Marca Vecchia , ora  
„ d'anni trentasei incirca , Incisore di Gemme ; nelle  
„ quali esso lavora sigilli , armi , figure , ritratti , e Cam-  
„ mei , e qualunque altro lavoro , che in pietre pre-  
„ ziose possa farsi ; come anche è Professore di buli-  
„ no da operarfi in qualsivoglia metallo , tanto d'in-  
„ taglio , come di bassorilievo . Il medesimo è stato  
„ allievo di Michel Vais , della Città di Dessau , Vas-  
„ fallo di S. A. il Duca di Dessau . Il detto Aron ha  
„ avuto l'onore di servire molti Principi Reali nella  
„ Germania , e nell'Italia , specialmente a S. M. il Re  
„ delle due Sicilie in Napoli , come in Roma a varj  
„ Principi e Cardinali . Niuno allievo ha fatto , men-  
„ tre ha camminato molto il mondo , e ne' luoghi di  
„ esso ha fatto poca dimora ; e la maggior dimora  
„ che abbia fatto è stata in Napoli , ove le prime sue  
„ operazioni sono state incider Gemme ; ed il primo  
„ lavoro , che ivi facesse , fu per il Sig. Principe de  
„ Salis , Duca di Mont' Allegro , Primo Ministro di  
„ S. Maestà , e fu una Sardonica Orientale , in cui  
„ dall'antico incise una Leda col Cigno , e due Cor-  
„ nirole , una con Arme del medesimo , e in un'altra  
„ v'incise un Cesare Augusto . Il secondo lavoro fu l'  
„ Arme di S. M. in Zaffiro bianco ; il terzo lavoro  
„ fu per il Sig. Principe Pignatelli in un raro Gra-  
„ nato , in cui incise l'Arme di esso ; il quarto fu per  
„ il Sig. Duca di Maddalona , per cui in Corniola  
„ scolpì l'Arme , ed un Ercole in Plasma . Altro la-  
„ voro fece al Sig. Principe delli Tarcini Vicerè di  
„ Napoli , per cui fece l'Arme in Calcedonio ; e mol-  
„ ti altri lavori ha fatti al Sig. Principe della Riccia  
„ tanto

„ tanto in Gemme, che in bulino; e così parimente  
„ per il Sig. Principe della Villina sì d'Arme, come  
„ di Cammei diversi. In simiglianti lavori servì il  
„ Sig. Duca di Fori, ed il Sig. Principe di Tarfia,  
„ a cui incise due Corniole, una con Corona, ed al-  
„ tra con sua Arme, oltre a diversi lavori di bulino;  
„ talchè pochi Principi e Signori di rango Napoleta-  
„ ni son privi delle sue operazioni sì d'incisione di  
„ Gemme, che d'intagli di bulino; ed ancora si son  
„ prevaluti de' suoi lavori molti delli Generali e Uf-  
„ fiziali di Milizia, dei quali, e dei lavori per essi  
„ fatti non si ricorda. Ebbe ancora l'onore di fare in  
„ Livorno i primi Sigilli per S. M. C. quando fece  
„ l'ingresso come Granduca di Toscana, e questi fece  
„ in acciaio, e parimente nella Toscana, e ora nella  
„ Città di Siena, dove dimora, va continuando tali  
„ lavori, e fatiche da molti ricercate.

F I N I S.





P. A. Novelli del.

C. B. Braccioni inc.

1776. Hercules & the Hydra

ccxciiij

NOMINA VETERUM GEMMARIORUM,  
 QUORUM IN HISTORIA GLYPTOGRAPHICA  
 MENTIO INJECTA EST.



A.		CRITONIUS Q. DASSUS	pag. 46
ABASCANTUS	pag. 23	CRONIUS	7
ADMON	1	D.	
AETION	2	DIPHILUS	8
AGATHANGELUS	ibi.	DIOSCORIDES	7
AGATHEMERUS	ibi.	E.	
AGATHOPUS	ibi.	EPITYNCHANUS	8
AGEXANDER	ibi.	EVELPISTUS	25
ALLION	42	EVODIUS	9
AMPHION	3	EUTYCHES	ibi.
AMPHOTERUS	3	F.	
ANTIOCHUS	ibi.	FELIX <i>Calpurnius Severus</i>	ibi.
APOLLODOTUS	ibi.	G.	
APOLLONIDES	ibi.	GELLIUS	26
ASPASIUS	ibi.	H.	
ATHANASIUS	4	HEJUS	10
AULUS	ibi.	HELLEN	10
AXEOCHUS	5	HORUS	26
B.		HYLLUS	10
BESTIALUS	25	HYLLUS DIOSCORIDIS	ibi.
C.		L.	
CAECIDIUS	42	LAMIRUS	54
CAEKAS	5	LOLLIUS	ibi.
CLEON	ibi.	LUCIUS	11
CLODIUS	43	M.	
CNAEUS	5	MENANDER	55
COINIUS	6	MILESIUS	11
CORNELIUS	45	MITHRIDATE	ibi.
CRITONIUS P. HILUS	ibi.		

HIST. GLYPT.

Eeee



MNESARCHUS	pag. 55	R.	
MYCON	12	RAPILUS SERAPIO	pag. 62
MYRTON	ibi,	S.	
	N.		
NERO	55	SALLUSTIUS ACCEPTUS	65
NICEPHORUS	26	SATUREJUS	66
NICOMACHUS	12	SCYLAX	15
		SEGULIUS <i>Alex.</i>	69
	O	SELEUCUS	15. 69
ONESA	13	SICINIUS PRIAMUS	70
	P.	SIDON	ibi.
		SOLOON	16
PAGUS	57	SOSOCLES	ibi.
PAMPHILUS	13	SOSTRATUS	ibi.
PEIGMON	ibi.	SOTRATUS	17
PEMALION	58	STEFANUS	29
PERGAMUS	ibi.		
PHARNACES	13	T	
PHILODAMUS	59	TARSUS	ibi.
PHILEMON	13	TAMYRIS	18
PHILETIMUS	27	TEUCER	17
PHILOCALUS	28	TRYPHON	18
PLOTARCHUS	14	V	
POLYCLETUS	ibi.	VETTIUS	77
PROTOGENES	60	X.	
PYRGOTELES	14. 69	XENOCRATES	32
	Q.	Z.	
QUINTUS ALEXA	15	ZEUXIS	77
QUINTILLUS	ibi.	ZOSIMUS	78

# C A T A L O G U S

## LITHOGRAPHORUM SEQUIORIS AEVI

### QUI IN HISTORIA COMMENDANTUR.



ADONIUS. . . . .	<i>Romanus</i>	pag. 213
ANICHINUS, Ludovicus,	<i>Ferrariensis</i>	257
AVANTIUS, Nicolaus, et Jacobus,	<i>Veronenses</i>	249
AUTELIUS, Jacobus,	<i>Florentinus</i>	266

## B.

BARRIER, Franciscus Julianus,	<i>Gallus</i>	272
BECKERUS, Philippus Christophorus,	<i>Alemannus</i>	276
BELLIUS, Valerius,	<i>Vicentinus</i>	247
BERNABE', Felix,	<i>Florentinus</i>	192
BERNARDUS, Joannes,	<i>a Castro Bononiensi</i>	226
BERNARDINUS		144
BIRAGUS, Clemens,	<i>Mediolanensis</i>	240
BORGOGNONUS, Andreas		171
BORCHIGIANUS, Franciscus.	<i>Florentinus</i>	197
BRUGIASORZI, Dominicus,	<i>Veronensis</i>	255

## C.

CAESARIUS, Alexander,	<i>Patavinus</i>	258
CARADOSSUS, dictus FOPPA,	<i>Ticinensis</i>	208
CARAFA, Joannes Antonius,	<i>Brixienfis</i>	264
CARALIUS, Jo: Jacobus,	<i>Veronensis</i>	256
CARRIONI, Jo: Bapt. et Jo: Stephanus,	<i>Mediolanenses</i>	157
CAVINUS, Joannes,	<i>Patavinus</i>	262
CASTRUCCIUS, Michael,	<i>Florentinus</i>	167
CERTAIN, Jo: Baptista,	<i>Gallus</i>	274
CLAUS. . . . .	<i>Danus</i>	287
CONSTANTIUS, Jo: Pater, et Carolus et Thomas Fil.	<i>Romani</i>	219
COLDOREUS. . . . .	<i>Gallus</i>	270



## D.

DEWEBER, Laurentius Maria, <i>Florentinus</i>	pag. 197
DOMINICUS, il Romano	158
DOMINICUS, dei Camei, <i>Mediolanensis</i>	225
DONDONIUS, Antonius, <i>Buxetanus</i>	212
DONINUS. . . . . <i>Parmensis</i>	208
DORSCHIUS, Christophorus, <i>Norimbergensis</i> .	278

## E.

ENGELHART, Henricus, <i>Alemannus</i>	284
---------------------------------------	-----

## F.

FAREIT. . . . . <i>Anglus</i>	215
FERVCCIUS, Franciscus, <i>Florentinus</i>	153
FONTANA, Hannibal, <i>Mediolanensis</i>	243
FRANCIA, Franciscus, <i>Bononiensis</i>	230

## G.

GAFFURII, Christophorus, et Bernardinus, <i>Florentini</i>	165
GASPARINIUS, Jacobus, <i>Venetus</i>	267
GHINGIUS, Franciscus, <i>Florentinus</i>	178
GRAAFT, Godefridus, <i>Hanseaticus</i>	223
GUAY, Jacobus, <i>Massiliensis</i>	272

## I.

IOANNES, delle Corniole, <i>Florentinus</i>	133
IOANNES Maria. . . . . <i>Mantuanus</i>	206

## L.

LANDIUS, Dominicus, <i>Lucensis</i>	221
LECMANNUS, Caspar, <i>Alemannus</i>	275
LEONARDUS. . . . . <i>Mediolanensis</i>	206

## M.

MARMITTAE, Pater et Filius, <i>Parmenses</i>	205
----------------------------------------------	-----

# C A T A L O G U S.

ccxcvij

MASINIUS, Laurentius, <i>Venetus</i>	pag. 268
MAURITIUS, <i>Belga</i>	287
MICHELETTUS. . . . . <i>Florentinus</i>	209
MICHELINUS. . . . . <i>Romanus</i>	204
MISERONII, Pater, Dionysius et Ferdinandus Fil. <i>Galli</i>	275
MISURONII, Caspar, et Hieronymus, <i>Mediolanenses</i>	160
MOCHIUS, Antonius, <i>Florentinus</i>	167
MONDELLA, Galeatius, <i>Veronensis</i>	251
MONETA, Marcus Aëtius, <i>Bononiensis</i>	234
MULLERUS, Conradus, et Jo: Filius, <i>Alemanni</i>	277

## N.

NANNES, Fil. Prosperi dalle Corniole, <i>Florentinus</i>	143
NASSARIUS, Mathaeus, <i>Veronensis</i>	252
NATALIS, Flaminus, <i>Leidenfis</i>	213
NATTER, Laurentius, <i>Norimbergensis</i>	279

## O.

OXE . . . . . <i>Helvetius</i>	289
--------------------------------	-----

## P.

PASSAGLIA, Stephanus,	197
PASTORINUS. . . . . <i>Senensis</i>	154
PERICOLIUS, Antonius, <i>Senensis</i>	167
PETRUS MARIA. . . . . <i>Pisceansis</i>	139
PIHELER, five PICHLER Antonius, <i>Tirolensis</i>	223
POLI, Dominicus, <i>Florentinus</i>	140
POZZI, Joannes, <i>Romanus</i>	222

## R.

REISEN, Pater, et Carolus Fil. <i>Dani</i>	287
REY . . . . . <i>Gallus</i>	271
RICCIUS, Andreas, <i>Patavinus</i>	263
ROSSI, Jo: Antonius, <i>Mediolanensis</i>	155
ROSSI, Hieronymus, <i>Liburnensis</i>	223



ccxcviii C A T A L O G U S.  
ROSSI, (de) Propertia , *Mutinensis*

230

S-

SANTACRUCIUS, Franciscus, <i>Urbinas</i>	pag. 210
SCHWAIGERUS, Christophorus, <i>Alemannus</i>	276
SEATON. . . . . <i>Danus</i>	277
SERAFINUS. . . . . <i>Brixienfis</i>	264
SILVESTER. . . . . <i>Ravennas</i>	207
SIMON, Thomas, <i>Anglus</i>	287
SIRIES, Ludovicus, <i>Gallus</i>	187
SIRLETUS, Flavius Pater, Franciscus et Raymundus Fil. <i>Romani</i>	217
SMART. . . . . <i>Danus</i>	287
SPANENBERGERUS. . . . . <i>Norimbergenfis</i>	277

T.

TAGLIACARNE, Jacobus, <i>Genuensis</i>	206
TAVERNIUS, Julianus, <i>Mediolanensis</i>	212
THRONUS, Jacobus,	286
TORRICELLIUS, Bartholomaeus, <i>Faesulanus</i>	166
TORRICELLIUS, Cajetanus, <i>Florentinus</i>	172
TORRICELLIUS, Joseph, <i>Florentinus</i>	195
TORRICELLIUS, Joseph Antonius, <i>Florentinus</i>	174
TORTORINUS, Franciscus, <i>Mediolanensis</i>	242
TRECIUS, Jacobus, <i>Mediolanensis</i>	235
TUSCHER, Marcus, <i>Norimbergenfis</i>	280

V. et W.

VAGHUS, Thomas, <i>Mutinensis</i>	232
VALDER, Gerardus, <i>Belga</i>	170
WOLF, Antonius, <i>Brandemburgensis</i>	289

Z.

ZOPPIUS, Paulus, <i>Brixienfis</i>	261
------------------------------------	-----

---

E R R A T A.

In Praeloquium ad Daetyliothecam pag. xv. lin. 17. aureusque *lege* argenteusque.







DACTYLIOTHECA  
SMITHIANA

---

Volumen Alterum

HISTORIAM GLYPTOGRAPHICAM

AUCTORE

ANTONIO FRANCISCO GORIO

EXHIBENS.




VENETIIS.  
CLD LCCCLXVII.

---

EX TYPOGRAPHIO J. B. PASQUALII.  
SUPERIORUM VENIA AC PRIVILEGIO.








# DACTYLIOTHECA SMITHIANA.

## TABULA PRIMA IUPITER AEGIOCHUS.



**C**ÆLATORIS antiqui Graeci præstantissimi opificio, & raritate emblematis, insignis est haec Gemma; quae etsi valde manca ad nos pervenerit (quod rarioribus priscis monumentis frequentius accidisse dolendum est) tamen ex his quae supersunt, probe coniicere possumus referre imaginem IOVIS, iuxta Antiquorum Theogoniam, Deorum omnium Patris, (1) Regis ac Domini, quem multis cognominibus ab eius potissimum virtute, potestate, beneficiis, imperio, rebusque gestis desumptis Veteres ornarunt; quae numismata, & marmoreae inscriptae arae eidem dicatae, magna ex parte praesefेरunt. Quod deest in hac Gemma Chalcedonio bicolori opere anaglypho peritissime

a

ex-

---

(1) Vid. Inscript. Donian. Clafs. I. num. I. qua adpellatione in Votiva Ara Romana decoratur.



exscalpta, pereleganter ab Artifice Gemmario recentiori arte suppletum est; nam IUPITER vel myrtea, vel laurea corona decorus in vetustis sculpturis non raro occurrit.

Ipsa quoque eius effigies, & vultus lineamenta, quae prisca Caelatores nunquam variare consueverunt, Iovem esse testantur; quodque in hoc pretiosissimo lapillo notatu dignum, frontem, oculos, vultum longe emendatissimum, severitatem quamdam cum maiestate & gravi lenitate praeferentem, miro artis studio solertique effinxit Gemmarius antiquus, quem etiam suspicor nomen suum, quod intercudit, adscripsisse: id enim apud eximios Artifices, securos iudicii suorum temporum, & posteritatis, in more positum, ut cum aeternitate operis nomen quoque suum ad secutura saecula commendarent, indicarentque, atque ita opus ipsum suum se probasse, omniumque admiratione & laude esse dignissimum testarentur.

Quamquam nos lateat huius Artificis nomen, quod plane periit; ex aliis tamen Gemmis, quae ipsum praeferrunt, eandemque redolent opificii praestantiam, investigare possumus. Quemadmodum enim Pictores hac aetate faciunt, qui dum pictae tabulae artificem vel dubium vel non satis notum investigant, eorum opera, quae similia sunt, ingeniose inter se conferunt; si id & mihi licet, oculorum iudicio atque accurata conlatione fretus, crederem, non sine ratione, hoc ipsum opus insigni ab eo ipso sculptum Artifice Gemmario, qui ad similem Iovis imaginem incidit, quae exstat in Mediceo Imperiali Thesauro; (1) nimirum is fuit As-

PA-

---

(1) Hanc vide Vol. II. Musei Florentini a me editi Tab. II. num. I. pag. 14.

ASPASIUS; cuius celebre nomen sub eiusdem Numinis protome ita legitur incisum, ΑΣΠΑΣΙΟΥ. Medicea Gemma, nempe Iaspis rubrus, superne fractus est, ac mancus; egregia tamen arte suppletus. Idem ASPASIUS admirando opificio ac patientia incredibili MINERVAM BELLIPOTENTEM, e Iovis cerebro natam, Iaspidi pariter rubro diligentissime inscalpsit, nomenque suum gloriae cupidissimus adiecit: quod eximium opus exhibet Vir Clarissimus Philippus Baro de Stosch ex Dactyliotheca Ottoboniana, (1) meritoque ASPASIUM insignem Artificem adpellat.

In Medicea Gemma IUPITER tunicato pectore sculptus est; in nostra vero (quod, vel nunc primum, vel perraro observatum est) pectus aegide munitum gerit; quo munimento adversus TITANAS, Aetheris & Terrae filios, potentiae & gloriae suae hostes, pugnasse veteres Mythologi adfirmant; quapropter ΑΙΓΙΟΧΟΣ dictus est; nam haec lorica ad pectoris tutelam e caprina pelle constabat, accepta ex Amalthea capra, quae eum infantem lacte suo in Creta aluit, cuius exuvias IUPITER in caelum vexit, & sideribus ornatam consecravit, ut auctor est Musaeus apud Lactantium Firmianum (2): *Huius (inquit) capellae corio usum esse pro scuto IOVEM contra Titanas dimicantem, Musaeus auctor est; unde a Poetis ΑΙΓΙΟΧΟΣ nominatur.* Id ipsum adnotat Clemens Alexandrinus, (3) qui antiqui Poetae hos versus adfert, quem non nominat; &, ni fallor, eorum auctor Musaeus censendus est. Ita enim IOVIS scutum terrificum pingit:

Δει-

---

(1) Vide Tab. XII. egregii Operis, cuius titulus, *Gemmae antiquae caelatae, Sculptorum nominibus insignitae* ec. pag. 16. & 18.

(2) De falsa Relig. Lib. I. Cap. 21.

(3) Stromatum Lib. II. pag. mihi 413. edit. Colon.



Δεινὴν ἦν πέρι μὲν πάντα φόβος ἔσεφάνωται  
 Ἐν δ' Ἑρμῆς, ἐν δ' Ἀλκίῃ, ἐν δὲ κρυόεσσα Ἰωνή,  
 Ἐν δὲ π Γοργεῖν κεφαλὴ δεινοῖο πελώρου,  
 Δαίμν' τε σμερδνῆτε, Διὸς τέρας αἰγιόχοιο.

Qui ita redditi sunt:

*Terribilem, Timor immensus quem cingit, & ambit :  
 Lis quoque inest, & Visurgens, & frigidus Horror,  
 Gorgoneumque caput, monstrum olim quod fuit ingens,  
 Terribile, horrendum, ostentum Iovis aegida habentis.*

Hinc, Iove auctore, mos inolevit, ut Heroes pel-  
 libus armati bellum adgrederentur, & pugnarent; at-  
 que adeo inter prima vetustiora arma ingentia saxa,  
 conti trabales, & clavae fuerunt. Ad haec forsitan Io-  
 vis arma respexit Aeschylus, a quo δυσπαρέμιτος φρένες eius  
*pectus implacabile* (1) dicitur. Igitur vetustiora monu-  
 menta Poetarum & Scriptorum testantur Iovis scutum  
 caprina pelle contextum fuisse, non vero eius pectus  
 aegide armatum; quod quum Artifici difficile visum  
 esset, ut simul cum protoma exhiberetur, pectus eius  
 aegide indutum faberrime expressit; adparentque an-  
 guium capita, quae Gorgonis caput ornant; quamvis  
 ab nupero Artifice ipsum horrificum Gorgonis caput  
 mira diligentia & iudicio suppletum fuerit.

Ea profecto, quae in hac operosissima Gemma su-  
 persunt, perspicue docent ac testantur Gemmarium hunc  
 Opificem Graecum inter praestantissimos palmam retu-  
 lisse; eoque auctore veterum deliciarum Cultores sin-  
 gulare exemplum habebunt Iovis aegide circa pectus  
 armati, quod nondum, ni fallor, observatum fuerat.  
 Siquidem in multis monumentis spectatur IUPITER de-  
 victis

(1) In Prometheus ver, 34.

viētis profligatisque Titanibus Viētor , ac Triumphator ; nam aquila eius comes & ministra , quam conscendit , in caelum vehit , Diis viētoribus fociis & Geniis comitantibus , ut videre est in anaglypho eburneo , quod ex Museo Carpineo protulit Immortalis Senator Bonarrotius ( 1 ) & Vir Clarissimus I. B. Passerius in suis Lucernis fictilibus ( 2 ) , inque his IUPITER chlamyde ornatus conspicitur , nudo pectore , cum sceptro , quod tanquam divinitatis & imperii insigne gerit .

Templorum frontem ornari consuevisse aegide Iovis , cui dedicata erant , adnotat idem Bonarrotius ad numum Mylasensium ( 3 ) ; & quia primus omnium IUPITER triumphavit , ac triumphī auctor fuit ; propterea in Domitiani numo , quem ei adulatio Romani Senatus dedicavit , TRIVMPHATOR , & DOMITOR ORBIS TERRARVM dictus est . Sed de IOVE AEGIOCHO , quo haec Gemma superbit , alias veterum Poetarum & Scriptorum opiniones adfert prae laudatus Gyraldus , quas vide , si otium est . Aegidem non solum IOVI , sed & Minervae & Apollini tribuunt veteres ; sed alii pectoris tegmen , alii clypeum faciunt . Martialis ( 4 ) :

*Pectore quum sacro sederit , Aegis erit ,*

b

TA-

( 1 ) Vid. Observat. in Numism. max. mod. pag. 402.

( 2 ) Tom. I. Tab. XXV. & XXVI. pag. 33.

( 3 ) Ibidem Tab. X. num. I. pag. 217.

( 4 ) Lib. VII. Epigr. I. vide quae luculenter differit de Iovis aegide Ben. Averanius Dissert. XL. in Virgilium num. 6.



DACTYLIOTHECA  
TABULA II.  
IUPITER PLACIDUS.

**A**Ntiquarum elegantiarum periti Interpretes obser-  
varunt, veteres Artifices sculpsisse Deorum ima-  
gines, interdum ira plenas, interdum etiam placida  
mansuetudine, & serena iucunditate nitentes; quod &  
a Poetis, praesertim ab Homero omnium principe,  
factum constat; qui, ut homines solent, Deos multis  
passionibus obnoxios descripserunt, ac veluti pictura  
quadam loquente expresse-  
runt. In hac Gemma Sarda  
perspicuum est, Gemmarium exquisito opere exhibere  
voluisse IOVEM MEIAIXION, *Milichium*, hoc est *Placi-*  
*dum*, *Iucundum*, vel etiam *Serenum*; qua adpellatione in  
pluribus votivis aris eidem dedicatis ornatur (1).

Nec tantum quia sereno vultu IUPITER & mitis ef-  
fingebatur, ita dictus; verum etiam quia eius ope ac  
praesidio omnia serenitate donabantur, SERENATOR nun-  
cupatus est; cuius testis est Ara haec votiva inventa  
inter rudera Fori Romani, quam adfert Gudius (2).

IOVI. OPT. MAX  
SERENATORI  
CUSTODI  
C. MEMMIUS. C. F. COL  
SEPVLLVS. PRAEF  
PRAETOR

Hanc

---

(1) Vide Gruteri Thesaur. Inscr. antiq. pag. XXIII. 1. LXXVII. 6. MIX. 9.  
(2) Diis dedicator. pag. V. num. 3.

Hanc quoque idem Gudius profert aeream votivam tabulam Torcelli apud Venetos inventam.

I O V I . B O N O . D E O  
S E R E N A T O R I  
M . M I S C I L I V S . R V F V S  
V E T E R A N V S . E X . V

Gaudet etiam Iuno Regina Iovis soror & coniux PLACIDAE cognomento (1), quo etiam insignitur Hercules in vetustis aris (2). Iovis *Milichii* simulacrum, Polycleti opus, Argis cultum, celebrat Pausanias (3). Exploratum est, veteres Gemmarum Caelatores Deorum vultus in Gemmis sculpsisse, quales adparebant, spectabanturque eorum Imagines & Simulacra in delubris dedicata.

In hac Gemma IUPITER toto pectore nudus effictus adparet, e dextro humero refluyente brevi amiculo; cuius rei rationem adfert Porphyrius apud Eusebium (4), & antiquus Homeri Scholiastes a Cl. Antonio Bongiovannio, Bibliothecario Bibliothecae Venetae D. Marci, editus (5); nempe superiores corporis partes nudas habet, quia caelestibus mundi partibus conspicuus est; reliquas vero vestibus contectas, quod humi defixis sit incognitus; quod & Plato sapienter ostendit. Quum autem, ut ait Homerus, ἐν δὲ Διὸς Βασιλῆες, a Iove sint Reges, id intelligendum prisci Mythologi voluerunt, Iovis exemplo, qui Aether est, nunc pro opportunitate iracundia, nunc mansuetudine & clementia uten-

---

(1) Thes. Grut. pag. XXV. 2.

(2) Ibidem pag. XLVIII. 9.

(3) In Corinthiac. Cap. XX.

(4) Lib. III. Cap. IX. de Praep. Evang. (5) Vide pag. 47.



tendum esse ; uti in aethere fieri videmus , qui vel nubibus iratum , vel serenitate placidum se ostendit . Memoranda est , nec silentio praetereunda , insignis Lucerna Musei Oliverii apud Cl. Passerium meum , (1) quae integrum IOVIS SERENI simulacrum , stantis habitu , praefert , cum epigraphe : IOVI SERENO SACR. & , quod est notandum , IUPITER placido vultu pedibus insistit fulmini , dextra pateram , sinistra gerens sceptrum , nudumque pectus ostentat .



### TABULA III.

#### IUPITER TRIUMPHALIS.

**Q**UOD IOVIS caput spectetur laurea corona redimitum , in hac pereleganti Gemma Onyche insculptum , haud absurde TRIUMPHALIS adpellari potest . Triumphorum caeremoniae atque ornamenta ab Etruscis ad Romanos manarunt , quod alibi fusius observavimus . Nam primus omnium Bacchus , devictis Tyrrhenis , triumphavit , ac triumphi pompam invenit ; quam ab Etruscis accepit Romulus , teste Plutarcho in eius vita . ROMULUS , inquit , ut votum IOVI redderet quamgratissimum , & oculis civium speciosissimum , quercum , quam in castris vidit mirae proceritatis , recidit , & instar tropaei ordinavit , Acronis armis apte suspensis ex ea , aptatisque ; veste ipse incincta , & capite fluente coma , laurea coronatus , feretrum dextro innixum humero directum gerens , incessit ; carmen victorale exercitui praesens in armis sequenti ,  
civi-

---

(1) Editam vide Tom. I. Tab. XXXIII.

*civibus cum gratulatione, & laudibus eum excipientibus. Triumphorum fuit haec celebritas in posterum origo & exemplum.*

Sed mox triumphandi morem multis ceremoniis atque ornamentis auctum constat. Triumphantes curru vecti Capitolium scandebant, moxque templum ingressi, in gremio Iovis Capitolini detractam e capite suo lauream coronam deponebant; quod ipsum non solum triumphi auctorem, verumetiam hostium depulsores, vindicem ac propugnatorem agnoscerent, ac venerarentur. Iovi *Feretrio* devictorum hostium opima spolia dedicabant, & tropaea statuebant, (1) quae non solum Iovi, sed & Iunoni, quae *Tropaea* dicta est, in perenne gloriae monumentum consecrabantur. (2)



## T A B U L A IV.

### APOLLO ARGYROTOXUS.

**P**Ythonem serpentem internecione confecit APOLLO, qui ΑΡΓΥΡΟΤΟΧΟΣ ab argenteo, & splendido arcu ita vocatus est, cuius imago ab optimo Opifice Gemmario in hac Sarda insculpta est. Post humeros eius spectatur pharetra. Corona qua eius caput cingitur, hederacea mihi adparet; quod APOLLINEM & Bacchum unum idemque Numen veteres censuerint, ut auctor est Macrobius. Utrique deo tributa est tum hederacea, tum laurea corona; quod & alibi observavimus. Qui in Hyacinthis certaminibus APOLLINI sacris vincebant, apud Lacedaemonios hederacea corona coronabantur, uti constat ex Pausania (3), & Athenaeo (4). Antiquum  
c Epi-

(1) Livius Dec. I. Lib. I.

(2) Vide Iul. Caes. Bulengerum de Triumpho Lib. I. Cap. III.

(3) In Laconicis. (4) Lib. IV. Deipnosoph. Cap. VII.



Epigramma in tripode scriptum memoratur ex Herodoto, quem Scaeus Pugilum victor Thebis in Templo Apollini *Iaculatori*, seu *Sagittatori* in testimonium virtutis suae dedicaverat. (1)

ΣΚΑΙΟΣ ΠΥΓΜΑΧΕΩΝ  
ΜΕ ΕΚΗΒΟΛΩΙ ΑΠΟΛΛΩΝΙ  
ΝΙΚΗΣΑΣ ΑΝΕΘΗΚΕ ΤΕΙΝ  
ΠΕΡΙΚΑΛΛΕΣ ΑΓΑΛΜΑ

## T A B U L A V.

### FEMINA AD ARAM IGNITAM.

**S**Edens Femina ad ignitam aram, eleganti opere Sardae Gemmae insculpta, multa continet eruditae Vetus-  
tatis arcana mysteria, quae veteres Mystae sacris Deorum initiatis post multos probationum gradus tandem patefaciebant, iidemque initiati iuramento obstrangebantur ne profanis revelarent; quapropter plurima nos latent, quae in Orgiis Deorum fiebant. Huiusmodi iuramenti legem indicari putabam in marmorea basi honoris causa posita L. Valerio Iuniori e Pomptina Tribu, quam ei cum Statua Plebs Urbana apud nos dedicavit. In ea enim legitur: IURATO AD SACRA ETR. nempe *Etruriae*. (2)

Quum mulier formosa sit, eximio opificio sculpta, toto corpore nuda, putabunt aliqui Venerem esse posse. Sed quum Veneris nullum praeferebat symbolum, & symbola, quae exstant, ad Venerem haecenus cognitam

(1) In Thes. Murat. Clafs. IX. n. I. pag. DCXXVI. sed, paucis mutatis, quum alterum Epigramma adferatur in Clafs. II. pag. CXXI. n. 6. de fide exscriptoris dubito.

(2) Hanc habet in Par. I. Inscript. ant. quae in Etruriae Urbibus exstant, pag. 448. n. 79. de qua fusius disserui in Par. II. eiusdem Operis a pag. 279. ad pag. 287. num. 13.

tam non adludant , ex coniecturis videndum est , cui nam feminae haec omnia quae expressa sunt , aptari possint , vel etiam si ea & Veneri ipsi tribuerit Vetustas . Ferulam vittatam sinistra , quam ad ignitam aram admovet , tenet . Convenit huiusmodi symbolum Bacchis feminis , quae sacris Liberi Patris operabantur , & in Orgiis primas tenebant . Si vero ad picta Vasculorum Etruscorum emblemata , quamprimum a me in lucem proferenda , oculos convertamus , quae reconditam , ac nondum bene notam eruditionem continent , quam litterario orbi quamprimum , me curante , aperiet Vir Doctissimus Passerius , videbimus Veneri ab Etruscis ferulam , & thyrsum tributum esse , quod & ipsa cum ceteris Diis ad Orgia celebranda adfuerit ; quod & Ovidius in Fastis docet : ( 1 )

*Festa corymbiferi celebrabas Graecia Bacchi ,  
Tertia quae solito tempore bruma refert .  
Di quoque cultores gelidi venerunt Lycei ,  
Et quicumque ioci non alienus erat :  
Panem , & in Venerem Satyrorum prona iuventus ;  
Quaeque colunt amnes , solaque rura , Deae .*

& mox ; qui versus hanc feminam pingunt , quae collectum amiculum habet super genua :

*Ille super suras tunicam collecta ministrat :  
Altera dissuto pectus aperta sinu .  
Exserit haec humerum : vestem trahit illa per herbas .  
Impediunt teneros vincula nulla pedes .  
Fastus inest pulchris , sequiturque superbia formam .  
Irrisum vultu despicit illa suo .*

Ad

---

( 1 ) Lib. I. vers. 393.



Ad hanc singulari emblemate ornatam Gemmam explicandam mirificam lucem suppeditat pereximium ex aere monimentum prope Neapolim nuper effossum, quod oblatum est CAROLO BORBONIO, utriusque Siciliae Regi Inviſſimo, qui hiſce priſci aevi deliciis mirifice delectatur, curante Cl. Viro Iacobo Martorello Regio Graecarum Litterarum Professore, qui delineandum, aerique incidendum curavit, cenſetque apud Veteres in uſu fuiſſe ad ſcribendum pro arcula, ſeu thecula atramentaria, Graecis μελανδοχείον ſequiori aevo. In qualibet facie argento in aere inſerto miro opere ſculptus eſt Deus, vel Deae ſtantes; qui omnes reſpondent ſingulis hebdomadae diebus. Venus, quae in eo ſculpta eſt, nec de eius imagine dubitari poteſt, manibus thyrfum vittis ornatum praefert; (1) quapropter in Dionyſiacis Sacris, & Orgiis minime dubitandum eſt Venerem locum habuiſſe, cuius comites ſunt Charites, & Nymphae; quae etiam inter Gentilium Deas πολωνυμίας laudem conſecuta eſt, ut obſervat praefantiſſimus Ezech. Spanhemius. (2)

Super ignitam aram volitat papilio, de cuius imagine mihi ſcrupulum obortum fateor; nam corpore praepinguis valde eſt; ſcrutabarque, num potius vel columba, vel pernix eſſe poſſet, quae aves Veneri ſacrae ſunt, propter ſecunditatem. Quum tamen alae papilionem perſpicue indicent, de eo potius dicendum, & quid ſignificet inquirendum. Minime dubitandum eſt papilionem animae ſymbolum eſſe, de quo multa conditionis fruge nuper diſſeruit Celeberrimus P. Eduardus

Cor-

---

(1) Vide quae adnotata ſunt in Decade II. mearum Symbolar. Romanae edit. Vol. II. pag. 131. & ſeqq.

(2) Obſervat. in Callimachi Hymnum in Dianam pag. 120.

Corfinius in meis Symbolis Florentiae editis (1), dum maximi moduli numisma in Museo Vaticano reconditum, in honorem Antonini Pii Caesaris Augusti percussum, luculenter expenderet & inlustraret. Si igitur super ignitam aram volitantem papilionem esse velimus, coniiciendum est, hoc symbolo Apotheosim declarari; & Femina, quae sedens spectatur, indicare potest expiationem animae factam per mysteria Bacchi; & ipsa facile esse potest una ex Bacchi choro, quae Orgia, & Sacra curabat; qua de re & vittatam ferulam tenet. Adnotatum est a Cl. Passerio in Dissertatione *de animarum transvectione*, quae inter Astringeras Gemmas edita a me est, initiatos Mithriacis sacris ad Elysios migrare, sive ad Hesperidum Hortos equo vectos; & in adlatis a me antiquis Gemmis, ac marmoreis sepulchrorum anaglyphis, Mithriaci transvecti equo ad ignitam aram adcedunt, quae lustrationis eorum symbolum est. Ex Herodoto constat (2), Mithram esse Venerem, cuius religionem Persae ab Assyriis acceperunt; nisi forte *Mithras* cum adspiratione diversus est a *Mitra* sine adspiratione, ut observat Ben. Averanius, (3) qui haec de Venere Mithra erudite adnotat: *Vemus in animo Universi est illa vis, qua animus ad generandum incitatur; unde tanta, ac tam mirabilis existit rerum cum inanimarum, tum animatarum varietas, ac multitudo.* Utcumque res se habeat, fatendum est, valde difficile esse propriam, & magis aptam explanationem adferre harum Gemmarum, quae arcana veterum mysteria, sive Mithriaca, sive Orphica, Dionysiaca, & Orgica continent,

---

(1) Vide Vol. VI. (2) Lib. I. Cap. 331.

(3) Dissert. LXXI. in Antholog. num. 9.



tinent, quae nonnisi initiatis perspecta erant. Solebant enim hae Gemmae donari Defunctis, quasi testes, & vades lustrationum, quas in mysteriis Deorum, quibus initiati fuerant, dum viverent, acceperant. Etruscorum sepulcra frequenter pro emblematis sculptas praeferunt varias initiatorum lustrationes, de quibus luculenter pertractatum a me est in Museo Etrusco. Anaglypha quoque Sepulcrorum apud Romanos, & Italos frequenter exhibent Sacra Dionysiaca, Orgia, lustrationes, & Herculis labores, quibus immortalitatem consecutus est, & ipse post multas caedes expiatus; quod ostendit Farnesiana Tabula inter Donianas a me primum edita, mox docto Commentario illustrata a praeclaudato Cl. P. Corfinio, cui ipsam Tabulam aeri incisam communicavi, postquam eum ut hunc laborem in decus, & ornamentum mearum Symbolarum susciperet, fueram hortatus. Doctorem igitur hominum iudicio expendendum relinquo, num ea femina vel Venus, vel Baccha, sacrum faciens pro defuncti expiatione, ad apotheosim impetrandam sculpta sit. Adcedit quod Venus *Libitina* funeribus praeesse credebatur, uti Venus *Natalis* principiis vitae praeerat, ut auctor est Plutarchus (1), de qua multa a Scriptoribus, qui de funeribus antiquorum tractarunt, adnotantur. Minime silendum Epigramma Martialis: (2)

*Effert uxores Fabius, Chrestilla maritos,  
Funereamque toris quassat uterque facem.  
Victores committe Venus, quos iste manebit  
Exitus, una duos ut Libitina ferat.*

TA.

---

(1) In Vita Numae. (2) 43. Lib. VII.

## T A B U L A VI.

CUPIDO seu GENIUS CONCHA  
PER MARE VECTUS.

**T**Riton in hoc eleganti anaglypho novi operis , trahit currum ea forma exstructum , quem Physici naturalium rerum observatores cochleatas cassides adpellant. Insidet dorso eius Nympha Oceanina, & , undis multa placiditate plaudentibus, CUPIDO, seu GENIUS, quasi maris Dominus in curru sedens transvectatur . Amor Veneris , quae e mari orta fingitur , potentia est, qui crudelis a plerisque vocatur, & e mari ortus fingitur, marique simillimus esse ostenditur, ut observat Averanius (1). Et quidem si maris naturam contemplari velimus, persimilem Amoris naturae omnino reperiemus . Quid enim iucundius adspectu tranquillimaris , quum undae aequaliter diffusae , aut leniter vento crispatae nitent; quum aerae blandiuntur, splendet caelum, arridet mare, aer ipse placidus, & purus adlicit, & invitat ad navigandum? contra quid tam triste, faevum, metuendum, horridum, quam turbati maris facies, quum ubique horror, ubique minae, & praesentis mortis formido urget & instat? Eodem sane modo nihil aiunt esse beatius, nihilque iucundius Amore, qui sit compos effectus voti . Quod ostendit apud Terentium (2) adolescens, qui suis deliciis, & amoribus potitus, fortunam suam cum immortalium Deorum forte comparat . Contra vero nihil infelicius esse aiunt, nihil faevius Amore non prospero : quapropter  
Tibul-

(1) Dissert. XIX. n. 9. in Anthologiam .

(2) In Eunuchio Act. V. Sc. VI.



Tibullus ( 1 ) utramque conditionem amantium comprehendens, ita cecinit:

*Ab miseri, quos hic graviter Deus urget; at ille  
Felix, cui placidus leniter adflat AMOR.*

Et Poeta nobilis apud Athenaeum ait, (2) AMOREM duas habere sagittas; quarum altera iucunditatem omnem, & prosperitatem adfert, altera vitae perturbationem: quem imitatus Ovidius (3), alias Amoris sagittas esse plumbeas, alias aureas adfirmavit. Iure igitur AMOR e mari natus fingitur, cuius naturam, & mores imitatur.

Haec est magis consentanea menti nuperi Artificis explicatio. Si vero ad antiquissima Etruscorum & Romanorum emblemata in feralibus Urnis sculpta mentis oculos convertamus, quae exhibent Tritones dorso vehentes Nymphas; hinc discimus repraesentari defunctorum animas per mare vectas ad Elysios, quae Oceani aquis purgatae omnem felicitatem, ex Paganorum Theologia, post hanc transvectionem in beatis illis insulis consequi putabantur.

## T A B U L A VII.

### P S Y C H E.

**E**Xquisite elegantiae est Gemma, quae nunc in conspectum prodit, cum PSYCHES imagine. Puella eximia forma praedita exhibetur; & quidem, non  
ut

---

( 1 ) Tibullus Lib. II. Eleg. I. ( 2 ) Deipnosoph. Lib. XI. I.  
( 3 ) Metamorph. Lib. I. Fab. 9.

ut in aliis compluribus Gemmis, aperto capite, sed velato; qui cultus fortitan docet sub hac effigie expressam esse aliquam ex Augustis feminis, quae Apotheosin consecuta, Deorum consortio & immortalitate donata, culta est; nam papilio, qui in eius sinum volitat, quum immortalitatis indicium sit, iam ab ea adeptam divinitatem & consecrationem designat. In numismatis, quibus ad aeternitatem nominis Augustae Feminae Divae & sideribus receptae, & consecratae ostenduntur, velato capite semper repraesentantur, & plerumque etiam Dearum specie, cultuque earumque adtributis, atque ornamentis decorantur. Pertinent hae Gemmae simulacra continentes AMORIS & PSYCHES ad sacra quaedam AMORIS mysteria, quae Veteres occulta & arcana esse voluerunt; eaque praesertim apud Thespenses invaluerunt, apud quos AMORIS mystica Orgia celebrabantur; & forsitan ab iisdem Thespiis manarunt fabulae, & quae narrantur CUPIDINIS & PSYCHES nuptiae, eorumdemque coniugum passionibus, contentiones, blanditiae, oscula, amplexus, cruciatus, vincula, quae mutua vice apud eos intercedebant; quae omnia in monumentis antiquis tum eburneis, tum marmoreis, ac praecipue in Gemmis, exhibentur; e quibus non paucas observavi & protuli e Mediceo Museo (1). Pulcherri-  
ma prae ceteris est, eximia, atque omni commendatione digna, Gemma illa, anaglyptico opere ex Sardonyche sculpta, quae in Londinensi Daëtyliotheca Arundelliana spectatur; in qua TRYPHON, qui in ea nomen suum scripsit, *Nuptias Cupidinis & Psyches* miro ingenio expressit, tribus Geniis Paranympis famulan-  
e tibus;

---

(1) Tom. I. Tab. LXXIX. LXXX. & LXXXI.



tibus; quam editam vide apud Sponium (1), exquisitius tamen aeri incisam apud Cl. Baron. Phil. de Stofsch (2). His enim figuris ac symbolis veteres Philosophi designabant apud rudes homines animae hominis cum corpore unionem, variosque affectus & passiones inter Cupidinem quo corpus denotabant, & Psychem, qua animam divinae aerae particulam, & caelestis originis exprimebant, puellae formosissimae imagine, cuius humeris papilionis alas aptabant; nam  $\Psi\chi\eta$  commune nomen est, cum animae, tum ipsi papilioni conveniens; si vero alis papilionaceis destitutam exprimebant, papilionem ipsum, vel eius capiti, vel circa os & faciem volantem sculpebant, quod a perito Artifice & in hac incalpta Sarda factum conspiciamus. Veram de animae immortalitate, atque immaterialitate sententiam, de qua Plato divinitatis eius atque immortalitatis adfertor, compluribus vanis figmentis perturbaverunt corruperuntque sequiorum temporum scriptores, auctores emblematum omnium Cupidinis, & Psyche, quos etiam pictores, & sculptores secuti sunt; iisdemque defunctorum Sepulcra praecipuo studio ornavit, ut defunctorum animas immortales quidem, sed & post fata passionibus quibusdam obnoxias, ut stulte credebant, ostenderent.

Simulacra Cupidinis & Psyche tum apud Graecos, tum apud Romanos complura in eorum monumentis habentur; sed apud Etruscos nostros utrum eadem opinio invaluerit, quamprimum ex Vasculorum picturis ostendetur. Psyche & Cupidini Genios, tanquam ministros adtributos, ostendi ex marmoreo anaglypho  
Roma-

---

(1) In Miscell. erud. Ant. Sect. I. Art. II. pag. 7. (2) Tab. LXX.

Romano, (1) in quo Cupido calathum floribus refer-  
tum & corollam parat, vel potius a Psyche Corona-  
ria, quae cum eo sedet, Geniis ministrantibus, acci-  
pit. In altera Gemma a me adlata (2) ex celeberrimo  
Museo Victorio, spectantur Psyche & Cupido  
mutuis amplexibus se blande constringentes dum in su-  
blimia feruntur, caelum, uti coniciebam, ascensuri,  
ubi eorum nuptias celebratas fuisse fingit Apuleius (3);  
qui tamen ait, PSYCHEN a Mercurio arreptam, & in  
caelum perductam, haustoque ambrosiae poculo accu-  
buisse cum marito suo nuptiali coenae, supremo in thro-  
no, cui aderant in ordine suo discumbentes ceteri Dii;  
quibus pocula ministrabat Liber Pater, Horae rosis, &  
floribus omnia purpurabant, Gratiae spargebant balsa-  
ma, Musae carmina sonora pangebant, canente ad ly-  
ram Apolline, formosa Venere saltante, ac musicos mo-  
dos moderante, ceteris Diis plaudentibus; quae Apuleii  
pictura est elegantissima, & legentibus iucundissima.

Pulcherrima res est contemplari quam ingeniosi fue-  
rint Sculptores, ac praesertim Gemmarii Artifices, in  
exprimenda Psyches, & Cupidinis fabulosa historia.  
Hae Gemmae defunctis plerumque dedicabantur, ad-  
eoque non sine ratione inter funebria donaria connu-  
merari possunt. In numis nunquam vidi imagines Cu-  
pidinis & Psyches; at in Museo Mediceo, pulcherri-  
mum symplegma marmoreum observatur consummatif-  
simo opere a Graeco Sculptore perfectum, quod etiam  
operis vetustatem ostendit. (4) Sed in hoc ipsa Psyche  
nudo

---

(1) Vide in principio Praefationis ad Monumentum, sive Columbarium Servorum & Libertorum Liviae Augustae, pag. XI.

(2) In eodem Opere, pag. 232.

(3) Metamorphos. Lib. VI.

(4) Musei Florentini Tom. III. Tab. XLII. & XLIV. pag. 48. & 49.



nudo capite sculpta est ; in hac vero Gemma velato ; quo symbolo eius divinitas, vel Augustae sub eius effigie latentis consecratio, ut diximus, praenotatur.



## T A B U L A V I I I .

### F L O R A .

**D**IU haesi incertus , num hanc Imaginem Gemmae Sardae insculptam FLORAE tribuerem . Primum Nympham aliquam ex Napaeis, vel Venerem cum cesto sculptam opinabar . Tandem quum mihi videretur flores sinistra ostentare , FLORAE DEAE potius simulacrum exhibere putavi . Deam esse ostendit diadema, seu mitella, quam ad ornatum capitis gerit . Vestis eleganter sculpta est . In hortis Servilianis Romae laudat Plinius FLORAM, (1) insigne Praxitelis opus . Ovidius ei tribuit coronam in capite , variis floribus contextam ; (2) a quo *Florum mater* dicitur :

*Mille venit variis florum Dea nexa coronis .*

Romani a Sabinis eius cultum acceperunt . Primus omnium *Floralia* fecit C. Servilius ; cuius Deae caput corona laurea & floribus redimitum spectatur in eius numis in Morelliano Thesauro . Fabrettus aeream votivam lamellam Deae Florae cum donario positam adfert , sua tempestate in agro Sabino effossam , quae haec habet :

F L O R A E  
T I P L A V T I V S D R O S V S  
M A G I I  
V . S . L . M .

Numa

---

(1) Hist. Nat. Lib. XXXVI. Cap. V. (2) Lib. V. FaRorum, & Lib. IV.

Numa Pompilius, honoris causa, Flamines ad eius cultum adsignavit, instituitque, quos *Florales* dixit. Plura notatu digna de FLORA observat Gyraldus, quae vide (1).

Secutis temporibus FLORA adpellata est FERONIA; quod cognomen & Iuno Regina habuit, quasi unum idemque Numen fuerit. Id ex vetustis aris adstruimus; quum hoc marmor in Via Valeria exstaret. (1)

FLORAE FERONIAE  
SACRVM  
T. DEASIVS. T. F. HER  
CVLANILLVS. IIII  
VIR. VIAR. CVR

Graeci, teste Halicarnasseo, lingua sua alii Ανδέφορον, hoc est *Florigeram*, alii Φιλοσέφονον, *Coronarum amantem*, alii *Phersephonem* dixerunt.



## T A B U L A IX.

### F E M I N A B I F R O N S.

**P**RUDENTIAM hoc simulacro Sardae in scalpto contemplandam nobis proposuit Gemmarius aetate nostra egregius ac diligens Artifex; nam alterum caput virile barbatum, ea quae iam ad ciderunt, & praeterita sunt, respicit; alterum vero femineum, quae evenitura sunt infecuturis temporibus observat, & intuetur. Pectus nudum atque apertum est; quia non quae falsa, sed quae sincera & vera fuere eruntque, prospice-

f re

(1) Syntagm. I. Historiae Deorum.

(2) Haec & duae aliae inter Gudianas adferuntur, pag. LX. num. 9. 7. & 8.



re prudenter curat, satagitque studiose vel sequi, vel evitare. Serpentem gerit circa dextrum brachium convolutum, quem manu tenet; quem prudentiae symbolum esse nemo est qui nesciat. In vetusto numismate ex aere a Florentinis edito saeculo XV. in honorem Eloquentissimi Oratoris & Poetae IOANNIS BOCCACCII, quod singulare est, & apud me exstat, e quo complures amici eëtypa exemplaria desumpserunt, Femina stans sculpta in postica est, quae dextera manu serpentem ostentat; quo emblemate ostendere voluerunt, summum virum BOCCACCIUM in fabulis enarrandis instruere voluisse cuiuscumque ordinis homines tum sacros, tum saeculares ad prudentiam, parefactis nequissimorum hominum fraudibus, technis, astutiis, facinoribus, ut ab iisdem caverent, & verum virtutis & honestatis trami-tem confectarentur. Romani ut ostenderent Ianum Regem prudentissimum fuisse, bicipitem, & quadriformem effinxerunt, uti prisca numismata ostendunt. Siquidem & praesentia observare prudenter debent omnes, praesertim Reges ac Principes, ac praeterita nosse, quae in Historiis & Annalibus memorantur, & futura multo ante praevidere; quapropter Terentius (1):

*Istuc est sapere, non quod ante pedes modo est  
Videre; sed etiam quae futura sunt  
Prospicere - - - - -*

De hoc ipso emblemate Prudentiae, si plura cupis, habes apud Andream Alciatum.

TA-

---

(1) In Adelphis.

## T A B U L A X.

## O P S D E A .

**O**PS Dea , eadem ac Terra est , Vesta ac Ceres ; quam idcirco OPIM Veteres dixere , ut docet Varro ( 1 ) , quod opes omnes , & quae ad vivendum opis sunt , e Tellure proveniant ; eadem omnium rerum parens , ac Mater Deorum habita . Scythae lingua sua *Apian* adpellavere , ut docet Herodotus . Ea de causa cornu copiae spicis frumenti , & frugibus abundans eidem adtributum est , quod symbolum praefert in hac Gemma elegantissima antiqui Artificis opus exquisitissimum , qui eam Amethysto insculpsit . Fruges & fructus eius auxilio mortales accipere credebant ; de qua haec Macrobius ( 2 ) : *Hanc autem Deam OPEM Saturni coniugem crediderunt ; & ideo hoc mense [XIV. Kalendar. Ianuariarum] Saturnalia itemque OPALIA celebrari : quod Saturnus eiusque uxor tam frugum , quam fructuum repertores esse credebantur . itaque omni iam fetu agrorum coacto ab hominibus , hos Deos coli quasi vitae cultioris auctores ; quos etiam nonnullis Caelum ac Terram esse persuasum est : Saturnumque a saty dictum ; cuius causa de Caelo est ; & Terram OPEM , cuius ope humanae vitae alimenta quaeruntur ; vel ab opere , per quod fructus frugesque nascuntur . Saturno & OPI primus in Attica statuit aram Cecrops , teste Philochoro apud eundem Macrobius ( 3 ) . Huic Deae sedentes vota concipiebant , terramque de industria tangebant ; quem ritum facile ostendunt vetusta quaedam monu-*

men-

---

( 1 ) De Lingua Lat. Vid. Museum Etruscum T. II. Clafs. I. Tab. XXI. T. I. pag. 73. 74.

( 2 ) Saturnal. Lib. I. Cap. X. num. 231.

( 3 ) Loco citato .



menta, & Gemmae non paucae, quae exhibent feminam, vel etiam viros, qui incurvatis genibus, quasi sedentes ante fruges in vase vel canistro congestas spectantur, ex his aliquid accepturi; qui forsitan ritus in OPALIBUS servabatur, dum patres familiarum cum suis & servis, fructibus & frugibus iam coactis vescebantur; quod ex eodem Macrobio colligimus. Eadem Dea inter *Consentes* adnumerata, quae etiam praediorum conservatrix adpellatur in vetustis aris, iisdemque adpellationibus ornatur & Ceres, quae, ut diximus, unum idemque numen habitum est, nempe *Divā, Divinā, Consentia, Frugifera, Salutifera*, (1) cuius signum memoratur in sequenti ara Romae in Foro Boario posita a M. Purellio Tutelliano, Patrono Collegii Aurificum, de quibus agimus in Historia Glyptographica; qui ei signum candelabrum, basem, & hypobasem argenteam ex voto dedit.

## OPI. DIVINAE. S

M. PVRELLIVS. M. F

PAL. TVTELLIANVS

FLAMEN. FLAVIAL

CVRATOR. AEDIVM

SACR. PATRON. COLL

AVRIF. QVINQVEN

III. DD. SIGN. CANDELAB

BASEM. ET. HYPOBAS

CVM. AR

IIII. NON. FEBR.

L. TORQUATO III ET. C. IVLIA

NO. VETERE. COS

Pecu-

---

(1) Vide Gruteri Thesaur. pag. XXII. 3. 4. Gudianas Inscript. pag. XIV. 3. 4. 5. 6. 7. 8. & in sequenti.

Pecuniam a Romanis in aede Opis reconditam memorat Cicero Philipp. I. & ostendunt pondera quae exstant in celeberrimo Museo Collegii Romani Soc. Iesu, quae a Fabretto adferuntur, ita inscripta: **TEMPL. OPIS AVG.** cum numericis notis **II. V.** (1)

Illud, quod huius Gemmae raritatem auget, observandum superest, nimirum Dea dextrae manus digitum indicem ori suo admovet; quo indicabatur silentium in sacris mysteriis adhibendum, ex Aegyptiorum ritibus, atque institutis; & ita inter Aegyptiorum monumenta sacra expressus occurrit Harpocrates; de quo non pauca alibi adnotavimus, de quo etiam plura erudite profert amicissimus Passerius, qui in priore lucerna Vol. I. sigillum adfert cum epigraphe **DEO QVI EST MAXIMVS**; quae forsitan indicat Iovis Genium sacra Iovi, quem Deum maximum habebant, cum silentio celebranda, eidemque religiosas adorationes de more esse praestandas (2). Quod ad rem meam pertinet, signum se habere memorat Cl. Passerius **VESTAE**, precantis habitu, quae ad hunc modum expressa est; & adfert Apuleii testimonium (3), quod manus dextera ad oscula oris admota, & digitus erectus, inter indicia adorantium recenserentur. *Admoventes oribus suis dexteram, primore digito in erectum pollicem residente, ut ipsam prorsus Deam Venerem religiosis adorationibus venerarentur.* His igitur observationibus, adlatisque exemplis, non absurde conieci in hac Gemma eximia, imaginem referre **OPIM**, quae eadem est ac **VESTA**, **TELLUS**, **CERES**, quibus optime convenit copiae cornu fructibus & frugibus abundans.

---

(1) Inscr. Domest. Cap. VII. pag. 524. num. 369. & 370.

(2) Vid. in Notis, pag. 1. 2. 3. (3) Metamorph. Lib. IV.



## T A B U L A XI.

## T E R M I N A L I A.

**H**Uius pulcherrimae Gemmae anaglyphico opere Chalcedonio diligenter exscalptae emblemata defunctum est ex Ovidii versibus, quos adducam, ut meritis laudibus Gemmarius *νέαρος* Opifex noster ornatur. Romani divino cultu religiosisque sacris TERMINOS Deos devenerati sunt; quod in eorum tutela termini agrorum essent. Eorum religionem & caerimonias instituit Numa Pompilius, teste Dionysio Halicarnasense (1). Primum rudis lapis quadratus fingebatur pro Deo, & in agrorum finibus multiplicabatur, quem oleo ungebant, & floribus fertisque, velaminibus ac tae- niis coronabant; hique Termini tamquam simulacra habebantur. Huiusmodi ritus memorantur a Statio (2), ab Apuleio (3), & in hunc modum a Flacco Siculo. *Quum terminos disponderent, ipsos quidem lapides in proximam terram conlocabant, proxime ea loca, quibus fossis factis defuxuri eos erant, & unguento velaminibusque & coronis eos coronabant.* Festa VIII. Kal. Martias magna rusticorum solemnitate, & hilaritate celebrabantur. Antiquissimis temporibus sacra in honorem TERMINI peragebantur sine caede animalium; quae consuetudo mox secutis temporibus exolevit; rudesque lapides cum Dei effigie effingi coeperunt. Lapidem DEO TERMINO sacrum adfert Reinesius, quem vide. (4) Termini limitum agrorumque tanta profecto reverentia colebantur, ut si quis

---

(1) Antiq. Rom. Lib. II. pag. mihi 153.

(2) Thebaid. Lib. II. (3) Lib. I. Floridor.

(4) Inscript. Synt. Clafs. I. n. CCXXXIX. pag. 222.

quis eos transferre ausus fuisset ab agro in alium , violati numinis irae caput eius devoveretur ; talemque hominem occidere licitum erat , ut sacrilegium expiaretur , ut auctor est Pompeius Festus : *Denique Numa Pompilius statuit , eum qui terminum exarasset , & ipsum & boves sacros esse .* Multa etiam erudite observat Sponius in Miscellaneis eruditae Antiquitatis ( 1 ) ; qui adfert schema Musivi Lithostroti antiqui Lugdunensis , in quo expressus est iuvenili forma Terminus Deus , in Hermæ similitudinem , ad quem Genius Satyrum adducit , adductum adloquitur , & prohibere videtur ne protervus adcedat . Non longe adstat Silvanus , quem Horatius *Patrem , & finium Tutorem* ( 2 ) vocat ; quo emblemate , ut opinor , prisca Ethnicorum religio in colendis terminis declaratur . Sacra in honorem TERMINI celebrabantur VII. Kalendas Martias , uti scriptum in Kalendario Constantini Magni :

## IX. FERALIA

## VIII. CHARISTIA

## VII. TERMINALIA

Eadem *Terminalia Sacra* accurate ab Ovidio ita describuntur , ad quem quum Artifex noster respexerit , versus minime praetermittendi sunt : ( 3 )

*Nox ubi transierit , solito celebretur honore ,*

*Separat indicio qui Deus arva suo .*

TERMINE , *sive Lapis , sive es defossus in agro*

*Stipes ab antiquis , sic quoque numen habes .*

*Te duo diversa domini pro parte coronant ;*

*Binaque ferta tibi , binaque liba ferunt .*

*Ara*

( 1 ) Sect. II. Artic. VII.

( 2 ) Epid. Ode 2.

( 3 ) Fastorum Lib. II. vers. 640.



*Ara fit: buc ignem curto fert rustica testu  
 Sumtum de tepidis ipsa colona focis.  
 Ligna senex minuit, concisaque construit alte;  
 Et solida ramos figere pugnat humo.  
 Dum sicco primas irritat cortice flammās,  
 Stat puer, & manibus lata canistra tenet.  
 Inde, ubi ter fruges medios immisit in ignes,  
 Porrigit incisos filia parva favos.  
 Vina tenent alii: libantur singula flammis.  
 Spectant, & linguis candida turba favent.  
 Spargitur & caesa communis Terminus agna:  
 Nec queritur, lactens cum sibi porca datur.  
 Conveniunt celebrantque dapes vicinia simplex;  
 Et cantant laudes, TERMINE SANCTE, tuas.  
 Tu populos, urbesque, & regna ingentia finis:  
 Omnis erit sine te litigiosus ager.  
 Nulla tibi ambitio est: nullo corrumpere auro.  
 Legitima servas credita rura fide.*

Haec omnia perbelle in hoc Cameo expressit ingeniosus Artifex. Ignis lucet in ara ante ipsum TERMINUM. Canistrum floribus, unguentis, taeniis, vino, libisque ac frugibus refertum adfert, & capite gerit puerulus. Cratere ante aram posito, stat Sacrificulus flexis genibus cum cultro ut agnam caedat. Adsunt licticenses, & cornicines duo, qui, dum sacra Terminalia celebrantur, eiusdem Dei laudes canunt. In exergo, duo encarpia e floribus, frugibus ac frondibus contexta, suspensa visuntur, cum arietino capite in medio; nam Ovidio, ut vidimus, teste, diversa parte, nempe antica & postica coronabatur Terminus pro Deo habitus, & bina ferta suspendebantur, quia ipse agrorum fines ante & retro tueri credebatur. In Sacris Silvani  
 qua-

quadrata spectatur ara in vetusto marmoreo anaglypho , quod adfert , & inlustrat Iac. Philippus Tomafinus de Donariis ac Tabellis votivis Cap. XXIV. cuius Dei *Tutoris finium & arvorum* , laudes adstante tibiae canuntur . Adfertur porca vittata immolanda ; & senex rusticus vini amphoram in humeris adfert , & suspensae arbori corollae spectantur , quod monumentum , si otium est , vide .

Quod ad victimam spectat in honorem Dei TERMINI caesam , Horatius agnam & haedum memorat : ( 1 )

*Vel agna festis caesa TERMINALIBUS ,  
Vel haedus ereptus lupo .*

quamvis a Plutarcho nulla adsignetur hostia . Igitur in agrorum finibus statuebantur Termini vel e truncis arborum , vel e sectis lapidibus , qui pro Diis habebantur custodibus , & tutoribus arvorum praediorumque : at Romae in Capitolio TERMINUS Deus , servator & custos limitum ac finium Imperii Romani , tanto honore colebatur , ut cultus par Iovi esset ( 2 ) . Quum Tarquinius Superbus Iovi Templum aedificare vellet , evocatis e suis sacellis diversis Diis e Tarpeio , solus TERMINUS sedem non mutavit , ut notat Servius in Virgilium ( 3 ) : *Quumque omnes Dii libenter inde migrassent , TERMINUS solus , hoc est , limitum Deus , abscedere noluit ; sed illic remansit . Tunc de hoc ipso sacrificatum est , & deprehensum , quod TERMINUS cum IOVE*  
h rema-

( 1 ) Epod. Ode II.


( 2 ) Vid. Rosinum Antiq. Rom. & ad eum Th. Dempsterum Lib. II. Cap. XX.

( 3 ) Aeneid. Lib. IX. vers. 448.



## DACTYLIOTHECA

*remanens aeternum Urbi imperium cum religione significaret ; unde in Capitolio prona pars tecti patet , quae lapidem ipsum TERMINI spectat ; nam TERMINO nonnisi sub divo sacrificatur .*



## TABULA XII.

### ADVENTUS AUGUSTI.

**H**Uius qualiscumque sit gemmae valde difficilis apparet enarratio, saltem ut mihi videtur; nec fortasse omnino feliciter eam caelator exsculpsit, ut quod animo conceperat, satis luculenter exprimeret. Quamobrem mihi ignoscendum puto, si coniectando, vel potius ariolando mentem Artificis adsequi conabor. Hanc igitur arbitrarer adventum, aut transitum nescio cuius Imperatoris designare, Imperatorum enim mos erat, ut nemo nescit, pro rerum opportunitate, vel imperii necessitate Provincias peragraré, vel ad bella proficisci, vel ab exercitu révertere. Civitates autem per quas illis transire, aut ad quas divertere opus erat, praestantiores Cives obviam mittebant, qui Civitatis nomine adclamabant consuetis, & probe notis formulis, quas in nummis frequenter legimus, nempe: Adventui Augusti Africae, Alexandriae, Ciliciae ec. & in pervulgato Traiani nummo: S. P. Q. optimo Principi. Adventui Aug. Arabiae. Haec autem obviatio ab artificibus in operibus anaglyphis ita exprimi solebat. Simulacrum Urbis peculiaribus eius symbolis ornatum, vel illius Civitatis genium caelabant, qui obviam ire Imperatori praeferret. Hoc  
fa-


## S M I T H I A N A.

factum esse existimo in hac gemma . Foemina enim pone currum adstans Civitatem quamdam refert , uti arbitror ; cistellam capite gestans , in qua vel donarium est impositum , vel regionis illius fructus , ( non enim distincte discernitur ) quasi fertilitatem innuat ex pacata , vel bene composita provincia partam . Exstat Romae marmor anaglyphum , cuius ectypum cerni potest in libro , cui titulus : *Admiranda Urbis Romae ec.* sub quo legitur , *Adventus Augusti Siria* : quod ad Marcum Aurelium spectat , in quo similis obviatio videtur ; cum enim Marcus in Siriam venisset , illi occurrerunt reges , & legati Persarum , ut patet ex Xyphilino , & Capitolino . Multa , quae ad hoc argumentum pertinent , possem hic adferre ex V. C. Ezechiele Spanhemio tom. 2. pag. 622 , sed ne aliorum scrinia expilare dicar , ad ipsum Lectorem amandabo . Forma currus peculiaris est , & peculiari animadversione digna . Fieri etiam potest , ut Imperator hic expressus thorace indutus post pugnam , & victoriam ad quamdam Civitatem vel Provinciam accedat , ut pacem illi indulgeat , cuius condiciones in volumine quod manu tenere videtur , & foeminae superius memoratae porrigere , contineantur .

Inter gemmas , quae exstant in Regis Galliarum Cimelio num. CIII. una est , quae Cnei Pompeii triumphum praefert . In ea imperator thorace indutus apparet stans in curru a quatuor equis vecto , cornu copiae dextra gestans , quae ubertatem suis victoriis populo Romano partam indicat , ut acute sane existimat Vir Cl. Petrus Mariettus moribus antiquis , & multiplici eruditione praeditus , qui has  
gem-



gemmas una cum suis animadversionibus edidit . Anteit currum foemina equestris , manu sinistra vas sustollens , in quo non bene apparet quid contineatur . Eruditi videant , quantum lucis hae duae gemmae mutuo sibi conferant .



## TABULA XIII.

## TYPHON.

**I**Mago haec, anaglypho opere faberrime Chalcedonio exsculpta, adeo similis est alteri, quae Helitropio insculpta diaglypho antiquo opificio exstat in Museo Mediceo (1), ut verisimilius credam non Gorgonam, ut nonnulli opinabantur, sed TYPHONEM referre; illorum sententiam secutus, qui Typhonem nil aliud esse crediderunt, quam vim Ventorum non subterraneorum modo, sed etiam e sublimi loco spirantium, qui turbines, & procellas creat; quapropter Hesiodus, eum Terrae ac Tartari sive Erebi filium facit; eidemque ea de causa ad celeritatem eius ostendendam alae tributae sunt, quas in capite gerit; atque ea de causa truci atque horrifico vultu, horrentibusque capillis sculptus cernitur. In Medicea Gemma effictus est cum amiculo, quo inflato caput ab eo obumbratur; in hac vero Gemma alis armatum habet in vertice caput; quas Ventis veteres Poetae & Scriptores tribuerunt, ut observat Cl. Senator Bonarrotius (2). Quam immanis, saeva, terribilis, & cladibus ac minis plena Typhonis vis sit terra marique, nuper quassata turbinibus Italia, Europa, & America, Philosophi praestantissimi editis egregiis scriptis ostenderunt. Ventorum teterrimum impetum, quo turbine creant, mirifice ob oculos pingit Virgilius, cuius descriptionem nefas omittere arbitror: (3)

*i**Ac*


---

(1) Vide Musei Flor. Vol. II. Tab. XLI. num. I. pag. 91.

(2) In Fr. gm. Vascul. vitr. Christian. in Romuli Diptychum, pag. 238.

(3) Aeneid. Lib. I. vers. 85.



- - - - Ac venti, velut agmine facto,  
 Qua data porta, ruunt, & terras TURBINE perflant,  
 Incubere mari, totumque a sedibus imis  
 Una Eurisque Notusque ruunt, creberque procellis  
 Africus, & vastos volvunt ad litora fluctus.

Terribiles vultu Ventos, turbinum procreatores, pingunt Poetae. Ovidius (1):

Protinus Aeoliis Aquilonem claudit in antris,  
 Et quaecumque fugant inductas flamina nubes:  
 Emittitque Notum. Madidis Notus evolat alis,  
 Terribilem picea tectus caligine vultum:  
 Barba gravis nimbis; canis fluit unda capillis.  
 Fronte sedent nebulae; vorant pennaeque, sinusque.  
 Utque manu lata pendentia nubila pressit,  
 Fit fragor: hinc densi funduntur ab aethere nimbi.

Saevitiem, impetum, horrorem, rabiem Ventis ac Turbinibus alii tribuunt. Horatius:

- - - - Nec timuit praecipitem Africum  
 Decertantem Aquilonibus:  
 Nec tristes Hyadas, nec rabiem Noti.

TEMPESTATES quoque horrendo vultu, ira toto aspectu erumpente, in vetustis monumentis repraesentantur; &, quemadmodum Gorgones, caput habent alis instructum. Tempestatum socios veteres fecerunt Ventos, Turbines, Procellas, quarum aedem extra Portam Capenam dedicavit M. Marcellus. Praeterea in hoc sphragismate virilem vultum, non femineum conspicio; quare neque Prometheus clavis in Caucaaso fixum, neque Tytium supplicio cruciatum, nec Terrorem Palloremque expressum arbitror; adeoque quia alatum habet caput,

---

(1) Metamorph. Lib. I. vers. 262.

put, Typhonem Tempestatum, Turbinum, Procellarumque parentem referre vero propius crediderim.

T A B U L A   X I V .

V I R   F U G I E N S

A V I N C U L I S E R E P T U S .

**S**I omnes Gemmarii Artifices antiquae Mythologiae, & Historiae Heroicae periti ac probe instructi fuissent, multa eorum opera haberemus, quae ostenderent, eos veterum Graecorum Sculptorum ac Caelatorum gloriam aemulasse, atque ad eam consequendam omni conatu, arte, ac studio propius adcessisse. Sed quia eorum plerique ignari vetustorum morum fuere; idcirco in multis peccarunt. Exemplo sit hoc Cameum, Chalcedonio exsculptum, in quo nostrae vel superioris aetatis Scalptor Aurifex PROMETHEUM, ni fallor, exhibere voluit divina ope liberatum, solutis vinculis, quibus in Caucaſo defixus fuerat. Pro Hercule liberatore, Iuvenem in nube supra eum advenientem, ac stantem expressit, & catellum laetitia ei adblandientem adiecit. Praeterea, quum omnis Antiquitas ostendat ac testetur Heroas a peritissimis tum Pictoribus, tum Sculptoribus ac Gemmarum Caelatoribus corpore nudos effictos fuisse, ut in membrorum nuditate ingenii sui artisque praestantiam ostenderent; hic Gemmarius noster, Imperatorum, Equitum ac Militum more, thorace armatum Iuvenem, & pro Caucaſi rupe rude saxum effinxit. Nostra aetate Gemmarii Caelatores dum aliquod egregium opus meditantur, studia sua cum Viris Antiquitatis peritissimis communicant, ab ipsis quae caven-  
da,



da, & quae facienda sunt, discunt; ac non raro stupenda antiquorum Sculptorum opera iterum exprimunt, & repetita vendunt non parvo pretio veterum elegantiarum aestimatoribus studiosissimis. Divinus Michael Angelus Bonarrotius Florentinus, Vir nobilissimus, nil adgrediebatur, quod non esset difficillimum, & nomini suo immortalem statueret gloriam, & securus iudicii & laudis omnis posteritatis esset, ut in eius Vita nuper a me edita adnotatum est. Antiquorum opera si quae iterata dedit, perfectiora, & emendatiora admirando artis & scientiae suae studio reliquit; quod ab eo factum memorant in marmoreo Scythae signo, sculpto a praecellentissimo Graeco Artifice, quod in Conclavi Medicei Thesauri conspicitur, in quo coxam & crus accuratiore flexu nisuque, & meliore corporis inclinatione, quam idem Graecus antiquus Statuarius fecerat, expressit. Is enim Scythae ferrum acuit, ut Marfyae pellem detrahat, & Apollinem iam iam sententiam pronunciantem contemplatur, ut iussis eius praesto sit. Quum igitur tum Romae, tum Florentiae, Neapoli, Venetiis, alibique Itali nostrae aetatis Artifices in caelandi arte sint praestantissimi; illud velim, ut ipsi nihil faciant sine iudicio, & consilio hominum doctorum, qui in Mythologico Antiquitatis studio egregie versati sunt, ne in turpes errores infelici ac sterili labore prolabantur; quod ne in posterum adcidat, illud Horatianum monitum ad Poetas, & ipsis hortatione mea aptabo (1):

- - - - - *Vos exemplaria Graeca*  
*Nocturna versate manu, versate diurna:*

si ve-

---

(1) De Arte Poetica.

fi vestris operibus aeternitatem, & vobis ipsis immortalem gloriam comparare flagrantissime cupitis.

T A B U L A   X V .

F A U N U S .

**P**ersimilis est icon haec FAUNI insculpta Achatī Orientali, quae etiam Artificis SOLONIS nomen praefert, alteri eximii operis, cuius eētypum inter mea Cimelia servo; quae antiqua Gemma inventa est, ut ferebant, in sepulchro Servorum & Libertorum Liviae Augustae detecto in Via Appia anno MDCCXXVI. quod luculenter inlustravi. Vultus eius mira arte adrisum compositus; oculi eum ebrium esse perspicue ostendunt; caput corymbifera corona redimitum spectatur; dextra pectoris parte pendet tigridis pellis, quae tum Bacchus ipse, tum Fauni & Bacchae, ex eius choro amicti spectantur. Pectus vero adeo laeva turgescit mamma, ut Baccham potius referre videatur.

T A B U L A   X V I .

M U S A E   C A P U T .

**F**EMINAE caput, Chalcedonio exsculptum exquisitissimo opere, quod in hac Tabula exhibetur, priscarum elegantiarum cultores aliqui MUSAE effigiem referre censent; eamque cum editis aliquot Musarum imaginibus convenire aiunt. Quia vero Musae Bacchi comites fuere, dum, Indiarum gentibus devictis triumphum egit, quem primus omnium instituit, &

k                      docuit;



docuit ; ea propter heic in Dionysiacâ pompa , & famulatio locum convenire posse arbitrati sunt. Profecto Dionysiacum triumphum omnium primæ ordine ducunt canentes Musæ in Florentino marmoreo anaglypho, quod inter monumenta Etruriæ Urbium protuli in lucem (1). Ita quoque a Diodoro Siculo in Bacchica pompa describuntur. Nemo est qui ignoret, non solum Herculem, sed etiam Bacchum *Musagetem* adpellatum, quem Athenienses *Melpomenem* dixerunt; a quo carmina pangere eius chori feminas & Satyros didicisse testatur Horatius (2):

*Bacchum in remotis carmina rupibus  
Vidi docentem, credite posteri,  
Nymphasque discenteis, & aureis  
Capripedum Satyrorum acutas.*

Quamvis Musarum capita tum pinnis, quas e Pieridum alis extorserunt, tum multiplici capillorum cultu ornatae occurrant, de quo alibi nonnulla observavi; tamen & hic ornatus non raro in antiquis sculpturis conspicitur, & præsertim in Musæ fidibus cantante, quam in Gemma expressit ONESAS insignis inter Graecos Opifices sculptor, quam protuli in Museo Florentino Tab. IV. nam undantes eius crines maris undas quodammodo referunt, qua de causa Homerus ἰοειδέα πόντον pulcherrima comparatione eos adpellavit; qua specie & in hoc elegantissimo opere spectantur post caput ita simul comprehensi, ut maris fluctus eleganter imitentur. Sed in rebus dubiis nil adfirmandum censeo; quare si quis in hac Gemma imaginem potius aliquius Matronæ nobis incognitæ expressam crediderit, eius iudicio minime refragabor.

TA-

---

(1) Vide Par. 111. Tab. XXIX. pag. CXIV. & CXV. (2) Carmin. Lib. 11. Ode XIX.

## TABULA XVII.

## FEMINA BACCHAE SPECIE.


**M**Inime dubitandum est, praestantem Artificem egregio exstanti opere sculpsisse in hac Gemma imaginem FEMINAE aetate sua viventis, atque in ea ejus oris lineamenta ita expressisse, ut spirantem referret. Quia vero non tantum gloriam, sed & dignitatem operi suo adcedere volebat, sagaci ingenio specie BACCHAE eam perita manu effinxit. Capiti hederaceam coronam imposuit; vestes vero ita composuit, ut nudum pectus nudumque sinistrum brachium adparerent, quod etiam geminatis unionum lineis, veluti armillis, elegantiae causa condecoravit. Susplicari etiam minime absurdum est, quia floruit restituta in Italia Glyptographica Arte, eum specie Cleopatrae imaginem hanc suam nobilitare voluisse. Quemadmodum enim vel legit, vel audivit, M. Antonium forma & illecebris Cleopatrae captum, in Aegypto Bacchi speciem, cultum, habitumque induisse, uti in pulcherrimo marmoreo anaglypho spectatur apud Cl. Senatorem Bonarrotium (1); ita quoque & ipsam Cleopatram putavit Bacchae specie ornatam prodiisse, ut M. Antonio magis placeret in Bacchi Orgiis, quae maxima pompa ac sumtuosissima apud Aegyptios celebrari solebant; quod docet famigeratissima Ptolemaei Philadelphi Bacchica pompa, quam luculenter Athenaeus describit (2), in qua & ipse Bacchi specie, ceterisque ornamentis insignis, spectatus est. Profecto quum haec feminae imago praepinguis sit,

---

(1) Vide in *Dissert. del Trionfo di Bacco*, post *Observat. in Numism. max. mod. Musei Carpinici*, pag. 447. (2) *Deipnosoph. Lib. V.*



fit, absurdum videtur credere, ingeniosum Caelatorem expressisse Cleopatram; licet perfimili specie effinxerit timida manu, quae pectori aspidem non admovet, sed anguis ipse, quasi e manu elapsus, pectus eius adgreditur. Scivit etiam Gemmarius Opifex Bacchas furore percitas cum anguibus incessisse, quod Gentibus exprobrat Arnobius (1); quamvis non in hunc modum in antiquis monumentis, & in Scriptorum picturis, sed aliter cum anguibus furentes exhibeantur. Opus profecto neoterici Scalptoris pulcherrimum & optimum est; nec dubium, hac specie effigiem repraesentare voluisse illustris alicuius feminae, quae sua aetate forma quadam gravitate & dignitate plena eminebat.



## T A B U L A XVIII.

### FEMINA BACCHAE SPECIE.

**P**Oterant eximii Gemmarii Scalptores, qui studio & labore Glyptographicam apud Italos restituerunt, Dearum specie, vel Cybeles, vel Iunonis, vel Veneris exhibere imagines Feminarum, quae eorum aetate summum decus & laudes promeruerunt; sed frequentius, ut ex his aliisque elegantissimis Gemmis, anaglyptico praefertim opere exscalptis, BACCHARUM imagines sibi proposuerunt, quia in his effingendis clarius elucescere artis suae praestantiam, laborem, & opificium censuerunt. Siquidem in his praeter oris lineamenta magno studio multa exprimenda sunt, capilli, nexus, cincinni, hederacea corona, vestes tenues, & alia, quae iisdem apta sunt, ornamenta. Hinc quantum dignita-  
tis

---

(1) Contra Gentes, Lib. V.

tis, & elegantiae in se habeat huiusmodi opus pulcherrimum, si singula spectemus, perspicue intelligitur. Mirum, quam operosa est hederacea corona, qua huius Feminae caput redimitur! crines vero calamistrati, qui praelongos cincinnos refluents, & parvos etiam circumcumeutes miro opere efformant, exquisitissimum studium & ingenium Gemmarii Scalptoris perspicue ostendunt. Vestis quoque circa humeros & pectus perpulchre composita est; singula opus testantur laudatissimum, atque emendatissimum. Capilli, in pendulos cirros tam eleganti studio faberrime sculptos efformati, in mentem revocant pulcherrimum marmoreum simulacrum Deae Cybeles, quod Romae exstat in Museo Victorio; nam in hanc speciem sculpti sunt: de quo simulacro nuper differuit, inscripto egregio opere Sociis Columbariae Florentinae, tum nobilitate tum eruditione Celebris Franciscus Victorius, Equestris Ordinis S. Stephani P. & M. Commendator. Ovidius, quomodo crines ornandi sint, & quam vario cultu & arte, docet; e quo hos versus adducimus (1):

*Alterius crines humero iactentur utroque;*

*Talis es assumpta, Phoebe canore, lyra.*

*Altera succinctae religetur more Dianae,*

*Ut solet, attonitas cum petit illa feras.*

*Hanc decet inflatos laxè iacuisse capillos;*

*Illa sit adstrictis impedienda comis.*

*Hanc decet ornari testudine Cyllenea;*

*Sustineat similes fluctibus illa sinus.*

Convenit etiam Apuleiana Fotidis descriptio: (2)  
*Ubres crines, leniter emissos, & cervice pendulos, ac dein-*  
l de

(1) De Arte Am. Lib. II.

(2) Lib. II. Metamorph.



*de per colla dispositos , sensimque sinuato petagio residentes , paulisper ad finem conglobatos in summum verticem nodus adstrinxerat .*

## T A B U L A XIX.

### B A C C H A .

**I**URE ac merito illud de eximiis clarorum Artificum operibus praedicatur, quod non semel, sed centies etiam spectata semper placent, mirifice oculos adliciunt, & magnopere delectant. Laus haec & huic operi consummatissimo convenit; in quo si singula spectemus, nil elegantius, nil pulchrius, nil absolutius cerni potest; adparetque perspicue, Opificem praestantissimum in Baccha Veneris omnes lepores, & Charites ipsas loquentes conclusisse. Capilli hederaceis foliis superpositis quam belle in vertice dispositi sunt, & quam eleganter post humeros recidunt! Teres collum auget pulchritudini decus, decori elegantiam singularem. Nil dico de vestium cultu, quae scientissime sculptae adparent. Neque ambigendum est, eximium Scalptorem, inter claros numerandum, in hac anulari Gemma exstanti opere referre voluisse inlustris alicuius Feminae, quae aetate sua celebrabatur, imaginem, quam exquisitissimo studio expressit. Illud & huic Gemmae aptari potest, quod in alia litteris tantum insculpta legitur: TV MEA VENVS; quae Gemmae puellis ab amasiis donari solebant.

## TABULA XX.

## SATYRI CAPUT.

**M**irum quantum in SATYRIS effingendis invicem certantes insudarint veteres Artifices, Plastæ, Cælatores, Sculptores, Pictores, & Gemmarii Opifices! Ceteris præcellunt Antiphilus, Lysippus, Statocles, Myron, Praxiteles, Protogenes, Aristippus, Diodorus, quos Plinius laudat. Prisci Philosophi, ut ebriorum passiones exprimerent, eos Bacchi famulos fecerunt, nunc hilares & ridentes, nunc feroces, ac superbos, rixarum & contentionum amicos; nunc horrifico vultu rictuque, fronte crispata, oculis immaniter vel patulis, vel retortis limisque, capillis horrentibus, hispida barba, speciosoque terrore; ita etiam Artifices Gemmarii in sculpturis exhibuerunt. In hoc SATYRI capite effingendo omnem ingenii vim artisque conatus omnes infumfit præstantissimus noster Artifex, quem laudasse satis puto, si asperitatem & horrorem ipsum expressisse dixerim.



## TABULA XXI. &amp; XXII.

## MEDUSAE CAPITA.

**E**A laus est antiquorum operum, quæ inter artis miracula censentur, ut etiam eorum imitationes placeant, & laude digna ex his petita exempla existimentur. MEDUSA Graeci Scalptoris præstantissimi SOLONIS Opus, quod in Museo Strotio centies spectata  
om-



omnium oculos , & peritorum mentes in admirationem semper rapit, quia opus omnibus numeris absolutissimum, & Gemmarii opificii portentum censetur (1), suscepta etiam ex eo insigni prototypo schemata laudantur, atque in pretio habentur, praesertim si a perita manu ad fidem archetypi operis multo studio & diligentia caelata sint; quam egregiam laudem sibi vindicat huius elegantissimae Gemmae exemplum, quod a claris Romanis Scalptoribus CONSTANTIIS perfectum esse crediderim. Terror ipse horrorque anguiferorum capillorum pulcherrimus est; formosissimi vultus lineamenta admirando opificio ita absoluta cernuntur, ut ambigas, utrum pulchritudine horror, an horrore pulchritudo vincatur. Fabula nota est. Medusae imaginem medio pectore armato Caesares deferre consueverunt, ad terrorem hostibus incutiendum; atque ut ostenderent, se bella gessisse tum fortitudine, tum prudentia duce: nam Minerva, quae forma superbientem Medusam punivit, *Αλμύχη* in bello fortis dicta est, quae & ipsa eius caput in thorace gerit, vel pro galea, ut apud Suidam (2); & in numo aureo Septimii Severi Augusti apud Seguinum, circa Medusae caput scriptum est PROVIDENTIA; & quandoque mentis perspicaciam, & celeritatem designat.

Sequitur in altera Tab. XXII. eiusdem insignis operis egregium sphragisma, cuius Auctor mihi ignotus; sed ex Romanis officinis, vel etiam Florentinis prodiiisse vero simile est.

TA-

---

(1) Editam vide apud Cl. B. Stoschium Tab. LXIII. & in Vol. I. Musei Florent. Tabula VI. pag. 20.

(2) Vid. Tom. I. pag. 70. 117. & 492.

## T A B U L A XXIII.

## HERCULES IUVENIS.

**I**Nter insigniora Musei Strotii ornamenta non solum Medusae caput anguiferum, SOLONIS opus ; verum etiam HERCULIS IUVENIS, CNAEI labor incomparabilis, (1) numeratur ; quae opera praestantissimorum Graecorum Scalptorum , qui arte naturam ipsam feliciter superarunt, tanto in pretio, honore atque estimatione sunt, ut nil mirum, si & Gemmarii Opifices aetatis nostrae in his caelaturis iterandis pro viribus iamdudum, & nunc quoque, defudarint . Strotianum archetypum Beryllo insculptum est ; hoc vero exemplum ex archetypo egregia arte desumptum, Sardio lapidi insculptum cernitur . Herculem impuberem ex aere fabricavit & Agelades Statuarius egregius apud Aegienes , quod opus laudat Pausanias (2) . Leoninae pellis insigne non praefert, sed tantum oleagineam clavam ; forte quia ea aetate sculpsit Artifex , qua nondum monstra domaverat . Emicat tamen & in iuvenili specie invictum Herculis robur , & ad aerumnas parata animi virtus .



## T A B U L A XXIV.

## HERCULES OLIVARIUS.

**H**ERCULES institutis Olympicis ludis , lucta & pancratio victor, meritis sibi decretis praemiis,

*m* pri-

---

(1) Vide in Vol. II. Musei Florent. Tab. VII. num. II. pag. 21. & in Stoschiano Opere Tab. XXIII. (2) Lib. VII. 445. 20.



primus omnium se suis manibus oleaginea corona redimivit, suae tantum virtutis iudicio, & suffragiis usus. Hinc OLIVARIUS, & Κελλίνιος dictus, eiusque corona *κελλισέφανος* propter dignitatis honorem adpellata est. Herculis caput, corona huiusmodi ex oleastro redimitum, inter Graecos Artifices caelandi arte celeberrimos primus apud Veteres, ni fallor, insculpta Sarda Gemma pulcherrima proposuit ONESAS, quam in Museo Florentino exhibui. In ea Herculis caput cera impressum dextrorsum conversum est, in hac vero sinistrum latus respicit. Vultus egregio opificio effictus, Herculem hilari vultu quasi loquentem refert; circa collum desunt Leonis Nemeaei exuviae, quas ONESAS in suo opere expressit. Laudandum & recentiorum Artificum studium, & accurata industria, qui antiqua eximia opera ex archetypis antiquis caelaturis exprimunt; quod & a priscis Gemmariis Sculptoribus factum observavimus, qui vel Deorum Dearumque capita, & Simulacra, atque etiam Vascula operosissima, quae e marmore sculpserrant omnium praestantissimi, & fama nominis operumque clari Statuarii, in Gemmis ad eorum exemplum caelarunt; quo laudabili imitationis, atque aemulationis studio factum est, ut quum Simulacra, & Vascula ipsa vel barbarorum excidio, vel temporum iniuria perierint, vel terra obruta sint, in Gemmis excepta reviviscant, minusque eorum iactura displiceat. Cernimus in plerisque Gemmis insignioribus ea expressa Simulacra, quae si cum Scriptorum descriptionibus conferantur, ex prototypis marmoreis desumta, eaque templorum & urbium praecipua ornamenta priscis saeculis fuisse, valde credibile est.

## T A B U L A XXV.

## H E R C U L E S

## I N F E R N O R U M M O N S T R O R U M D O M I T O R .

**P**eritissima manu anaglyphico opere Chalcedonio  
 exscisum est caput **HERCULIS** Inferorum Domi-  
 toris ; cuius victoriae insigne est populea corona , quam  
 gerit . Hanc populum primus omnium in Thesprotide  
 secus amnem Acherontem reperit , eaque coronatus A-  
 cherusiam transnavit paludem , & ab inferis rediit , ut  
 memorat Pausanias (1) . Eam quoque arborem e Thes-  
 protide primus in Graeciam adtulit ; quae hac de cau-  
 sa ei gratissima fuit , atque in eius tutela , magnoque  
 apud cultores eius in honore ; quapropter Virgilius (2) :

*Populus Alcidae gratissima , vitis Iaccho ,  
 Formosae myrtus Veneri , sua laurea Phoebos ,*

& Phaedrus (3) :

*Olim , quas vellent esse in tutela sua ,  
 Divi legerunt arbores : Quercus Iovi ,  
 Et Myrtus Veneri placuit , Phoeboque laurea ,  
 Pinus Cybele ; populus celsa HERCULI .*

Homeri Scholiastae adnotant (4) , hac populo Her-  
 culem se coronasse , devicto Cerbero ; eaque usum li-  
 benter docet Servius (5) ob duplicem foliorum colo-  
 rem , quibus geminos labores superiorum inferorumque  
 testari posteris maxime probavit .

T A-

(1) Eliacor. Prior. Cap. XIV. (2) Ecl. VII. vers. 61.

(3) Lib. III. Fab. XVI.

(4) Iliad. Lib. N. vers. 389. Lib. II. v. 482.

(5) In praenotatam Virgilii Ecl. VII. v. 61.



DACTYLIOTHECA  
TABULA XXVI.  
HERCULES AQUILEGUS.

**P**errara est haec Gemma Sarda, in qua eximio exquisitoque antiquo opere sculptus est **HERCULES AQUILEGUS** dictus, qui, ut memorat Pausanias (1), apud Troezenios aquam invenit, & deduxit. Apud nonnullos Scriptores FONTINALIS adpellatus est, nempe Fontium repertor, & deductor, ut beneficiis eos populos sibi gratissimos redderet. Ferunt Herculem iter per Africam facientem maxima tum lassitudine, tum siti laborasse; divinoque monitu pulsata calce pedis petra prope paludem Tritonida, largifluum aquae fontem manare fecisse, sitimque suam restinxisse; quod egregie describit Apollonius Rhodius (2), cuius descriptionem adtuli in Museo Florentino (3), dum aliam Gemmam adsimili emblemate ornata exponerem. In ea siquidem, quae primum Clariss. Senatoris Bonarrotii fuit, mox a me emta in mea Cismelia migravit, (e quibus dum eam nobili viro (4), sed tam iniquo facinore infami, ostenderem, mihi ille ipse apud me hospes subripuit, cuius nomen ad aeternum eius dedecus indicare possem, sed taceo) sculptus cernitur Hercules admota ad rupem amphora aquam profluentem excipiens; in hac vero Sarda plurimi aestimanda, Hercules itinere fessus, altero genu innixus scopulo, altero pede stans, aquae fontem, quem  
e rupe

(1) In Corinthiacis Cap. XXXII.

(2) In Argon. Lib. IV. v. 1441.

(3) Vol. II. Tab. XIV. num. IV. vide pag. 38. 39. 40.

(4) Patriam taceo honoris gratia, nomen honestatis causa; vivit tamen adhuc in quadam Etruriae urbe; mihiq; narratum est, Romae eam vendidisse.

e rupe eduxit , dextrae manus digito indicat , quasi gloriae & virtutis suae monimentum sempiternum ; ipsamque e rupe manantem aquam stupenti similis contemplatur . Hinc Fontium cultores non solum Nymphas , sed & ipsum Herculem aquarum tutelare numen deventerati sunt ; quod & ostendunt votivae inscriptae arae , quas indicavimus .



## T A B U L A XXVII.

## H E R C U L E S D E F E N S O R .

**M**Ultarum coronarum honorem uni tantum HERCULI tribuit Vetustas , multis de causis . Spectatur occurritque in antiquis sculpturis capite interdum diademate cincto ; interdum , ut vidimus , oleaginea corona , itemque laureo & hederaceo ferto & populeo , atque etiam ex apio redimitus . Radiatum quoque & circa caput multis astris insignem proposuimus in Thesauro Gemmarum Astringerarum ( 1 ) ; quam collectionem doctis Antiquitatum cultoribus valde placuisse , multisque laudibus eos probasse , non una est causa cur nostris laboribus , quibus de eorum Genio studiisque optime mereri cupimus , multa cum animi iucunditate gratulemur . Querceam coronam , quae Iovis propria est , HERCULI quoque ab antiquis Mythographis tributam , complura monumenta antiqua testantur . Singularem Gemmam Amethystum e Thesauro

n Me-

---

( 1 ) Vide Tom. I. Tab. CXXI. pag. 155. Tom. II. ubi illustratur .



Mediceo in Museo Florentino produxi (1), in qua HERCULIS caput faberrime insculptum, ornatum est querna corona, taeniolis pendentibus religata. Probe HERCULI quoque quernam coronam convenire diximus ob invictum eius animi robur, summamque virium animi, & corporis praestantiam, vel tamquam Deo ΣΩΤΗΡΙ, *Servatori*, atque ut legitur in antiquis Inscriptionibus, *Conservatori*, & *Defensori*; qui lustrato terrarum orbe, immania monstra delevit, scelestos homines interemit, genusque humanum, uti fabulabantur, servavit incolumem, & optatae securitati ac tranquillitati restituit. Quernam vero coronam ei sacram esse voluerunt alia quoque de causa, censentes ei fore gratissimam, quia traditum est, ab eo satas duas quercus ad aras Iovis cognomento *Stratii* in Ponto circa Heracleam, teste Plinio (2).

In hoc HERCULIS capite exstanti opere Chalcedonio insculpto quid nam primum laudem, incertus haereo. Fateor me etiam in calculo ferendo de eius antiquitate aliquantulum haesitare; nam cum in HERCULIS imaginibus capilli breves, & crispi sint, quid novitium plane in eo adparet, dum circa collum veluti in cirros revolutos defluere crines cernimus. Sed quamvis hoc opus Scalptori non nimis ab aetate nostra remoto tribuamus; aio tamen antiquis caelaturis minime cedere, sed cum praestantioribus comparari iure ac merito posse; multumque gloriae aureo illi seculotribuendum, in quo, restitutis in Italia artibus, Glyptographice ad eum honoris, dignitatis & praestantiae  
fa-

---

(1) Vide Vol. I. Tab. XXXIV. pag. 76. & 77.

(2) Hist. Nat. Lib. XVI. Cap. XLIV.

fastigium eveſta eſt, ut Gemmarios Opifices habuerit, qui antiquis vel proximi, vel interdum pares, aequa gloriae palma certantes, habiti ſunt; inter quos & Artificem hunc recenſeo, qui ſtupendum hoc HERCULIS caput exquisitiſſima arte exſcalpſit.



## T A B U L A XXVIII.


## HERCULES SENESCENS.

**V**Eteres Sculptores, qui in ſuis operibus accurati erant, & Mythologiae historicis monumentis & regulis inhaerebant, quum HERCULIS duodecim labores, & inluſtria geſta ordinatim referrent, illud religioſe observabant, ut aetas ſingulis aerumnis apta, ac propria ei conveniret; adeo ut primum facinus ei adgredienti juvenilis forma reſponderet eumque deſignaret; in ſecundo & tertio paullo adultior; in quarto, quinto, & ſexto virilis; in reliquis vero per gradus tum effigies, tum corporis membra maiorem aetatem Herois repraeſentarent. Id potiſſimum in ſepulcralium Sarcophagorum emblematis, quae HERCULIS geſta referunt, obſervavi, quum ex his plura exſtent in Florentinis Muſeis, ex quibus praeſtantiora in lucem protuli. Alterum adhuc ſuper eſt, quod in Muſeo Nicolinio accurate delineandum curavi, quod in meis Supplementis proferam. Id ipſum obſervare lubet in hoc HERCULIS capite, quem ſummo artificio eximius Artifex ſculpſit, cuius nomen tribus primis eius nominis litteris declaratur in Gemmae area, nempe AΔ. quibus AΔMΩN indicatur, inſignis Gemmarum Scalptor, cuius alterum opus Sardae inciſum adfertur a Cl. Stofchio

Tab.



Tab. I. In ea spectatur HERCULES stans, virilis aetatis, & iam ad senium vergentis, athletico corpore, leonina pelle ad collum adligata, atque e tergo dependente, qui sinistra manu erectam clavam tenet; dextera vero scyphum ori admovet, adeoque quia vini flagrantissimus fuit, HERCULES BIBAX inscribitur. Nec rarum est Artificum praestantissimorum nomen duabus vel tribus primis litteris in Gemmis expressum, quod alibi adlatis exemplis observavimus. Profecto ADMON huius insignis operis Caelator, HERCULIS vultum ita exquisito emendatoque studio, & arte expressit, ut tenuem quamdam maciem, senio prope-rante, cum acerrimo robore commiscuerit; adeo ut nihil in tanta laborum difficultate desiderari possit. Crispati capilli, barba horridula, intortis crebris cir-ris, praepingue collum, rugosa frons, remissa aliquan-tulum labia, opus omnibus numeris absolutum per-spicue ostendunt, ADMONE dignum.



## TABULA XXIX.

### HERCULES EBRIUS.

**H**ERCULES monstrorum efferatorumque homi-num domitor, a solo Baccho, nempe a vino domitum ferunt veteres Mythologi, testanturque anti-qua sculpta monumenta; neque eum iuvat hederacea corona, qua caput suum revinxit; sed eo ingurgita-tus virilem vultum paene mutavit, amisitque terribi-lis praesentiae suae dignitatem: quae licet difficillima sint, ut probe in sculpta imagine ebriosi hominis pas-siones omnes exprimantur & eluceant; tamen sagacis-simus

simus huiusce anaglyptici operis e Chalcedonio Artifex ita omnes eximio artis magisterio ad vivum expressit, ut nil supra desiderari possit. Oculis emissiciis, quales ebriorum esse solent, inter iram & metum, os patulum languentium more, totum vultum quodammodo contractum, virili suo decore & robore spoliatum, miro opificio effinxit; pro leonina pelle, neglectam, & incomposito nodo coniunctam chlamydem humeris dedit. Fuit HERCULES adeo vorax, & multibibax, ut Lepreum, a quo ad computationem provocatus fuerat, uter plus biberet, longe superaverit (1).

## T A B U L A   X X X .

### H O M P H A L E .

**D**Ocet Mythica Historia, Herculem HOMPHALI Iardanis Lydorum regis filiae a Mercurio venditum fuisse, cui servivit, eique deviæti leonis Nemeæi exuvias, & clavam donavit (2); quibus armis heroicis, subiectoque sibi inviæto monstrorum domitore adeo superbiit femina, forma & sagacitate præstantissima, ut ea induerit, & in conspectum eius prodierit. Complures Artifices Gemmarii eam obliquo vultu frequenter insculpere consueverunt; noster vero, ut artis suae sedulitatem ac peritiam ostenderet, integro vultu nobis spectandam proposuit; ornatoque eius capite leoninis iubis, pulchritudinem oris cum horrore quodam,

o

ut

(1) Vide Athenaeum Deipnosoph. Lib. X. pag. mihi 410. & Macrobius Saturn. Lib. V. Cap. XXI.

(2) Ex Apollodoro Biblioth. Lib. II. Vide & Musei Flor. Vol. I. Tab. XXXVII. & XXXIX. pag. 85.



ut ita dicam, amabili, commiscuit, & utrumque simul contemperavit.

## T A B U L A XXXI.

### LEO MITHRIACUS.

**A**D Mithriaca referri potest haec Gemma eximio opere insculpta, quae exhibet Leonem Tauro insidentem; cuius caput unguibus dextri pedis anterioris lancinat, & operit; quod emblemata ad Solis virtutem declarandam pertinet. Non solum in toreumatis marmoris, verum etiam in Gemmis haec hieroglyphica spectantur; cuiusmodi plura exempla inter meas Gemmas Astriferas habentur, de quibus luculenter & pererudite Celeberrimus amicus meus Ioannes Baptista Passerius differuit (1). Spectatur Deus Mithres (qui idem ac Sol est) cultro taurum iugulans, (2) quo emblemata Solis invicta virtus designabatur. Initiati Mithriacis sacris taurino sanguine sub scrobe stantes aspergebantur, atque ita, ut stulte credebant, a criminibus, quibus obnoxii erant, purgabantur. Huiusmodi Sacrum *Taurobolium* dicebatur, quod accurate describit, & damnat Prudentius; si vero hircino sanguine conspergerentur, *Criobolium*; quorum crebra in Saxis Mithriacis mentio. Haec sacra ad tertium usque seculum, & fere ad Constantini Magni tempora perdura-

---


( 1 ) Vide Vol. I. Tab. CL. CLI. CLII. CLIII. CLV. & Vol. II. a pag. 180. ad pag. 187.

( 2 ) Vide Antonium Van-dale in disert. I. de origine ac ritibus sacri Taurobolii, qui ea concessit.

durarunt . Complura erant tum initiantium tum initia-  
torum nomina , quae memorat Beatus Hieronymus in  
epistola ad Laetam : *Ante paucos annos propinquus vester*  
*Gracchus nobilitatem patriciam sonans nomine , quum Praefe-*  
*cturam gereret urbanam , nonne Specum MITHRAE , &*  
*omnia portentosa sacra , quibus Corax , Gryphius Miles ,*  
*LEO , Helios , Bromius , Pater initiantur , subvertit , fre-*  
*git , excussit ?* Leontica dum perciperent initiati , pro  
aqua mel ad eorum manus lavandas infundebatur , ut  
puras a sceleribus & innoxias servarent ( 1 ) . Leontico-  
rum fit mentio in compluribus marmoribus , e quo-  
rum numero hoc ipsum feligimus .

EUSEBIO & HIPPATIO CONS  
NONIVS. VICTOR. OLYMPIVS. V. C. ET  
AVREL. VICTOR. AVGENTIVS. V. C  
TRADIDERVNT. LEONTIKA. IDVS  
MARTIAS FEL  
DATIALE. ET. CEREALE. CONS. ec.

Suspicio mihi oborta est , initiatos sacris Mithrae  
huiusmodi Gemmis , quas deferrent , mysteriorum  
memores , donatos fuisse , quas honoris causa accipie-  
bant .



## T A B U L A   X X X I I .

### A G R I C O L A E   F R U G U M   S A T O R E S .

**Q**uamvis novitium sit hoc opus anaglypticum ex  
Chalcedonio ; tamen Artifex probe observavit  
& ex-

---

( 1 ) Vide Porphyrium de antro Nympharum .



& expreffit fativum tempus iuxta antiquum Kalendarium (1), quod in Novembrem mensem incidebat , Nam huius mensis tutela, & signum Scorpio est, ex antiquis sculpturis veteris Kalendarii; in quo haec inter cetera leguntur, ad quae vide Fulvii Urfini Animadversiones;

SOL  
SCORPIONE  
TUTELA  
DIANAE  
SEMENTES. TRITICAR  
ET. HORDIAR  
SCROBATIO  
ARBORUM ec.

quapropter in summa area Scorpionem effinxit. Exploratum est, apud Aegyptios Nilum exundare & agros adluere Sole Cancrum intrante, sed arescente terra dum Scorpionem ingreditur, tunc frugum semina spargi solere, quod ex Plinio discimus (2): *NILUS ibi coloni vice fungens, evagari incipit, ut diximus, a Solstitio, aut nova Luna; ac primo lente, deinde vehementius quandiu in Leone Sol est: mox pigrescit in Virginem transgresso, atque in Libra residet.*

En igitur Aegyptiorum arborum sub Scorpionis signo cultura. Verum quidem est quod mox subiicit Plinius: *invari certum est abiecta prius semina in limo digressi annis, hoc est Novembri mense incipiente, quod minime cum Scorpionis signo congrueret. Verum haec Gemma eam traditionem respicit, quam paullo superius*

---

(1) Vide Gruteri Thesaurum, pag. CXXXIX.

(2) Hist. Nat. Lib. XVII. Cap. XVII.

rius exponit Plinius , quod nimirum Aegyptii agri fererentur statim ac Nilus regressus in alveum suum remeasset . *Vulgo credebatur , ab eius decessu serere solitos : mox sues impellere vestigiis semina deprimentes in madido solo ; & credo antiquitus factitatum .* Haec omnia mirifice hanc Gemmam dilucidant , quae multum eruditionis continet .

Non boves , sed equos aratrum trahentes ingeniosus Scalptor exhibuit ; quod equis , non bobus aliqui populi utantur . Duobus quoque aratris proscissam terram apud Orientales discimus ex antiquo Epigrammate Florentini Codices Graeci , quod adfert Celeberrimus P. Montfauconius ( 2 ) , qui etiam ex eo adfert incisam aere picturam , qua Hesiodi Codex ornatur , in quo singula ad arandum adhibita instrumenta exhibentur . Illud etiam notandum , quod equos aratores praeit agricola , fruges ferens , quae ab aratore subsequente terra obruntur ; quod contra apud nos Etruscos contingit : nam primum proscissa terra , fulcisque in ea a bobus aratoribus impressis , mox frumenta feruntur , & deinde agricolae triticum & fruges congesta terra occulant .

## T A B U L A XXXIII.

### B I G A R I U S .

**S**calptor huius elegantis Gemmae exstantis operis ex Chalcedonio bicolori , ut omnes ingenii sui vires

*p*

*in*

---

( 1 ) Palaeograph. Lib. I. pag. 8. & 9.



in effingendis equis currentibus ostenderet, bigae agitatore incautus neglexit, eumque non apte locavit; quod oculis spectantibus gratum minime esse potest. Equorum crura nimis procera elaborasse mihi videtur. Sed longe aliter eximius antiquus Scalptor Gemmarius LUCIUS, qui Sardaie insculpsit Victoriā agitantem bigam, quam curui insistentem effinxit, utroque genu curvato (1).

Rarum censebam videre Aurigam BIGARIUM ita expressum; sed alterum exemplum postea mihi occurrit in eximia Sarda Thesauri Galliarum Regis, adlata in Mariettano Opere Tab. CXIX. quae exhibet Victoriā alatā, equi currentis caudae eodem modo insistentem. Porro in nostra Gemma, quod observandum est, equus toto corpore pulcherrimis maculis distinguitur; quod multo cum artificio a Scalptore, favente lapilli natura, factum est. Protuli in Par. II. Inscriptionum antiquarum, quae exstant in Etruriae Urbibus, equorum victorum in stadio eximium laterculum pag. 436. ex archetypo Musei Medicei, in quo Africanus equus MACULOSUS adpellatur,

A T A B U L A XXXIV.  
AD TABULAM XL.

FEMINARUM CAPITA IGNOTA.

**S**pectandae heic proponuntur multae imagines FEMINARUM IGNOTARUM, quae etsi nihil eruditionis habeant, tamen in tam inlustri Gemmarum sylloge

---

(1) Vide in Stofchiano Opere Tab. XLI.

loge minime praetermittendae erant; quod unaquaeque tum opificio, tum arte, multaque etiam venustate atque elegantia superbiat, & ostendat quam mira moliri possit divinum hominis ingenium.

Dum spectantium oculi tam multiplici varietate formarum, cultus vestium & capillorum blanda voluptate capiuntur, ipsique optimum de his indicium ferre possunt, ac multo magis si ante conspectum suum archetypa ipsa haberent, nolo eruditorum Lectorum aures longis ambagibus, & puris putisque verbis ac descriptionibus obtundere. Profecto in singulis gratia, nitor, venustas, exquisitum praestantium Artificum nostri aevi opificium emicat ac perspicue adparet.

Frequenter occurrunt Gemmae nobilissimae, quae formosarum mulierum imagines praeferunt vel Dearum specie, vel earum quae Bacchum in Dionysiaca pompa comitabantur. Hae Gemmae dono dabantur vel ab amasiis, vel propter virtutem ac merita ab inlustribus Proceribus, qui earum amicitia fruebantur. Ne vero haec dona muta essent, rogabantur celebriores Poetae, ut sculptam imaginem, & ipsam feminam praeclaris dotibus ornatam carminibus celebrarent; quod quum in usu praesertim esset initio Saeculi XV. vel XVI. perlubet hoc Epigramma Herculis Strozae adferre in marmoream Beatricis Nolanae Imaginem, quam Ambrosius Leo Nolanus adamavit.

*Qui rigidi pars montis eras, nunc pulchra puellae*

*Ora refers, debes iam lapis Artifici.*

*Sed formosa tibi debet magis ille, Beatrix,*

*Cui data de vultu gloria tanta tuo.*

*Artifici non parta manu tibi fama; sed illi*

*Nomine parta tuo, debet & illa tibi.*

*Enthea*



*Enthea turba tamen tantum subiungit honoris,  
 Ut non prisca magis secla canant Iopen;  
 Iam superata Gnidos, velataque forma Diones,  
 Iam quocumque silet marmore Praxiteles.  
 Plus igitur de te, qui confert plura, meretur:  
 Plus bona victurae carmina laudis habent.  
 Vincere quis tentet spirantia signa Dipoeni?  
 Et tamen illa situ longa senecta premit.  
 Carmina ni fuerint, Ephyreia quis sciet aera?  
 Quis te, si taceat, Tyndari, Maeonius?  
 Semper inextincti divino carmine Vatis  
 Quod peritura tulit dextera, vivet opus.*

Alterum mox subiungitur:

*Haec, quam conspicio, nunquid Dea Cypria? nunquid  
 Candida Phidiaco marmore Pasithee?  
 Neutra quidem; alterutram nemo mihi denegat esse,  
 Tam placet ore, genis, lumine, fronte, comis.  
 Non Venus haec, non ulla Charis, sed pulchra Beatrix,  
 Quae meruit fausti nominis augurium.  
 Scilicet Ambrosi, quo Nola superbit alumno,  
 Haec data carminibus concelebranda tuis.  
 Hanc Venus, & nati simul effinxere volucres,  
 Esset ut Aonio concupienda Viro.  
 Ergo tot una tenet mortali corpore dotes,  
 Vix quot in astringeris axibus ulla tenet.  
 Haec mortalis adhuc; sed cum se membra resolvent,  
 Aeternum vivet nectare & ambrosia.*

Nec tantum a Viris, verum etiam a Feminis amicis  
 anuli cum gemmis donabantur; quod eiusdem celeberrimi  
 Poetae sequens Epigramma docet, cuius primos  
 tan-

tantum versus profero, ne longior, quam par est, sim.

*Annule, dulce mihi dilectae munus Amicae,*

*Annule, delicias inter habende meas.*

*Tu licet excellas auro pretiosus, & apte*

*Gemma sit Artifici clausa magisterio:*

*Est aliquid, mihi quo meruisti gratior esse,*

*Scilicet in nivea te tulit illa manu.*



## T A B U L A X L I .

### POETRIAE IMAGO.

**I**N recensione Gemmarum huius Daëtyliothecae adnotatum est, hanc esse imaginem POETRIAE, quae Onychi bicolori praestanti manu antiqui Artificis insculpta est. Id minime negandum, si ramusculus ille e delphica lauru decerptus sit; quam manibus praeferre solet ipse Apollo Poetarum Dux, & propitium Numen, cuius Simulacrum tum in numis tum in sculpturis marmoreis & gemmis frequenter occurrit, vel capite laureato, vel manibus praeferens lauri ramum; quod luculenter observavi in meo Syntagmate de Diis Thallophoris. Si vero, ut mihi videtur, ramus ille ex olea sit, minime ambigendum est, hanc imaginem referre PACEM DEAM, quae in numis exhibetur dextra hastam, sinistra gerens olivae ramum. In saecularibus festis carmine cum ceteris Diis Pax celebrabatur, Horatio teste (1):

*Iam Fides, & PAX, & Honor, Pudorque*

*Priscus, & neglecta redire Virtus*

*Audet, apparetque beata pleno*

*Copia cornu.*

q

T A-

---

(1) In fine Epod.



## T A B U L A XLII.

## POETAE CAPUT.

**I**Nter praecipuos honores, qui Poetis sacrorum certaminum victoribus dati sunt, memorantur coronae, statuae, & tituli, egregia spectatae virtutis prae-mia. Caput huiusce POETAE mihi ignoti, quod faberrimo opificio ab optimo Scalptore Onychi inscalptum est, laurea ornatum observatur. Horatius postquam carmina sua aeternum duratura adseruit, ita de se ait (1):

- - - - - *Sume superbiam*  
*Quaesitam meritis, & mihi Delphica*  
*Lauro cinge volens, Melpomene, comam.*

Insigne quidem suorum laborum decus & ornamentum: quemadmodum enim triumphali curru vecti Imperatores a Victoria coronantur, uti numismata ostendunt; ita Poetae, carminibus in ludis victoriam consecuti, a Musis coronati finguntur. Eundem honorem Poetis non solum Graeci, verum etiam Romani in certamine Iovis Capitolini habuerunt; quod edita in Gruteriano Thesauro Epigrammata testantur.

## T A B U L A XLIII.

## HIPPOCRATES.

**E**Xstant Coorum numi cum imagine HIPPOCRATIS  
 Medicinae parentis, in cuius honorem cusi sunt,  
 qui-

---

(1) Carm. Lib. II. Ode XXX.

quibus cum haec insignis Gemma conferri potest , in qua eius vultum periti insculptum agnoscunt . Habes alteram Gemmam a me editam in Florentino Museo Tab. XLI. Vol. I. quam eius imaginem praeferre nonnulli censuerunt . In utraque recalvastro capite effectus , miti ac placido vultu cernitur ; at in nostra Gemma multum aetatis praefert , quam etiam numus cum eius imagine apud Fulvium Ursinum Tab. LXXI. ostendit .

## T A B U L A XLIV.

### ANTISTHENES PHILOSOPHUS.

**R**ES sane perpulchra , & iucunditatis plena spectare veterum Philosophorum imagines ; quod si illae summo exquisitoque opificio Gemmis insculptae sint , praeter voluptatem his , qui eas gestant , nescio quid gloriae ambizioso splendore praeseferunt . Perrara haec gemma has dotes ostentat , quum eximia arte Sardae insculptam exhibeat imaginem celeberrimi Philosophi ANTISTHENIS Atheniensis , qui exserto brachio manuque loquentium more expressus est . Siquidem tum bello , tum pace clarus fuit : nam in Tanagrensi pugna fortiter se gessit ; mox initio Gorgiam summum Oratorem audivit ; deinde totum in Philosophiae adytis meditatione assidua se occuluit , Socratis discipulus factus , a quo tollerantiam addiscens , tranquillitatis eius imitator effectus , Cynicam primus sectam instituit , princepsque in ea fuit . Laborem , & virtutem felicem & beatum constituere hominem dixit ; eosque qui cupe-  
rent immortales esse , pie vivere , ac iuste oportere , docuit ( 1 ) .

T A-

---

( 1 ) Vide eius Vitam apud Diogenem Laert. Lib. VI. Segm. X.



DACTYLIOTHECA  
T A B U L A XLV.  
D I O G E N E S.

**C**unctis magnis Regibus , Philippo , & Alexandro nequidem excepto , se feliciorē censuit DIOGENES Sinopenſis Cynicus , cuius imago exhibetur in hac praeclari operis Gemma ex Smaragdo . Integra facie , non obliqua ſpectatur idem Philoſophus ſculptus in Sardonio antiquo lapide , quem protuli in Muſei Florentini Vol. I. Tab. XLII. num. VI. Apud Leonardum Auguſtini-um in Gemma ſtans in dolio ſculptus eſt , adſtante alio Philoſopho (1).

T A B U L A XLVI.  
S O C R A T E S.

**I**N effingenda SOCRATIS Imagine certarunt ingenio & opificio inter ſe ſummi Artifices Gemmarii , inter quos AGATHEMERUS eminuit ; cuius Gemma Socratica , adieſto eius nomine , ſpectatur in Stoschiano Opere Tab. IV. Huius noſtrae Dactyliothecae Gemma Iaſpis eſt pulcherrimus recentiore aevo affabre inſculptus . Tanta Socratis , eo adhuc vivo , fuit fama eius virtutis , & Philoſophicae doctrinae , quam Athenis omnium primus e caelo deduxit , ut veteres eius imaginem in annulis ſculptam geſtare ſtuduerint , ut ante oculos & virtutem ipſam , & bonos mores haberent , memores Oraculi , quo omnium ſapientiffimus iudicatus eſt :

Ἀνδρῶν

---

(1) Par. II. Tab. XCIV.

Mortalium unus SOCRA TES vere sapit.

Multa de eius imagine a Chiffetio adnotata sunt ,  
quae vide.

## HERACLITUS.

**P**Erraram HERACLITI prae nobilis Philosophi imaginem Chalcedonio exsculptam a praestantissimo Opifice proferimus, in qua quidquid ars labore, studio, sedulitate conficere valet, id omne perfectum cernimus. Moerorem ipsum in eius vultu expressum videmus; nam hic Philosophus vitam adeo miserabilem, & luctuosam existimavit, ut in publicum nunquam prodierit, quin animadversis iis, quae homines agerent, & paterentur, humanis casibus illacrimaretur. Hodie & nos HERACLITUM imitari in multis quae contingunt cogimur. De hac Imagine consulendus Bellerius, qui inter Imagines Illustrium Philosophorum e Mediceo Museo adfert marmoream Iconem HERACLITI; eiusque Herma spectatur in Museo Capitolino, quam editam vide in Vol. I. Tab. XII. & XIII.

AESCULAPIUS.

**E**X serpente virgae obvoluto patet hanc esse AES-  
CULAPII imaginem in hac gemma incisam, quae  
r vul-



vulgo *Corniola* appellatur. Simulacrum enim Aesculapii Gortinii, ut refert Pausanias, veris serpentibus circumseptum erat; alterum vero Phidiae opus celeberrimum, teste Athenagora (Legat. pro Christian. cap. 17.) serpentem manu comprimens apparebat. Sed Albritius de imaginibus Deorum hoc ipsum luculentius confirmat, dum eius imaginem ita describit, ut omnino huic protomae respondeat: Eius, inquit, *imago erat homo quidam cum barba proluxa* (ut videre est in hac gemma) *cuius manus dextera barbam tenebat, sinistra baculum cum serpente gestabat intorto*. Hic probe capillatus apparet, quamvis Aegyptii illum calvum finxerint, ut ait Syneius, ad eius senectutem ostendendam. Stroppio caput ornatur, ut in gemmis Maffeianis To. 2. Tav. 54. Hoc utebantur ornatu sapientes, philosophi, vel etiam poetae, ut videre est in Musei Capitolini To. 1. pag. 46. Stropus autem est, ut ait Festus, & ut Ateius philologus existimat, quod Graece *σρόφιον* vocatur; & a Prudentio *torta infula* (contra Symmach. lib. 2. V. 1085.) Quare optime Cuperus (Apoth. Hom. p. 138) dixit: *Sunt igitur stropi, & strophia diademata tortilia*. Erant enim diademata, taeniae, extensae, & minime obvolutae. Suidas vero stroppum appellavit *σειμυξ*. Cur Aesculapii imaginibus serpentem, & bacillum addiderint antiqui Mythologi, ex hoc factum esse arbitratur Macrobius (Saturn. lib. 1. c. 20.) quod serpens vigilantissimum sit animal, quae res ad tuendam aegroti valetudinem maxime apta est. Bacillum autem habet nodosum, ut idem est auctor, quod difficultatem significat artis: Ea enim longa est, teste medicorum principe Hippocrate, vita brevis, experimentum fallax.

TA-

## TABULA XLIX.

PHILOSOPHI  
five POETAE INCOGNITI CAPUT.

**R**erum antiquarum peritum iudicem coniecturis uti non decet; quas & ego reiiciendas censeo: si vero quid vero simile praeferant coniecturae, & solidae rationes adferantur, minime reiiciendas arbitror. Habemus & in hac Gemma insculptum ignoti PHILOSOPHI caput. Sed conferenti mihi Imagines Illustrium Virorum a Fulvio Ursino, atque ab aliis Antiquariis editas, magnam inter hanc & eas similitudinem invenio, ut suspicer EURIPIDIS effigiem hanc per raram Gemmam praeferre. Sed nihil adfirmo, peritiorum iudicium expostulans.



## TABULA L.

ALEXANDER MACEDONUM REX.

**P**arvo in lapillo quanta radiat operis praestantia, quam ingens Scalptoris peritissimi studium, quantum iudicii, quantum etiam elegantiae emicat ac nitet! Bellatoris omnium maximi & invictissimi effigies, nempe ALEXANDRI Magni Macedonum Regis, exhibetur, non quidem mortali specie, sed divina; nam Libyci Oraculi monitu pro Deo, Iovis Hammonis filio, haberi voluit; quapropter honoris causa cornubus eius divinitatis insignibus ornari voluit, uti eius numismata aurea & argentea ostendunt. Idem exemplum secutus est Lysimachus, alique eius successores.



Diadema, quo caput cingitur, occultant capilli, pendentes vero adparent lemnisci. Collum praepingue est, & quale athleticis membris Herculis convenit; ut hinc etiam eius divina origo eluceat: fuit enim Hercules tutelarum Genius, & propitium numen Macedonum Regum, a quo genus suum se ducere maxime gloria-bantur; quapropter in eorum numis quandoque Her-culis specie exhibetur. Sed si quis velit in hac Gem-ma sculptum potius LYSIMACHI vultum, eius iudicio, & rationibus minime refragabor. Lysimachi vultus pulchrior in antiqua Gemma Medicea occurrit; Ale-xandri vero cum pulchritudine & robore conmixta gravitas parvum inter eorum imagines discrimen con-stituit.



## T A B U L A   L I.

### PYRRHUS EPIROTARUM REX.

**Q**Uamquam non desint antiquarum rerum peritifi-simi Interpretes, qui in hac effigie Hannibalem, sive Hasdrubalem, acerrimos Romani nominis hostes, expressos censeant; idque etiam ex emblemate, seu Symbolo Karthaginis sculpto in clypeo, nempe equo occissime currente, arguunt; tamen communem sequor multorum Antiquariorum opinionem, qui PYRRHUM Epirotarum Regem sculptum existimant, de quo, quum e Thesauro Mediceo tres eximias veteres Gemmas pro-ferrem Tab. XXV. non pauca adnotavi. Alexandro Magno tum adfinitate, tum egregia virtute, invicto-que animi robore proximus fuit. Antiqua archetypa frequenter imitanda sibi proponunt egregii, qui no-stra aetate florent, Gemmarii Scalptores; qui in eius effi-

effigie exhibenda multum sibi laudis comparant ; verum opus est summo studio & labore in eius vultu integro exprimendo , in quo bellicus emicat terror , incomta barba , supercilia graviter contracta , oculi martialem ignem ostendunt , qualis in suis scriptis a Plutarcho pingitur , qualisque truci ac feroci adspectu in ipso bellorum ardore fuisse fertur .

## T A B U L A LII.

### HANNIBAL KARTHAGINENSIS.

**S** Calptores Gemmarii , qui propiorem nobis aetatem , & hanc nostram suis eximiis operibus ornarunt , & ornant , si antiquis monumentis exhibendis sedulam navarent operam , nihil de suo penu addentes , nil contra Antiquitatis regulas , & praescripta molientes , maiori laude nomen suum posteritati commendarent . Fatendum est , imaginem hanc exquisitissimo opificio anaglyptice Chalcedonio exscalptam inter eximias numerandam esse , in qua aliqui ex coniecturis censent sculptum esse HANNIBALEM ; verum quia galeam inusitatae formae , pinna ex ea pendente , eius capiti aptavit Caelator egregius , & thoracem quibusdam ornamentis insignivit , quae remotiori aetati non conveniunt , peritiam suam hisce parergis non parum obscuravit ; qui etiam eius vultum nimis placidum effinxit : quare crediderim , specie ferocissimi Bellatoris exhibuisse sua tempestate effigiem alicuius Militis , sive Ducis , rebus bello gestis clari , quam ipse vel amico roganti aut emtori dederit , vel in aureo annulo ipse detulerit .

T A-



## T A B U L A L I I I.

## C A P U T I G N O T U M.

**H**Anc quoque Gemmam alicuius praeclari Viri effigiem nobis incogniti praeferre cenſeo: ſed neſcio quid portentofum ingenioſus Artifex nobis propoſuit in ornando eius capite; ſiquidem nec diadema, nec radiatam coronam audeo adpellare. Exſtat Florentiae in Muſeo Marchionum Nicoliniſſimi marmorea protome virilis, cuius caput loris duplici reticulato ordine diſpoſitis revinctum eſt; quam ſtudii cauſa mihi delineandam curavi, dum putarem facile referre poſſe celeberrimi alicuius Athletae imaginem, eo quod in ſacris certaminibus in more poſitum fuerit, non ſolum manus ceſto armare, ſed etiam caput, dum in quibusdam ludis capite praefertim inter ſe concurrentes decertarent; quam conſuetudinem nondum accurate expendi. Siquidem differt a ſchemate propoſito a Raph. Fabretto; non enim ἀμφώτης cernitur loris coeuntibus ſub mento religata, quae in Pugilis capite ab eo prolato cernitur; ſed lora duplici ordine per gyrum ambiunt caput, quae a duabus in crucem in vertice coeuntibus fulciuntur. Huiusmodi effigies affabre ſculpta quamdam cum Nicoliniſſima pervetuiſſa marmorea protome, armato in hunc fere modum capite, ſimilitudinem praefert.

## T A B U L A LIV.

N U M A P O M P I L I U S  
R O M A N O R U M R E X

**I**N numis argenteis Calpurniae gentis occurrit caput NUMAE POMPILII diademate coronatum, in quo scriptum NUMA (1); nam ab eo & Calpurnii & Pomponii originem, & summam stirpis antiquitatem ac nobilitatem traxisse, ac derivasse gloriabantur. Ipse barbatus exhibetur, adsimili effigie, quae ab egregio Artifice exscalpta est anaglypho opere in Chalcedonio, quam heic exhibemus. Cur vero in Gemmis adpareat velato capite, adlatis coniecturis ad alia detorquent Leonardus Augustinius, & Paulus Alexander Eques Maffei, quos vide (2). Fretus autoritate Livii rationes adtuli in Museo Florentino, (3) cur NUMA POMPILIUS velato capite, vota & sacra facientium more, sculptus sit; nam hoc habitu primus post Romulum, quadragesimo aetatis suae anno, omnium suffragiis, Curibus Sabinorum per Legatos aditus, Romanorum Rex salutatus memoratur. En disertissimum Livii testimonium (4). *Aditus sicut Romulus augurato in Urbe condenda, regnum adeptus est, de se quoque Deos consuli iussit. Inde ab Augure, cui deinde honoris gratia publicum id perpetuumque sacerdotium fuit, deductus in arcem, in lapide ad meridiem versus consedit; Augur ad laevam,*

t

EIUS

---

(1) Vide in Thesauro Morelliano Vol. I. Tab. II. num. V. & Tab. III. num. II.

(2) In Par. I. *le Gemme figurate* Tab. I.

(3) Ad Tab. I. Vol. I. pag. 5. & 6.

(4) Lib. I. Hist. Rom.



EIUS VELATO CAPITE, *Sedem cepit ec.* Adcedit Plutarchi testimonium (1), qui eum velato capite, solemnibus auspiciis, & precationibus regnum adeptum fuisse affirmat.

TABLE LV.

LUCRETIA.

**A**LIO modo in perrara Gemma antiqui operis a me edita in Museo Florentino Tab. I. num. II. efficta est imago LUCRETIAE, forma, spectataque castitate inter Romanas ornatissima; nam incomti eius capilli negligentiore cultu revincti sunt; ipsa vero vultu moerorem ostendit ob inopinatum dedecus vi corpori suo, non animo inlatum a Sexto Tarquinio, Superbi Regis filio, infixumque in pectore gerit gladium. Aliter vero aetate nobis proximi Scalptores Gemmarii eam effingunt; cuius exemplum est perpulchrum hoc opus Chalcedonio exscalptum, in quo LUCRETIA partim nudo pectore, partim amictu exhibetur, quae gladio se interimit laeta atque intrepida; cuius capitis cultus alicuius Matronae expressam imaginem Artifici notam, & tempora nobis propiora perspicue declarat. Verum Gemma opificio nobilis est, & spectatu digna.

TA-

---

(1) In eius Vita.

## T A B U L A L V I .

## L. IUNIUS BRUTUS.

**Q**Uamquam neoterici Artificis manum redoleat haec imago BRUTI, qui, vindicato Lucretiae dedecore, Tarquinio Regi Romanum ademit imperium, & civium libertatem forti ac magno animo adseruit, condita Republica, quam annuo cum imperio creati Consules moderarentur; tamen affabre Onychi insculpta est haec nostra imago, adeoque valde commendabilis. Primus BRUTUS barbatus in antiquis monumentis exhibetur; alter vero Caesaris interfector imberbis, ut videre est in Museo Florentino Tab. I. num. IX.

## T A B U L A L V I I .

## CAIUS MARIUS.

**P**eritissima Gemmarii Opificis manu Chalcedonio exscalpta est imago C. MARII, quae optime respondet, maximaque similitudine exprimit antiquam marmoream protomam, quae spectatur in Florentino Imperiali Museo. Triumphalibus vestibus & ornamentis decorum doctus Scalptor exhibuit, quae multum dignitatis egregio operi conferunt. Nihil propositum est, quod ab Antiquitatis regulis recedat. Perlubet tanti Viri gesta exponere pulcherrimo elogio, quod antiquitus ornabat Arretinum Amphitheatrum eius Statuae subiectum, quod vetustiores Antiquarii, inter quos F. Iucundus Veronensis recensetur, nobis servarunt, docent-  
que



que eorum Codices saeculo XV. exarati (1): C. MARIUS C. F. Cos. VII. Praetor. Tribunus Plebis Q. Aug. Tribunus Militum. extra sortem bellum cum Iugurtha Rege Numidiae Pro Cos. gessit. cum cepit. & triumphans in secundo Consulatu ante currum suum duci iussit. tertium Consul apfens creatus est. IIII Cos. Teutonorum exercitum delevit. quintum Cos. Cimbro fudit. ex iis & Teutonis iterum triumphavit. Rempublicam turbatam seditionibus Trib. pleb. & Praetorum, qui armati Capitolium occupaverant VI Cos. vindicavit. post LXX. annum patria per arma civilia expulsus. armis restitutus. VII Consul factus est. De manubiis Cimbricis & Teutonis aedem Honori & Virtuti victor fecit. veste triumphali. calceis patriciis &c. Reliqua defunt fracto marmore. Insigne opus ac praenobile adservatur in meo Museo, nempe segmentum omnium quotquot exstant maximum, Lithostroti quod Praeneste in Delubro Fortunae ex voto fecit L. Cornelius Sulla, eodem Mario devicto; quod laudat Plinius (2) veluti primum picturae musivi operis exemplum, quod ea tempestate stupentes Romani conspexerunt (3).

## T A B U L A LVIII.

### POMPEIUS MAGNUS.

**C**Larus, diuque felicissimus fuit CN. POMPEIUS MAGNUS, qui tres gessit Consulatus, totidemque triumphis in Romana Republica iterum Imperator,

(1) Vide Par. II. Inscript. antiq. Etruriae Urbium pag. 248. ubi & meas observationes adieci.

(2) Hist. Nat. Lib. XXXVI. Cap. XXV.

(3) Aereae Tabulae incisum adiecta magnitudine proposui in Par. II. Inscript. antiq. Etruriae Urb. Tab. II. & observationes adieci pag. XLVIII.

tor, Praefectusque orae maritimae & Classis ex Senatus-consulto, celebre nomen suum posteris reliquit. Alexandrum Macedonum Regem aemulandum sibi proposuit. Anno aetatis suae quinquagesimo octavo victus acie Pharfalica, quum ad Ptolemaeum in Aegyptum confugisset, in eius conspectu, & iunioris filii, capite truncatus pridie natalem suum occubuit. Imago haec exquisito opificio Sardae insculpta, expressa diligenter est ad exemplum aurei & argentei numi, qui adfertur in Morelliano Thesauro Tab. II. num. I. quem vide.

## T A B U L A L I X.


### M. ANTONIUS & CLEOPATRA.

**P**raeclari Gemmarii Artifices, qui non pecuniae, sed gloriae studio flagrant, ea sibi proponunt emblemata, & capita Inlustrium Virorum, quibus & nomen, & ingens decus sibi comparare possint. Opifex huius Gemmae in Romana Historia percelebrem **MARCUM ANTONIUM** cum **CLEOPATRA** Aegypti Regina, iugatis capitibus, Achatii egregio artificio insculpsit; cui persimile opus, ut ferunt, exstat in ditissimo Christianissimi Galliarum Regis Thesauro. Ne quid in vestibus M. Antonii effingendis peccaret, clypeum adposuit, duobus lauri ramusculis ornatum. Praeterea & **CLEOPATRAM** sparsis perpulchris comis luxuriantem ex ingenio exhibuit.

Memoranda est insignis Gemma, quinque unciarum altitudinis, totidemque latitudinis, quam profert Celeberrimus P. Bernardus Montfauconius Cap. XVII.




Diarii Italici pag. 242. quam , ut ait , penes se habuit , pretio , & Sculpturae ratione singularissimam ; in qua anaglyptico opere Achatī exsculpti spectantur , proprio vestium , & capiti cultu , M. ANTONIUS laureato capite a dextris , CLEOPATRA vero a sinistris , ad imam usque pectoris partem egregie caelati.



## T A B U L A L X.

### F E M I N A I G N O T A.

**I**Ure ac merito ii damnantur ac reprehenduntur Antiquarii , qui plerumque sine iudicio , atque ex ingenio adfirmant , & quid certum statuunt in rebus dubiis ; quod omnino vitandum est : quapropter in hac ornatissimae FEMINAE effigie licet alii agnoscant vel Cleopatram , vel Berenicem , ego nec agnosco , & nihil statuo . Illud adfirmo , neoterici Sculptoris eximium esse opus , & commendatione dignum.



## T A B U L A L X I.

### I U L I U S C A E S A R.

**I**N Gemmis antiqui operis imago C. IULII CAESARIS non solum exhibetur capite laureato , verum etiam cum lituo Auguratus insigni , & cum stella ei sacra ante frontem ; quod & in numis eius obser-

vatur . Lauream perpetuo lubenter gestavit Senatus Populique decreto ; stella vero ad eius apotheosim & caelestem originem declarandam pertinet ; nam eo extincto , edente Augusto in eius honorem ludos , Veneri Genitrici consecratos , per septem dies stella effulsit , qua creditum est eius animam in Veneris astrum migrasse . Artifex huius praestantis operis , quod exhibemus , quum ex antiquis monumentis IULII CAESARIS effigiem anaglyptica sculptura in Chalcedonio accurate expressisset , sola corona laurea eum ornavit . Ex ipso vultu elucet divinum eius ingenium , vigor animi , consiliorum magnitudo ; fuetus simul scribere , & legere , dictare & audire ; magnus Historicus , Orator , Mathematicus . Magnifica eius aedificia periere ; sed eius Commentaria , temporum devicta iniquitate atque iniuria , adhuc vivunt , & perennant : proinde apud Lucanum sic merito gloriatur ,

---- *media inter praelia semper  
Stellarum caelique plagis , superisque vacavi ;  
Nec meus Eudoxi vincetur fastibus annus .*



## T A B U L A L X I I .

### L I V I A .

**L**IVIAM Livii Drusi filiam , Tiberii , & Drusi matrem , C. Augusti uxorem omnes norunt ; eiusque vitam tam Graeci , quam Latini historici litteris confi-



consignarunt. Quamobrem de ea nihil addam, praeter quae ad hanc gemmam spectare videntur. In ea illius caput velatum, laureatumque conspicitur, quod proprium sacrificulorum erat. Compertum autem est ex Dione ( l. 56. pag. 600. ) Senatum caelestes honores post apotheosin Augusto, & templum dedicasse, & insuper Sacerdotem ei decrevisse, quod munus LIVIAE tributum est, quae tunc Iulia vocabatur, & Augusta, quod eam in filiam Augustus vir eius perverso ordine adoptasset. Ea deinde festum in Augusti honorem pariter instituit, quod tribus diebus in palatio celebrabat, ut idem Dio (ibid.) adfirmat. Qui hanc caelavit gemmam artifex, ad haec animum intendisse putarim, ideoque caput eius tali amictu, & ornatu composuit, qui sacrificantium peculiaris est, ut non solum ex innumeris Scriptoribus, verum ex totidem marmoribus antiquis patet: quae quum nimium pervulgata sint, hic recensere supervacaneum putamus. Vide sis tab. LV. tom 3. Musei Capitolini, in qua Adriani sacrificantis statua representatur capite velato.



## T A B U L A LXIII.

### T I B E R I U S C A E S A R.

**Q**uidquid adulatio iactare possit dum Principes laudantur, facile quisque intelligere potest, si Velleium Paterculum in sua Historia laudantem **T I B E R I U M C A E S A R E M** audiat. (1) *Tiberius Claudius Nero*

---

(1) Lib. II. Cap. XCIV.

Nero innutritus caelestium praeceptorum disciplinis , iuuenis , genere , forma , celsitudine corporis , optimis studiis , maximoque ingenio instructissimus ; qui protinus quantus est , sperari potuerat , visusque praetulerit Principem : Quaestor , undevicesimum annum agens , capeffere coepit Rempubicam , maximamque difficultatem annonae , ac rei frumentariae inopiam , ita Ostiae , atque in Urbe , mandato vitrici moderatus est , ut per id , quod agebat , quantus evasurus esset , eluceret . Sed quibus vitiis & turpitudinum infamia flagraverit , ex Suetonio in eius Vita satis superque exploratum est , qui haec ad eius effigiem pertinentia adnotavit (1) : Colore erat candido , capillo pone occipitium submissiore , ut cervicem etiam obtegeret , praegrandibus oculis , & qui ( quod mirum esset ) noctu etiam & in tenebris viderent , sed ad breve , & quum primum a somno patuissent ; demum rursus hebescebant . Incedebat cervice rigida , & obliqua , adducto fere vultu , plerumque tacitus ec. Haec omnia tum ex Scriptoribus , tum ex antiquis numis , & marmoreis protomis accurate observavit , & egregio opificio expressit huius anaglyphi operis Caelator , quem laude dignum censemus .

## T A B U L A LXIV.

## C A L I G U L A .

**Q**uid ni haec protome saevissimum exprimat Imperatorem CALIGULAM nemo dubitabit , qui memoria teneat Suetonii verba cap. 50. in CALIGULAE  
 x ipfius

(1) Cap. 68.



ipsius Vita, qui de eius forma haec habet: *Gracilitate maxima cervicis (sunt), temporibus concavis, fronte lata, & torva, capillo raro, vultum vero natura horridum, & tetrum.* In hujus gemmae occipitio prope cervicem capilli proceriores videntur non ingenti, sed adscititii, quod omnino respondet Senecae verbis de Constantia cap. 18. *Tanta illi palloris insaniam testantis foeditas erat, tanta oculorum sub fronte anili latentium torvitas, tanta capitis destituti, & emendicatis capillis aspersi deformitas ec.* Hinc probe comatorum, invidentia ductus, quam maxime osor fuit, unde *pulchros, & comatos* (ut ait idem Suetonius) *occipitio raso deturpabat.* Hac de causa filium Pastoris interfici iussit, *munditiis eius* (ut idem Seneca ait) *& cultioribus capillis offensus* (Sen. de Ira, 3. c. 19.). Haec vultus CALIGULAE lineamenta, & capillorum modos quodammodo consequi possumus ex hac anaglypha Achate, in qua coma ad cervicem in occipitio vergens adscititia apparet. Ex nummis, & ex capitibus sive marmoreis, sive aeneis, huius Imperatoris, quae supersunt, & praecipue in Museo Capitolino omnium praestantissima, compertum est, non adeo mentosum fuisse, ut in hac gemma apparet.

## T A B U L A L X V .

## G E R M A N I C U S C A E S A R .

**H**Abemus imaginem GERMANICI CAESARIS in Sardonyche excisam ab EPITYNCHANO Scalptore praestantissimo, qui ea aetate vivebat, & in Caesarum domo versabatur; quam in lucem dedimus in Museo Florentino ex archetypo Stroziae Daëtyliothecae (1). Noster Gemmarius Opifex eam sibi imitandam proposuit; sed eius vultum aetate paullo provectiore egregia manu expressit, exscalpto Chalcedonio. Hunc Tiberius Romano imperio dignum Principem, Pisonis fraude, sustulit; quum omnium votis expeteretur, ut ipse regnaret. Egregia fuit forma, ac generoso vultu, visuque & auditu iuxta venerabilis, qui quum magnitudinem & gravitatem summae fortunae retineret, invidiam, & arrogantiam effugerat; ut ait Tacitus (2).



## T A B U L A L X V I .

## F E M I N A I G N O T A .

**F**Atendum est, huiusmodi opus arte consummatissima ab eximio Opifice anaglyphica sculptura in Chalcedonio sculptum esse. Si singula spectemus vultus lineamenta, oculorum pulchritudinem, crinium per-elegantes plexus, colli & humeri concinnitatem,

y                      omnia

---

(1) Vide Vol. II. Tab. IX. num. I. & in Stofchiano Opere Gemmar. cum Artif. nom. Tab. XXXII. pag. 42.

(2) Annal. Lib. II.



omnia peritissimi Artificis redolent studium, solertiam, & scalpendi felicitatem. Numquam tamen quis fatebitur, eum exhibere voluisse Agrippinam Germanici, quae aliter in numis, & marmoribus antiquis repraesentatur. Satius est vultum latere nos ignotae feminae ultro fateri, quam contra veritatem pugnare.

T A B U L A L X V I I .  
A N T O N I A A U G U S T A .

**O**ptime respondet imago haec praecellenti opere e Chalcedonio excisa, antiquis numis, in quibus exhibetur vultus ANTONIAE AUGUSTAE, quem ex ipsis excepit diligentissimus Opifex. Convenit etiam cum eximia Gemma Mediceae Dactyliothecae, quam exhibuimus (1); quamvis in nostra, aetate magis provec̃ta spectetur. Equidem, ut testantur Historici, fuit modesta, sapiens, pudica, frugi, casta, blanda; quae & dum viveret, & post obitum divinos honores consecuta est.

T A B U L A L X V I I I . L X I X .  
C L A U D I I E T M E S S A L I N A E C A P I T A .

**Q**UI Smithianae Dactyliothecae Gemmarum Catalogum mihi exhibuit, censet optimo opificio in Sarda hac insculpta esse iugata capita CLAUDII CAESARIS & MESSALINAE; quae aliis expendenda relinqu.

---

(1) Vide Musei Flor. Vol. I. Tab. IV. num. VI.

quo. Sequitur in altera Tabula LXIX. Feminae mihi ignotae imago; quae quum pectore partim nudo, partim amictu luxuriet, specioso titulo MESSALINAE multorum flagitiorum cupidissimae tribuitur; de quibus nihil mihi dicendum superest, & de impositis nominibus valde dubito.

T A B U L A LXX.

IMP. SER. SULPICIUS GALBA.

**O**ptimus Scalptor in hac imagine SER. SULPICII GALBAE Sardae incidenda eam sibi, ni fallor, proposuit quae exstat in Florentino Museo (1), quae est eximiae magnitudinis, & operis exquisitissimi. Cum ea probe concordat; nisi quod Medicea circa collum chlamyde, seu paludamento ornata conspicitur; siquidem ob res strenue in Africa, & in Germania gestas triumphalia meruit ornamenta.

T A B U L A LXXI. LXXII.

M. O T H O C A E S A R .

**I**mperatoris Caesaris OTHONIS effigiem ita pingit Suetonius, quae huic imagini ex antiquis numis vel gemmis expressae probe respondet. *Fuisse traditur & modicae staturae, & male pedatus, scambusque; munditiarum vero paene muliebrium, vulso corpore, galericulo capiti propter*  
vari-

---

(1) Vol. I. Tab. VI. num. II. pag. 23. & 24.



varitatem capillorum adaptato & ita annexo, ut nemo dignosceret: quin & faciem quotidie rasitare, & pane madido linere consuetum; idque instituisse a prima lanugine, ne barbatus unquam esset. Caput nudum est, laurea corona minime revinctum; quemadmodum & in Gemma Medicea, & marmorea protome, atque etiam in numis occurrit.

In altera, quae sequitur Tabula LXXII. idem Imperator affabre sculptus est exstanti opere in Chalcedonio.

TABLE LXXIII.

IMP. A. VITELLIUS.

**H**Actenus complura monstra, non homines, vidimus, quibus olim Romanum Imperium paruit, & vitiis obrutum est. En VITELLII effigies, quae probe cufis numismatis respondet, ad quorum fidem a perito Scalptore Onychi bicolori insculpta cernitur. Eam ita describit Suetonius in eius vita (1): *In eo enormis proceritas, facies rubida plerumque ex vinolentia; venter obesus.*

TABLE LXXIV.


TITUS CAESAR VESPASIANUS.

**A**Mor & deliciae generis humani faustis omnium adclamationibus appellatus est **TITUS VESPASIA-**

---

(1) Cap. 17.

SIANUS AUGUSTUS, cuius imago absolutissima est, in Cyaneo lapide anaglypha caelatura egregie expressa, quae olim Cimelia Inclutae Suecorum Reginae ornavit. Egregia fuit forma, cui non minus auctoritatis quam gratiae fuit. Silentio minime praetereundum est elogium, quo eum ornat Suetonius in eius vita : (1) *Natura benevolentissimus fuit . In ceteris vero desideriis animi hominum obstinatissime tenuit , ne quem sine spe dimitteret : quin & admonentibus domesticis , quasi plura polliceretur , quam praestare posset ; non oportere , ait , quemquam a sermone Principis tristem discedere . Atque etiam recordatus quondam super caenam , quod nihil cuiquam toto die praestitisset , memorabilem illam , meritoque laudatam vocem edidit : AMICI , DIEM PERDIDI .*



## T A B U L A L X X V .

### I U L I A A U G U S T A .

**C**Halcedonio pereleganti opere, & anaglypha sculptura caelata est imago IULIAE AUGUSTAE e Martia, Titi filiae, quae etiam cum praestantioribus numis a Vaillantio editis probe concordat . In vestium & capillorum cultu perita Artificis manus perspicue elucet . Carpentum ei decretum a Senatu Populoque Romano, & post eius obitum divinos honores , numismata testantur .

2

TA-

---


(1) Cap. 8.



## TABULA LXXVI. LXXVII.

IMP. DOMITIANUS.

**D**OMITIANUM ita pingit Suetonius (1): *Statura fuit procera, vultu modesto, ruborisque pleno, grandibus oculis, verum acie hebetiore: praeterea pulcher ac decens maxime in iuventa -- postea calvitio quoque deformis. In priore Gemma laurea redimitus; in altera vero sine laurea peritissimo opificio sculptus cernitur.*



## TABULA LXXVIII. LXXIX.

HADRIANUS AUGUSTUS.

**F**Requenter occurrit non solum in Gemmis, verum etiam in marmoribus sculpta HADRIANI CAESARIS imago, qui claruit non solum litteris, & armis, sed & egregiis artibus, tum picturae, tum sculpturae atque architecturae. Primus Caesarum aliquantulum proluxa cum barba occurrit, quam multis itineribus & peregrinationibus distentus nutrit. In priore Gemma insignis operis provectiorem aetatem praefert, in altera vero elegantissima minus provectam; laurea corona & paludamento in priore tantum conspicuus occurrit.

TA.

---

(1) In eius Vita cap. 18.

## T A B U L A L X X X .

## S A B I N A A U G U S T A .

**O** Pificii elegantia & pulchritudine eminet imago haec SABINAE AUGUSTAE , quae exhibetur adhuc vivens, matrimonio iuncta Hadriano Imperatori ; nam caput Augustarum Feminarum more mitella, five anademate ornatum non habet, sed apertum ; secus vero in aliis sculpturis , quum velato capite post obitum conspicitur, ut in duabus eximiis protomis Musei Florentini Tab. XI. & XII. Voluminis I. quibus ornamentis divinitatis insignibus, tanquam consecrata, & inter Deos recepta manifeste declaratur . Quamvis autem Scriptorum testimoniis non constet, eam post mortem in Dearum coetum relatum fuisse ; tamen ex editis numismatis perspicue colligimus, a Senatu Deam Divamque declaratam, ac divinis honoribus cumulatam fuisse . Testis est aquila, quae Augustorum animas sideribus receptas monet, quae in eius numis occurrit, cum epigraphe DIVA. AVG. SABINA. CONSECRATIO. Neptis fuit Traiani, Matidiae filia, iunioris Matidiae soror, egregiis animis dotibus ornata, etsi vitiis quoque non caruerit. Oris maiestas cum quadam severitate & gravitate coniuncta probe cum eius imaginibus aere expressis convenit.



T A B U L A LXXXI.  
LXXXII. LXXXIII.

A N T I N O U S H E R O S .

**Q**uemadmodum in Numismatum Augustorum collectionibus ANTINOUS cum Hadriano Imperatore coniungitur, quia eius comes fuit, itinerum socius, & maximo amore dilectus; ita etiam in Gemmarum syntagmate, & Dactyliothecis opulentioribus, ab eodem Caesare non seiungitur hic adolescens, eius delictum; qui se pro eius salute devovit, & post mortem divinos honores toto fere orbe consecutus est. Hinc *Heros* adpellatus; quod nomen non solum in editis numismatis maximae magnitudinis, quae e regis Cimeliis Musei Florentini evulgavimus, legitur, verum etiam in Gemmis, ut in hac nostra, quae Tab. LXXXI. exhibetur, in qua opificio pulcherrimo per-eleganter insculptus est; quod perhonorificum vocabulum diversimode scriptum est; nimirum ΗΡΩC. ut in hac Gemma; modo ΗΡΟC. modo ΗΡΩΟC. modo ΗΡΟΟC. Heroum nomine eos Antiqui donabant, qui eximium aliquod beneficium mortalibus praestitissent, vel rerum gestarum gloria supra mortales omnes praecelluissent. Verum Antinous non solum Heros, verum etiam *Deus* adpellatus est, & cum Diis thronum ei adsignatum, tributos Sacerdotes, Prophetas, dedicata templa, aras, facta sacrificia, instituta in eius honorem certamina, adtributa oracula, festa, statuas, omnibus denique honoribus cultum tum numismata, tum scripta marmora tota Grecia ei consecrata luculenter testantur. Idem  
etiam

etiam ut supra Heroas omnes opinione divinitatis , & maiestatis honore celebraretur , colereturque , tum Bacchi , tum Mercurii specie atque habitu effectus est ; quod praesertim Smyrnenfes , & Adramytteni fecerunt . Tarsenses eum tanquam novum Apollinem Pythium coluere .

Praecipua celebritate , & divinorum honorum in eum conlatione omnes Asiae regiones superavit Aegyptus , quae eum Nilo , & Geniis Socium , eiusdemque throni consortem decrevit , & consecravit ; quin etiam , quum eius aquis demersus interiisset , aequali cultu , ut prona in Hadrianum adulatione praecellerent , exornarunt . Hinc singularis , atque mirabilis mihi videtur eius imago adlata in Tabula LXXXII. quae eum udis capillis , veluti Nili aquis emersum , exhibet ; adiecta loto , sive trifolio Nilotico , veluti eius consecrationis symbolo ; qui flos ex aquis Nili adsurgit , ut perspicue videre est in insigni omniumque maximo Lithostroti Praenestini Delubri segmento , quod in meo Museo adservatur , a me prolatum in Par. III. Inscriptionum antiquarum , quae in Etruriae Urbibus exstant : quo etiam flore ornata Deorum Aegyptiorum Isidis , Harpocratis , Anubidis , Conopi , ceterorumque capita passim in antiquis sculpturis , atque etiam in numis spectantur ; de quo non pauca ex penitioribus eruditae Vetustatis adytis nuper protulit Vir Celeberrimus multorum egregiorum operum parens Iulius Carolus Schlaegerus , Philologus Helmaestadiensis , mihi amicissimus , in Commentatione de Numo Hadriani plumbeo , & Gemma Isiaca &c. Recedit , fateor , haec Antinoi effigies ab aliis eius imaginibus , quae iam ex eius signis marmoreis , numis , & gemmis depromptae innotuerunt ;

*a a*

tamen ,



tamen, ut non sine ratione suspicer in hac pereximia Gemma **ANTINOUM** tanquam Dei Nili Genium sculptum esse, ille ipse loti flos mihi suadet; quod tamen iudicium ex his coniecturis depromptum, doctorum hominum calculo lubens submitto.

De altera **ANTINOI** imagine pulcherrimo opificio expressa, quae in Tabula **LXXXIII.** producta est, nullus est ambigendi locus; nam oris ac vultus lineamenta mirifice conveniunt, ac probe respondent omnium insigni atque incomparabili marmoreae eius Protomae, quae Eruditorum omnium stupore & admiratione commendatur, atque inter rariora regii Florentini Cime-liarchii censetur. Praeter chlamydem, qua tum Dii, tum Heroes decorantur, in hac Gemma elegantissima hastam tenet, quae insigne est divinitatis; & notum est, pro ipsis Diis hastas cultas, unguentisque perfusas, maximo in honore apud Antiquos fuisse: de quo cultu alibi disseruimus.

Quum perrara sint, & maximi pretii numismata, quae **ANTINOUM** Hadriani Caesaris delictum praeferunt, ab Asiae Civitatibus percussa, quae eum immaturo inopinatoque fato functum veluti Heroam divinis honoribus adfecerunt; nil mirum si Scalptores, qui floruerunt, & adhuc florent, in eius imagine exhibenda summis ingenii & artis viribus defudarint. Nuper Felix Bernabeus Florentinus, egregius Scalptor, in parva Gemma eiusdem **ANTINOI** imagine pectore tenus sculpta, totam in ea venustatem admirandumque opificium inclusit, quo summis laudibus celebratur rarissima ac perinsignis marmorea protome **ANTINOI**, quam Roma Florentiam transvehendam iussit Serenissimus Cardinalis Leopoldus Medices, qui morae impatiens ad quartum

tum usque extra Romanam portam lapidem , aurato curru sex equis vecto , obviam processit , aperta-que capsa diu eam contemplatus est , & in curru suo ad regium Museum suum perducendam , atque in eo tanquam artis miraculum statuendam praecepit . Si mihi opes essent , id unum curarem , ut praestantes Caelatores Gemmarii vel opere anaglypho vel diaglypho in lectissimis ac pulcherrimis Gemmis tum Caesarum , Augustarumque , tum etiam Heroum & inlustrium Virorum imagines vel ex protomis , vel ex Statuis omnium probatissimis praestantium Graecorum mihi referrent tum imitatione , tum elegantia consummatissimas .

Tres heic habemus ANTINOI imagines , quas mihi ignoti Artifices eleganti opere Gemmis insculpserunt .



## T A B U L A LXXXIV. LXXXV.

### ANTONIUS PIUS ET FAUSTINA.

**S**pecie ANTONINI PII & FAUSTINAE , potius coniugum nobis incognitorum par sculptum exstanti opere Chalcedonio mihi videtur . Opus ipsum & spectatu , & multa commendatione profecto dignum adparet ; vultusque eximium decus & dignitatem praefecerunt .

In altera quae sequitur Tabula LXXXV. miro prae-cellentique opificio Matrona sculpta spectatur , forma conspicua , neque erit absurdum coniicere , in ea quid regium & nobile elucere ; & si oris lineamenta , capillorum , & vestium cultus accurate observentur , ad vivum expressam Principem feminam dicemus , non vero aliquam ex Augustis mulieribus , quibus haec ornamenta non conveniunt .

TABU-



## TABULA LXXXVI.

M. AURELIUS CAESAR.

**B**ELLO insignis, litteris clarus, & eloquentia conspicuus fuit M. AURELIUS, cuius imago eximio opere Helitropio insculpta heic cernitur. Videtur tamen vultu gracili, & sicciore, promissaque & convoluta barba, quid praeferre, quod ab eius marmoreo vultu, & imaginibus in numis expressis non parum recedit; tamen probabile est, Scalptorem eum sibi proposuisse, qualis fuit aetate in senium vergente.

## TABULA LXXXVII. LXXXVIII.

FAUSTINA IUNIOR.

**P**rimum occurrit FAUSTINAE iunioris imago egregio exquisitoque artificio Sardae insculpta, quae cum antiquis imaginibus probe concordat. Abhorret vero ab eius icone altera Gemma, quae imaginem non eiusdem Augustae feminae, sed effigiem alicuius mulieris aetatis nobis proximae egregia arte exprimit, quam aliis indicandam relinquo.

## TABULA LXXXIX.

L. AELIUS VERUS CAESAR.

**R**Omani orbis imperio dignus Hadriano Imperatori visus est L. AELIUS VERUS, antea L. Cesonius Commodus adpellatus, quem in Aeliam familiam

liam adscitum adoptavit, sibi que propter maiorum suorum gloriam, eiusque praeclara studia ac merita, successorem delegit. Verum nondum peracto anno post adoptionem, quod valetudine laboraret, celeri fato occubuit. Ex antiquis exemplis, & facile ex ectypo Mediceae Gemmae, quam in lucem protuli (1), ab optimo Artifice haec Gemma insculpta est.



## T A B U L A X C.

## M. AUR. COMMODUS.

**P**Utant aliqui in hac Gemma, nimirum Iaspide rubro, insculptum caput **COMMODI** Imperatoris; sed provectiorem aetatem tam perspicue ostendit (nisi tamen in delineanda Pictor erraverit), ut de ea non parum dubitem. Siquidem **COMMODUS** quatuor mensibus supra tricesimum aetatis annum ab athleta, a quo exercebatur, strangulatus interiit. Pulchram & virilem faciem praetulit, capillos flavos, & crispas, quos semper fucavit, & auri ramentis splendentes fecit, adusta sibi coma & barba, tonsoris timore. Lemniscis pendentibus laureatum habet caput. In numis occurrit Herculis specie, capite aperto leoninis exuviis & rictu, cum epigraphe: **HERCVLI COMMODIANO** (2).

---

(1) Musei Flor. Vol. I. Tab. XII. num. I. quam vide.

(2) Vide Vaillantii Numismata praestantiora.



## T A B U L A XCI.

## CRISPINA AUGUSTA.

**T**ribuitur haec imago, quam praefert Sarda bicolour, CRISPINAE AUGUSTAE, quae in ea sculpta exstanti opere creditur. Id vero non tam facile affirmari potest; nam vultus integer est, quod si esset obliquus, cum numis conferri posset.

## T A B U L A XCII. XCIII.

## DIDIUS IULIANUS IMP.

**E**legantissima eximii Sculptoris manu anaglypha sculptura Chalcedonio effictus cernitur DIDIUS IULIANUS AUGUSTUS, capite laureato, militaribus armis, & paludamento insignis. In numis aetate proVectior adparet; vixit autem annis sex supra quinquaginta; imperavitque duobus circiter mensibus; ita vero expressus cernitur in sequenti Tabula, Sardaeperta manu insculptus, in qua squamata lorica amictus spectatur.

## T A B U L A XCIV.

## SEPTIMII SEVERI AUG. FAMILIA.

**M**inimo in lapillo insculpta spectanda sunt quatuor capita invicem iugata SEPTIMII SEVERI & IULIAE AUGUSTAE eius coniugis laevorsum; dextrorsum vero filiorum eius ANTONINI CARACALLAE & GETAE  
eius

eius fratris . Peritissimi Opificis cum elegantia certat labor, qui minimo in spatio tam belle eorum imagines exhibuit.

---

T A B U L A X C V .

IMP. M. AURELIUS BASSIANUS ANTONINUS.

**S**Aevitia & crudelitate Imperatores omnes superavit ANTONINUS cognomento CARACALLA, cuius imago truculenta, horrida feritate plena, spectanda exhibetur, Chalcedonio egregio opere exscalpta. Novum ornamentum adiecit mihi ignotum ingeniosus Scalptor, circa pendentis chlamydis oram.

---

T A B U L A X C V I .

P. SEPTIMIUS GETA CAESAR.

**G**ETAM omnibus gratum, fratrem suum, in sinu matris occidit immanissimus Antoninus Caracalla, nomenque eius ex antiquis marmoribus eradendum, atque imagines evertendas praecepit. Sola numismata, protomae quoque marmoreae omnium tamen rarissimae, & gemmae antiqui operis eius effigiem blanda humanitate nitentem nobis ferverunt. In hoc Chalcedonio anaglyphica sculptura ab optimo Artifice ita exhibetur, quasi Herculem referat, vel Bacchum, eius tutelares Deos; quos sculptos cernimus in eius numo inter rariores adscribendo, cum epigramhe: DII PATRII .

T A-



## T A B U L A XCVII.

ELAGABALUS AUG. CUM IULIA SOAEMIA.

**N**ULLa in lapillis pretiosis insculpta imago occurrit, quae sive luxus, sive lucri causa, vel imperitorum quorundam hominum dexteritate, nomen, & plerumque speciosum, ac celebre, non acceperit. Chalcedonio exscalpta a nonnullis creduntur heic capita M. Aurelii Antonini ELAGABALI, & matris eius IULIAE SOAEMIAE, quae cum eo Senatum ingressa, Consulum subsellia occupavit. Verum quid sibi vult arcus pone ELAGABALI imaginem? Nescio quibus de causis ei tribui possit; ni dicamus, Scalptorem ex ingenio voluisse eum Apollinis, qui idem ac Sol est, matrem vero Dianae, seu Lunae specie designare; quum sciret eum Solis simulacrum, e Syria advectum, Romae in templo collocasse, seque eius sacerdotem fecisse; quapropter in numis *Sacerdos Dei Solis Elagabali* nuncupatur; & in eo perraro numo, in quo ipse togatus ad aram ignitam sacrificat, inscribitur: INVICTVS SACERDOS AVG. Haec utcumque se habeant, spectanda est Gemmarii Opificis peritia, qui huiusmodi imagines tam concinne & eleganter expressit; quamquam Historicae veritatis parum studiosus fuerit.

## T A B U L A XCVIII.

## P A U L I N A A U G U S T A .

**S**I haec imago viridi pretioso lapillo exstanti opere pereleganti exscalpta, cum editis praestantioribus numis conferatur, minime haesitabimus, putantes referre PAULINAM AUGUSTAM, Maximini Imperatoris uxorem, quam fato functam divinis honoribus consecravit; quapropter capite velato, Dearum more, exhibetur. Probe cum numis concordat, e quibus peraccurate excepta est.



## T A B U L A XCIX.


## I O A N N E S B A L E O N I U S .

**Q**Uamvis ob percelebre nomen eximii Sculptoris I O. A CASTRO BONONIENSI multum pretii, dignitatis, raritatisque tribuant periti veterum elegantiarum aestimatores huic & sequenti operi, quorum auctor fuit ea de re multis laudibus a Vasario commendatus; tamen si ipsae Gemmae spectentur, antiquorum operum gloriam ac praestantiam fatendum est non solum referre, verum etiam aequare. Quantum decoris, gravitatis dignitatisque praeferat haec incluti BALEONII imago eminenti sculptura e Chalcedonio excisa, nemo est aequus iudex atque huiusmodi raritatum peritus, qui bene non videat. De eius gestis, quae ex Historicis monumentis explorata sunt, nihil dico. Vides quanta in vultu, oculis, fronte, toto capite, pectore,

cc

& ve-

& vestibus fulgeat peritissimi Opificis sedulitas, labor, studium, diligentia; ut quasi voce & spiritu praeditam censeas mutam imaginem, qua nil pulchrius, nil elegantius, atque ad oris similitudinem & veritatem propius nihil effingi potuit. Pro summa laude solum Iohannis nomen indicasse sufficiat.



## T A B U L A C.

### M A R G A R I T A P R I N C E P S F A R N E S I A.

**S**Ed quibus laudibus nunc celebranda erit eiusdem praestantissimi Caelatoris virtus ac praestantia, qui inter Scalptores, veluti alter divinus Bonarrotius inter Statuarios, insignis censendus est, dum opere laboriosiore, plenoque maximis difficultatibus, anaglyptica caelatura Chalcedonio quasi viventem & loquentem exhibuit MARGARITAM FARNESIAM, Principem eximiis animi ac corporis dotibus praeclarissimam? Hanc Caesar Carolus V. eius parens connubio iunxit Neapoli cum Alexandro Medice, quem ad Florentinae Reipublicae regimen evexit. Mox vero, Alexandro e vivis erepto, cum Octavio Farnesio matrimonio copulavit; quae secum e Mediceo Thesauro quidquid pretiosum, praesertim ex lapillis & gemmis erat, in eam domum transvexit. In regendis in Belgio populis, eius prudentiam, humanitatem, pietatemque singularem commendat V. C. Muratorius (1).

In hac


---

(1) Annal. Ital. Tom. X. pag. 440.




In hac igitur admirandi operis Gemma eam vides in ipso iuventae flore egregia forma radiantem ; omnibus formosi vultus lineamentis diligenti opificio ita exsculptis, ut paene loquentem ac spirantem dicas . Capilli pluribus perelegantibus nexibus caput ambiunt & coronant ; quibus nil pulchrius, nil emendatius effingi potuit . Circa collum vestes, Hispanico cultu , itemque circa pectus, & brachia, circumeuntibus unionibus faberrime insculptae, laudatissimae Principis aequant decus, & maiestatem. Plus opificii, studii, aedificiarumque video in solo capite huius eximiae feminae, quam in pluribus iam editis ex his Cimeliis, quas proposuimus, Gemmis.







I







II





*Z. Batta Brustolon inc.*






III







IV








V








VI








VII









VIII







IX






X








XI









XII






XIII








XIV









XV






XVI







XVII








XVIII






XIX








XX








XXI







XXII








XXIII








XXIV







XXV








XXVI










XXVII






XXVIII









XXIX








XXX





XXXI




LEO MITHRIACUS






XXXII








XXXIII







XXXIV









XXXV








XXXVI






XXXVII








XXXVIII







XXXIX




FEMINAE

*Caput ignotum*




XL







XLI









XLII






XLIII









XLIV









XLV






XLVI









XLVII







XLVIII



*G. B. Brugnoton inc.*





XLIX







L








LI





LII




HANNIBAL  
*Karthaginensis*






LIII







LIV



NUMA POMPILIUS

*Romanorum Rex*




LV









LVI









LVII





LVIII








LIX










LX



FEMINA IGNOTA



LXI









LXII









LXIII







LXIV







LXV









LXVI






LXVII








LXVIII









LXIX






LXX









LXXI







LXXII






LXXIII









LXXIV









LXXV






LXXVI









LXXVII









LXXVIII







LXXIX









LXXX









LXXXI






LXXXII







LXXXIII















LXXXV








LXXXVI








LXXXVII






LXXXVIII








LXXXIX








XC







XCI








XCH








XCM






XCIV








XCV









XCVI







XCVII









XCVIII







XCIX





C















SLZJL  
#875-

SPECIAL 81-B  
FOLIO 175  
NK  
5565  
G662  
1767



